

LA
VAIASSEIDE
POEMA,
DI
GIVLIO CESARE
CORTESE.

IL PASTOR SEBETO,
A compita perfettione ridotta,

*Con gli argomenti, & alcune prose
di Gian Aleſio Abbattutiſ.*

Dedicata al Potentiſſimo RE
de' VENTI,



IN NAPOLI,
Per Nouello de Bonis. M.DC.LXVI.

Con licenza de Superiori.

Ad iſtanza d'Adriano Scultore al-
l'Inſegna di S. Marco.



A L O R R È³ DE LI VIENTE.



Auenno lo Signore Giulio Cefare Cortefe, dapò d'hauere qualche bota nzoperato da li studie Toscanife, e de chiù fonnamiento, pe pigliarefe quarche recrio, repuoso, e stennecchiamiento, compuoſto no Poemma Airoico à laude de le Baiaſſe de Napole, e dapò d'hauerence co no granne ſtimmolò, e ſpremmiento pēzeniato la notte, e lo iuorno, hauennolo à gran merzè d'Apollò ſcōputo, haueua fatto penziero dedecarelo a quarcuno, che nò le ſoſſe ſcanofcente como à li qualiſſe, che non tanto prieto l'haie norato co li ſcartafaccie tuoie, che quando t'affiontano fanno 'uſenta de non te canoſcere; io mò, perche le ſongo tanto affrettionato, le diſſe. Vi ca faie ciento arrure (frate mio) à ſceruellarete pe le gente de ſto munno, ca tu porriſſe dedecare l'opere toie à lo preuete Ianne, ca nce pierde la raſa, e quot peio, pe ghiòta de lo ruotolo, quanto ca te vide venire ciento rotola ſcarze, e chi te cerca no libro da ccà, e chi n'autro da llà, perche quando la caſa s'arde ſcarſammonce tutte, e cōme t'adduone ne'hauarraie reſuſo le legature, e le coperte de cuoiero, e cheſto è niente, a fronte à lo nſammoramiē-

to de chille, à chi se dedecano l'Opere, comme l'haggio prouato, io cchiù de quatto vote, che pe gran merzè hauimmo subeto sparentato. Perzò sarria de parere, che nò stampasse maie, ò si puro hauisse da fare sto spreposeto, sarria de penziero, che dedecasse à lo Viento, pòcca chisto deue essere lo chiù grann' hommo de lo Munno, ca da ogn'vno lo sento mentouare, decenno ca faticano ped'isso; veccote mò chille, che serueno 'n Corte, sierue mò, sierue pò, sierue hoie, sierue craie, quãto ched'è, ched'è, còm'haie fatto, e fatto, e portata l'acqua co l'aurechie à lo patrone, tocca ca t'è notte, e datte na vota, e leuate, tanto che puoie dicere hauere seruuto à lo Viento, e Dio sà quante ne songo de chille, che pe parte de darette sfatione all'vtemo de l'vtemo te ne fãno scire co na quarerà de furto. Lo Nnãmorato perzì passcia, rasca, sternuta, corre, suda, crepa, abbotta, chiagne, 'e sospira, e quando se penza hauerenn' à lo mmanco n'vuocchio à zennariello, quanto ca lo pueriello s'aschia hauere faticato à lo Viento, e de chesto se gualiaua lo Petrarca decenno.

(Quante speranze se ne porta il Vento.)
 Accolsi puro li pouere Poete. Soniette da ccà sdrusciole da llà, matricale à chisto, e barzellette à chillo, commo s'addona, seroua la capo vacante, lo stommaco deuacato, le goueta stracciate, sempe sta mpedepilo,

pilo, v'è sempre arreto comm' à lo funato, e
bà sempre nudo comm' à lo peducchio, e
quanto fa vace à lo viento, commo so ghiu-
te le cose meie. Perzò già che tutte serueno
à lo Viento, dalle tu perzì le cose toie, ca da
isso a lo immanco ne puoie hauere quarche
seruitio che non te lo po fare nesciun' altro
de chisse, che borriano essere scrute, e ren-
gratiate. Ausolate chesse ragioni, l'ammico
ch'è comprennuoteco responnette, pocca tu
(frate) ped'hauerelo seruito tanto haie pi-
gliato shiato cod'isso; dalle sto Poëma de
mano toia, ca m'accatte pe schiau ncatena-
to. Ora io, che non posso mancare de fauri-
re l'ammico, nè vengo à fa no presiento à
buie chiù ch'azzellente, a nomme, e parte so-
ia. Sopprecannoue ad azzettarene lo buon'
anemo, e ad essereue io nzemmera cò isso re-
commannate, essennonce mo chiù che maie
lo faore vuestro necessariò, pocca hauenno
viste tanta nostre fatiche iùte ufummo, e à
besentierio, ne'abbotta tale guallara (par-
lanno co lleuerentia) che si non nce mettite
ngratia de Scerocco, bisogna che nce fa-
cimmo na carriola, e ghiammo vennenno
storie de no tornese l'vna'pe potè campare.
De cchiù nuie altre Poete iammo sempre
nzenziglio co li vestite comm' à rezza de pe-
scature, e lo friddo nce trase pè fi à le cata-
melle dell'ossa, perzò facitece na saruaguar-
dia azzò Tramontana non nce dia fastidio
comm' à scructure vuestre, e tanto chiù ca a

lo tiempo d'hoie n'è possibile farese no vestito comm'à l'osanza, ca passaro chelle bone stasciune, che se portauano le brache cosute co le coscie, e la cappa ch'arriuaua a le tetelleche, ca mò t'hanno accacciato certe casacche co le pettole fi a le denocchie, lo ferraiuolo fi a li tallune, e de le manecche nè farrisse no paro de vrache, vi ca puoie trasire a no palazzo de quarche Signore si non, puorte le crespè co la posema, ca manco t'è tenuto mente, e no varua d'oro, ò no tenellaro si se mette no collaro de zizena scarcioffolato haue ciento lleuerentie da li Segnure, e po no Gentelommo co no collaro smerzato se porria spallare a salutarele, ca nou n'è fatto cunto, ma lassammo ire chesto; te prego ancora Signore Viento mio, che quanno iammo pe maro no nce facce assediare quinnece, ò vinte iuorne a quarche redduosso, perche nuie altre Poete credennoce: Omnia bona cum nobis portare, nce mmarcammo ascintte comm'ossa de piuna, e quanno nce ntrattenimmo niente niente, bisogna rosecarence penfi a la pecè, e lo siuo de la varca, e se puro quarche bota te vuoie ncepollare, e nzirriare, non te la pigliare co nuie altre vassalle obedientissime tuoie, che pe non te vetare la casa nostra, tenimmo le senghe de le fenestre tanto larghe, che nce puoie venire fi dinto lo letto, ma pigliatella co sti ribelle tuoie, che co bone ncerate, vetriate, vrasere-de fuoco, pellic-

licce, e panne de razza te teneno a la cāma-
 ra de miezo, e de cchiù pe despriezzo tuo
 hanno ashiata na mmentione d'aurinale
 de vrito pe metterence le cannele quanno
 ciancoleiano la sera; pigliatella perzi co st'
 huommene de doie faccie, co boffune sfiat-
 rapanelle, roffiane, e st'autre de buono stom-
 maco, ca chisse maie fanno niente se tene,
 ed ogne ncosa le vene colata, e le resce a
 pilo, e schitto pe lloro canta lo cuculo, ca
 ne'è hommo, che se vedesse ashienolite no
 vertoluso, e fosse puro Orfeo Rrè de l'au-
 cielle, se vedesse fà lo tratto a no poueriello
 pezzente, e se vedesse ire a lo vordiello na
 pouera figlia de mamma, no l'aiutarria mā-
 co de na spotazzella, e po te le refonne co
 la pala a sti cannatune sbregogna teniello.
 A chiste sì falle lo pco che puoie, ca non te
 danno maie niente, ò se puro te danno quar-
 che cosa, te danno schitto parole, ca porria-
 no prommettere mare, e munte ca tu puoie
 dicere co lo Pretarca.

(Ma'l Vento ne portaua le parole:)

Ma che bāo sopprecanno ste cose a Vosse-
 gnòria? vuie, che site la cortesia de lo Mun-
 no, e t'ashie sempe pronto a tutte li be-
 suogne de l'huommene, di ca po fà pastu-
 ne lo pasticciere si non l'aiute tu a farele
 ntorzare, di ca lo vritaro te porria fà vedè
 cose de l'auto munno senza lo faore tu-
 io, di ca no chianchiero pò scortecà no
 Crastato si tu mprimmo no lo faie ab-

bottare , anze pe causa toia fà parere na pel-
 lecchia de shianchetto grassa , e grossa , che
 te shionga nfacce , e si no polliero te vo fà
 parere no quarteciello de Crapitto quan-
 to na Coscia de Vacca, e no pollecino impa-
 stato quanto no gallo d'Innia , schitto che
 te dia lo signo co na cannuccia , te fà venire
 à fà sti spante . Comme porriano le gente
 darese quarche sfatione co li pallune, ò pal-
 lonette? comme se porriano asseccare li pan-
 tane co li mantece? cōme se portarria l'acqua
 ncoppa all'astreche co le trumme? comme
 se sonarriano l'vorgane? doue farria mo la
 Cetola , ch'è tanto gostosa , se tu non faciue
 cotolare le stentine de la Cestunia , da la
 quale Mercurio accacciaie la cetola , e sen-
 za te bisognarria fà no fuoco de tutte le
 zampogne, trommette, ciaramelle, fordelli-
 ne, trommune, e chiuchiare , che songo a lo
 munno ; anze haggio ntiso n'autra cosa , ca
 site stato tanto cortese à no cierto Titia To-
 disco, che l'hauite mostrato comme schitto
 co lo shiato vuestro senza autra porria-
 po sparà n'ategliaria ; Ma chi pò dicere
 tutte 'li fauure che buie facite a le gente ? ò
 Viento buono , ò Viento liberale . Senza te
 farriano funge le Naye a lo mantracchio ,
 senza te porria aspettà buono lo ferraro
 che se facesse caudo lo fierro , ne se porria-
 no lasà le scorze d'oua sane pe tirà lo
 Carneuale, ne se iettarriano ventose, ò se far-
 riano seruetiale senza lo shiato vuestro , ò
 vien-

viento piatuse , ehe quanno no pouerommo
 haue li butte , Schitto ch'allarga no poco
 le gamme tu l'alleggerisce lo dolore , e quã-
 ta femmene cadute da ncoppa l'astreche ,
 schitto c'haggiano fatto campanaro de la
 gonnella tu l'haie pontellate da sotto , e fat-
 tole benire senza pericolo à bascio , ò Viẽ-
 to forte che co li fracasse tuoie haie fatto
 nascere noue isole a maro , tu faie mace-
 nà cchiù grano à no molino , che si lo vo-
 tassero ciento caualle, tu faie mprenà le
 ghiommente à Spagna senza fare vescazzie.

Ora si site tanto seruetiale à chi non te
 face faore nesciuno , quanto cchiù potim-
 mo hauè speranza nuie, che te simmo ser-
 ueture, e nec puoie commannare à bacchet-
 ta? perzò te facimmo sto presiento, e con-
 chesto t'offerimmo tutte l'autre fatiche fat-
 te pe lo passato , pregannote pe d'vtemo de
 chesto, che se quarch'vno ped'essere tenu-
 to letterummeco volesse dicere male de
 chisso poemma, ò te ne porta , e spara sonna
 le chiacchiare soie, ò le manna tanta porua
 all'huocchie , che non vea l'arrure , che
 nce songo, e pe scompetura te vaso le ma-
 no, Da Napole duie mise nnanze l'Ottufro.

Trebutario vuostro

Gian'Alesio Abbattutis.

10
LO STAMPATORE
à li Leggeture.

LO Segnore Giulio Cesare Cortese
(accademmechescamente parlan-
no) lo Pastore Sebeto, hauenno visto ca
non cossì priesto cacava la Musa soia
no Canto de chisto Poemma, che subeto
n'era sorchiato comm'vono frisco è per-
tato mmocca à la stampa, e ca paric-
chie haueuano delli'aseno (colleuerëtia)
de dicere ca l'haueuano fatto lloro: s'cie
resoluto de scompirelo, e farelo stampa-
re, e ghire co lo nomme suo, azzo non se
pozzano chiù le gente cauzare li stina-
le suoie, commo hanno fatto fi mò, à peri-
colo de schiattarencille, perche le penne
d'anciello non ponno seruire pe barda.
io mò che faccio ca le Signorie Voste hā-
no golio de vederelo tutto comprito, ne
l'haggio zeppoliato, e co lecentia soia, e
de li Sopprimre l'haggio stampato co la
chiù granne dellecentia c'haggio potu-
to, e ne faccio no presiento à tutte chille,
che se lo iarrāno ad accattare à done se
venne.

L'Au-

L'AVTORÈ^{II}


A li Leggeture.



E cchiù de cincociento storie se pò vedere muto bene quanto songo state n'ogne ntiempo Llostriseme, e Nobeliseme le Baiaffe, e stenga zitto Homero, che dice ca li Pruoce se nnammorattero de Penelope, ca ne mente pe la canna, pocca se troua scritto, ch'erano spantecate pe le baiaffe; Ed Hercole hauenzo vengiuto tanta vestie, pe chiù granne grolia soia voze essere vaiassa, e co le baiaffe de Iole filaua tutto lo iuorno la lana. E chillo, che facette cacare de paura tutte li Troiane, non se vestette perzi da femmena, e p'hauere parte de le laude vaiassescche non se fece vaiassa de la bellisema figliola de lo Rrè Liccomerda? & Apoleio non vo-

ze cchiù pe na cernuta de Lucia vaiassa de Petronio, che pe tutte li sfuorge, e bellizze de Laura Bolognese? non voglio dicere mò de Sardanapallo, e de tant' altre, che bozero puro pruà tanta nobeletate, e grannezza de vaiasseiare, ca farria lo cùto de l' Huorco; vasta dicere ca cchiù priesto se portarriano contare à vno à vno tutte li vruoccole, che se magnano la Quaraiesema à Napole, tutte le cetrangola, che se spremmeno; tutte le zeppole, che sguigliano, e tutte le ranonchie de lo lago d'Agnano, che dicere la manco parte de le lloro grannizze, e bellezzetudene cose, e io mo, che me songo puosto à chisso ballo de poetare sopra de chelle, haggio gran paura de fare lo sauto d'Icaro, perche me voglio nzeccare à lo caudo sole de tante bellizze, co le scelle mpeccocate co la cera, ma non haggio ragione de dobetare, perche se Icaro cadette à maro, non comportarranno le piate se vaiasselle meie, ch'io puro me ne venga vrocio lanno nterra pel' ammore lloro, ma corrarranno tutte à rompecuollo co le pettole auzate pe m'aparrare,

rare, accossì cadeanno à lo ceniero, non
 me farraggio male, che stà speranza
 me face anemuso, tanto che me sfor-
 zarraggio, se no ntutto, à lo mmanco
 mparte dicerenne quarche cosa; ma
 perche l'autezza de la materia è ac-
 cossì granne, che nce vorria autra
 chiere coccola, che la mia, tutta vota
 m'arremetto à la sprofonna cortesia
 de vuie letture sapute, ca scosarrite
 l'arrure, che farranno n'chisto compo-
 nementto, consederanno ca non me
 scappa pe le brache l'arte rettoria de
 Tullio, ne la grammateca pelosa, e se
 puro nc'ashiate quarche cosa de buo-
 no, datene le gratie à Febo, ca issò pu-
 ro fù baiasso d'Ammeto, e mo hà vo-
 luto faurire le laude de la vaiaffaria,
 e pregannoue da lo Cielo sanetate, e
 tornise assaie: me ve requaquiglio.



A L E S D A M M E
Shiorentine .

H Aggio paura ca ste Dammecele
 se penzano ca sò quarche pacchiano,
 O ca so nato fuorze ad Antegnano,
 Che me fāno ogne ghiuorno guattarelle.

Ca sono segnorazze, e ca sò belle,
 Non fanno ca io sò Napoletano?
 Quanno le dico vaseue le mmano
 A che ferue sonà le ciaramelle?

H aggio strutto na coppola pe lloro,
 E faccio lleuerenzie co la pala,
 Ed esse sempe co lo risariello.

Stongo co no golio che me ne moro
 De veder' vna, che pe me se cala, (lo.
 Ma cchiù priesto hauarraggio lo scartiel.



D. E. L O S M O R F I A
Accademmeo Pacchiano.

Ferma ferma Poeta, affe c'haie tuorto
 Ire tant'auto co sti vierze tuoie,
 Ah poueriello vrciolare vuoie
 Azzò ne chiagna Lauenaro, e Puorta.

Còme sòCiuoto:vh ch'hauea lietto stuorto,
 Manco nce vco à l'vuocchie de li gruoie:
 Tu laude le baiasse ne? a ca puoie
 Ire, zompanno da l'Occaso, à l'Huorto.

Va puro, va Poeta, va mParnaso
 Ca na farma de frasche hanno cogliuto
 Le Muse pe te fare na corona .

Mo sì ch'ogne Poeta è no Paputo .
 E pò ire a strigliare lo Pegaso,
 Ca tu si l'arc' Abbate d'Alecona;



DE LO MMEDESEMO.

CAnta Poeta, canta
 Decean le Baiasselle
 A remmore de concole, e scotelle;
 Ed isso le respole,
 Che me darrite pò Sninfie moccofe?
 Tanno disse Paciona
 Co no trepete ncapo pe corona
 Hauarraie commo Rrè de là cocina
 No spito mmano, e ncuollo na mappina.

DE LO SGVESSA *Accademmecco Smatricolato.*

CHE bellizze d'Alena?
 Cheste brache salate.
 Belle sò le baiasse nnammorate,
 Ca pè lloro co mille frezze Ammore
 Spertosa l'arma, e smafara lo core.

DE LO CATAMMARO *Accademmecco Chiafeo.*

ORa stipate Ammore la frezzella
 Ca la vaiassa mia
 Dà mpietto à l'hommo co n'artegliarla,
 Ed eie schitto na tenutamente.
 Saglioccolata, truono, e fuoco ardente.

AR-

A R G O M I E N T O.

Cecca fà na nfroata à lo patrone
 De Renza, ca no l'haue mmaretata,
 Tanto ch'isso le dace sfatione,
 E lo zito, e la zita s'è corcata,
 Ma primma fà banchetto, e ncrosione
 Da le Sogre la zita è conzigliata
 Zò c'hà da fare, e'n chesto tutto fuoco
 Zoccola vene, e sconceca lo iuoco.

C A N T O P R I M M O.

I O canto commo belle, e bertolose
 Sò le baiasse de chesta Cetate,
 E quanto iocarelle, e broccolose,
 Massema quanno stanno nnamorate,
 Dirraggio po l'autre isce belle cose,
 Che fanno quanno songo mmaretate,
 Ma non faccio li vierze ntoscanese
 Azzò me ntenga ogn'vno à sto paiese.
 Haggie pacienza pe no poco, ò Musa,
 S'io te dongo la corda, ca besogna
 Sore mia bella fare commo s'vsa
 Pe non essere ditto, ò che bregogna!
 Hoie è peo stare co la vocca chiusa
 Ca la zella, la gliannola, e la rognà,
 Perzò nesciuno à Napole nce resta,
 Che no scache la carta co la ngresta.

Per

Perzò mò mme nè vengo adaso adaso,
Stipame de ienestre na corona,
Ca voglio tutto quanto nfi à lo naso
Nchireme de chell'acqua d'Alecona
Wiata te, se dintro de Parnaso
Me faie trasire co la cera bona,
Ca te imprommetto fare pe saluto
No pideto, no sauto, e no sternuto.
Hauera Renza n'anno, e miezo mese
Fatte le ghiacouelle à Menechiello,
Ma lo patrone ch'era Calaurese
Maie nce la voze dare à lo Zitiello.
Cecca che l'era mamma è cheito ntese
Le disse se non cagnie celleuriello
Farraggio che ccà dintro chiù non trasa,
Ma la faccio chiauare à n'autra casa.
Ca tu te la chianaste sola sola,
De dec'anne à sta casa la marella,
Che parena na lecora ngaiola,
E mò de le Baiaffe è la vauella,
Ca n'hà quaranta la scura figliola,
E la gonnella ancora è chella stessa,
Quanto disse allecorda quarche cosa
Musa ca sta materia è precolosa.
Sappe dicere tanto ncrosione,
Che fù contento de la mmaretare
E dezele tre onze lo patrone,
Perzò subeto fecero chiammare
Mineco ch'era à Zoccoli guarzone,
E bello nè la fecero portare,
Che ghiero chiù contiente, e conzolate,
Che chillo che bà nmiezo à li Confrate.

De-

Deceua ogn'vno à la bona hora sia.

Ve guarde ncocchia sempe lo Segnore,

Era co lloro maddamma Locia

Femmena vertolosa, e de valore,

E disse zitto zitto figlia mia

Teccote chisto lazzo de colore,

Ch'è buono arrasso sia p'ogne fattura

Chi sape figlia la mala ventura ?

Arreuate a la casa s'affettaro

A la tauola ch'era apparecchiata,

Cuotto ogne cosa, e subbetto manciaro,

E pe le fare nore fù cantata

Da no vecino lloro potecaro

Chesta canzona c'hauca accacciata

Vno cierto Poeta de la Marca

Non faccio si lo Dante, ò lo Petrarca.

Bella cocchia gentile quinci, e linci

Pozzate goder anco vn quanco lei

Pocca tu de bellizze passe, e vinci,

De lo Mercato tutti i semmidei,

E tutto questo Munno ancor costringi

Ad auzarete chille, e trofei,

Talche da Bacco à Tile p'acellenza

Se canta viua Menechiello, e Renza.

Fornuta che s'hauette sta canzone,

Che fece tutte quante ashienolire

Ogne baiassa prega Iacouone

Che le bertute lloro voglia dire,

Ed'isso pe le dare sfatione

Cossi decette, stateme à sentire

Ca de vuie mo dirraggio, ò vaiaffelle

Quanto site comprite, e quanto belle.

Songo

Songo le baiasselle iusto iusto

Cenere, e ghianche commo na rapesta

Coloritelle propio commo arrusto,

E saporite cchiù che n'è l'agresta.

O sia de lo Iennaro, ò sia d'Agusto

O iuorno de lauore, ò de la festa

Le bide chiù attellate, e chiù lucente,

Ca no lo S.A. le ghiommante.

Tutte sò shiure, e tutte penneriglie,

E canuacche, e scioccaglie, e zagarelle,

Se radeno lo fronte co le striglie

Pè parere chiù lustre, ianche, e belle,

Se vanno ntonacanno pò le ciglie

De mille scotellucce, ed aruarelle,

Che le patrone teneno stipato

Co l'acqua de cocozza, e solemato.

Le scarpetelle (ora lloco te voglio)

Chi vedde maie la chiù attellata cosa?

Dimmello à me ch'ancora me ne doglio,

Petche à ste spalle n'hauiette na ntosa,

Craie, ò pescraie penzo c'arrecoglio,

E n'accatto no paro à Pretiosa

De sommacco piccato co la sola

D'ynnece punte, pe mò ch'è figliola.

Ma io me ne sò sciso troppo priesto,

E n'haggio ditto de l'vocchie, e lo naso

E de le belle vucchie, e de lo riesto

Chiù saporito ca non è lo caso,

Chella cornuta me leuaie da siesto,

E songo n'isico mò friddo rommaso,

Aiuta Musa pe l'arma de zia

La noua vaialessca fantasia.

Hora

Hora le bertolose qualetate

Chi farrà chillo che le pozza dire?

Lloro sapeno fare le frittate

Maccarune, e migliaccie da stopire,

Le nobele pignate inmaretate

Zeppole ed altre cose da stordire,

Agliata, e sauza, e mille aute sapure

Cose de cannarute, e de segnure.

Cheste fanno na posema reiale,

Che te dura pe cchiù de miezo mese,

Ne haie paura d'ire à lo spetale

Ca spienne poco cchiù de no tornese,

Na vota me ne 'nchiette no steuale

Pe paura de mastro lo franzese,

O vaiasselle meie belle, e comprite,

Roscarelle commo sò l'antrite.

Le baiasse sò bone p'ogne cosa,

E sempe maie te danno sfatione

Sò sempe frescolelle commo à rosa,

Sanno seruire pò tutte perzone

Di ca nè truoue maie nulla schifosa,

E che dica ste cose non so bone,

Non se pò stare propio senza lloro

Ogne baiassa vale no tresoro.

Chi vò sapere commo sia l'ammore

Vna vaiassa nce lo pò mmezzare

Va la festeggia và schitto doie hore,

E bi se non te face pazziare,

Subeto se ne vene, e dice core

La gratia toia me fa spasemare,

Che cosa è chella, chi non zuca, e licca

Commo fa cola de la franferlicca?

Fa-

Falle quatto carizze, annimala sulo
 Ca de manciare non te pò mancare
 Schitto che tu le dinghe no cetrulo
 De pettorina te fa satorare,
 De cutenè te carrecà no mulo,
 E te dà quanto maie pote aboscàre,
 E te ietta da suso à la fenestra
 Pe fi à-lo vurodo, e pe fi a la menestra.

Di ca truoue nesciuna vaiaffella
 De nomme brutto Liuia, ò Catarina,
 Se chiàma ogn'vna Cecea, e Ghiacouella,
 Meneca, Pretiosa, e Carmosina,
 Vasta, Renza, Grannitia, ed Antonella,
 Nomme, che ne puoie nchire na cantina,
 E di ca me pò dire quarche chiaro,
 Ca songo nomme pueste nealannario.

O vaiaffè llostrillème Sègnore,
 Vuie chiù mmerdate de l'aute perzune,
 Vengano addonca pe ve fare nore
 Cicco, Cenzullo, Rienzo, e Becenzone,
 E de fauzetto, vascio, e de tenore
 Le laude voste co lo calascione
 Ogn'vno cante, ogn'vno strille, e dica
 Viato chi vaiaffa hà ped'ammica.

Cedano addonca tutte Baronesse
 La Marchesa, e la figlia de lo Duca
 E quanta songo cchiù gran Precepeffe,
 Nulla de l'loro sarrà maie che luca,
 De le bostre bellizze vaiaffè sche.
 Vestale mastro Granne, ò mastro Luca,
 Facciano tutto chello zò che fanno
 Ca maie vaiaffè commo à buie sartanno.

Che

Che serue lo zibetto, e li sapune
Moscate, che ne songò tutte chiene
Se chillo fiato ammorba le perzune,
E face spisso addebeli le prene?
Ma da vostre tetelleca, e tallune
Vale chiù chillo addore che ne vene,
Che quanto musco, ed acque sperfummate
Portano le segnore tētolate.

Quanno chesto cantare fù scomputo
Ch'ognuno fece stare à bocca aperta,
Commo iocasse à l'vuouo cannaruto,
De brocca se sosio maddamma Berta,
E disse iateuenne ch'è benuto
Lo tiempo, che lo zito faccia certa
La mogliere, ch'è ommo, e craie venite
Ch'à la cammisa lo nore ashiar rite.

Se ne iero le gente, e se corcaro
Li zite, se contiente penzatello,
C'hauea sett'anne che se desciaro,
Mineco disse orsù bene mio bello
Mo me ne vengo, ma pigliame à caro
Ca volimmo iocare tanto bello,
Vierela viene, disse la mogliera
Commo se fosse iunco à coualera.

Musa contalo tu quanto se disse,
Quanto se fece a l'vna, e l'auta parte:
Cose da fare ashieuolire Vlisse,
E da fare sorrefere no Matte,
Venga conca d'ammore, e guerra scrisse.
Ca non ne porria dicere na parte,
Vatta ca se losero sbellecciate
Commo se fange haueslero manciate.

Mo-

Mostraro la cammisa allegramente
Quanno venette po lo parentato,
Che pareua na vesta de vattente ,
Tanto che ne rommase conzolato,
Vedenno tanto nore a lo parente,
Che nullo se l'hauette maie penzato,
E se ne iero alliegre; ma restaro
Le sogre, ch'accolsi le conzigliaro.
Mo che me l'allecordo, e non me neresce
Te dico figlia mia tu no scopare
La casa toa quanno mariteto esce ,
E non volere ntierzo manco fare
Lo lietto, ne pigliare na aie lo pesce
Pe la capo, e se te vuoe sfommecare
Jetta lo fuoco fora la fenesta
Ca nullo male agurio pò nce resta.
Se viene a scire prena, ed haie golio
De quarche cosa tienemente a l'ogna,
O te tocca la nateca ; saie ch'io
Fice à frateto nfronte na scalogna,
Che se ne desperaie lo figlio mio,
E foiette pe collera a Bologna,
A lo Leparo falle na vasata ,
Se no lo ninno hà la vocca spaccata.
E caccialo tre bote quanno è nato
A la fenestra, ca sarrà coieto,
La sera è tu lo chiamma sbregognato,
No lo chiammà pe nomme te lo beto
Ca da ianare non sarrà guastato ,
A la connola mpizza de segreto
Le fuorfece, e pò miette à la fenesta
Vallariana, e statte sempe nfešta .

A criature no lo fà vasare
 Ca pò non parla, ed' a lo pignatiello
 Fa che beua, ca priesto fa parlare,
 E se fosse no poco vaufiello
 Da quarche schiauo tu lo fà vasare,
 E faccia mpumma à quarche cāpaniello,
 Chello che l'è mprommiso fall'hauere
 Se nò sempe lo vide pò cadere.

Voleua dire cchiù, ma se sosio
 Chell'auta, e disse tu che non saie l'vso
 De li nzorate, siente che dico io,
 Se filanno mogliereta, lo fuso
 Le cade, e tu lo piglia figlio mio,
 Mozzecalle la coda ca si scruso
 Da chello che da tutto eie temuto
 Zoè ca maie non te farrà cornuto.

Hora bona pozz'essere (rispose
 Renza) maddamma sogra che decite?
 Non serueno cò mmico chesse cose
 Ca sapite chi songo, e bedarrite,
 Tutte l'opere meie fare norose,
 E sempe maie de me ve laudarrite,
 Lo creò (disse essa) ma buono è penzare
 Chello che po de facele accascare.

Strà zitto mamma (rispose lo zito)
 Ca se quarch'vno adocchia mente schitto
 Le cacciarraggio n'vocchio co sto dito;
 No bene mio chesto non fia pe ditto,
 Tanno (rispose Renza à lo marito)
 E la mamma, non, singhe beneditto,
 Se si geluso, e faie no sbarione
 Tu vaie de zeppa, e pesole mpresone.

La Vaia seide.

B

In

In chësto venne Zoccola à gridare
 Ca la tauerna steua senza cuoco,
 E 'ncera gente che bolea magnare
 Se no ca se nè ieuà à n'autro luoco,
 Perzò scompio lo Zito de parlare,
 E scese vrocio lanno a fa lò fuoco,
 Da doue po tornaie tutto sedunto,
 Ma craie scompo lo riesto de lo cunto.

Sconpetura de lo Primmo Canto,



ARGOMIENTO.

Figliaie Renza, e facette na figliola,
 Che lo marito n'appe à spantecare :
 Ogne baiassa n'haue cannauola ,
 E se ne sbigna pe se sgoliare ,
 Vace lo banno , Pretiosa sola
 Scriue à Cièzo, e se vole mmaretare
 Nce la dà lo patrone, e Carmosina
 Non pò fuire, e posta à na cantina .

CANTO SECVNNO .

REnza campaie commo na signora
 E scette prena ncapo de no mese ;
 Ogne vno le diceua à la bon'hora
 Te vea mamma de Conte, e de Marchese,
 A Mineco pareva mille anne ogn'hora,
 Che la mogliere trasesse a lo mese,
 Ped'hauere no ninno, ò na nennella,
 Che la portasse à mammara nocella.
 Venne ches'hora , ma la criatura
 Poco mancaie, che non moresse nfoce,
 Ma la mammana che n'hauea paura
 La capo le ntronaie ad auta voce,
 Spriemmete figlia, spriemme ca non dura
 Troppo st'amaro, e benarrà lo doce,
 Spriemmete bene mio sta ncelluriello
 Aiu tate, te shioshia st'agliariello.

Puro figliaie, e scette à saruamiento,
Ca ionze l'ora, e fece na figliacca,
Che bessica pareva chiena de viento,
E subeto che scio fece la cacca,
E Menechiello preiato, e contiento,
Disse anna à Tata figlia de na Vacca,
Ca chillo c'haue bella reda à fare
Besogna da'na squacquara ncignare.
Ma la mammana disse mo compare
La mecco nterra, e po tu pigliatella,
Ma lassamella nnanze couernare
Ca piglia friddo pò la pacionella,
Cossi pigliaie lo filo pe legare
Lo vellicolo, e po la forfecella,
E legato che l'appe lo tagliaie
Quanto parette ad'essa ch'abbastaie.
E de lo sango che sghizzato n'era
Le tegnette la facce, azzò che fosse,
La ninna pò cchiù rossoiella ncera,
Perzò ne vide certe accossi rosse,
E po la stese ncoppa la lettera,
E coneiaiele le braccie, gamme, e cosse,
Lo filo de la lingua po rompette,
E zuccaro, e cannella nce metterte.
Po saliaie dinto la sportella
No poccorillo de sale pesato,
Decenno te cà cchiù saporitella
Sarrà quanno haie pò lo marito à lato,
E le metterte la rellecarella
Dapò che lo nasillo appe affilato
Co lo cotriello, e co lo fasciaturo
L'arrauogliaie, che parze pesaturo,

Pò pesaie maiorana, e fasolara,
 Aruta, menta, canfora, e cardille,
 E n'erua che non faccio, puro amara,
 Che se dace pe bocca a peccerille,
 E disse tè, se la tenite cara
 A beuere le date sti zuchille,
 Ca n'hauarrà de ventre maie dolore,
 E se farrà commo no-bello shiore.

Postala nterra pò disse, ora fustò
 Auzala mò compare allegramente;
 E benedicetella, e chillo muslo
 Le vala, e po la mostra à s'autre gente,
 Issò lo fece, e se facette russo
 De prieio, e po la deze à no parente,
 E cossì l'vno à l'autro la mostraro,
 Che commo palla la pallottiaro.

Hora mò la mammana vertolosa
 Redenno se nzeccaie co la figliata,
 E disse non me stare regnolosa
 Ca cchiu fatica è fare na colata,
 Non dicere commare tale cosa
 Ca tutta quanta me sento schiattata
 (Essa respòse) e tengo cellecuriello
 De non nce stare cchiù co Menechiello.

De chesto me ne rido, la mammana
 Respòse tanno, ca non tanto prieto
 Passarrà figlia mia chesta settimana,
 Che farraie co mariteto lo riesto,
 Tu dice chello mò ca no staie sana,
 E lo dolore te leua de siesto,
 Ma nnanze de pescruozzo te ne piente:
 E farraie commo n'autra, hora mo siente.

Dice ch'era na vota na zitella,
C'hauea le doglie, e non potea figliare,
E strillanno chiammaua chetta, e chella,
Che benefessero priesto ad aiutare,
Che me venga (dicea 'ncapo la zella)
Se cchiù nce ncappo à fareme mprenare,
Marito tradetore, e che m'haie fatto
Ca me sentó morire, e crepo, e schiatto?

A chille strille corze la Voccera,
E tutte le becine de la strata,
Mettettero na cosa a la spallera
Tanto che nquatto doglie fù figliata,
Ma manco la seconna sciuta l'era
Quanno essa disse à chi l'hauea aiutata,
Stipame fore mia sta chella; ascota
Pe quanno figliarraggio n'auta vota.

Voglio dicere mo ca buono faccio
De vuie ante zitelle l'appetito,
Ca tutte pagariscuo no vraccio
Pe no morzillo schitto de marito,
E cchiù priesto volite quarche abbraccio,
Che ve ncignare no nuouo vestito,
Vh mara me quanno era giouene io
Quante carizze ficè à Fonzo mio!

Gaude mo figlia che gaudere puoie
Ca commo po si becchia non porraie,
Giouene tù puoie fare zò che buoie,
Ma vecchia nò, cà si chiena de guaie,
Se na vecchia vo dire li guaie suoie
Vh negra me, ca no la scompe maie,
Ma lassammo da banna sò parlare
Ca passa l'ora de te couernare.

Ho-

Hora pruoieime coà chill'aruariello
 Addoue stace chello metredato,
 E damme puro sò fiaschetiello
 Co chello grieco che non è adacquato,
 E sta grasta co l'vuoglio de lauriello
 Co l'aute cose, ch'aggio apparecchiato,
 Acqua, ed vuoglio de shiure, e lo cémìno,
 E n'onza, e meza de zuccaro fino.

Subeto tutto chesto le portaie
 Maddamma Vasta, e dezele pe bocca
 Lo metredato, e grieco, e po l'ontate
 Con chelle ogliare, e disse, mo te tocca
 La torta, e lo piccione pocca l'haie,
 E magna à la bon hora, e po te cocca,
 E se purgasse fuorze poccorillo
 Mpizzate (à tu saie mò) chisto penillo.

Ma lassammole mò co li guaie lloro,
 E decimmo de Zeza, e de Grannitia,
 De Meneca, de Ciancia, e quanto foro,
 Che contra amimmore gridano iostitia,
 Ogne baiassa face concessoro
 De chelle che trasfertero a malitia,
 Pocca primmo de lloro mmaretata
 S'è Renza tutta scura, e sciallacquata.

Meneca fù la primma che parlaie,
 E co n'arraggia' che ghiettaua fuoco,
 E l'vuocchie pisciarielle accommenzaie
 Hauite vulto Renza co lo cuoco?
 Comme se gaude, e nuie stāmo à li guaie,
 E commo cionche maie cagniamo luoco,
 Hora sùsso facimmo de manera
 Ch'ogn'vna gauda nnanze craie à sera.

Mò m'allisto Grannitia le respòse,
E tanto me strelliccho, e po me nchiacco,
Che faccio cheste masche comm'à rose,
E propio pararraggio la Dea Bacco,
Nulla de vuie me passa de sse cose,
Respòse Giancia, io tutte mò ve smacco,
Me faccio schitto quatto ricce nfronte,
E pararraggio pò la Dea Caronte.

Ah ah che riso, ma non n'aggio voglia
Chi è stò Caronte, e Bacco, che decite?
Le disse Rosa, fosse huorto de foglia?
Respòse Caradonia, te sentite!
Eie no sanguinaccio, cie na nnoglia
Ente megnogne, e chesto non sapite?
Mara me che bregogna, che sciocchezza!
Chesse songo le Dee de la bellezza.

Ma parlammo de chello che nce mporta,
Ogn'vna parla mo co lo segnore,
O pe lo fenestriello, ò pe la porta,
E le faccia a sapere lo suo ammore.
E pe mostrare ca ped'isso è morta
Le faccia no presiento, ò no faore,
Zoè no moccaturu lauorato
De pede moscha, ò d'afreco perciato.

Manco essa hauea scomputo de parlare,
Che tutte quante nzembra s'accordaro,
Quanno lo Sole stracquo de trottare
Pe fare de lo cuorpo scenne à maro,
De ire tutte quante ped'ashiare,
Chille pe chi cchiù bote spantecaro,
Cossi concruso, ogn'vna s'abbiaie
Decenno po nce vedarrimmo craie.

Ma

Ma Pretiosa che non potea scire,
 E se sentea schiattare de martiello
 Pe non volere ntutto ashieuolire
 Da lo puzzo chammaie no scolariello,
 Che le screnette quanto sappe dire,
 C'hauca no bello nciugno, e celleuriello,
 E fecero na lettera ammorosa,
 Bene mio bello è che pentata cosa !

Magnifico (dicea) muto llostrissemu,
 Che me faie spantecare, e ghire nzuoccole
 Segnò Cenzullo mio caro, e bellissemu
 Cchiù saporito ca non sò li vruoccole ;
 Deh bienem'a trouare ca certissemu (le,
 Haie tuorto à nō me fare tātā gnuocco.
 Viene mussu mio d'oro a conzolareme
 Se no sò resoluta de sbentrareme.

Su beto la chiudette, e seiellaie
 Co pane mazzecato, e lo scolaro
 Pe farele piacere la portaie
 A Cienzo suo moscoliato, e caro,
 Ntra tanto ogne baiassa se trouaie
 Lo Guzzo, e già contente ne restaro,
 Ma la Vaiaffa ogne patrone aspetta
 Nò la vedенno vace à lo Trommetta :

Ieze lo banno mò pe la Cetate,
 E se iettaie à lo Mercato, à l'Huorto
 De lo Conte, perzì à la Caretate,
 A la Rua catalana, e mmiezo Puorto,
 Ne maie da li patrone foro ashiate,
 Ed era lo trommetta miezo muorto
 Decenno ogne patrone eie cortese,
 Ed à chi l'ashia dace no torne se.

Ma lassammole ghire à la bon' hora
E parlammo no poco de Cenzullo,
Che la lettera hauio de la Segnorà,
E disse, aimmè so cuotto co no vullo,
E no iuorno me pare ogne mez' hora,
Che siammo nzēbra, e no nce vega nullo,
Pe fare co le ghiedeta lo cunto
De quāta vote m'haie cò st'vocchie pūto.

E ghieze de corzera à lo Signore
Patrone de la bella Pretiosa,
E le decette, io sbisciolato ammore
Porto à sta toa Zitella vroccolosa,
E ped'essa aggio mò no crepa core,
Che nè pozzo morire, e non è cosa
Ca vago (arrasso sia) co lo Demmonio,
Perzò facimmo mò sso matremmonio.

Lo patrone ch'hauea buono ioditio,
E sapea ca lo Munno era mbrogliato,
E de chelle fouite hauette nnitio
Subeto se fù bello contentato.
E chiammanno essa co Notà Frabitio
Se concrudette llà lo parentato,
E s'appontaie che pò l'auta settimana
S'abballasse, e corresse la quintana.

Ma mentre se concerta pe la danza
Tornammo à chelle che se nè foiero
Pe fare se vaiafle à Rrè de Franza,
Hora chi penzarria fi doue iero?
Chi ieze à la Chiazzeria, e chi pe stanza
Pigliaie la Caglientescia, ò lo Quartiero,
Vasta ca pe lo primo carneuale
Tutte iero à morire à lo spetale;

Ma

Ma Carmosina nò,perche l'ashiaro
Quanno foica mmiezo li scantrune,
Perzò li ture buono le menaro
Sempe à corpo de tutare, e sgrognune,
E à bascio la cantina la chiauaro,
Che steze sempe ncoppa li crauune.
Conimò à gatta frostera, mà dirraggio
Craie cōmo scette, e de lo mmaretaggio.

Scompetura de lo Secunno Canto.



ARGOMENTO.

Cienzo se nzora, e Pretiosa piglia,
 E se ncigna li sfuorge de le feste:
 La mamma lo corriero fà à la figlia,
 E ogn'vno de libreria se nce veste,
 E de correresence se conziglia,
 Na Paparella sotto le fineste
 Correnno vence Cienzo, e à na cantina
 Vrociola Ciullo, ed ashia Carinosina.

CANTO TERZO.

S Cumpela sùssò, dimme st'auto riesto
 Maddamma Musa mia cara, e comprita,
 Ca se si fredda te faccio no tiello,
 Perzò me conta commo io la Zita,
 Già Pretiosa à l'ancorrenno, e priesto
 La mamma n'auisaie maddamina Rita,
 Comm' ella à l'ora bona è mmaritata,
 Viammola contenta, e conzolata.
 La vecchia che la noua ntesa hauette
 Pe lo gran prieio s'appe asheuolire,
 E priesto à li pariente lo decette,
 Perche à la festa vogliano venire,
 Subeto no corriero le facette,
 O Musa frate aiutamello à dire,
 Ch'à dire tanta nure, e compremiente
 Se nfettaria na naue de pezziente.

Essa

Essa accattaie cchiù de na cosella,
Commo à dicere mò no cantariello
Na càudara, no spito, na tiella,
Na scafareia, na scopa, n'agliariello.
No trepete, no tiefto, na scotella,
No cato, na porpara, e no tēniello,
E na cestella po zeppa fi ncoppa
De cocchiare, conocchie, fusa, e stoppa.

L'apparecchiaie dapò maddamma Lisa
La sogra de la Zita pe le dare
De tela de Bertagna na cammisa,
No paro de cauzette verde mare
De tarantola e tre parme de frisa,
Co no coscino pe ncè lauorare,
E mille marcancegne, e scartapelle
Scarpe, chiantelle, scuffie, e zagarelle.

Ma Cienzo se ncignaie no vestito
De panno de Gragnano verde vaie,
E ghieua à la smargiassa tanto ardito;
Che pareua (isce) non vedisse maie,
Ogn'vno canoscea ch'era lo Zito,
E le diceua, e bè che festa faie?
Issò dicea cose che maie vedisse
Se tù vossignoria me faorisse.

Io songo (ogn'vno disse) apparecchiato
Pe te faurire, ca pò vossoria
Me sernarrite quanno sò nzorato,
Ed accossi na bella compagnia
Appero chillo inorno concertato,
Ch'ogn'vno propio nmiezo à chella via
Accrauaccato à n'aseno venesse,
E na papara po se nec correffe.

Ntra

Ntra tanto Pretiosa non dormette,
E fatto s'appe no vagno topiello,
De ferrannina gialla se vestette,
E co lo filo po marfetaniello
Li pile de la facce se radette,
E co lo solemato, e lommenciello,
Verace, armiento, canfora, e argentata,
Se fece bella à l'vuocchie de na fata.

N'antecunnale hauea de filonente
Co no pezzillo mponta à francetella;
E no ntruglio de vrito pe pennente,
Che mponta nce tenea na campanella;
E perche hauea cchiù bote puosto mente
A Donna Petronilla spagnolella
Essa voze perzì lo manteglino
Ch'era de cordellato fino fino.

E ncrosiòne pe no ve tenere
Pesole, quanno foro ngaudiaté
Iezero tutte à tauola à sedere
Doue se foro buono satorate.
A le fenestre pò iero à bedere
Li corretture, che erano arreuate
Co certe mprese ch'erano à modiello
De chelle de Vargaglia, e de Rusciello.

La festa se faceua à la Chiazzeria
Luoco pe chello propio fatto à posta
Perch'eie larga, longa, chiana, e netta,
Che schitto pare fatta pe la iosta,
Ogn'vno canna apierto l'hora aspetta,
E doue stà la papara s'accosta:
Ma chi non voze follà, ed appe agresta
S'allogaie na decinco na fenesta,

La

La primma che benette fù Pentella
Sore carnale de no cacciaiuino,
Ch'hauea na faccia ianca, rossa, e bella,
Che copeta pareva de lo Pennino,
Portaua de Gragnano na gonnella,
E no ieppone vicchio d'armosino,
Co no corzetto pò co la granniglia
Che fece à cchiù de quatto auzà le ciglia.

Pimpa po veune figlia a la mammana,
O māmā mia che vuocchie à zennariello?
Na robba hauea de capisciola, e lana
A la ntrellice commo terzaniello,
Teneua schitto quanto na campana
Na vozzolella ncanna, e no scartiello,
De lo riesto era tutta saporita,
Che n'appe gelosia quase la Zita.

Appriessò à chessa Giouannella ionzè,
Che se bè haueua n'vocchio scarcagnato
A lo banco tenea cchiù de seie onze (zato
E cchiù d'vno nc' hauea l'vocchie appiz-
E n'irà l'autre vno che bennea caionze,
Ieua muorto ped'essa, e spantecato,
E tanto cchiù mo se ne iea mbrodetto
Ca portaie na camorra de dobbretto.

Co chessa occasione s'affrontaie
Co Pantullo la figlia de Rinella,
Che non s'erano viste ch'era assaie,
E adesa ne sperca la pouerella,
Co l'vuocchie l'vno à l'auto se parlaie,
Ma essa non c'pea dinto la pella,
E pe darele subeto no vaso
L'appe à cacciare n'vocchio co lo naso,
Ch'era

Ch'era tanto la folla de le gente,
 Che lo vasaie senz'essere veduta,
 Ed isso puro potte allegramente
 Darele quatto vase à la sfoiuta,
 Ma ecco lo scurisso cà se sente
 Tutta la vocca de ianchetto nchiuta,
 Tanto che le fù forza pe dolore
 Correre à Maistro Paolo nciarmatore.

No mariuolo nchesto co doie deta
 A chella folla ne zeppoleiaie
 Da na vaiaffa na vorza de seta,
 Che mille scartapelle nce trouaie,
 Che se bè dinto non c'ashiaie moneta
 Nc'erano robbe da magnare assaie,
 Zoè mela, castagne, e arrauogliata
 Na carta straccia de sonzeuerata.

Essa se n'addonaie, e foro tante
 Li strille (terra tienete) che ciento
 Le corzero dereto preteiante,
 Ma chillo se ne ieze comm'à biento,
 Para piglia deceano tutte quante,
 Para ste brache, io creo c'hauea l'agnieto
 De le Ghianare, pocca mmiezo à chelle
 Gente volaie commo s'hauèsse ascelle.

E fù tanto l'allucco, e lo gridare
 De ciento porterrobbe, e peccerille,
 Che nce voze doie hore p'acquetare
 La illaio, la baia, e tanta strille,
 Ma dapò che scompero de se dare
 Spettorune, e shianchette cchiù de mille,
 Qanno se fò la chiazza arrefettata
 Li iustrature fecero la murata,

Lo Zito ch'era lo mantenetore

S'hauea fatta na giubba à la torchesca

De carta straccia, ed era de colore

De foglia molla coute fresca, fresca,

E no tagliero hauea de buono addore

Pe parte de na tarracha morefca

Co na cepolla penta, e po n'ia scritta

(Sò forte cruda, ma sò doce fritta.)

Dereto ad isso po venea Pacione,

Che bestuto s'hauea de zegriniello,

E tenea scritto ncoppa no pallone

(Ammore che m'abbotta è sghizzariello)

Veneua appriesso ad isso Menecone,

E nmiezo de no culo de teniello

Hauea na vorza d'oro, e seta ianca

Co no mutto spagnuolo (Nō hai blanca.)

Pò venne Tonno, che de cordouana

Portaua no ieppone arragamato,

E no cauzone de tela bottana,

Tutto de filo ruggio repontato,

E portua no pettene de lana

Co chisto mutto (Ammore m'hà cardato,)

E ghiea ncoppa na varda de manera,

Ch'ad'ogn'vno pareva vuto de cera.

Dapò chisso venea tutto vestuto

Mase, de cannauaccio ncelentrato,

E ncoppa no tompagno de liuto

No truocchio co na meza hauea pintato,

E no mastro de scola assaie saputo

L'haueua chisto mutto nfroccato,

(Habere à canto muliere bella

Sine Cerere, e Bacco frietella.)

Titta

Titta venette pò lo cchiù galante,
 E fù cierto lo nore de la festa,
 Perche isso schitto portaua li guante
 Co li stiuaie, e n'albernuzzo ntesta,
 E fù la impresa soa propio d'amante
 Na vita, no varuetta, e na rapesta
 Co na lettera scritta à marzapano,
 (Rape sta vita mia core de sano.)

Venettero perzi Ciullo, Masillo,
 Pizio, Meo, Peppo, Tonno, Cicco, Nato,
 Cola, Nardo, Pione, Lello, e Millo,
 E lo shiore de Puorto, e lo Mercato,
 Ogne guarzone, ed ogne peccerillo
 Steua pe na corzera apparecchiato,
 Ma passiato ch'apperò à lo tuorno
 Corze lo Zito à suono de no cuornò.

La papara era grossa, ed hauea ontato
 Tutto quanto lo cuollo de sapone,
 Perzò lo Zito non nce l'hà sciccato
 Nè nesciuno auto de chelle perzone,
 Perche da mano à tutte è sciuliato
 Restanno co no parmo de nasone,
 E tanto fù la illaiò, e l'allucco,
 Che se sentio da Trocchia à Castrocucco.

Lo Zito mo decette mazza franca
 Da ccà, e da llà, frate tornammonnella
 Ca se chesta vranzolla non me manca
 Penzo sta botta de sciccarennella,
 Ma Ciullo à mano ritta, e à mano manca
 Tenette mente, e non vedенno chella
 Carmosina zoè, che stea mpresone
 Non fece de la trippa corazzone.

Ma

Ma co na zirria granne resolutò

De non campare cchiù lo poueriello,
Chiauaie no bello spruoccolo appontuto
Propio sotto la coda à l'aseniello,
Che manco se no spireto trasuto
Le fosse (arrasso sia) ne lo vodiello
Tanto corze, e zompaie, si che da duosso
Lo sbalanzaie de pesole à no fuosso.

Ma lassammolo stare à chello bruoco,

Ca la Sciorta le fù sore carnale,
E tornammo à la fine de lo iuoco
Ca s'ro trico lo Zito l'haue a male,
Isto commo no furgolo de fuoco
Pigliaie na corza, e de manera tale
A doie mano afferraie la paparella,
Che le sciccaie lo cuollo, e meza scella.

Lloco fù no remmore accommenzato,

Che lo Munno pareva ire à roina,
Li fische t'hauarriano sceruellato,
E durauano fino à la matina,
Se non ch'a chesto miezo vrciolato
Se n'era Ciullo dinto la cantina,
Perzò scompìo la festa, e la preiezza,
E deuentaie sciabbacco l'allegrezza,

Chi à la faccie se fà mille rascagne,

Chi la varua, e le zeruole peleia,
Chi stordesce li vuosche, e le campagne,
Tanto pe doglia strilla, e boceteia, (gne
Chi à pisciariello, e chi à selluzzo chia-
Tanto ch'ogn'vno regnola, e gualeia,
Tutte credenno mo ca Ciullo è muorto,
Ma isto, e Carmosina è quasc mpuorto.

Poc-

Pocca à chella mmedesemo cantina,
 De tie ieze à cadere, stea presone,
 Chella ch'era lo nore de cocina,
 E l'hauea spertosato lo permone;
 Ma commo canoscette la meschina,
 Mentre era tutta tenta de crauone,
 E comino scero po da chello stritto
 Ve lo dico mò mò se state zitto.

Scempetura de lo Canto Terzo.



A R G O M I E N T O .

Ciullo se penza ch'è scazzamauriello
 Vedenno Carmosina negrecata,
 A lo saglire pò, lo foneciello
 Se rompe, e fanno n'au'a vrociolata.
 Lo patrone che scassa lo portiello
 Ntenne commo la cosa eie accascata,
 Conta Ciullo li guaie, e catalaie,
 Ed isso pe pietà lo contentaie.

C A N T O Q V A R T O .

HAueua Carmosina tanto à forte
 Ca Ciullo non vedea stanno presone,
 I commo fosse connannato à morte
 Nficcato à no mantrullo, ò cammarone,
 Chiagnenno tozzolaua chelle porte,
 Lebertate cercanno à lo patrone,
 Ma isso pè nfi à mò nò l'hà iespuosto
 Tanto è crodele, e commo vrecchia tuosto,
 E mentre strilla, e se rascagna, e scicca
 Vrociola Ciullo dinto la cantina,
 E cade assaie cchiù auto che na picca,
 E brociolanno fà na gran roina,
 Tanto, che pe gran iaio essa se ficca,
 Sempe strillanno dinto na latrina,
 Ciullo che bede scuro, e chello hà utiso,
 A lo 'nfierno se crede essere sciso.

E de-

E deceua chiagnenno, ò maro mene,
 E quanno Carmosina vedarraggio?
 Se sò caduto à le nfernesche pene,
 E chi sà quanno maie da ccà sciarraggio?
 Penzaua priesto d'abbracciare à tene,
 E mò nigro me scuro abbracciarraggio
 Pe parte toia, ò Carmosina mia,
 O Megera, ò Protone, ò quarch'Arpia,
 Pe lo tufolo steua ausolianne
 Carmosina sorresseta, e sbattuta,
 Zò che deceua Ciullo gualianne,
 Ed hauenne la voce canosciuta
 Subeto scerte, e ghiezese nzeccanno,
 Decenno, s'cie Ciullo me saluta;
 Ma illo che credea stare a lo'nfierno
 Le parette vedere lo Zefierno.
 E tremmanno tremmanno le deceua,
 O spireto mmarditto fatt'arrasso,
 Penzanno perche tenta la vedeua,
 Ch'era pe lo tentare Sautanasso:
 Ma essa ch'illo meglio canosceua
 Accostata che s'appe n'auto passo,
 Decenno (l'abbracciaie) facce de boia,
 Zitto ca longo Carmosina toia.
 Ciullo respose, non me delleggiare,
 Si Carmosina non me vide acciso,
 O fuorze chillo, che puozze squagliare,
 O l'òbra de chill'hòmo, ch'òie s'è mpise?
 Ed essa, se bè stongo pe crepare,
 (Respose,) puro schiattome de riso,
 Non me vide? tè, toccame sciaurato,
 Vite mè cò tale innamorato.

Voleano dire mò de che manera

L'vno, e l'auto llà dinto se sò ashiate,
Ma li compagne suoie de la varrera,
Che a la desgratia s'erano trouate,
Erano iute tutte de corzera
Facenno no greciglio pe le strate,
Tanto, che benne cchiù de no parrella
Chi cò cuofano, e chi cò foneccella.

E subeto calaro a lo pertuso

Chiammanno Ciullo pe ne lo tirare,
Lo quale priesto pe no stare nchiuso
Couernamette disse, e po afferrare
Se voze a chella funa, e ghire suso,
Ma Carmosina mesesc a strillare
Decenno, te ne vaie mò tradetore :
E te puorte de me l'arma, e lo core?

Vecco c'hanno la funa già calata,

Legate mò fatte tirare susso,
Ca me ne vengo co tico abbracciata,
Se non vuoie, che te ntommaca sso musso,
Vh Carmosina è commo si arraggiata !
Respose Ciullo, e se facette russo,
Se me vuoie bene, lassamenne ire,
Ca commo è bruoco te farraggio scire :

E s'attaccaie, e po decette tira,

E l'aifaua cchiù de no guarzone :
Quanno ella se votaie co na grann'ira,
Che parze(arrasso sia) fosse scorzone,
Ed à lo naso fecele la mmira
Pe farenne propio no vocce ne ;
Ma non potenno, le gamme l'afferra,
E dero tutte duie zuffete uterra.

Ca

Ca reiere non potte tanto pisemo
 La fonecella ch'era nfracetata,
 Tanto ch'ogn'vno hauea lo parafisemo,
 Ca fù troppo crodele vrociolata,
 E deceuano ohimmè doue nce misemo?
 Tiente che bella cocchia stroppiata!
 Tière lo premmio che nce dace ammore,
 Presonia, chianto, vrognota, e dolore !

Ntra tanto lo patrone era venuto
 De Carmosina, ch'era meza morta,
 E dintò li cosciale de velluto
 Iea cercanno la chiaue de la porta,
 Nè la trouanno se fò resolutò
 Darela nterra, ch'è la via cchiù corta,
 E scassata che fù; Ciullo trouaie ,
 E de tutto lo fatto lo spiaie.

Ed isso disse, patrone mio caro
 Mò conto pe lo filo comm'è stato ,
 Se be me trouo commo fele ammaro,
 Io no iuorno venea da lo Mercato,
 E chist' vocchie co l'vocchie s'affrōtaro
 De stà cornuta, che m'hà ntommacato
 Da donde Ammore, che n'hauea che fare
 Me voze co na frezza spertofare.

M'accommenzaie à sbattere lo core ,
 E perdiète lo suonno, e l'appetito ,
 Comme fa lo malato quanno more ,
 E pe golio de l'essere marito
 Noratamente faciette l'ammore,
 E pagaria pe hauerela sto dito ,
 Mo correnno à stà festa vrociolaie
 E cca dinto cod'ella me trouaie.

E se

E se be steua tutto mbrogolato
 E me doleano l'vffe, e li filiette
 Pe farela da vero nnammorato
 Commo ch'era ella propio canosciette.
 Dapò che m'appe quale speretato
 Pè paura ca tenta la vediette,
 Le fantaie neuollo lieggio còm'à grillo
 E dezele no vaso à pezzechillo.

Ma non volenno ch'io me ne sagliesse
 Quando tirare ncoppa me vedeua,
 A le gamme afferrata me se messe
 E còm' à grancio ò purpo me stregneua
 Ma pè lò piso granne; ò se rompesse
 La funa, ò ca scappasse à chi teneua,
 Simmo cadute, ed io moro crepato
 Se non me schiaffo dinto no crastato:

Chesto è quanto io te pozzo mo contare
 E de lo mio non te nce metto niente
 Hora se nce volite perdonare
 Ed hauere piatà de sti trommiente,
 Facitence stà sera ngandare
 Ca facimmo chiammare li pariente,
 E ve restammo schiaue. ed obrecate
 Propio commo ne' hauisseuo accattate,

Lo gentelommo hauennolo sentuto
 E canoscenno ca lo vero hà ditto;
 Le disse io me so propio ntenneruto
 E non te voglio cchiù vedere affritto,
 Pocca cò nore mio nce si benuto
 Và pigliatella, è singhe beneditto.
 E ghiammoncenne luso, e à sta pedata
 Conzertāmo pè craie st'auta nmarcata:

La Vaiaffide.

C

Ac-

'Accossì s'abbiaro chiano chiano
Da la cantina a la vota de suso
Tutte alliegre, e contiente pe la mano
Comm' è de Zite lo costume, e l'uso;
Ma perche steua Ciullo poco sano
Pe la caduta, e de sodore n'fuso,
Lo gentelommo pe compassione
Lo fà corcare ncoppa no saccone.

E disse frate mio pocca nzorato
Te si cò chesta ch'è zitella mia,
Voglio che nnanze singhe couernato
Pe te scanzare da na malatia,
Mò mò sarrà lo miedeco chiamato
Azzò quarche remmedio isso te dia
Pè tutte chesse brognola sanare
Ca pò craie ve farraggio ngaudiare.

E subbeto mannaie lo seruetore
A chiammare no cierto melsè tale,
Ch'è no miedeco cierto de segnore,
Ed hà sfrattato cchiù de no spetale,
Venette, e ntiso hauenzo lo dolore,
E commo, e quanno se facette male,
Parlaie toscano, e disse hò nteso à pieno,
Ecco lo rezettario de Galeno.

Mò vedarrimmo s'à chesta caduta
Pocca eie stata dinto na cantina,
E buono ontare co zuco de ruta,
O veramente co cera cetrina,
Chest' arte nostra eie na scienza futa,
Ed è de l'aute scienze na regina,
Ed hà trouato propio p'ogne male
Agnien.o, mmedecina, e seruetiale.

Cqn

Con cheſto reuotaie lo leuretiello ,
E, quando l'appe tanto pò leiuto ,
Che perzò ne'hauerria lo celleuriello
Ogn'auto letterummeco perduto,
Aſhiaie che de mortella, e de roſiello
La porua (ò bello miedeco ſaputo!)
Dapò ch'ontato haueua vuoglio roſato,
Se ſemmenaua à ch' llo mbrognolato ,
Accoſſi tanno de no cierto Loſa
A la poteca no fegliulo iette,
Ed accattaie ſubбето ogne coſa
Secunno che diceano le Rezette ,
Carmolina l'ontaie tutta piatoſa ,
E pò lo pane cuorto le facette
Conciato ch'era coſa prencepale
Cò aglie, edvuoglio, arecheto, acqua, e ſale.
Carmolina perzì ſe fece ontare,
Da n'otra vaiaſſella peccerella ,
E la matina ſe fece trouare
E nciritciata, e netta, e ghianca, e bella;
E tutte quante fece pò ſcetare ,
Che ancora n'cielo nce pareo na ſteſſa ,
Comm'à dicere mò propio à cheil'hora,
Che no Toſcano decerria l'aurora .
E ghiero tutte quante à ngaudiare
Accoſſine à chell'hora matemello
Ca riempo non nce fù d'apparecchiate ,
Pe fare feſta, e quarche banchettiello
A la tornata fece cocenare
Lo patrone doie torza, e no ſcioſciello,
E pò facette à tauola ſedere
A canto ad'iſſo Ciullo, e la moglieere.

Ma Carmosina che stea crepantosa
 Cas'era ngaudiata senza festa ,
 Ieuu facenno tanto la schefosa
 Che pareu che magnasse, ò forua ò agre-
 Lo patrone le disse, stae cianciosa (sta-
 O Carmosina mia ? che cosa è chesta ?
 Magna mò figlia mia, stà allegramente,
 C'haie pigliato no giouene valente.

Lò staccio , respòse ella, e chesto è chello,
 Che me fa stare co sta crepantiglia,
 Ca chella che pigliaie no guarzonciello
 Hà fatto festa , e tanta parapiglia,
 Ed io ch'aggio pigliato no gioiello,
 E m'hauite chiammato sempe figlia,
 Sò mmaretata senza nimità nullo
 Che se dirrà de Carmosina , e Ciullo ?

Respòse isso, te voglio contentare,
 E farraggiò mò mò feste de truono,
 E nò schitto de farence abballare
 Ciento cascarde à tiempo de lo suono ,
 Mà na farza perzì farraggio fare ,
 Na mpertecata da no mastro buono ,
 Foize d'Ercole , e pò li mattacine ,
 E mmetarence tutte le becine.

A chesta nona tanto se preiaie
 La Zita, che s'hauette à sheuolire,
 Pò commo n'allopata se magnaie
 Quanto a tauola nc'era da ngorfire,
 Ne nce fù arcuolo che non deuacaie,
 Bacco (se nc'iere) aiutamello à dire
 Po pe se ntrattenere si a lò bruoco
 Chiammaro ad' vno cò lo vo'tta fuoco.

Lo

Lo quale ièze a lo Zito , e à la Zita

Mmezzanno quarche noua cascarella
 Commo Pordentia , maddamma la Zita,
 Cunto de l'vuorco , vascia , e serenella,
 Doue iea Carmosina tanto ardita,
 Iettanno chà e llà sta gamma, e chella,
 Che pareo propio co li chianelleste
 Cauallo che se mmezza à fa crouette.

Accoffi nfi à la sera la passaro

Nfi che fù l' hora de lo mazzecare ,
 Che se sedero à tauola, e magnaro
 Auto auto pe cchiù priesto se corcare,
 Ma pe parte de doce , ò quanto ammaro
 La fortuna à lo lietto fece ashiare!
 Pocca d' Ammore ntranno à lo steccato
 S'addonaie Ciallo d'essere legato,

Perche s'hauea tenuto na guaguina,

(Potta de nico, e che mala ventura)

Che ghieze de corzera à na vecina

E le facette fare na fattura,

Perzò non potte maie cò Carmosina

Fare quanto commanna la Natura,

Ma li scurisse se scolaio tutte

Senza d' Ammore cogliere li frutte.

Scompetura de lo Canto Quarto.

A R G O M I E N T O.

Cenza da Ciullo haue na sbrauiata,
 Vene l'ammico, e da no fenestriello
 Le tira co na scopa na mazzata,
 Tanto che fa de gente no rotiello, (ta
 Micco Passaro iogne, e à cappa, e à spa
 Fà fare à lo Pertuso no douciello,
 Scompisce à la tauerna ogne roina,
 E rotta è la fattura à Carmosina.

C A N T O Q V I N T O.

Gl'À sceua l'Arba co lo mantefino
 Zippo de coppetiele, e de papagne,
 E comme Perne quant' à no carrino
 Stizze sbruffaua ncoppa le campagne,
 Già li sturne, e le quaglie ben matino
 Stordeuano li vuosche, e le montagne,
 E de la terra le bentosetate
 Cotalauano l'erue defrescate.

Quanno s'era sosuto cchiù arraggiato,
 Che chi vace pe debbeto presone,
 Ciullo marisso, e stea tanto scornato,
 Che non miraua nfacce à le perzone,
 Pocca mpierdeto s'era affatecato
 Senza dare à la Zita sfatione,
 E perzò se resorue ò de morire,
 O farene l'ammica arrependire.

E sot.

E sorta se mettette nò cortiello,
 E de corzera la ieze à trouare,
 Perche s'hà puosto, propio ncellauriello
 Se no lo scioglie llà de la scannare,
 Ma perche ieze troppo matiniello
 L'abbesognaie la porta tozzolare
 Ca se iena cchiù tardo ashiaua apierto,
 E lo designo le resceua cierto.

Ma chella s'affacciaie a la fenesta,
 Addoue pe le fare quarche male,
 Abbesognaua hauere na valesta,
 E stare arraslo pe quarche aurinale,
 E commo ch'era assaie chiappina, e lesta,
 Ella facette mò de lo fescale,
 Gridanno guardia, guardia ca m'apposta
 Sto tradetore, testemmonia vosta.

Se Ciullo se i tosciaie non te lo dico
 Ca da te stisso te lo puoie penzare,
 Puro fa nfenta de l'essere ammico
 Fuorze cò chesso lo facesse ntrare,
 Ma chella hà neuerpo lo fauzo nnemico,
 E se mettette cc iù forte à strillare,
 Perche sapenno chello c'haue fatto
 Hà gran paura de no schiaccomatto.

Isso vedeanno mò c'hauea sgarrato,
 Chillo triunfo che penzaua fare
 Se lassae propio comino desperato
 A quanto cchiù la potte nciuriare,
 Non te curà ienimma de Crastato
 Ca mò propio te faccio ngabellare
 Scrofazza pettolella singh'accisa
 Ca puorte carta straccia pe cammisa.

Non m'haie legato strega, fattocchiara,
 Perchiepetola brutta zantragliosa?
 E Carmosina mia scura, ed ammara,
 Faie che cò mmico stia pe chessa cosa,
 Zitto, la burla costarratte cara,
 Ca vennetta farraggio auta, e famosa.
 Vh se t'hauesse mò le mano adduossio
 Acciso sia se sano hauisse n'vossio.

Tiente ragazzo, le respòse Cenza,
 (Ch'accossì la guagnastra era chiāmàta)
 De che te cride stare impretennenza,
 Che me la frusce co la sbrauiata?
 Và straccia vrache mio, ped'auta penza,
 Ca cchiù pe te nò stongo martellata,
 E s'haie golio d'hauere ste bellizze,
 Va ca n'haie scecca;quãto curte, e mpizze,
 A me co felatielle?pane à parte,
 Guattaro,zuca vroda, mariuolo,
 Tu faie cò mmico de lo capo parte,
 E pò vorrisse quarche ferraiuolo,
 Tu faie ca l'hōmo mio è cchiù de Marte,
 E te fa co no cauce ire à lo Muolo,
 Squagliamette da nanze stammatina,
 Se prouare non vuoie la tremmentina.
 Venga,elca, dou'è chisto smargiaffone?
 Cò chisso la vogl'io (Ciullo decette)
 Ca se schitto le dò no secozzone,
 Cò cheste mano, mò che songo nette;
 Voglio,che zompa comm'à no pallone,
 E corra iusto commo le staffette,
 Ca io,quanno da vero stò nzorfato,
 Me là piglio cò miezo lo mercato.

N'ha-

N'hauea scomputo ancora isso de dire,
Quanno, che Cenza da lo fenestriello
Lo nnammorato suo vedde venire ,
Che tanno se carcaua lo cappiello,
Perche già le pareua de sentire
Parole de chi hà male celleuriello,
E gridaie, Mase mio, viene mò fuso ,
Shiaccamillo da cchà sto presentuso .

Ed isso pe lo muro rente rente
Se ne tralette bello zitto zitto,
E pontellaie la porta da valente ,
E pò disse da fuso, bè c'haie ditto?
Te cride fuerze de gliottì la gente?
Affè s'à chesta tienemente schitto,
Te voglio fare tale mazziata ,
Che n'aterno te scuorde sta iornata .

Me ne rido de chesto, viene à chiàzza,
Ca vedarrimmo pò sta brauaria ,
(Decette Ciullo) ca co spata, e mazza ,
Darraggio cunto de la vita mia ,
E boglio propio sta ianara pazza ,
Che mò me guasta la fattocchiarìa,
A despietto de chi la vò faurire ,
Cà voglio cò moglierema còmptire .

Tu parle troppo, e si no caca sotto,
Saglie cchà fuso, e vide che te faccio,
(Respose Mase) cà cò meza botta
Da la capo à li piede te scafaccio,
Ciullo arraggiato mò la porta votta,
E bolca propio scire da ssò mpaccio,
La troua chiusa, e grida, apre vaiasso,
Se nò sta porta cò no cauce scasso .

Tanno Mase respòse, abbotta puro
 Brutto anchione, pacchiano, mariàchino,
 Schiatta, tozza la capo pe s'lo muro
 Mbriacone fetente, o'ra de vino,
 V'è bene mio v'è corcate à lo scuro
 Se n'haie autà cannela, e craie matino
 V'è vienetenne quanno face iuorno
 Ca volimmo secarete no cuorno.
 Ne miente pe s'fà càna busciardone
 (Respòse Ciullo) songo hommo norato,
 E pozzo stare à tutto paragone,
 Che tu nò nce puoie stare, sbregognato,
 Scinne pocca mae faie lo smargiasone
 A la fenesta, scinne ccà frustato.
 Haggio paura ca n'è nneuenaiè
 Ca Mase à s'lo frustato se n'zorfaie.
 E cò gran zirria le tiraie na mazza
 De scopa vecchia, che se lo coglieua
 Cierito restaua mmiezo chella chiazza,
 E na mmumma, ò scapece ne facena,
 A ches'lo Ciullo commo cosa pazza
 Co na preta shiaccare lo voleua,
 Quanno che Micco Passaro arriuaie,
 E lo remmore subbeto acquetaie.
 Ch'afferraie pe la mano Ciullo, e disse,
 Core mio bello non me vide muorto,
 Contame commo passano se risse,
 Tu faie chi songo; e se me teme Puorto,
 Vediste quanno vinne ca s'affisse
 Ogn'vno? ma non faccio chi haue tuorto,
 Perzò lo vero propio vuoie contare,
 Ca te'mprometto mò de v'aggiustare.
Hòra

Hora Ciullo le disse propiò quante
Cose hà passato, pe fi a no puntillo,
Ogne mbruoglio de Cenza disse nnante
Appriesso pò chell'auto de Masillo,
Micco Passaro ch'era douellante,
Ed hauea ncapo sempe quarche grillo,
Disse, bisogna pocca è chesso frate,
Che quatto cuorpe nzembra ve tirate :
Chesso aggio a caro (disse Ciullo) e Luccio
Ca io lo zollo buono sso potrone,
E me lo zuco commo sanguinaccio,
Perche la spata saie ca vò ragione,
Mò mò te leuarraggio da sso mpaccio
Senza che lieue, ne che baie presone
(Decette Micco) vattenne à magnare
Ca da ccà à n'hora te vengo à pigliare .
Ntra chesto ieze à trouà Masc, Micco,
E le decette ca non hà raggione,
Ed eie cosa de verrillo è sbricco
Fare da suso de lo smargiasone,
S'io dinto de sta casa mo me ficco,
Che paura aggio manco de Sanzone,
Non serueno da ccà le sbrauiate
Bisogna scire, e fare à cortellate.
Hora vattenne fore lo Pertuso ,
Ca cò tico se vò cortelliare ,
De gratia (isso respole) ma me feuso
Ca lo voglio de botta smafarare ,
A chesto Cenza sbalanzaie lo fuso ,
E mesese co Micco à sbrauiare,
Decenno fi cardascio de Masillo ,
E che s'acciga vuoie co no verrillo.

E tu (respose Micco) non deuiue

Fare le cose de chillo che squaglia ,
 Accossi l'hommo tuo nò lo mettiue
 A sto remmore, ed à chelta retaglia,
 Ma zitto tutte duie sciarranno viue
 (Pocch' io le porto') da chesta battaglia ,
 N'hauè paura figlia (statte sauda)
 Che lo Scriuano, ò Miedeco ne ganda.

Ca pò farrimmo subeto la pace,

Ma bisogna guastare chella cosa ,
 Azzò quanno à corcare pò se vace
 Pozza d'Ammore cogliere la rosa ,
 Se (comm' haie ditto) la cosa se face,
 (Essa respose) io guasto mò la dola,
 Ed accossine tutte s'accordaro ,
 E verzo lo Pertuso s'abbiaro .

Masillo fù lo primmo, che nce iette ,
 Mentre che Micco và Ciullo à chiàmare,
 Lo quale perche giaceo non hauette
 De carta straccia iezese à nforrare ,
 E quanno che chiammare se sentette ,
 Pigliaie na sfera, e pò pe nò schiantare
 A la soa cara, e doce Carmosina
 Se ne sfilaiè quann' era à la cocina .

Che quanno s'addonaie ca co la spata
 Ciullo era sciuto, tutta se sciccaie,
 Ma mentre chiagne , e stace desperata
 A lo Pertuso Mase Ciullo ashiaie,
 E no miglio da rasso appe arrancata
 La sfera , ed à lo vraccio arrauogliaie
 La cappa, e'n chesto Ciullo da valente
 Dissè l'haie fatta propio nfamamente.

E

E mò ccà te lo boglio mantenere,
 E carcarete buono lo cappiello,
 Mase respose non te trattenere
 Miette mano, e scompimmo sto doiello;
 Se nò te mpizzo, ca non pozzo hatere
 Fremma, ca volle già lo celleuriello,
 Mò disse Ciullo, adaso, mazza franca
 Ca sta spata è arreggiata, e non s'arranca?

Pò quanno mese mano se tiraro
 Quatto cuorpe de chiatto, e duie scèniète
 Ma de manera che non se toccaro
 Ca ne forriano tutte duie pezziente,
 Micco che pe ste cose era hommo raro
 Fermate (disse) giuvene valiente
 E' mmiezo se ficcaie commo no Marte,
 E cò la spata subeto le sparte.

Decenno ò figlie mieie mo se pò fare
 La pace, ca ve site sgoliate,
 E nicè lo nore vuoostro, ca me pare
 Ca sire tutte duie braue, e forzate,
 E se be pò quarcuno chiacchiarare
 Decenno commo faude le mazzate?
 A chisso dalle nfacce no permone,
 E pò respunne, siente cannarone.

S' à no sordato ncapo ò forte, ò chiano
 Dà co na mazza co lo fierro mponta
 Lo capetanio, chi è chillo pacchiano
 Che dice ch'è bregogna, e ca l'affronta?
 Perzò defenno co na picea nmano
 Dinto no furno, ò co na mazza agghiòta?
 Ca non fù niente propio la mazzata
 Pocca mponta la scopa hauea mpizzata!

Vh chi diria quanto se chiacchiarai
 Ncoppa sto fatto? puro s'accordaro ,
 Pò Micco la parola ne pigliaie ,
 E verzo lo Cerriglio s'abbiaro,
 Dapò che l'vno, e l'auto se vasaie,
 Llà foro da Gianfaruò tauernaro
 Seruute propio commo tre segnare ,
 E scompio la tauerna sti remmure.
 Pò comin' appero buono mazzecato
 Trippa, sambruschè, rosòle, ed arrustò ,
 E mangiaguerra, e lagrema shioschiato,
 E de li suone hauuto no gran gusto ,
 Ciullo de la fattura allecordato
 Mase frate(decette) sarria iusto,
 Che facisse guastare la fattura ,
 Che Carmosina n'haggia cchiù cottura.

Micco decette, Zitto poueriello
 Lo chi te pienze tu d'hauere à fare ?
 Hauimmo tutto lo catenacciello
 Nnanze che tu ne'hauisse da penzare ,
 E puoie rompere cierto lo castiello
 Perzò lo veueraggio me puoie fare ,
 De gratia(Ciullo disse)e p'allegrezza
 Le dà seje rana dinto de na pezza .

E pò decenno schiauo e seruetore,
 Ve songo à tutte, se pigliaie la via ,
 E perche porta a la moglie ammore ,
 E leuare le vò la cardacia ,
 Corze, e tutto azzoppato de sodore
 Ionze à la casa, e disse gioia mia
 E scomputo ogni triuolo, e despietto,
 Dirraggio commo pò dinto lo lietto.

E co

B co na granne festa s'abbracciaro,
Pigliannose (isce bello) quanto spasso,
Pò co no granne gusto se corcaro,
Ma fecero lo suonno stare arrasso,
Perche la notte à staglio fatecaro,
Che se sentio doie miglia lo fracasso,
E Carnosina stea tanto de vena,
Che chella primma notte scette prena;

Scompetura.





A Notare Cola Maria Za-
ra in risposta de la foia,
che dice.

*Quando mmano me vene chella
chelleta.*

A la Spagnola non se dace
titolo.

L Eiuto haut'no co no gusto intrinfeco
La chella vosta bella, e cortesissima,
De gran preiezza lo core se tilleca,
Pocca non faccio commo tanta gratia
Ve piace fare à chi non se la mmereta,
Ma pò sapenno ca le gente nobole
Sempe maie fanno à tutte gratie à tōmola,
Non me ne mmarauoglio, e ve rengratio
E c'hiù ca si fosse de Banco na polela,
E pe ve dare sfatione dicoue,
Ca lo bolere dedecare l'Opera
A me (commo decite) è no spreposèto,
Pocca non songo quarche ricco Prencepe,
O quarche letterato de Collegio,

Ma

Ma no pezzente, e nò gnorante propio,
 Ma se volite fuorze pe na sborria
 Farelo, ve sò schiauo, e ve resto obreco,
 E ve prommecco no paro de pumnece,
 Pe annettà li cortielle, e de na papara
 La meglio pennà, che sia bona à scriuere,
 E fuorze fuorze no mazzo de vruoccole
 Pe beueraggio, e no ve para misero
 Quanto à chi dà però, no à chi riceuelo;
 Pe cunto pò de chill'hommo verduoceno,
 Fi mone all'huocchie micie stace nuèfibe.
 Quanno se scoprarà farraggio ogn'opeta
 Ch'io porraggio, pe farele seruitio,
 Azzò la zara no lo faccia perdere,
 Ma le serua pe ncuntro à no reparolo,
 Mentre iocamo nzembra à spacca strömola.
 Hora pe scompetura prego, e suppreco
 Chella, che de le bite fa le gliommara,
 Che boglia arrauogliare senza furia
 Lo filo de la vostra, e sia de cannauo,
 Che pe cient'anne non se pozza rompere;
 Da Napole lo iurnao, che se scompeno
 Le feste de Natale, e s'apparecchiano
 Li zuche zuche pe fare strenerio.
 L'anno de mille seicento, e quattuordece,
 Chillo, che v'amma cò tutte le bisciole.

A l'ò Muto Llostrissemò , e Magnifeco
 Comm' à frate carnale Messer' Vneco,
 Che Dio le manne tanto de Ioditio
 Quant'io vorria pennacchie , purchie , e
 frisole.

PE l'arma de Messere cierto crideme,
 Ca tanto m'hà piaciuto la toa lettera ,
 Che l'haggio tutta letta co lo grassio,
 E 'ntenniette no gusto ncomparabele
 Cchiù ca s'hauesse vinto quarche chiaieto
 Ca staie de truono,e senza freue,ò collera,
 M'allegro pò ca staie cò sto buon'animo
 De te'nzorare, e la nnevine propio
 Mò che fà friddo,tronola, e chiuvelleca,
 E tanto cchiù la nzierte à milo shiuoccolo ,
 Si piglie Cecca, Cecca che de Napole
 E lo shiore,lo spanto,e lo martorio .
 E cride ca da Trocchia à Panecuocolo,
 E da Mariglianella fi à Casoria
 Ashiare non se pò cchiù bella femmena.
 E pe te dire mprimmo, ed antemonia
 Le soie bellizze,azzò sentenno direle
 Te siente strascinare co no straolo,
 E te spertosa Ammore lo vellicolo,
 Chiauannote de porta na saglioccola .
 Siente ora sùssò , e bengate lo spasemo
 Elsa hà na capo lauorata à broguola
 Grossa,chiantuta, e còmo preta marmora,
 Che maie vidde cchiù tosta chiricoccola.
 No fronte iancolillo, e tanto autissemò ,
 Che pare la montagna de Posileco

Co

Co no vosco de pile, doue pareño
 Le crespè lattochiglie co la posema
 Masseme si se nzorfa, e piglia collera.
 Le ciglia sò spelate, e derettissime, (no)
 Ma doue haggio lassato (ò ' piezzo d'asc-
 L'aurecchie cossì longhe, che pe dicere
 De lloro nce vorria ciento scartaffie?
 Ma lassammole ghire, ca me chiammano
 Chill'occhiezzulle spanto de lo puopolo,
 Huocchie de tiesto, huocchie de cefescole,
 Huocchie cchiù belle de sto tafanario,
 Huocchie lanterne de lo muolo picciolo,
 Che ponno fare luce à meza Napole,
 Huocchie da spiretare li diauole,
 Ch' à meza notte comm' à gatta luceno,
 Ed hanno quatto deta de parpetole.
 Lo naso pò te farrà ire n'estrece
 Bello appontuto, e fatto comm' à lammia,
 Ch' è bascio mmiezo, e mpona hà na pal-
 Le laure mò so na bellezzetudene (lottola,
 Ianche, sottile, dellecate, e morbede,
 Laure da lauriare co no zuoccolo,
 Laure mpeteniate de no cantaro,
 Che non saie si so berde, ò so gialloteche,
 Vasta ca si le bide tuorne mmummia,
 E deuiente no pizzeco mirannole.
 E la voccuzza mò (potta de Vauama)
 A l'huocchie de la cernia, e de lo scorfano,
 Si l'apre, e ride te farrà sorreiere,
 E propio strettolessa, tonna, e picciola,
 Commo vorza ncrespata, ma si s'apere
 Nce caparrìa l'Angrauio, e lo Danubio;
 Laf-

Laffammo stà li diente cōmo n'ebbano,
 Che me pare vedè iusto no pettene,
 Che nō sia buono cchiù pe piglia liēnene.
 Ma decimino la varua belledissema,
 La varua creo ca pesa iniezo ruotolo,
 Anze songo doie varue poste nzemmera
 Che se nce pò iocare à le farinole,
 Ed ha pe cchiù bellezza rusto, e tiennero
 Lo varuazzale cōm' à gallo d'Innia;
 Essà hà no pede dellecato, e picciolo,
 Che cauza poco cchiù de pūte quinnece,
 Ma doue songo sciso ? io volea dicere
 La mano iancolella c'hà le ghiedera
 Vrognolose, e sottile comm' à sproccole,
 Puro sbareio s' i st'huocchie de mafaro,
 Voze dire le spalle da prencipio,
 Così scompire à sciaruogliàlo gliuōmaro;
 Le spalle (ò bella cosa) cierto crideme
 Ca mmesorate nquatro so seie goueta
 Leuannone li shianche, e le tetelleca,
 E ncrosione non s'abbasta à dicere
 Manco la terza parte de le gratie
 De Cecca, che so ch' à de cientomilia;
 E non vorria co tanta filastroccole
 Stare tutt'hoie sceruclato à scriuere.
 Perzò mo c'haie sentuto zzò che dicote
 Nò cchiù cercare piettene de quinnece,
 Pigliate chessa, e scaca li capitole,
 Che faciste coll'auta, e priesto scumpela,
 Ca Maddamma Grannitia e Pascadotia,
 E Renza, e Vasta, e Popa, e Colospitia,
 S'hanno fatto li sfuorgie co li scisciole
 Pe

Pe farenee à la festa no canario ,
 Bagascia de le Ninfe, e n'autro scampelo
 De trauocchette, saute , e capotommole,
 E Rièzo, e Mase, e Cola, e cièto giuvene
 S'hanno allogate stammatina l'Asene
 Pe benire a ballare pò Domineneca ,
 E de leurera tutte se nce ncignano
 De panno de Shioreenza li Sargiuottole,
 Shiore de lino , e li collare fannofo
 De tela de la Caua cò la posema,
 Che chi le bede comm'à gentelhuòmene
 Fà lleuerenzia , e caacciasse la coppola.
 E chissè te farranno pò na muscca ,
 (Ca portano à taccone na tiortia)
 Da fare asheuolire meza Napole.
 Ed io perzì so Mastro Cola Ambrosio
 Me scòpe chelle brache c'haggio datole
 A reuotare , e acconciame le manecche,
 Che non nè niente fano de le goueta ,
 Perzì vengo à la festa pe faurirete,
 E'nce còpògo quarche prosa, ò sdruscio-
 In chisto miezo frate pe scompirela (lo
 Te faccio la bon' hora , co pregarete
 Da lo cielo allegrezza , e figlie mascole,
 Te resto ps garzone, e pe schiauuottolo,
 Da Trocchia , hoie de Cotufro uorne
 quinnece

Mille , e seiciento , e zero co no chilleto,
 De vuie vossegnoria obregatissimo
 Lo Chiafeo, che pè te se ietta, e brociola
 (Si nè scala perro) da coppa n'astreco.

Com-

Commo vuoie frate mio, ch'io te scriua
 cose de gusto? si da che l'Aurora se n'e-
 sce da lo lietto de Tetone chiagnenno, ped'
 hauerele chillo vecchio freddegliuso ne-
 gato le ragioni soie, finche lo Sole scrauac-
 cato da cauallo se ne vace à lauare li piede
 à lo shiummo de l'Innia, e pe le poreche
 de Cintia se vedeno allommate le locernel-
 le, io non faccio autro, che regnoliare, pio-
 lare, e gualiare, penzanno à chella benedet-
 ta hora, ch'io me ne pozza venire à là ncor-
 renno cò ogne zumpo, che sia quattro go-
 ueta à la vota de Napole mio, e fa cunto
 ch'aggio abbannonato ogne gusto. E si
 primma me pigliaua quacche sfatione co
 lo strommientu duouo, c'hauera accacciato,
 zòè li contrapunte co le ghiedeta ncòppa no
 compagno de votte à duie registre, che
 quando voleua mancà la voce ne caccia-
 ua lo mafaro, e quando la voleua cresce-
 re ne lo mpizzaua. Mò haggio sfonnola-
 to la votte, e ghiettato lo mafaro, che se l'hà
 pigliato chillo che puozze squagliare, fu-
 lo pe n'hauere occasione de stà còntento à
 sti mmarditte païse, doue me nc'ashio alleg-
 gerato de sanetate, e tanto acceputo, e allu-
 cignato, che so tornato ieteco, che si me
 vedesse mammama ne farria lo sciabacco
 no mese; e eor peio è na mala cosa à stare
 ciunco, e penato à sti cantrauune, e scarrupe,
 doue spereisco, ed arresenisco pe na gratia, e
 ndicere no suoru peluso, ò no lemmonciel-
 lo

lo picciolo m'esce lo speretillo, e che der-
 risse tu mò de li remmedie, che me fanno sti
 Catammare caccial'à pascere? Voglio che
 speretiè, ora siente: Me iettano le bentefe-
 co li tieste, me nzagnano co no scannaturo
 de puorco, me fanno le scergatiune co cer-
 te touaglie de capizze, ch'ogne resta de
 stoppa me fà no rascagno de quatto iedeta,
 me fanno lo crestiero co lo mantece, e le
 torte de shianchetto de crapa, e le mmedeci-
 ne fosserò à lo mmanco de chelle, che sole
 pigliare V. S. cà à lo mmanco si cache staj-
 co meglio appetito, ca n'hauerria perduto
 ntutto lo gusto, ca manco pozzo cchiù am-
 magliare, e tutto vene ca sti Miedece n'han-
 no canosciuto da prenzipio la primma cau-
 sa de la nfermetà mia, e deueuano ire à sto-
 diare meglio lo sesto libro de locis affectis,
 e lo Manoale de li Spetiale, ca hauerriano
 trouato tutto lo male mio nascere da lo po-
 co celleuriello, e co tanta mmedecine m'han-
 no fatto peo, cà haue fatto cchiù operatione
 la capo, che lo cuorpo, cò hauere deuaca-
 to quanto ne'era dinto de ioditio, perrò
 me scufarrite V. S. si non te dongo sfatione,
 à scriuere quarche cosa coriosa, tanto cchiù
 che pe le tanta mmedecine pigliate, la Musa
 mia se n'è ghiuta à fieto, & à bregogna, e be-
 sognaria, comm'arriuò à Napole, dare otto,
 ò noue caualle à quarche peccerillo, che la
 vaga cercanno co no campaniello ntorno
 lo shiummo Sebbeto, e mpromettere no
 buo-

buono veueraggio à chi me la sapesse
 mmezzare , ca pe te dicere lo vero n'haggio
 auto spassatiempo , che nchire li schiaccole
 de la carta de filastrocche, e commo n'hag-
 gio à essa so speduto . Ma dall'auta banna
 la pouerella hà fatto buono ad ashiaresc
 quarch' autro patrone , ch'haggia cchiù
 denare, e manco celleuriello de mene , ca io
 no le faceua troppo bone spese, poeca li de-
 signe de li pouer' huommene maie nò re-
 sceno . Era partito da Napole co li cuofane
 pe nchirele de tornise da ccà fore, e pò pe-
 no hauere manco d'accattà na sarcenella,
 m'hà bisognato metterelle à lo fuoco ; per-
 zò disse buoro Aratio, ca le montagne pre-
 ne figliano, e fanno li forecille, che me ne
 farranno tornare co le scarpe rosccate à
 Napole , e farraggio costritto de vennere,
 p'abbesugno la lamina de la spata , e nfi-
 care pe repotatione no chircchio dintò lo
 fodaro, e beramente sempe so stato desgra-
 tiato da che sciette da lo denuccchio de
 manmema, e maie crediette à suonno, che
 commo lo Sole s'hà puosto li stiuale,
 e li sperune , pe correre la quintana à
 l'aniello de lo Zodiaco se ne squagliano,
 e songo tutte paparacchie, e boscie . Era
 io na matina addormuto, che non m'ha-
 uariano scetato li truone de Marzo , e
 me pareva nsuonno, ch'io me lamenta-
 ua de la Fortuna , che maie tenemente
 dezitto à n'hommo , ch'à lo manco leie
 com-

competanno, e po mette in perecuocolo, e
 in perteca cierte che no le cacciarrisse da no
 campo de faue, e mentre io me gualiaua me
 parze de vedere no vecchio co na varua
 de crapa, che me pareua no gran hommo
 da bene, e me deceua non t   mmarauagliare
 figlio mio se ciento iessole, e ciantielle cossi
 facelemente saglieno ncoppa la rota de la
 Fortuna, pocca chella mmediosa de le ber-
 tolose qualet   de l'huominene, ognie la ro-
 ta de sapone, azz   ogn'vno ne sciulia. Ora
 m   tutte li zappature, cacciamonnezze, e
 frauccature, ch' hanno le mano lorde de
 terreno se ne' afferrano co no bello garbo
 e    despietto suio senza sciuliare se ne van-
 no n   mpona, e dall'autra b  na tutte chille
 che banno linte, e pinte, e ogne matina pe
 f   la mano ianca strudeno meza misura
 de vrenna, e no cacciauo de lencia    cape-
 zicello, subbeto che se'ne' accostano sciulia-
 no, e se ne vrociano de capo    bascio;
 perz   piglia sto conziglio, e scriuelo    let-
 tere de scatola, non te lauare maie le m  no
 si te ne vuoie appiccare senza pericolo;
 e mentre lo vecchio deceua accossi, e io ste-
 ua co l'aurecchie pesole, e appezzute p'
 ausoliare cossi sapute parole Felosofeche
 tutto sorriesseto, e co no granne parasi se-
 mo me scetaie, pocca sentiette no gran
 fracasso fora la porta, ed io caccianno la
 capo fora le lenzole, tellecheteto co na per-
 teca lo guarzone, che gronfiava    buonne

La. V. masside.

D

cchi  

cchiù dinto na carriola, e le faccio dare sub
 beto de mano à na mazza de scopa, e nchi-
 sto miezo me chiauò sotto lo lietto pe fare
 le guattarelle, e cosa che fosse, assautare la
 retoguardia; e beccote mò spaparanzata,
 la porta esce fore lo guarzone, e troua che
 la vaiassa s'haueua scordato apierto no ca-
 scione de chiuppo vecchìo, che tēgo p'or-
 namiento de l'antecammara, e le gatte
 n'haueuano piuziato, e zeppoliato n'huos-
 so de presutto, che lo teneua cchiù caro che
 l'huocchie, e pche le parte n'erano iute iu-
 ste, s'erano afferrate co na roina, che pareua
 che boleffe sparafonnare la casa, e abbeso-
 gnaie n'arte de guerra pe spartirele; e per-
 che chi sparte hà la peo parte, ancora ne
 porto mercata la statela, cōmo si fosse sta-
 ta à la Zecca, e chēsto puro nce voleua
 p'accōpagnare tutte le male fortune meie,
 che si bē voze obedire lo conziglio de lo
 vecchìo, ed hà tre anne che n'hanno visto
 acqua ste negrecate mano, tanto che nce
 puote sēmenare uzalata; e haggio certe re-
 uiette de velluto ntuorno à l'ognie, ch'è na
 bellezzetudene, tuttauota afferra quāto vuo-
 ie, appicceca ste brache, sempe me trouo
 sotto, e maie pozzo piglià pede, nè ne
 faccio spagliocca, e pocca manco cō muta-
 re luoco haggio mutato fortuna, farraggio
 meglio à tornaremenne priesto nnanze che
 torna à chiuellere, ca sto vierno passato
 si non m'ashiaua na cocozza de vino, che

por-

portaua appesa à lato, che me seruette pe-
 bessica, io m'annegaua dinto no pantano.
 V.S.addōca m'aspetta co lo termene ad ho-
 ra, ca cò la presentia sopprisco à lo manca-
 miento de le lettere, e tra tanto voliteme
 bene, ca io ve songo à lo soletto seruetorif-
 semo. Da . . . chillo mese che non se de-
 ue nnonmenare à le pecore, se V.S, hà leiu-
 to Sannazaro 1614.



*ALL'VNECO SCHIAMMEG-
giante, che pò rompere no bec-
chiero co le Muse.*

Scriuiette na lettera nresposta de chelle-
sta, che m'haie mannato V. S. mo scriuo
st'autra, e pocca non pozzo veniremenne
n'arma, e neuorpo, à lo immanco screuenno,
sbafo, spapuro, sbotto, e sfoco la crepanti-
glia, e la schiattiglia. Io mo nce songo arred-
dutto à sti delierte hierreme, doue adesa
nce songo peruto, pigliato de grāceto, e de
liēto, che buoie che nce faccia? ste brache sa-
late? na trippa? na caiōza? na meuzza zoffrit-
ta? na zubba? na cufece? na cocozza? st'voc-
chie de mafaro peluso, e pinto, fatto à bota
de lāmia co le lattochiglie nrespate co la
posema? non n'è autro che pigliaremello
mpacientia, ò crepo, ò schiatto. Non faccio
s'haie leiuto li Soniette compuose contra
chillo scirpio, smeuzillo, sautam'adduosso,
piuzillo, regnola, spipitato, zēbrillo, pideto-
inbraca, e scazzamauriello d'Ammore, che
m'haueua pigliato à frusciare, e nce man-
caie schitto no tantillo, che non m'hauesse
fatto mbrognolare la catarozzola. Ora sus-
so siente ca mo te la conto pe lo filo, pocca
sēpe nce ncappo, e ntorzo à ste rotola scar-
ze. E l'auto iorno à punto ashiannome
dinto no vosco saruateco à lo spontare de lo
Sole verzo le 22. hora ncirca scontraie na
snin

sninfia, isce, che bellezze cosa, ò schiecco de
 lo core, ò mossillo moscoliato, ò speranza
 de lo tataruozzolo suo, ò māmā mia, e che
 cosella de mportolantia, fā cunto V.S. ca
 era na cosa cchiù de lo cchiù, che propio te
 facea cannauola. Io pe te dicere lo peccato
 mio, subbeto che la vediette ne' appizzaie
 l'vuocchie, e restanno ammissio, attassato, no
 pezzechillo, tutto de no pezzo comme no
 pepierno, ò preta marmola, co no parmo
 de canna apierto, comme le fuie vecino cac
 ciannome la coppola co na bellissima lleue
 rentia me lassae scappare no sospiruzzolo
 vtriusque iuris, e co na vocella piatosa, c'ha
 uaria spertofato no core de fierro le decet
 te. O musso mio, speretillo de st'arma, cac
 cia core de la vrachetta, sta bellezza toia, è
 cosa da stordire, sso' frōte à bertecella me fā
 squagliare, st'vocchie scaragnate, scazzate
 pisciarielle de cefescola à zēnariello m'han
 nò puosto na fattocchiaria dinto le stētine
 de lo cuorpo, che songo spātecato, sto naso
 à brognola me face asheuolire, ssa vocca
 vausa de cernia me face sparpetciare, ed
 allucignare, sta varua d'anneccchia me face
 arresenire, ssa canna fatta à caracò me face
 ire n'estrece, e sso pietto tātō attillato, e ti
 seco che pare che nce puorte na chiancha
 rella, me face allancare, e pe concludere in
 cincociento parole tutte s's'autre bellezze
 da le chioche, pe fi à l'ossa pezzelle, m'hā
 no fatto na cosa dinto stò pietto, che se co

tolcia, fricceca, sbentola, e face zerre, zerre,
 e Copiddo, subbeto che t'allommaie co na
 coda d'vuocchie, de sicco nzicco, e de vroc-
 ca, ca me vide, e ca nō me vide, me chiauaie
 no reuierzo de ponta sotto le tetelleca, che
 se nō me coglieua de chiatto, de sbiafo, e de
 sguinzo poteua dicere requie scarpe, e zuoc
 cole, e mutare airo, ma con tutto chello pu-
 ro me carfettaie de maniera, ch' ancora sco-
 la lo sāgo, e ne sōgo tutto azzuppato, nfufo,
 e sbazzariato, che se ne sente lo shiauro do-
 ie, ò tre tirate de colōmbrina. Non foro ches-
 se parole, ma pōmardate, truone de Marzo,
 e lanzate catalane, poeca subbeto fatta na
 cera gialloteca cōme sodarcata, e cōme fos-
 se cotta d'ardiche, nzoccata, ngottata, nzor-
 fata, ncriccato lo musso, e storzellate l'vuoc-
 chie, cōmenzaie à brontoliare, regnoliare,
 veruesiare, gualiare, gorgottare, e mormo-
 riare, deceno na lista lōga lōga de filastroc-
 cole, e creio se l'hauesse nfrucecate da lo Pi-
 deton Testore. Non faccio chi me tene, che
 non te sborza na lāterna, Anchione, arc'a-
 seno, babione, bābano, catarchio, chiafeo,
 catāmaro, chiaro, cānarone, cippo denfier-
 no, caccial'a pascere, cazzera, chiantamalā-
 ne, mātrone, pierde-tornata, porchiaccone,
 varuaiāne, mochione, piezzo de catapiezzo,
 luongo ciauano, maialone, maccarone sēza
 sale, sciagallo, scialò, spellecchione, mamma-
 lucco, nzēprecone, pappalafagne, zuca-vro-
 da, vacallaie, guallecchia, sarchiopio, straccia

vrache, scāpolo d'alleffe, verlascio, veruecō-
 ne, vozzacchio, nzallanuto, farchiapone, sco-
 la vallane, mamma mia mmoccame chillo,
 maccarone sautame ncāna, spito sicco, bello
 nchiazza, caca zeremonie, pacchiano, caca-
 posena, caca-zibetto, ca me vaie linto e pin-
 to x co lo spito à culo, e pò comme lo vide-
 lo scriue. / Io che bediette ca la pistola era
 troppo lōga, e ca le faceua la lingua cōmm'
 à taccariello, subbetto le rompiette lo parla-
 re mmocca decenno, che serue sto ca, ca, ca,
 cōme voccola, c'hà fatto li pollecine? sta zit-
 to che te venga la pepitola, appila, ca n'esce
 feccia, ammafara ca vene la paglia noua,
 stipate sà voeca pe le fico, e non peperare
 c'haie ashiato la ventura toia, e nōn nce sca-
 pete cō mico, tu me vuoie vedè fà lo tratto
 (arrasso sia ditto) commo si crodele, cre-
 ca t'hà gnenetata na cestunia, pocca stà
 ncoperchiato sso core tuo de na cosa cos-
 tosta, che non te ponno spertofare li sospire
 micie, lassame pe l'arna de li trapassate
 tuoie parpezzare schitto no tantillo, e pò
 spacca, e pesa, e rūpeme li strōmiente ncuiol-
 lo cōme te fosse schiauo, e sieruete de la rob-
 ba toia cōme se fosse la mia, e commāname
 cōnt' à no viento, ca me mouo comm' à nò
 scuoglio, e te refosto li frisole, li fellusse, li
 babuine, li purchie, e li pennacchie à dellu-
 uio, à vuocchie de puorco, à buone cchiù, à
 botta fascio, à pietto de cauallo, à bizeffa, à
 branca à brāca, co la pala, e co lo cuofano,

e te nzauorro, e sgoleio, ca non sōgo quar-
 che spizeca, speluorcio, formica de suoru,
 ò de la lesena, cōmo te credisse mo tu; e po
 pē tè, me vrocioleio da ncoppa no soppi-
 gno, zōpo da no scalātrone, me mbroscino
 dinto na chiaueca maestra, e me sbalanzo
 da n'astreco; se tu me vuoie na spotazzel-
 la sola dē bene, io te faccio no paro de
 scioccaglie co le zagarelle rose secche crā-
 mosine, na strafochiglia co li scisciole d'o-
 ro brattino, no ntruglio de christallo sbol-
 luto pe brāchiglio, e te ncigno na gonnella
 de frunne de lampazzo co lo verdocato; e
 chello non è niēte, ca te faccio pò ire dinto
 na carriola pe Napole cōmo na Contessa,
 co no māteglino de cannauaccio de Geno-
 ua nforrato de carta straccia co la concia de
 Rōma co l'afreciello perciato, e la cēmofa
 mpōta; e chello che cchiù mporta mò, è ca
 subeto che tu arriue dinto lo funneco mio
 ashiarraie no bapchetto, che nce porria ma-
 gnare no Mparatore, e mprimma, ed'ante-
 monia no cāpanaro de puorco fatto ngrat-
 tinato, no ciento poglione, idest na caionza
 co lo vrundo cōciato, no piguato de torze
 strascinate co lo lardo adacciato, na ciaulel-
 la de faue ngōgole, no sciosciello, no piatto
 de sango co l'aruta, e pe retopasto na pizza
 de redita nfosa à lo mele, e na cesta po zep-
 pa zeppa, chiena chiena, varra varra de cice-
 re caliate, melashioccole, franferlicche, gri-
 sōmole, scioscielle, forua pelose, fico pallane
 e pru-

e pruna coglia piccoro ; e tratanto spararrà
na musca de tiorbia à taccone co lo tam-
morriello , e dapò hauere fatto no vestiui-
colle co lo terreche tentera, co lo cute cute,
e lo trūche trūche , senterraie na maneiata
de canzune toscane noue noue , che cierto
non se cātano lloco. La primma vota ch'io,
Donna poiche me lasse tu , stare nuita non
voglio cchiù. Dimme aĩnore, e quāno maie,
Haggio saputo ca si malatella. Cōpa Vafile
che faie lloco suso ? salutame no poco la cō-
mare perna riale. Quanno penzo à lo tiēpo
passato , O Dio che fosse ciaola che bolasse
a ssa fenesta à dirte na parola , ma non che
me mettisse à la gaiola. Tu si de Trocchia
ed io de Pascarola , e reuiettolo mio reuie-
ne, e lo passatincolo e lo bellò, Parzonarel-
la mia parzonarella. E le brache de lo mio
aĩnore se vonno ve venuere, e boliteuell'ac-
cattare ò belle fe femmenè. E tātò me disse
co sso naso nculo, pè nfi che me facisse ster-
nutare. Auza maruzza e da la mano à Cola
Cola se ngricca, e sona la viola. Ma lassāmo
mo ire sti cunte dell'huorco , io te iuro à fe
de gentelhōmo, ch'eie auto stare à Napole,
Che'n Calauria, doue nō ncè longo autro,
che scarrupe , casuorchie, e picocche, ca llà
schitto che r'affaccie à na fenesta, vide cien-
ro guagnune co li collare , che sēza posema
se reiēno, e di ca le bide vestute de lana cō-
mo ccà , nō portano auto chē pāno de shio
renza , de shiore de lino , ò verde mbruno,

D s

ch'è

ch'è na bellezza à bedere , e tutto lo iurno
 non fāno autro che ghiocare ad anola trano-
 la pizza fontanola , ad è notte ò iurno , à
 biata re co la catena , à commare lo culo te
 pare , lassa parere ch'è bello à bedere ; ad
 anca nicola si bella e si bona ; à la lāpa à la
 lāpa ; à lo viecchio n'è benuto; à lo iūeco de
 lo scarponē ; à le norchie ; ad apere le porte
 ca farcone vole ntrare ; ad accosta cauallo; à
 li forasciute ; à li sette fratielle ; à banno , e
 cōmannamiēto; à ben vēga lo mastro, a bec-
 come; à bienola vienola cuccipannella; à co-
 ualera; à cōpagno mio feruto sò ; à chioppa
 ò separa; à cucco ò viento; à le castella; à chi
 ncè suso lo zelluso , di che scenga non se pò
 zella mò, zella pò; à la colonna; à le gallinel-
 le; à gatta cecata ; à guarda mogliere; à gab-
 ba cōpagno; à la minorra; à mazza e piuzo;
 a messere stà ncelleuriello ; à nzecca muro ;
 à paro ò sparo, à capo ò croce; a preta nzingo;
 à pesce marino ncagnalo ; piglia la preta, e
 shiaccalo ; a pane caudo; a la passara muta;
 a Re mazzie , a rentinola mia rentinola ;
 a la rota de li cauce, a la rota a la rota, Sant'
 Agnelo nce ioca ; a rociolare lo totaro ; a
 stiēne mia cortina; a seca molleca ; a sauta
 parno; a li sbriglie; a spacca strōmola; a scar-
 reca varrile; a la saglipēnola ; a tira e molla ;
 a tafaro, e tāmurro; a lo tuocco; a taglia zep-
 pole faruo , e faruo ; a tozzare co l'oua pēte.
 Ma chello che te da cchiù sfatione è bedere
 cinco ò seie iocare a le cetrangolette , che
 pare

pare che siano fatte a bita , e se torceno ;
e se storzellano secunno vâ lo cetrangolo , e
pare che facciano lo ballo de trapolino , e
po siente li peccerille cantare mille cose ,
Iesce iesce Sole scaglienta mparatore ; non
chiouere non chiouere ; truone, e lâpe fatte
arrasso ; simmo li pouere pellegrine, e cien-
t'altre sdrusciole da faretenne ire mbruo-
do. Hora comm' hauiette deciuto tâto , che
m'era addefa allancato , essa me respose , vâ
ca l'haie trouata, com'è grasso lo sturno, cō-
me si arciuo ! Di peruita toia à che tauerna
ncè canoscimmo ? mo nce l'haie cogliuta co-
sse paparacchie ; mo piglie quaglie co sti di
cote, e disse , mo la mpapuocchie , e' ngar-
buglie, e nè la pische comm' à perchiolella,
mo haggio chino lo fuso , altro ca parole
vò la zita , chesto me fece la gatta , mer-
regnao, diafcane'è , chiorsi quanto curre, e
mpizze , vâ figlio mio ca marzo te n'ha ra-
so, e te puoie piglià no palicco , e spizzola-
larete li diète, ca pe la parte mia puoie mō-
nare nespole , e sonare le campane à grolia,
e gridare a le ciauole , e si n'haie autra can-
nela de chessa , te puoie ire à corcare a lo
scuro, ca nce pierde la rafa , e nō ncè nè lic-
che , ca no nc'èie esca , nè taglio pe tene , e
pe te dicere lo penziero mio co tâto de let-
tera a marzapano, n'haggio abbesuogno de
chiacchiare , ca lo chireco de Troia vole
fatte e non parole , e canosco à la punta de
lo naso sti triunfe de coppa , e ste grasse de

suuaro, che me vonno dare a intennere ves-
fiche pe lanterne, e la luna dinto lo puzzo;
miettele lo dito mmocca, e toccale lo naso a
lo peccerillo, ca te face la cappa larga, e pò
fa cièto nodecca a no torneſe, valla dicere Na
poletano, largo de vocca e ſtritto de mano
e chello che cchiù mporta mò, è ca ſi me-
nnauaffe d'oro, n n vorria vedere ſſa faccie
de cecoria male cotta, ch'à ſentirete parla-
re ſchitto me vene l'appietto, e non te poz-
zo vedere pinto a lo muro, e ſi t'ashiaſſe
dinto la monezza mào te pigliarria, ne te
cacciarria da dinto no campo de fauc, ca ſi
propio appilate lo naso, e fuie; e te pienze
azzeccoliaremete adduoſſo. Haue tuorto a
dire ch'è ſtuorto, le reſponnette Io, V. S. nò
me deuarriffe fare aggrauio, ca non ſongo
ceſſi aggrancato comme te cride; e doue ab-
beſogna, e nce vò lo nore, me le laſſo ſcap-
pare a ciento a ciento li pataccune; de lo
rieſto ſi ſongo brutto, chi non me vò dà la
mamma me dia la figlia, ca non ſe po haue-
re grieco, e cappuccio; la votte chiena, e
e la moglie re mbriaca; Vennegnare, e pi-
glià le feſcene; non ſe pò beuere, e ſiſca-
re; dico mo a prepoſeto, non ſe pò eſſere
ſbelluortolo, e ricco, ma dice nò mutto
antico. Faccie ſtorta, e bentura dextta, e
po me pare ch'aggie buon tiempo a ter-
ziareme, ca non è tanto quanto ſe dice, ca
puro me ſongo mirato dinto na ſcafareia
d'acqua, e poco nce mancaie, che non me

nnam-

nnammorasse de me stisso, ca haggio na bel
 la meriana, e chello che non te dice lo spec-
 chiale, non te lo dice foreta carnale; ma chi
 se mpaccia co femmena malanne femmena,
 tu faccio ca vorrisse che tutte le cose te co-
 lassero bone , ma figlia mia chi vo la carne
 senz'vuosso, accatta premmone. Mille altre
 raggiune le deciette pe cōnortarela, perche
 dice lo prouerio , Ietta verbo nchiazza , e
 lascia operate à la natura', ma ella pigliatase
 n'arraggia, e na zirria granne, abbottaie , e
 ntorzaie comme se le fosse venuto lo tiro, e
 cōme fosse cotta d'ardiche dicette, tu me fa-
 ie pigliare lo parafisemo , e me daie altro
 caudo che de Sole, e me si ghiusto na zecca
 fresca, e pare, che me vuoglie coffiare, ma si
 nò sfratte, allicce, spurchie, sparafune, cuo-
 glie le bertole , anniette lo paese , te ne la
 sfile, e te ne piglie li scarpune, e le zaraua-
 tole, saie quanto nce mecco , e te faccio? vi
 nō me fa dicere. Chiano, ca li brocchiere so
 de chiuppo , che me porrisse fare da ccà à
 ciēto anne? (le respōse io) na quarera à la
 Zecca? ò n'accusa a la Bagliua de S. Paolo? ò
 legareme li puorce a le cetrola? ò dareme na
 cortellata à lo tallone ? ò fareme na cura co
 lo motillo ? ò na secotata co na coda de vor-
 pa? ò schiaffareme sso naso a Napole ? (aiu-
 tate lengua mia si nò te taglio) chisso è lo
 māco penziero che me lassae vauomo, e tu
 m'iesce da lo sēmenato, e fiete de vrogno-
 la, e buoie morire vestuta, ca la formica
 quanno

quando vò morire mette l'ascelle, ed io tē
 tēgo à la cammera de miezo. Chiarchiolla,
 caiotola, caca-tallune, cierne-pédeta, ciätel-
 la, cotolinola, guattara, guaguina, guitta,
 smorfia, spitalera, forchiamucco, squaltrina,
 sbeslecchiata, sciāchella, scioffata, quarchiā-
 ma, zellecherenzè, pettolella, perogliosa,
 meza-cammisa, zantragliosa, fonnachera,
 vaiaffone, vozzolosa, magna pane à parte,
 ietta-cantarielle, votta schiattata, laua-sco-
 telle, licca-mortaro, scumina-vuoccole, af-
 foca-peccerillè, vommea-vracciolle, iana-
 ra, piede de papara, mamma de lo diauolo,
 shiù, shiù, schefièzia. Tiente razza, ca s'era
 ntosciata! Fà bello core mio, che non te ta-
 glie, fanne de māco per vita toia, attaccale
 no nudeco à la coda, legala à curto, ntona-
 te ciervuo, vasciate che non tuzze, à me co
 lo cortiello? molla s'autro capo, Gianferrā-
 tè scinne co sfo spatone, ciernete Renza,
 ncriccate maddāma Colospitia, fatte à con-
 tenere maddāma Masella; nfummate Signo-
 ra Pascadotia, ca me vaie comm'a gatta co
 la magnosa cò tanta trincole, e creio ca tē-
 cola la quaterna cōm'a sporta de pescatore,
 nō toccare, ch'è ciāmellotto. Adaso Merola
 cà la via è pretosa; fà palillo musto mio,
 che nō vruocciolle, quāta gnuognole marco
 mio, māco se fosse l'ampolla de lo Saruato-
 re. Adaso ca iāmo disse Carcariello, a passo
 a passo disse Gradasso, ca iastēme de fem-
 mena, pe culo te le sēmena, ed'io nō sia nato
 de

de noue mise si tti ne la vaie, ca nō te māno
 à Romma pe penitentia, ca te castico co la
 mazza de la vāmace, cōm'era aseno io che
 boleua dare confiette à puorce ! ca me cre-
 deu a d'arrobba panno frāzes, ma faceua no
 bello scuoppo à impacciareme co na moz-
 zecutola, gridazzara, mmiciata, che sarria
 pe nfettà na naue de pezziente. Ancora ha-
 uenua da dicere lo riesto de lo carrino, e la
 ionta de lo ruotolo, quāno essa cōme na ca-
 na figliata me disse. Ah lega de nfāmo, ne
 miente pe la cāna; Che re pare Cicco de flo-
 ronзино ? ora sponteca st'vosso mētre vene
 l'arrusto, auza sto lippolo, forchia sto ve-
 luocciolo, sciccane chēsto, auzate da sto niet-
 to, e datte na vota, e leuate, ch'è no poco
 d'erua pe lo piccoro. Io tāno perche nce ie-
 ua lo nore mio, e m'allecordaie de la sentē-
 tiā, Crescate nore ca vregogna nō te ne mā-
 ca, e pe non me lassare mettere lo cauce 'n-
 cāna, ca chi crapa se fa, lo lupo se la magna,
 e all'vtemo dell'vtemo l'hōmo è hōmo, e bà
 descorrēno, non potte fā de la trippa co-
 razzone, ma subbeto le disse, che ssa è mērita
 morta de famme, e tutto à no tiempo voze
 sguainare la ferrecchia, e lo chiù piezzo me-
 nuto farene l'aurecchia, ma pò hauiette pau-
 ra de no l'accidere, e ghi foiēno pe debeto.
 Accossì pe gauetare quarche mpicceca le
 disse, vā à la bon'hora maddāma mia, ca io,
 e tico simmo duie, e mo hauerria venciuto
 lo chiaieto à pigliaremella co tico, ca tu si
 cēca

esca decorte, capo de chiaieto, scapizza-
 cuollo de chille de la cappellina, e quarche
 tentatione pe mene, ca si na bella scazzeca
 iuoco, cavaie cercanno co lo spruocolo, e
 la cannelella de cera de guastare li fatte
 feste de l'huommene da bene, ed io mo, me
 voglio fa li fattecielle mieie, e ghire co-
 lo cchiummo, e lo compasso, nè me voglio
 mouere à schiasso de shionnea, e pigliare le
 mosche n'aiero, e lo strunzo mbuolo, ca me
 disse chell'arma benedetta de Micco An-
 tuono rofeca antrite, Sinneco de Catruop-
 polo, ca nō se vole mettere lo pede ad ogne
 preta; perzò leuamette da nante, ca n'hag-
 gio abbesuogno, che sti' Scriuane se ne zep-
 poleiano, piuzeiano, corteiano, arrauoglia-
 no, azzimmano, granceiano, arrocchiano, e
 scorcogliano chello, che non haggio. Non
 hauiette furnuto ancora de dicere, ch'essa
 voceteianno, tataianno, e strillanno com-
 menzaie à fare fuorfece fuorfece, e chiam-
 mare à ciammiello na frattaria de spolle-
 trune e guzze, ch'erano dinto chelle fratte
 dicenno, corrite corrite tutte. Mase, Masiel-
 lo, Masone, Masuccio, Micco, Mineco, Me-
 necone, Menechiello, Menecuccio, Micco-
 ne, Miccuccio, Titta, Peppo, Millo, Pōpeo,
 Cola, Coluccio, Colella, Rienzo, Renzone,
 Renzullo, Ianne, Ianniello, Tonno, Anto-
 niello, Antonuccio, Antuono, Cicco, Cic-
 cone, Ciccariello, Iacouuccio, Iacouone, Ia-
 coniello, Iacouo, e mill'autre nomme, che
 non

non songo n'calannario, che tutte se ne ve-
 neuano ammolate à rasulo, ed assaiate com-
 me cane de presa, pe me se azzeccoleiare
 ncuollo. Io pe gauetare quareche arrove
 (non perche hauesse felatiello, ò cacauesia,
 ma pe non fare mesesca, e streuerio de quin-
 nece, ò trenta de chella marmaglia) co no
 bello sfarzo nobele, comme se non fosse
 fatto mio, guatto guatto, chiano chiano,
 faudo faudo, adaso adaso, e zitto, e mutto,
 me la solaie, appalorciaie, sbignàie
 ammarciaie, affuffaie, talloniaie, e pigliaie
 lo fardiello pe lo pennino de la montagna
 à bascio, e tra tanto le terrose, e le pantof-
 che chiouellecauano, e à lo meglio de lo
 correre ntroppecaie, e sciuliaie, e deze de
 zippo, e pesole dinto no zāco chiatrato do-
 ue me mpantanaie de manera, che me fece
 no parmo, e tre deta de chiarchio à l'alber-
 nuzzo, e'n chisto miezo me nzeccaie n'asca
 de fauorra à la chìricoccola, ch'auora nce
 tengo lo nchiastro, e agniento de Rè Ver-
 gilio, accossi fu lo prenzipio a mieie lūghe
 martire (disse lo Petrarca) e poco nce man-
 caie, che me fosse rutto l'vno, e l'altro cuor
 no, e faccua no sonetto meglio de lo suo.
 Così tutto azzazzarato, e allordato me ne
 ieze. Ma chi porria dicere la baia, l'allucco,
 e l'illaio, che me facettero chille da coppa
 la montagna? fa cunto, ca terra tienete, allè
 allè a lo vrecchio, ah'schiaffo smargiaffo, sif-
 ca Francisco, adaso messè Biafo, auza lo chi-
 uouo

nouo ca passa lo Capitanio nouo, auza l'at
 raccaglia lassala i ch'è paglia, auza lo cres-
 pie lo lassalo i ch'è fierro, zi, zi, zitame chi-
 so; ò bene mio ntonato, illo collaro hailo pa-
 gat? e tra tanto le breccie scenneu. no dal-
 l'airo tiffe tasse, tuffete, ma nō se curano, ca
 dauascio le lauaie la capo senza sapone, e
 nce ne dette pe le cegne, e le carcaie de bo-
 na maniera la coppola ncapo co le ngiurie,
 che le deciette. che malannaggia li vische
 vuostre scazzate, vi che no ve scappa quar-
 che bernacchio sbetoperate, sbrammaglia,
 sbricche, scauza cane, spoglia mpise, scotola
 vorzille, annetta priuale, caccia monnezza,
 coruute à paletta, canaglia barrettina, zita
 bona, iessole, verrille, perzò sbrauiate, ca si-
 te nzaruol loco ncoppa, ma si scēnite ccà, ve
 sficcaglio, smafaro, sfecato, sbentro, smatri-
 colo, strippo, spertoso, scataniello, scocozzo
 sguarro, scatarozzolo, scosso, taccareio, ntō
 maco, ntrono, ammatonto, scannarozzolo,
 abbuffo, meno li ture, sceruecchio, ammacco
 li vuoffole, scummo de sāgo, sfraueco la fac-
 cie, carfetteio, spacco lo caruso, fruscio de
 mazze, faccio na ntosa, zollo, sbozzo, scafa-
 cio, schereco, sgōgolo, refonno na chechera,
 no sgrognone, no sciacquadēte, no serra po-
 zeca, n'anicchio, na pacca, na cresta, no pax-
 teco, no quatto e miezo, na mano immerza,
 no ntrona mole, no masccone, no secozzone,
 no tafaro, e tāmurro, no ntrōmacone, na pol-
 lecara, n'a bbuffa cornacchie, no spettorone,
 no

no parapietto, na gouetata, e ve nzècco na zègardola ped'uno npōta lō naso, e na rasca à l'uocchie, e le dille n'otra mano de chellete cōme se chiāma, che nō se farrano deciate à n'hōmo de paglia, e poco manco, che no le pigliaie a colauattole. Chille mò sentēnose affise, se ne ueneuano a'rompecuollo pe mè carfetteiare, e cōciare pe le feste, ma io che sò sapatino, ed ecciacuoruo, e faccio quanta para fanno tre buoie, c'haggio fatto sti quatto pile a la guerra de Shiannena, cona stratagēma meletare le uoze fare na Moscata, e cossi me nforchiaie, mpertofale, mpizzaie, nficcaie, nfociette, nrapaie, e nfaccacciaie dinto no certo recuōcolo de sepale, de rostine, che me rascagnaro tutta la varua, ma voze la sciorta loro, ca non dezero a la moscata, ca n l'haueua le zāpetelle, e grāse adduollo, te le pigliaua la misura de lo iepone, ma puro nē sciette co lo nore mio. T'aggio voluto dicere stà lōga storia, azzò ide lo desgusto, c'haggio de stare a sti deruope, ca me ne voglio fuire cōm'argiento viuo, e benire de carrera, e retto trammēte à schiaffareme dinto lo Lauinato, perche se dice asa mia casa mia, focolariello mio, pedetariello mio, ed ogne riccio a suo pagliariccio, e pe fine se t'haie stoiato le mano te le baso tutte doie nsoledo Da . . à 20. de lo mese, che Apoleio cantanno mette paura à li liune, del anno 1614.

De V.S.

Schiauuottolo ncatenato

La Smorfia,

*A lo setténio gnieneto de Messere, xòè fraterno
carnale lo cchiù stritto parente, che stace à
Cosenza, che Dio manna sanetate
primmo a me, e pò ad' i sso
se ne vole.*

HOramaie, che commenzano a mbroccolare l'aruole, e l'ancielle se preiano de la shioruta Primauera, pocca le montagne ch'erano coperchiate da li chiatre de la neue s'hanno ncignato la gonnella verdeuaie, e se songo adefa scommogliate tutte, e li shiumme che pe lo passato verno s'erano ntrouolate, se ne vrociolecano pe lo pennino de li scarrupe à bacio de colore d'argiento, Ammore, che pe lo frido de le ghielate, se ne steua à scarsare a cāto a lo fuoco accommenzaua a tellecarme, e fa cunto ca m'era na zecca fresa, tanto che l'auto iuorno nō potenno cchiù abbèearé mene ieze à chiauà sotto n'aruolo spapanato, & cacciāno da na vertola no paro de zampognelle, e facenno abbottare l'otra de viento, mentre che le cannuccie pioliavano comm' a gatta figliata, io pe sbottare, e spaporà la collera commenzaie a cantare de chēsta manera.

Da quanno vedde CECCA chisso tuppò
 Che stà nericcato cchiù de na vrachetta
 Tanto st' affritto core chianto ietta
 Che dinto de le lagreme m' azzuppo.
 So deuentato secco comm' à chiuppo,
 E l'arma se ne sciulia à staffetta,
 Ca la collera soa manco l'annetta
 De Dommeno Agostino lo sceruppo.
 Fa cunto mœ ca face adesa n'anno,
 E propio da lo iuorno de la scenza,
 Che sò mmezzato à chiagnere a felluzzo
 E tu scrofa staie sempe co la meuza,
 E aspiette che me vrociola a no puzzo,
 Ed io pe sgoliarete oie me scanno.

Commo so muorto, tanno

Me faccio co na perteca no grassio,
 E scriuo a no tagliero sto petassio.
 Non fuie chiafeo, ne zassio,

Ca leieua scorrenno lo petommo,
 E benze a despotare Rienzo, e Ciommo,
 Ma pe fare dell'hommo

Voze ammare sta figlia de Cornuto,
 Che m'hà chiauato dinto a sto tauuto
 Vuie, che hauite leiuto

Li guaie mieie da la A, pe fi a lo rummo
 Tirateme na vessa pe sproffummo.

Fù la musca cosa veramente da stordire
 tanto era chiena de gargariseme, e passauo-
 lante, tanto, che le pecore mieie, che se ne
 ieuano rosecano l'erua tennerella lassaieno
 de magnare, e benneno pe m'ausoliare, e
 com-

comme se fosse stato n'autro Arfeo, lloco
vediette da ccà zompare no leparo, da llà
sbalanzare no crapio, da sta banna verno-
liare no passaro recanato, e dall'autra arra-
gliare n'asenò primmarulo, che pareua iusto
no cardillo mmezzato ngaiola, ma nchillo
miezo sento da cierte vallune, che gualiaua
na voce, io me crediette, che fosse Cecca
mia, ch'aguattata dereto quarche sepala me
faceffe li gatte felippe, & subbeto me ne' ab-
biaie pede catapede, ma nō ne' ashiaie ne-
sciuno, ca chella era Echo, che repeteua le
parole meie, comme fanno li scholarielle
quāno repeteno à lo mastro l'Ardo Manun-
to, perzò vedennome delleggiato me venne
tanta collera, che cchiù de quinnece vote
voze saglire ncoppa no cieuzo, e fare na ta
potōmola, semmozzare dintò no pantano
ò à lō manco scānarozzareme co no spruoc-
colo appontuto, pocca non m'ashiaua na
ferrecchia pe squartariareme, all'vtemo non
uolenno cchiù campare à sto munno, co na
grastolla, ch'ashiaie pè terra scriuiette
ncoppa la scorza de no ciervo cheste parole.

No core gnenetato de cestunia

Non se curaie ca chianze à pescericolo;
Ma se mostraie cchiù tosta de n'ancunia,
Se be me uedde puosto a gran pericolo,
Io no la uoze ammatontare a punia,
Ma me chiauaie no spruocco a lo nellico-
O tu che passè a pena de na scoppola (lo
Fà lleuerentia, e cacciate la coppola

A pe

A pena scompiette de dicere sta canzona
che deze de mano à no chilleto appontuto
pe me spertofare , ma quanto che d'è, che
d'è, ò ca fosse lo sopierchio chiagnere , che
hauera muoseto à compassione non solo
le pecore meie , ma le prete de la uia , ò ca
fosse ca m'ashiaie hauere iaionata meza sta
quarantana, me addebboliette , e cascaie de
cuorpo nterra, e l'vuocchie carcate da cierto
pisemo , me forzaieno à dormire , ma non
tanto priesto l'appapagnaie , che me parze
de vedere la belledisema Cecca mia co lo
dobbretto de la festa tutta sforgiosa co li ca-
pille tutte mpizzate de scisciole , e penneri-
cole , e parze che tutta grelliante me dice-
se, che d'haie pecorone che chiagne ? tè pi-
glia sta tellicarella e stoiate ss'vuocchie
scaudate , e haggie speranza , ca se be te
mostro pe lo nore mio la faccie storzellata,
e nzorfata, tutta vota non songo accossi cro-
dele comme te cride, ca spanteco , ashieuo-
leio, arresenisco, sparpeteio, speresco, moro,
arraggio, schiatto, e crepanto pe tene, e nō
passarranno fissant' anne che te sgoleio , e
perzò te ne dongo la fede ; e cossi me dette
la manzolla , io me pareua , chem'allecor-
dasse ca Cato disse , fronte scappogliata , &
zetera, perzò hauēno la Fortuna pe li capille
non me la voleua lassà scappare, e la tiraia,
ma essa voleua foire, io tiro, essa tira, all'vte-
mo fece tāta forza, che me sceteie, e me tro-
uaie auere afferrata pe la coda na pecora de
le meie.

meie, che pe la paura m' hauena deuacata
na mesura d'auliue nfaccie, io subeto a chel
l'horà incedesema me ne ieze à na certa grot-
ta doue stà no strolaco, e le cōtaie pe loffilo
chillo suonno, azzò me lo dechiarasse, &
isso me decette, stà de bona voglia, ca chif-
so è buono agurio, perche l'auliua segnife-
ca pace, e perzò Menerua venze lo chiaieto
ch' hebbe co Nettunno, ca fece spontare da
terra no pede de auliue, voglio dicere mò
cà se staie nguerra co la nnammorata toia
farraie priesto la pace, e n'hauarraie tanta
vase à pezzechille, quant' auliue t'hà dato
la pecora. Io comme chesto ntise haggio
lassato da banna la collera, e chino de spe-
ranza aspetto chell'horà bona, che Cecca
faccia vero lo suonno, chiste trauaglie non
m'hāno fatto celiù nnante scriuere à buie,
perzò perdonateme V.S. ca da hoie nnante,
che stongo co lo core chiù spaporato com-
prisco à chello ch' haggio mancato, cossi
fenisco, lo iorno che lo Petrarca commen-
zaie ad hauere dell'aseno 1614.

Lo Chiafeo.

Scompertura.

LI

TRAVAGLIVSE

AMMVRE

DE CIVLLO, EPERNA

DE

GIVLIO CESARE

CORTESE.




IN NAPOLI,

Per Camillo Cauallo, e di nuouo,
Per Nouello de Bonis. M.DC.LXVI.

Con licenza de Superiori

Ad istanza d'Adriano Scultore ai-
l'Insegna di S. Marco.





LI TRAVAGLIVSE

AMMURE DE CIVLLO,

E PERNA.

LIBRO PRIMMO.



Ià la notte, c'haueua fatto spalla à li trafeche de li nnā-morate, & à le marcangegnie de li mariuole, era secotata dà li sbirre de lo Sole, e l'Aucielle pe coppa le cimme del-

I l'aruole gridauano para piglia, quanno da Capo de Monte, se ne scenneua pe lo pen-nino à bascio na mano de Giuene 'mmiero lo Mantracchio, luoco doue fanno puorto le barche de Napole, e'n frà l'autre vno, ch' à la nfantia pareo lo chiù nobele. Chisto era Ciullo e pe sango, e pe recchezze, e pe bertute lo chiù stimato de chille quartiere, lo qual accossi commo Appollonio fece tãto viaggio pe ausoliare li Gennosofiste, accossi sso hauẽno ntiso, che l'Asene de Gragnano sapeuano Lettere desedderniso de mparare, hauea fatto preposeto de passare a Castiello a Mare, e da llà saglire da li scarrupe de chelle

Montagnie, e ghire a bedere Asene de tanto stopore, che se Ammonio Alesantrino Filosofo appe p'audetore de la filosofia soia, n'Aseno, non era gran cosa, che n'Aseno hauesse p'ascotatore n'hommo, e accossi resolutio ionze a lo Mantracchio à tiempo, che s'era varata na varca pe ghire vierzo chillo luoco, doue fatto na mano de compremiente cò chille, che l'haueano accompagnato dinto la varca, già che lo viento era frescolillo, e mentre correnno la varca li Marenare faceano collatione, Ciullo pe passà lo tiempo cacciato se n'Apoleio dà la faccocciola se mese a leiere, e lelenno decea nfrà se stisso, ecco che non è gran cosa che l'Asene de Gragnano facciano lettere se n'autro Aseno sappe tanto, e cò chesto le cresceua lo golio, e le pareva mill'anne d'arreuare nterra, quando la fortuna, che sempe sconceca li buone penziere dell'huommene, e come disse chillo Toscanese.

Che ad alte imprese volentier contrasta
 Se l'attrauerzaie de manera, che se pentio mille vote d'essere sciuto da sotto lo titto, pocca poco poteano stare a piglià terra, quando de brocca se leuaie no grieco a leuante accossi foriuso, che a forza de sbettorune fece votà la varca doue isso voze, e a farela correre chiù de trotto, ca de passo, tanto che li pouere Marenare cò l'vocchie streuellate, e la faccie giallorica hauenno perdute le bessiche de la speranza se teneuano p'annegate.

5

gate, ne bastauano ad aggottare tãta acqua, quanta ne traseua dinto la varca, al- l'vtemo comme voze la sciorta dapò hauè fatto a lo suono de lo viento cinco ò scie ho- re de Canario iezero a chiauà de pietto al- l'Isola de Vientotene. Chi porria dicere l'alle- grezza, che facettero li Marenare vedennose n' terra, e fore de pericolo, l'vno abbracciana l'autro, chisto s'adenocchiaua, e rengratia- ua Nettunno, che l'hauca liberato da la mor- te, chillo accommenzaua a spogliarse pe- sciauriare, e asciucare li vestite, pocca steua- no cõm'à surece nfuse all'vuoglio, ma non se l'era ancora fermato de sparpetiare lo core pe la paura de lo pericolo passato quanno le refese pe ghiõta de lo ruotolo, e pe riesto de lo carrino noua causa de chiù gran paura, iusto commo dapò l'onna de lo Maro, che frusta la chiaia ne iogne, n'autra, pocca arre- uata na Galiotta ne le zeppoliaie commo ca- caze de Ciaiola, hora lloco te vediste lo tri- uolo lo sciabbacco, e lo riepeto, che li Mare- nare commenzauano a fare, terra tenete, chi chiagneua li figliule peccerille, che las- saua, chi la Mogliere giouena, la quale mò che isso iarrà Ntorchia, senza farese turco, le metterà na meza luna ncapo. Ciullo dall'au- ta bãna mmardeceua la sciorta soia, e la Co- riosetate bestiale, che l'hauca fatto ncappare à ste rotola scarze, e co parole da fare moue- re a piatate le prete de la via deceua, ò Ciullo sfortunato, potìue stare commo a no Rè pic-

ciolo à chillo bello Napole, shiore de Talia,
 schiecco de l'Auropa gioiello de lo Munno,
 ch'adefa haueua passato li gerunnie, e pe no
 crapiccio d'Aseno, vide doue si arreuato, dat-
 te na vota, e leuate, nō senza causa l'Antiche
 pegneuano la coriofetate co no vestito arra-
 gamato d'aurechie d'Aseno, pocca pe senti-
 re despotà n'Aseno nce si restato pe la ca-
 pezza commo no bell' Aseno, eccote mò cha-
 me vedarraggio ncatenato a no bāco de Ga-
 lera ò pe luocotenente de no Cavallo spalla-
 to a botare no Centimmolo, cōmo porraggio
 zoffrite vedereme accossì bile seruitio? essen-
 no no gentelōmo de sieggio porraggio ser-
 uire sta brutta ienimma de cane? chesto nō
 farrà maie, cà Catone pe nō ghire mmano de
 Romane, se forchiaie na mmedecina, che le
 facette cacare l'arma, e Creopata, pe la
 mmedesima caosa se iettaie no paro de San-
 gozuche, che le zucaro lo sango, e lo spire-
 to, chesto farraggio io puro, perche boglio
 morire accossì decenno le refese tanto lo do-
 lore, che se iettaie pe muorto, e addeboluto,
 ncoppa na valestrera, e pe d'acqua che le iet-
 taro nfaccie non potte pe no piezzo reueni-
 re, nchisto miezo li turche, che bccauano
 a la vota de Leuante, addonatese de le Gale-
 re de Schiorenza, che le veneuano retoma-
 no, commenzaro a fà vocare perzì li sordate
 pe scorrere chiu priesto, perche se sonnaua-
 no lo male iuorno, ma le Galere Shiorenti-
 ne, ch' haueano renforzata la chiorma, se
 chif-

chiste faceuano sodà le tetelleca à li forzate,
 nmanco de ciento palate l'appero le granfe
 adduoffo, e ne le cottiaro senza mettere ma-
 no à fierre, accossì ba lo Munno, chiste che
 ghieuanu pescanno foro pescate, pigliata, che
 fò la Galiotta, puoste li Turche a lo rimmo
 sciouzero tutte li schiaue puerielle, che ma-
 ie se credettero tale iornata, e mentre ieuano
 saccheianno sotta e sopra, trouato Ciullo,
 chiù da chillo munno, che da chisto, & cre-
 dennose, che fosse muorto da vero, lo vozero
 cosire diutro na stora, e ghiettarelo à maro,
 ma mentre lo ieuano toccanno, e botanno
 s'accommenzaie à resentire, e credendo pu-
 ro d'essere 'nmano de turche accommenzaie
 a fare n'autro chianto amaro peo de lo prim-
 mo, e pe quanto le poteuano dicere ca era
 libero, isso no lo poteua credere, e le pareua
 de sonnarese: à sto remmore corze lo Cape-
 tanio de la Galera, ch'era no Caualliero mu-
 to norato, che ghiettato l'vuocchie n'coppa
 a Ciullo se be steua accossì scagnato, male
 trattato, e male nordinene, cà li turche l'ha-
 ueano spogliato, e puostole li panne de la
 Corte, puro le parze de lo canoscere, e se
 le lanzaie neuollo, ed abbracciaielo decenno,
 Ciullo mio bello, commo te veo ccà? che biē-
 to te nc' ha portato? che fortuna te nc' ha-
 ue arredutto? Ciullo non sapenno, che l'e-
 ra ntrauenuto le teneua mente, e lo schiu-
 deua dà la capo pe fi a l'ossa pezzelle, e nò
 responneua parola, e lo Caualliero lebrecaie

addonca accossì priesto te si scordato de Baccio ammico tuo tanto scorporiato? à lo nōme de Baccio, Ciullo commo se se scetasse da no gran suonno, ò commo varuetto ch'aggia assai pulece scotolannose tutto le tor-naie nfaccie lo colore, e strenze cōmo à purpo co le braccia lo Cavaliero decenno, e chi m'hauesse ditto ò Signore Baccio mio, ch'à stò tiēpo nce deneuamo trouare? o core mio e che scuntro è stato chistò, quanno manco me lo pensaua? maie à meglio tiempo de chistò respose Baccio, pe poterete mostrare ea sò chill'amico che te sò stato sempre, e ca tengo mammoria de li piacere, ch'aggio recepute da tè quanno songo venuto co le Galere à Napole e boglio che canosca lo munno, ca maie fù tanto ammore tra Pillade, e Oreste, tra Dammone, e Pitia, tra Patrocle, e Achille, tra Eurialo, e Niso, e tra Marco, e Shiorella quanto è fra nuie: perzò non te pigliare basca dela desgratia, ch'haie passata, ca lo bolimmo scōpetare co autro tanto gusto ncoppa ste Galere, se vuoie venire commico. Io vengo disse Ciullo, e mo c'haggio trouato à tene, facciam la fortuna chello, che bole ea nnè la ncaco, ntra tanto lo Cavaliero haueua fatto venire no bauglio de vestite suoie, azzò Ciullo se vestesse, lo quale pigliatose chello che le piacette rengratiaie Baccio, e perche la trombetta chiammaua à tavola, Baccio pigliato Ciullo pe la mano sciero à sedere, e mangiato ch'auettero, Baccio

cio voze sentire da prenzipio à fine perche
 s'era partuto Ciullo da Napole, e commo era
 ncappato a le bescate, e sentenno ca tutto l'e-
 ra ntrauenuto pe bedere l'Asene de Gragna-
 no, che sapeuano Lettere, respose nō te mma-
 rauegliare che nce siano à Gragnano, per-
 che pe tutto lo munno nce niè so de tale Ase-
 ne; e mentre ieuano scorrenno sopra ste co-
 se, Baccio facette venire no cierto musico
 Napoletano che pe stare allegramēte porta-
 ua ncoppa la Galera, lo quale hauenno fuor-
 ze leinto ca li Lacedemonie mpesero na Ce-
 tola perche nc'era stata agghionta na corda
 non voze passare maie à lo stromiento suio
 lo numero de doie, ora chisto mò dapò
 hauere fatto mille recercate da fare ashicuo-
 lire Orfeo, sparaie na voce de fauzetto, e cā-
 maie de chesta maniera.

Frusciame buono Ammore.

Deuaca ad ogne passo

Contra ches' Arma affritta sso Carcasso,

Spercia buono sto core,

Fa de sta vita straccia,

Commo so mmuorto stirate lo uraccio?

Quanto meglio sarria

Spennere quarche frezza.

Co chi la forza toa delleggia, e sprezza;

E non co st' Arma mia,

Io corro à lo maciello

E chi n'è causa ride à schiattariello.

Fà ch'essa haggia despietto

*Commo l'haggio io ped'essa,
 Fa che se coea co na schiamma stessa ,
 E s'io tengo sto pierro
 Tutto de sango nfufo
 Fà ch'essa haggia pe me n'autro pertuso.
 Se tu schitto tò mico
 Vuoie fare de lo brauo ,
 Auierte ca puoie perdere no schiauo ,
 Ch'io da vero te dico
 S'haggio da stare npene
 Da mo cagno à sapone ste catene '*

Fù la Canzona accossì bella , e cantata co
 tanto arteficio e gargariseme, che nò schitto
 tutte chille Canaliere , ch'erano à la Gale-
 ra remmasero co no parmo de canna aperta,
 ma lo maro , e lo viento fermatese ad'auso-
 liare restaro le bele moscie comme, à bessiche
 crepate, e la Galera à lo mmeglio delo cor-
 rere se fermaie, commo se lo pesce Remmola
 se le fosse appreccicato à lo temmone , tanto
 che pe potè fà cammino fecero , che lo mu-
 seco appilasse e scacasse l'armonia, e perche
 già lo Sole vregognannose de Venere pe lo
 despietto che le fece co Marte , tutto ruffo
 nfaccie se iena ad ammasonare , lo Capetanio
 à la poppa , e Ciullo à la cammara se iero à
 corcare ncoppa à no strappontino, e ped' es-
 sere Ciullo lassato , e stracquo subbeto s'ad-
 dormette commo scannato .

LI TRAVAGLIVSE

AMMURE DE CIVLLO,

E PERNA.

LIBRO SECVNNO.

TVtta la notte co biêto frischo iero m'pop-
 pa, mentre Ciullo s'arreposaua, e la
 matina quanno l'Aurora escie à cogliere frū-
 ne d'ellera pe lo rettorio de Tetone, co gran
 gusto de tutte s'ashiaro à bista de Genoua, e
 ghiusto lo primmo iorno de Maio, quanno
 à Napole ogne casa deuenta tanerna co lo
 frascone ncoppa la porta: hora mentre le
 Galere se ieuano nzeccanno nmiero terra, lo
 Cauallero e Ciullo se ieuano mettenno nfor-
 ma de ragno pe fare bella conparescientia à
 chella Cetate accossi famola, e Ciullo fra l'au-
 tre se mese no paro de maneche de cataluffa
 à la Spagnola, che pareuano vtre d'voglio,
 no paro de cauze à brache co li taglie de pā-
 no de franza verde cupo, co la nforra de lam-
 ma d'argiento, che pareua no palladino, e
 mentre s'allesteuano de ssa maniera, le Galere
 s'accostaro nterra, doue fattu na pommardia-
 ta p'allegrezza, pigliato puorto e dato fun-
 no scesero nterra chi da na banna, e chi da
 n'autra. Eie la Cetate de Genoua à lo maro
 toscanese, setouata à le pettole de ceste mō-
 tagne spennate, che le serueno de guarda-
 culo,

culo, e la defenneno da la furia de la tramō-
tana , haue la faccie votata à miezo iurno ,
e secunno le storie fù frauccata da chill' hō-
mo de doie faccie, che teneua l'vocchie nnā-
ze è dereto , chesta ped' essere la chiu ricca,
che sia n' tutta Talia , e la chiù soperba che
se pozza vedere : hora sinontate , che fuieno
Baccio, e Ciullo iero deritto à l'allogiamien-
to, che le steua già apparecchiato cō prepo-
seto de subbeto , che haueuano pigliato no
muorzo de ire vedēno la Cetate, ma magna-
to , ch'apperò , Baccio fù mannato à chiam-
mare da lo Gennerale , e non potre fà com-
pagnia à Ciullo, e perzò datole na mano de
sordate , che l'accompagnassero lo mannaie
passcianno . Ieua Ciullo co l'vocchie de spe-
retato e nzallanuto tenenno mente pe le stra-
te, e pe li palazze, mo allommanno sta fem-
mena , e mo chell'auta , e accossì passianno
palillo palillo ionze à na chiazza , che stace
quase nmiezo la Cetate e se Chiamma Sarza-
na addoue secūno l'aosanza de lo paiese ve-
dette na mano de zetelle zite, che piglianno-
se pe la mano faccuano na rota ch' à lengua
lloro chiammano la Rionna , e a Napole se
dice à la Rota à la Rota Mastro Agnielo, nce
ioca nce ioca la zita, e maddamma Margari-
ta . Ciullo à sta bella vista restaie ammisso ,
e comm' à n' ommo de paglia tenenno mente
mo à cquesta , e mo à chella, chi le pareua na
fata , chi na luna, chi co l'vocchie de farco-
ne pellegrino, e chi co li capille d'oro, nè fa-
peua

peua doue se stesse, s'era à Genoua, ò doue
 le stelle à lo vottafuoco de le sfere fanno tor-
 deglione, e mentre steua accossì attoneto,
 chelle fegliole addonatese d'isso aperzero la
 rota e lo ficcaro dintò commo fanno sempe
 cò tutte, e bozero, che facesse la rionna, Ciul-
 lo pe n'essere descortese pigliaie pe la mano
 vna de chelle, e commo voze la sciorta soia
 le mmattio la chiu bella, che pareua fra l'an-
 te commo la rosa nfra li shiure, e Sole nfra le
 stelle, chesta era la figlia de lo Signore Pela-
 gro Gruosso Mercante ricco, e de cunto, non
 poteua arriuare ancora à siede' anne, despo-
 sta de perzona, hauea n'occhio stezziante,
 che sfracassaua le gente, na vocca, che redē-
 no accedeua, parlanno facena decortione de
 l'arme, le sguancie doie schiocche de fraole,
 lo pietto no campo de neue doue Ammore
 haueua fatto doie palle pe ghiocare à lo ma-
 glio, la mano pareua n'argano, che tiraua li
 core, e nsomma haueua tanta gratia e bellez-
 za da la capo à lo pede, che chillo Pettore,
 che boze pegnere Venere, senza che facesse-
 ro zita bona tanta femmene à la nnuda po-
 teua da chesta sola pigliare lo nziempro de la
 bellezza, hora chesta hauenzo pigliato Ciul-
 lo pe la mano accommenzaro à botare, e le
 zettelle cantauano nfra ito miezo na canzona
 che à lengua nostra dice accossì.

*Le Figliole che n'hanno Ammore
 Songo naue senza la vela*

*Só lanterne senza cannela
Songo cuorpo senza lo core
Le fegliole che n'hanno ammore .*

*Le fegliole che n'hanno Amante
So comm' Aruole senza frutte
So terrene sicche ed asciutte,
Che non fanno shiura ne schiante
Le fegliole che n'hanno ammanete .*

*Le fegliole, che n'anno amice
Sanno pecco che cosa è bene
Quanno pò la vecchiezza vene
S'aschiarranno triste e n'felice
Le fegliole, che n'hanno ammice .*

*Zetellucce belle e cianciose
Mo gestate, che tiempo hauite ,
Mo che tennere e fresche site
Tiempo è cogliere mò le rose
Zetellucce belle è cianciose .*

Già li sbirre d'Ammore hauenno trouata
l'arma de Ciullo sfortonato , che scordata
de se stessa , non facua autro , che contem-
prare la bellezza de Perna (ch' accossì se
chiammaua la zetella) l'hauenuano portata
pe deslittola de zeppa e de pesole dintro la
presonia d'Ammore , da doue la pouerella à
bote à bote manneua fore quacche sospiro pe
suppreca p'attenere la gratia. Perna da ll'au-
na banna iocaua à la rota, ma lo Celleuriello
le rotaua chiù de nò mòlino à biento , doue
macenaua mille penziere pocca nò accossì
priesto hauena pigliato pe la mano lo gioue-
ne,

ne', che se sentìo trasire ncuorpo lo zerte zerte d'Ammore, ma chi non se farria iettata à le shiamme, vedенno no giouene accossì bello, e comprito? haueua Ciullo nò fronte spariuso da nnammorà le prete, l'vocchie à balestra, che tirauano parrettate da spertofare no pietto à botta, na vocca, che pareua na fontana de manna, e sopra tutto la faccè còmo ferraiuolo vecchìo sèza nullo pilo. Cheste bellizze, e mill'aute, che haueua Ciullo squattranno l'erna deceua. ohimmè, che frostiero è chisto ch'è benuto à leuareme la libertate mia? da doue è benuta sta bella shiama à conzomareme? ma chi nò se squagliasse commo uozogna à la tiella? e accossì decenno li raggie dell'vocchie lloro faceuano à tozza martino l'vno scentranno l'auto, e l'arme lloro faceuano le guattarelle pe le pertosa dell'vocchie cercanno de nmescarese nzieme, e beneua vota, ch' à lò meglio de lo botare se fermauano stoppafarte e commo statole tenenno semente l'vno all'auto, quanta vote disse Ciullo ò viato chi è digno d'essere seruetore de sta bella faccie, o contento me s'arretuasse à tanto bene, e pò non me corria mannà pe dece anne nn'asilio lo spireto mio, ca farria doce morte, morire pe tanta bellezzetudene cosa, ma chi porria morire nbraccia à sta gioia, se chille vocchie schirto farriano pe dare vita à ciento spetale? ma doue saute ò penziero? vide che nò bruociale? tu vuoie ire troppo nperteca, ammac-

ca st'ardire, che non faccie lo zumpo d'Icaro mettenno lo desedderio à cosa tanto bella : e mentre ieuua accossì fra se stisso decenno , le scappaie no sospiro. Perna, che non monna-ua nespole , nè sciegliuua nnemmiccole , e non parteua l'vocchie da isso le decette ched'haie frate, che sospire ? Chesta non fu parola, ma saglioccolata pe la quale Ciullo s' ha- uette ad addebelire, ma Perna le strenze la-
mano e lo mantenne à la lleria, e tornato nse stisso cò parole ntartagliate disse, more vita mia, à ste parole fattase Perna commo na vampa de fuoco, canoscette ca Ciullo haueua pigliato la pasta de li surece, ma pe desseinolare l'adommannaie, che se senteuà , se vole-ua Miedeco ca l'auarria fatto venire: respose Ciullo ca non poteuà darele remmedio se non chi era causa de lo male suio , commo la lanza de chillo Grieco, che spertosaua, e po serueua pe tremmentina, e chi ve causà sto male disse Perna ? tanno Ciullo voleua dice-
re, tu core mio, quanno le figliole foro chià-
mate da le Mamme, perche lo Sole che stà pe lo palazzo pe la cosa de li Cicrope pe n'ef-
fere trouato co le faiette contra prammateca s'era reterato, tanto che fù rotta la bona ac-
casione à Ciullo de scoprire ntutto à Perna foia lo tuossico ch'auenua forchiato co li can-
nuole dell'vocchie, vedeanno la bellezza foia ; perzò lecēziatose co na lleuerētia nfin terra , le lassae lo core , e dapò haueresse mmezza-
ta la casa se ne iette à l'alloggiamento doue
l'af.

l'aspettaua Baccio à magnare. Sedutosse addonca à tauola, che buoie magniare ste brache? haueua Ciullo autra famme che de magniare, cha la sete d'Ammore fa passà la voglia de veuere frisco. Baccio dalle, ca le faceua brinnese, ma Ciullo era iuto nnestre ce, e ghiocaua à lo iuoco de li zingare, ca è dintro, e ca è fore, mò parlaua co Baccio, e mò scorreua co lo penziero à parlare co Perna, e hauarria voluto ch'Ammore accossì coramo fece chella Regina, desfatta sta Perna à l'acito nce l'hauesse fatta magnare co chella nzalata che teneua nnanze: ora mentre la varca de la capo soia correua fortuna, Baccio addonatosenne l'addommānaie che haueua, isso pe no scoprirese trouauose la scusa lesta, disse ca pe la stracchezza granne haueua chiu boglia de dormire ca de magnare, e perzò lo perdonasse. Baccio subeto voze, che se iesse à reposare, e già che le stelle iocauano à la passara muta, spogliatosse ieze Ciullo à afrocchiarse dintro lo lietto.



LI TRAVAGLIVSE

AMMURE DE CIVLLO,

E PERNA.

LIBRO TERZO.

LO Selentio, e lo bruoco de la notte aintatano lo scuro Ciullo ad arrecogliere à mente li penziere, che lo tormentauano, perzò à luoco de repuoso non facette autro, che co na basca granne votarese tutta la notte pe lo lietto comme spito de tauerna che se gira à lo fummo, e sbazzariare de lagreme le lenzola, fa cunto ca non è cossì crodele lo lietto de lo pollitro, che se dace à la Vecaria, quanto le fù chisto, pocca pe stare accossì solitario, l'arma cò cchiu forza nzeccata à la causa de li tormiente suoie, faceua co lo vietto de li sospire allommare lo fuoco, lo fuoco coccuu chiu lo core, lo core co lo sparpatiare mazzoccuu l'arma, l'arma adacciaua lo cuorpo, de manera, che lo scurisso già senteuu lo spireto, che adefa faceua marco sfilu, ma perche lo parlare leua parte de la pena, e chi hà dolore gran vuce ietta, accommenzaie de chesta manera à gualiarese. O che puozze effere acciso figlio de no sciancato, cecato fauzo, e che te n'haie visto de sfraccare stò pietto, pe fraccarence la casa toia? non deuue chiu priesto ire ad alloggiare à lo fun-

neco de lo Cetrangolo, ca neuorpo à me, che
 no schitto non te lo stato maie ammico, ma
 t' haurria voluto tarrafinare? mà che dico
 scuro mene? chesta stessa deue essere la cau-
 sa, che t' ha mnoppeto à bolereme buono
 carfettiare, e io lo mmereto ca deueua da lo
 primmo faremella cò ttico, ca mo nce saria au-
 sato à gliottare sti pinole tuoie, e non me
 saparriano accoisi amare, ma dall'auta bāna
 de che me lamento de tene, se senza le ber-
 tute toie io non haurria canosciuta quale è
 la vera bellezza, quale è la vera dochezza, cō-
 mo aggio fatto vedeano, e sentenno le bel-
 lizze, e le parole de chesta che m' haie dato
 pe patrona? e se be lo golio granne, che ag-
 gio d' hauerela sempre commico ncarne; e n'
 ossa fa che non potennola hauere me squa-
 glio comm' à chiūmo à lo fuoco, tu non ne
 haie corpa, perche haie fatto l'afficio tuo,
 e chello, ch' attoccaua à te; ohimmè doue sō-
 go? con chi parlo? con chi la pozzo haue-
 re? che Ammore? io sbareio! l' Ammore si
 tu Perna mia pretiosa, perche tu stessa, e pe
 te stessa m' haie fatto nammorare; e tu stessa
 schitto dannome te stessa puoie essere la mia
 arce bonissemma fortuna, la quale cosa sgarrā-
 no sarraie la morte mia, haggie piatate addō-
 ca de me pe l'arma deli muorte tuoie, o à lo
 mmanco se non vuoie hauè piatate de me-
 ne, haggie piatate dele bellizze toie, le quale
 s'ammacchiarriano cò lo vizio de la ngrate-
 tudene, ca ngratetudene sarria non volere be-
 ne

ne a lo mmāco no poccorillo à chi tātō te ne
 vole commo à mè; cheste, e aute cose decē-
 no fosseranno, e brociolianno pe lo lietto,
 foro forzate li penziere dapò na gran batta-
 glia cedere à la natura, che bole, che dor-
 mimmo, e accossi pe stracchezza vecino iuor-
 no remmase addormuto. Dall'auta banna
 Perna vegliaua effa perzi, ca s' Afreca chia-
 gne Talia nō ride, perche Ammore vole, che
 tutte chelle perzune, à le qual è boluto [be-
 ne, vogliano bene à despietto lloro, e penzā-
 no à chelle parole, che Ciullo haueua ditto,
 io moro vita mia, l'era trasuto lo polece al-
 l'aurecchie, e non è gran cosa perche com-
 mo disse chillo.

Amore al cor gentil ratto s'apprende

Pocca lo core gentile canosce meglio de lo
 rusteco la fico da ll'aglio, e chi mmereta d'ef-
 sere ammato, e à chi se deue mostrare gra-
 to, perzò Perna canosceua lo mmiereto de
 Ciullo, e d'esserele obrecata ad ammare, per-
 che Ammore se paga cò Ammore, e perzò fa-
 ceua mille designe, e mille castielle n'aiero,
 commo hauesse potuto attenere cosa de tan-
 to valore, e commo hauesse potuto remmo-
 nerare Ciullo de l'Ammore, che l'aueua mo-
 strato, ma con chisto pensiero iostraua n'au-
 tro pensiero, e deceua, che me ne vego, ne-
 grecata mene, à nnammorareme de no fro-
 stiero? che ne posso sperare, sfortonata Per-
 na? Haggio ntiso contare na vota ca na Re-
 gina se sbesciolciaie pe no frostiero de Tro-
 ia,

ia, e chillo pe gran merzè le fece lo ballo de lo chiantone, accossì chisto tanto me farrà la faccie lauata, quanto starrà à Genoua ? e pò, couernamette, e chi sà se à sta mmedesema, hora nò se n'aggia pigliato li scarpune ? ò Ammore piacciate, che non sia accossì, già ch'èr' hà piaciuto, ch'io, che nfi mmò non me sò degnata essere Patrona de ciento, sia schiaua d'vno solo, vñ chi potarria dicere li penziere fantasteche, e le parole à lo spreposeto de chest' auta, che foro tanta, e tale, che nce vorria no mese, e quinnece iuorne à contarele ? ma puro à la scompetura restaie addormuta commo à Ciullo, ca se bè ntrattiene no poco, aspetta a' altro poco, vota da ccà ; gira da llà, puro à la fine te vene lo suonno, ca non senza causa dicono li facciente ch'è frate carnale à la morte, ca no la perdona à nullo, anze chiù pare valente lo suonno, de la Morte, perche la morte nce vene schitto na vota à la scompetura de la vita, e lo suonno ogni binte quattr' hore à la scompetura de lo iuorno, se be l'Amore ammacca la soperbia soia, facenno, che li nnammorete tardo s'addormano, e tiemporo se scetano, ma puro chello poco che dormeno, assaie la uorano, e che sia lo vero ; Perna se sonnaie ca veneua à la casa soia na bella guagnastra, & erano cò essa na mano de pacioncielle co le scelle, e chesta la pigliaua pe la mano, e le deceua, non hauè paura, ca sò benuta pe te fà piacere. se vuoie veni cò mmico, essa

parennole ca chella n'era quarche ciantella,
 che decesse boscia, commo certe guaguine
 pettolelle, senza penzare ad autro nce iette;
 e essa la portaie à n'isce bello palazzo, che
 pareua na vretera, ò na carcara de fuoco, à
 lo quale ncera n'auta mmorra de chille nen-
 nille, che bolauano commo aucielle, e altre
 gente dell'vno, e dell'autro siesto muto alle-
 gre, e festante, e quanno appe trasuto à la de-
 reto cammara, trouaie n'autro figliulo, co le
 scelle, ma chiu bello, e pinto dell'autre, che
 steua assettato à na seggia riale, all'vocchie
 de no Re de corona, à chillo decette chella
 signora, figlio mio bello, se me vuoie bene, fa
 che chesta figliola (e mostraie Perna) haggia
 l'attiento suo, e isso co na bella faccie à riso
 fece scire Ciullo da dinto na cammara, e le
 decette, tu saie Ciullo ca me si schiauo pe
 quanto vonno le legge de sto regno mio, e
 ca li schiaue songo obrecate à fare quanto vò
 lo patrone, ora io te commanno, che baie
 co sta zitella, e che facce quanto essa vorrà
 mente campe. Ciullo respose de bona vo-
 glia, e Perna pigliannolo pe la mano, com-
 mo le disse chella femmena, e rengratianno
 l'vna, e l'auto de tanto faore, tanno pareua
 che lo volesse abbracciare, quanno tutto à no
 tiempo scettero de quartiere no vecchio, e
 na vecchia, e dezero de mano à Ciullo pe le
 leuare Perna, isso pe non se fà scire la for-
 tuna da le mano, tiraua Perna, e Perna era
 tirata da chille, e mentre l'vno, e l'auto la
 tira-

tirauano, pareua ad essa, che la squartassero,
 comino ntrauenette à chella, che conta Pau-
 sania, e Plotarco, e mentre volette strillare
 pe lo dolore, se venette scetanno chiu mor-
 ta, ca viua, non sapenno, che boleffe segne-
 fecare chillo suouano, dall'autra banna chillo,
 che se piglia gusto de fà votà lo celleu-
 riello à chi dorme, che li Poete chiammano
 Morfeo, haueua portato Ciullo dinto no
 ciardino belledislemo doue erano spallere de
 cetrola, e cocummare vierde, e frische, ch'
 era na bellezzetudene cosa à bedere, li quate
 de terra erano tutte semmenate d'arucole,
 masturze, senape, cerefuoglie, e peperna,
 l'aruole, che faceuano le strate, erano nuce,
 nocelle, castagne, pignie, e pistacchie, le pre-
 gole erano tutte d'vua greca, e aglianeca,
 le fontane erano d'voglio, e de vino, e men-
 tre ieuua tutto mmarauegliato de vedè tale
 bellezze de giardino, le scette nnanze no
 figliulo co le scelle, e le deze no ramosciel,
 lo d'aruolo de tale bella chellera, che maie ta-
 le cosa haueua visto à lo munno, e le deceua,
 te chianta chisto, se vuoie hauè gusto, 'isso
 lo chiantaua, e nò acossì priesto l'haueua
 mpizzato nterra, che lo vedeua shioruto, e
 mentre co no gusto lo cchiù granue, che ha-
 uesse hauuto ancora, voleua cogliere de chil-
 le shiure, vennero tanta cane arraggiate, e
 l'appeccecàro de tale manera pe le pettole,
 che lo terato dinto no casuorchiolo, da doue
 pe no piezzo non potte scire, puro scette, ma

trouaie l'aruosciello suoio senza shiure, e sicco,
 pe lo che faceua no gran chianto, ma à chel-
 lo chianguere lo vedeua nauta vota reuerdi-
 re, e shiorire, ma quanno co la seconna, e
 chiu granne allegrezza voleua cogliere li de-
 siderate shiure, veneua na chioppeta, e na
 laua à guastà li shiure, e isso era forzato
 scire da lo ciardino, e lassarelo, se la prima
 vota chianze, la seconna fece peo, ma
 quanno steua à lo mmeglio, se vedde nante
 la chianta nauta vota, isso le deze de mano,
 cò proposeto de non se la fa maie leuare,
 ne guastare chiu, ma scennerò na mano de
 vellane da no vosco cò ronche, potature, cor-
 tellaccie, e serrecchie, e boleuano taglià
 l'aruolillo, e mentre già desperato aspettaua
 le botte, sceuano cert' aute de shianco, che
 non facennola toccare, ne lo mannaano,
 ma quanno fu fore de lo pericolo, e de lo vo-
 sco, trouaie no Rrè, che lo voleua fare acci-
 dere, cò dicere, ca chella chianta l'hauena
 spastenuata dà lo ciardino suoio, e mentre li
 serueture suoie nce la voleuano leuare da ma-
 no, e isso teneua forte, tira tu, tira io, non
 faccio commo le scappaie la mano, e deze
 à l'arreto, mentre le pareua de fare accossi,
 tozzaie de capo à la colonna de la trauacca, e
 co no buono vruognolo, se scetaie. Nè po-
 tenno chiu abbentare dintò lo lietto, che le
 pareua chino d'ardiche, e de scorze d'anci-
 ne, se vestette co na gran furia, e ghicze de
 corzera à la casa de Perna, pe doue accōmē-
 zaie

zaie à passèiare comm' à cauallo represso, Perna da l'auta bāna che maie haueua arrequiato la notte, essennole parzo mill' anne, che se facesse iuorno, subbeto, che la Luna pe dare luoco ad Apollo, commo à Rrè de li Poete, le vota le spalle, se sbalanzaie commo à no furgolo fora de lo lietto, e s'affacciaie à la fenestra, doue subbeto fù bista da Ciullo, che co na gran leuerentia leuatose la coppola, quattro vote accommenzaie pe dicere, e quattro la parola morze nfoce, comm' è costūme de li nnamorate, ma Perna ch' à l'aosanza de lo paiese (ch' è lizeto parlare co li giuene) haueua fatto la faccie à parlare co l'huōmene, cò chiù armo disse à Ciullo s'haueua visto lo Lupo, pocca non parlaua, tanno Ciullo respōse, e chi non perdesse l'armo, e la lengua nante à sta bella presentia de Regina? no se pò beuere, e sischare, no se pò vènegnare, e piglià le fescene, se l'arma mia è tutta ntenta à contèprare ste bellizze, cōmo pò atterrare ad auzà li mantece pe fà scire la voce? perzò non te mmarauagliare ca stò zitto; ma se be stò muto, nō vide chist' vucchie ca te parlano, e te dicenno à lettere de scatola lo dolore, che pè tè me roseca st'arma, commo carola lo panno, e so-rece lo caso; e na cosa te faccio à dicere, che se nō me pruoie priesto remmedio, me ne vedarraie ire de pilo npilo, comm' à gatta, ch' hà magnato lacerta vermenara, perzò ressiuete vita mia à dareme sfatione, pocca a stè belle mano stà la vita, e la morte mia,

Ciullo, e Perna

B

Per-

Perna sentēno ste parole, e prouāno essa per-
 zi lo mmedesimo tellechiare d'Ammore din-
 to a lo pietto, lo quale haueua co na frezzata
 sola fatto pe vna, e pe doie, respōse, se stesse
 mpotere mio, ò Ciullo la vita toia da mò por-
 risse cāpare chiù de la nmidia, mà cōmo poz-
 zo darete aiuto, se no itace à me fare quanto
 vorria pe sta bella gratia toia, e quāto mere-
 tano le bertolose qualetate de vuie V.S.? poc-
 ca sto soggetta à duie vecchie pecciusse de
 mammama, e de patremo, che me vonno an-
 negare co la chiù brutta mbriana d'hom-
 mo, che sia 'à Genoua, che chiù priesto
 me veuarraggio no fiasco d'acqua de sole-
 mato, che ghire mpotere de tale schesientia,
 che sempe m'hà fetuto cōm' à carne de cra-
 stato, e tanto chiù da che bediette ssa bella
 faccie d'oro, ora vide à che laborinto me
 trouo, besogna à despietto dè le gargie me-
 ie fare à boglia de patremo: e che sento, pot-
 ra non dico de vauama? disse Ciullo, io ad-
 donca hauarraggio spertosato lo core de
 sta Perna, perche n'auto se l'appennesse
 ncanna? chesto non sarrà maie, chiù ptiesto,
 che tu singhe d'autro, ò visciola de sto core,
 me voglio chiauà na foca, ò iettareme da
 coppa na montagna, e non senza menneeta,
 pocca me zucarraggio lo sango, & arrauo-
 gliarraggio le stentine ncanna à sto cane ni-
 gro, che bene à cacare mmiezo à le conten-
 tizze nostre: chisto è addonca lo frutto de la
 speranza mia? chesto haggio potuto ntenne-
 re, e no scireme sto spirito co no sospirò da
 na

na parte chiu bascia de sto core? Che rem-
 medio nè? disse Perna, non se po ghire cō-
 tra la fortuna, lo cielo sà se pe lo desgusto,
 me s'è stagnato lo tiempo mio, che è peri-
 colo d'ire n'appelatione, nè te porria dice-
 re, s'hauesse la vocca comm' à le ciento cam-
 marelle, e lengua de voie, ò de Pappagallo,
 e na voce de fierro, quanto me crepa lo core
 d'hauerete à perdere. Che perdere? lebre-
 caie Ciullo, no nce mettere sà vocca, chiù
 priesto se perda la semmenta, de le foglia à
 Napole, e la nobeletate de nuie aute de Sieg-
 gio, ch'io perda sto bello tesoro, non fia pe
 ditto, speranza mia, che t'haggia da gaude-
 re autra perzona, che Ciullo tuio, e se è lo
 vero, ca tu me vuoie bene, e ca non m'haie
 vennuto vessiche pe lanterne, lo remmedio
 farrà chisto, che nce n'allecciammo tutte
 duie da sto paese, ca te ne porto à Napole
 mio, douc starraie comm' à na Princepessa, e
 di cà n'haggio na casa, che nce porria stare
 no Conte, hora vienetenne llà, e scompim-
 mo sto chiaieto. Hora bona pozz'essere, dis-
 se Perna, e che me dice? io te voglio bene, ò
 Ciullo, e pe tè non me curarria perdere la vi-
 ta, ma perdere lo nore? chisso è auto', che
 rammo da vesentieria, chisso proprio è no
 voccone, che no lo porraggio gliottere; non
 farraggio pe fare maie na vregogna à la
 streppeгна mia. Ciullo parennole pe tan-
 no hauere ditto assaie, e sapenno ca chi tut-
 to vò, tutto perde, non voze chiù frosciare-

la , ma comm' hommo sapio, allecordanno.
 se d'hauere leiuto , ca chella è la femmena
 honesta, che non è pregata, e sapenno ca nō
 à primmo assauto se piglia lo castiello , ne à
 primmo cuorpo d'accetta cade l'aruolo, e ca
 la freue continoua accide l'hommo, piglian-
 no lecientia , se ne ieze ; la matina appriesso
 le dette n'auta bottecella , po l'auto iuorno
 n'auta, e po n'auta, tanto ch' à la fine cadet-
 te, perche lo continouo pescioliare de no ca-
 nale , spertosa na preta , e l'essere figliola ,
 de core tenneriello , volere bene , e hauere
 sempe chillo piolo accanto de Ciullo, 'le fece-
 ro scordare lo primmo proposeto, e disse ca
 voleua fare quanto voleua isso: quanno Ciul-
 lo sentette ca se contentaua de foireseune , e
 ca n'cossi poco tiēpo haueua fatto tale gua-
 dagno, addebeluto de preiezza, decette, arma-
 mia, pocca de tanto bene me faie digno , nō
 nce voglio perdere tiempo, ca se dice, quanno
 t'è prommisso lo porciello, curre co lo fone-
 ciello , tanto che puoie stare n'ordene , ca
 sta notte te ne zeppoleio, e mò vao ad allesti-
 re na falluca sottile, che māco lo viēto l'arri-
 ua, stà ncelleuriello, e quanno porraie scire ,
 iescie, ca cchà me truoue. Io stò tanto lesta,
 disse Perna, che benarraggio subbeto , ch'ha-
 uarranno appapagnate l'vocchie le gente
 meie, perzò comin' è notte , vienetennella ,
 ca io me ne la vengo. Ciullo tutto grellianno,
 co na preiezza granne se partio, parenno
 ogn' hora n'anno, che lo Sole ioquasse à co-
 ualera co le stelle.

LI TRAVAGLIVS²⁹ E

AMMURE DE CIVLLO,

E PERNA.

LIBRO QVARTO.

Glà la Luna co li vuoie era sciuta ad arare li campe, de lo Cielo, e à semmenarelo de stelle, quando Ciullo hauenzo trouato la varca, e puostoce dintò ogne recapeto pe lo viaggio se ne ieua vierzo la casa de Perna pe portarela cod' isso à lo puorto, e perche lo nnammorato vole essere sulo, sollicito, e segreto; non ne voze fare mutto à Baccio, ma chiauatose sotto no pognale, e no scoppetuolo icua pe trouare la vita soia, ma perche lo ioditio dell'hommo spisso face arrore, quando se crese ca veneua la vita, venne la morte, perche passanno na squatra de sbirre, e bedennolo sulo, e de notte lo pigliaro pe sospetto, e cercannolo adduosso le trouaro chillo negotio, à lo quale ne'era pena de la vita, perzò arrauogliatolo de fonecelle como à strummolo commenzaro à carreiarelo vierzo la presonia, ma non era ancora à meza strata, quando Baccio che hauenzo visto tardare chiù de lo soletto Ciullo, pe paura che no le ntrauenesse quarche desgratia, s'era puosto à ghirelo cercanno, se scontraie cò isso, e bistolo nmiezo à tanta spoglia mpise

hauarria voluto mettere mano à la sfera, e
 leuarencillo, ma perche li sbirre erano paric-
 chie, e portaua ogniuno doie vucche de fuo-
 co, no le parze cosa, ma schitto se nzeccaie
 pe sapere perche ghieua presone, Ciullo che
 lo vedette, le disse, Frate mio bello, io sono
 muorto, zitto disse lo Cavaliero, non te vre-
 guogne farete scire ste parole da vocca? tu
 sciarraie craie bè matino, che cosa è morire?
 E ca non è chello, che ve penzate vnue, respo-
 se Ciullo, auto che bermenara haggio neuor-
 po, non chiagnio lo pericolo doue me tro-
 uo, malo designo c'haggio guastato, perzò fa-
 citeme seruitio de fare ntennere à la figlia de
 lo Signo Chilleto gruosso, che stace lloco
 dereto, chesto, che m'è ntrauenuto, azzò non
 me tenga pe bosciardo, e male criato, se non
 me trouo secunno l'appontamiento; lo Ca-
 ualiero à cheste parole pescaie, e comprese,
 ca Ciullo era nnammorato, e perzò dannole
 bona speranza, disse c'hauarria fatto mare, e
 munte pe d'isso, e che stesle de buono an-
 mo, ca se bè lo negotio era de mportantia, li
 faure, e li denare suoie lo poteuano cacciare
 da lo fuoco, ma non da chillo d'Ammore, e
 accompagnatolo nfi a le carcere, e bistolo tra-
 fire comm'à forece à lo mastrillo, ieze vierzo
 la casa de Perna, e la trouaie à la fenesta, che
 steua aspettanno Ciullo, non sapenno lo tre-
 iunfo, ca lo pueriello steua nfrisco comm'à
 mellone, ora Baccio s'accostaie, e le decette
 quanto era focciesso, pe la quale cosa sparaie
 tale

tale chianto à selluzzo, e foro tãta le lagrime,
 che scero da chille bell'vocchie, che se Bac-
 cio non s'allargaua, ne lo portaua la corren-
 te, e se le fosse stato lizeto, hauarria strillato,
 e boceteiato de manera, ch'hauarria fatto re-
 uotà tutta Genoua, ma perche non se poteua
 scoprire, e ped'essere pregata, e consolata da
 lo Cauallero fece comme dice lo Spagnuolo
 de la trippa corazzone, e stete zitto pe tanno,
 e dessemmlaie lo tormento, e lecenziata se
 da Baccio, se ne trasette dinto na cammera, e
 affettata se ncoppa lo lietto fece tutto lo riesto
 de la notte lo triuolo vattuto, lo Cauallero
 non perdette tiempo, ma comme deueno fa-
 li buone ammice iette à pregà paricchie, e à
 ontà la mano à paricchie aute, li quale prom-
 mesero ca la mattina se forriano puoste nfru-
 scio ped'isso, comme pò fecero ben matino;
 à lo stisso tiempo Perna, che steua dinto lo
 fuoco, e non poteua requiare, chiamata na
 vaiassa chiù fedata, e consapeuole de l'appon-
 tamiento la mannaie à spiare, che se faceua
 de Ciullo, e perche le mmaie noue le porta
 lo viento, subbeto tornaie nne no zumpo, e
 le disse ca à boce puopolo se deceua ca chella
 mattina a lo pouero Ciullo sarria stato taglia-
 to lo cuollo, a sto male annuntio la sfortona-
 ta Perna se gialleiaie de manera, che se fosse
 stata dec'anne nculo a no peccione, no le
 sarria tornato lo colore, ma pe non contare
 la ragione soia à li sbirre dessemmlaie co la
 vaiassa, e non voze allargare la canna à li la-

miente, ma puostose nchiocca de volè prima dà lo sfratto à lo spireto comme stodian-
 te fastediuso, che bedere de Ciullo fuio la ca-
 tarozza fare saute comm'a pallone, perzò
 resoluta de ire nnante à farele apparecchià
 buono alloggiamento là le tauerne de li
 campe Alise, trouaie na bella nmenzione; ma
 che non fà n'armo desperato? che cosa n'ac-
 caccia pe fà, che lo corpo dia no trucco
 mucco à lo spireto? la desperatione de Fille,
 trouaie lo fà la sangopengola co lo cuollo
 appiso à n'aruolo, la desperatione de Saso
 trouaie lo fà capotommole da coppa na mō-
 tagna, Portia mangiaie li craune de fuoco
 comm'a berole caude, e Logretia se nzagnaie
 co no scannaturo de puorco; accossì Perna
 desperata pe lo chilleto de Ciullo, chiamma-
 ta la vaiaffa stessa, le decette io voglio tentà
 se pozzo faruà Ciullo mio, perzò se me vuoie
 bene accattame na decinco de tuosseco ca lo
 boglio mettere dinto no migliaccio, e man-
 narelo a li carceriere azzò magnato, che se
 l'auarranno, vagano a fà l'afficio llo ro à le
 presonie de Protone, e Ciullo, che sarrà au-
 fato da te, pigliatose la chiaue, se ne pozza
 sfilare, parze a la vaiaffa, ch'era grossa de le-
 gnammo, che Perna decesse lo vero, e à la
 ncorza tutta allācata ieze ad accattà lo tuos-
 seco, e lo portaie à Perna, la quale mannata-
 la, pe leuarefella da nanze, a scergà la tiella,
 e allommà lo fuoco, essa fra tanto con chel-
 la soleta proffidia de Carella, quando la va-
 iaffa

iaffa votaie l'vocchie, se lo schiaffaie ncanna
 comm' vuuou frisco, e sceruecchiato, che se
 l'appe, commo non fosse itato fatto suio, s'as-
 settaie ncoppa lo lietto, e accommenzaie à
 treuoleciare, non tanto la morte soia che già
 l'aspettaua, comme chella de Ciullo suio, e
 accossì chiagnienno chiagnienno se lasaie
 fredda, e ghielata ncoppa à lo lietto.



L³⁴ I T R A V A G L I V S E

AMMURE DE CIVLLO,

E PERNA.

LIBRO QVINTO.

T Ornata la vaiassa , e trouata la patrona morta , appe à spantecare , e stette no piezzo addebeluta ; e agghiarata ; all'vtemo auzanno le buce nce fece correre nò schitto lo patre , e la mamma , ma tutte le becine , rascagnannose la facce sceccannose le zeruole , sbattenno le mmmano , pesannose le denocchia , e facèno cose dell'auto mūno . Chi porria dicere dall'auta banna , che facettero chille vecchie , che l'hancuano gnenetata , vedennno lo vastone de la vecchiezza llozo , la speranza llozo vrciolata pe lo peinnino à bascio ? e che fecero ? e che dissero ! lasso conzedere à chi hà figlie ; lo chianto fò ncredebole , li sospire de fuoco , li lamiente da sfordire l'airo , e faceuano iusto comm'à reseignuole , à chi lo vellano ha guastato lo nido de li figlie . Ma perche quann'vno è muorto , è scomputo lo chiaieto ped'isso , e quanto chiù le gente le vonno bene , tanto manco lo ponno vedere , chianta che l'apperò , e fatto le gramaglie , e tutte le chel'ete , che se soleno fare pe mostrà lo dolore ntrinzeco co le mostre da fora , la mamma fattole taglià chelle trezze , che fo-

ro gummene de la naue d'Ammore pe tenere-
 refelle pe mammoria soia , co no granne no-
 re la mannaie forta coperta a la sebetura de
 l'antiche lloro ; nchisto tiempo lo Cavaliero
 hauenzo accapata la gratia era sciuto Ciullo,
 perche (comme isso disse) li faure, e li dena-
 re cacciano l'hommo da lo fuoco, e a l'ancor-
 renno a scapizza cuollo era iuto vierzo la
 casa de Perna pe la conzolare : hora lloco te
 voglio , auzate da sò nietto , quanto ched'è
 ched'è a lo mmeiglio de lo correre , (ò spet-
 tacolo lagremuso) se scontraie co l'assequia,
 che portaua morta la vita soia , a chella vista
 lo scuro non faccio commo no scapolaie da
 la gaiola de lo cuorpo l'auciello dell'arma ,
 non faccio quale manetta de sbirro tenne
 stritto lo spireto , che n'annettasse lo paese;
 lloco te lo vediste restare , ianco friddo ,
 muto comm'à no muorto, e non potenzo re-
 ierese a la lleria, s'assettaie ncoppa à no scan-
 niello de scarparo, che trouaie nuante na po-
 teca , doue stette pe nò piezzo co la capo nfra
 le gamine, all'vremo se le fosse stato lizeto ha-
 uarria sparato a strillare , e à bocetelare , ma
 pe non parere ianne femmeniello , e pe non
 dà da dicere à le gēte , se tenne chiuso ncuo-
 po lo dolore , che quanto chiù steua nzo-
 pressa , chiù ne sceua zuco de lagreme , ma
 nchisto miezo pe no cierto nuouo penziero ,
 che le corze a lo pietto de secotiare l'ammo-
 re suo, e ghirele appriesso de corzera, pigliaie
 no poco de forza , e arrecogliute li spireto

sparpogliate le fofette, e pe non mostrare a
 Baccio, ch'era co'isso, ca fosse ntutto despe-
 rato, azzò no le guastasse li designe suoie, mo-
 straie ca non se ne coraua chiù che tanto, e
 sappe de manera fegnere, e semmolare, che
 Baccio quasse redenno le disse, ò quanto dice
 buono lo prouerbio, muorto figliulo non ncè
 chiù compare, tristo chi more, non ncè auto
 che stare allegramente, oie ad essa, e da ccà a
 cient'anne à nuie, e accossì decenno s'abbiamo
 vierzo la casa, ma quanno foro a la porta,
 Baccio che se ne steua assecordune se ne sa-
 gliette, e isso ntartenenno se, e ntallianno se
 nfi che fù sagliuto, comme lo vedde suso, vo-
 taie le spalle, e sbegnaie correnno comm'à
 cane c'hà le belliche a la coda, nfi che arri-
 uaie chille, che se portauano Perna soia, cò
 armo-resoluto de morire cod'essa, e arriuata
 l'assequia a lo Tempio, isso s'agguattaie à no
 pontone, doue non poteua essere visto, e stet-
 te llà nfi che fù atterrata, e ghiutosenne ogn'
 vno, e serrate le porte, isso comme le parze,
 che lo munno stesle coieto aperze la sebetura,
 ch'era de marmora sopra terra a la nobele, e
 accommenzaie de chesta manera. Ed è la ver-
 date, ò Perna mia bella, che tu singhe morta,
 e io sia viuo? ed è possibele, che siano chiuse
 chille bell'vocchie, che pe l'ombra de sta vita
 me serueuano de lanterna? E io nce vego? e
 nō me veneno le cataratte, e le bottelle? e non
 faccio tale chioppetta de chianto, che la laua
 me nne porta à maro? è possibele, che la voc-
 ca

ca toia docilèma, chella bella vocca de chia-
 ueca, doue correuano tutte le laue de li pen-
 ziere mieie stia appilata, e chiusa? è possibele,
 ch'haggia la pepitola, che non pozza parlare,
 e conzolà sto core affritto, e io non haggia
 la sellectola, e perda perzì la parola? ohimmè
 ca li vierme se magnarranno sà bella porpa,
 e io spollecarraggio l'ossa: hoimme, che pen-
 zanno ca tu m'haie lasato, l'arma à poco à
 poco se scarta da sto pietto, e co na leciencia
 corteggiana se ne piglià li scarpune; ma che
 dico veruecone? io vego ca puro stongo à la
 llerta, e non moro, e no sparpeteio, bè se pare
 ca lo core mio è de preta pommece, che non
 sente dolore à sto cuorpo de fortuna, ma
 pocca lo dolore non ni'accide, vedarraggio
 con le mmano mieie de cacciareme d'affanno,
 perche a chi chiù stace a morire, chiù s'ad-
 doppia tormento, e se non hauimmo potuto
 hauè commune lo lietto, hauarrimmo a lo
 minanco commune la sebetura, e se non s'hā-
 no potuto accocchià le shiamme, s'aonesca-
 no le cennere. Cheste, e aute parole decenno
 l'affritto Ciullo, pe lo sopierchio chiagnere,
 le venne tale pepoliamiento de core, tale vo-
 tamiento de capo, e appaunamiento d'voc-
 chie, che le mancaie la vista, e lo shiato, e se
 ashenolio. Hora chi sbruffarrà na stizza d'ac-
 qua nfaccie a sto poneriello? chi lè shioshiar-
 rà l'aurecchie? ò chi l'affocarrà na gallina
 sotto a lo sonnamiento pe lo retornare? lo
Canaliero non ne sà noua, la signora è mor-
 ta

ta, addonca morarrà chisto perzi senza aiuto? Nò nò, Copiddo la fà da gentelommo co li vassalle suoie, ca fece forzetare, ò pe dicere meglio scetare Perna, che non era morta, ma dormeua, perche chello, che deze lo Spetiale à la vaiaffa pe tuosseco era adduobbio, e scetata che fù, vedennose Ciullo a canto, che se bè era notte, pe la lampa, che nce steua allommata, lo poteua vedere, appe a morì da vero de paura, stanno ndubbio se chello, che bedenna, era lo vero, ò nò, e deceua nfra se, chisto deue cierto essere lo fauzo nncemico pe me tentare, se puro Ciullo, e io non simmo muorte tutte a no tiempo, e tutte a no tiempo simmo arreuate a casa cauda: ma stanno nchisto pensiero, Ciullo accommenzaie a tornà nsè e aprenno l'vocchie, e bedenno Perna sciuta da la sebetura, hauette a speretare, e credennose, che fosse l'ombra de Perna, ò qualche Perna faoza, che lo Bancharotto de Charonte le volesse, dare a fuoco de la vera, pe coffiarelo, azzò crescenno la desperatione, morese chiù spantecato, ma dapò essere stato no piezzo mmeranne se l'vno à l'auto, disse Perna a Ciullo: Ciullo mio, è lo vero chello, che bego, ò m'haggio cauzato l'vocchie à la mmerza? sì Ciullo, ò l'ombra de Ciullo? done simmo? chetta, se non me nzoinno, non è la casa mia, chi mme ne'hà portata ccà dintro? ohimme, ca se lo dolore non m'hà scernellata, faccio ca lo boie iocae co sto corpo ~~tommo~~ a na zeppola faruo, e faruo, e deze mmie-

mmiezo nfrà la capo, e li musche, mò com-
 me me viene nnanze co la capo? doue te
 l'haie fatta ncollare? io cierto deuo essere
 morta, e te so benuta a trouare a la Curia de
 Notà Protone pe fa li capitole lloco a bascio,
 pocca nò le pottemo fa llà suso? Cossì de-
 cenno Perna, respòse Ciullo. Se tu si morta,
 Perna mia, so muorto io perzì, ca subbeto,
 che tu te partiste da lo munno, e te portaste
 lo core mio, io iastemmaie tanto la fortuna,
 e le disse tãta ngiurie, che creò che m'haggia
 fatto na quarera a la banca de Minosso, e per-
 zò sarraggio venuto a responnere: ma lebre-
 caie Perna: Se te fù tagliata la capo, doue si
 stato a faretella fare, a Tropeia, ò a Bologna,
 che stace accossì naturale? Che capo, disse
 Ciullo? è lo vero ca me voleuano scapozzare
 commo a sarda, mia lo Caualiere me fece li-
 berare, ma se la Iostitia nò m'accise, m'acci-
 se lo dolore, vedennote morta, e portarete
 ad atterrare. Io, disse Perna, se male non veò,
 me pare d'essere viua, creò sicuro, à st'aliz-
 zo, che me vene, ca io hauarraggio dormu-
 to, e chello, che pigliaie pe tuossico, sarrà
 stata cierto porua de papagnie pe fareme dor-
 mire: ma tu Ciullo mio, non fuste decollato
 commo me decettero, sì muorto, ò viuò? Non
 faccio se sò biuo, ò muorto, disse Ciullo, fac-
 cio ca vedennote venì ad atterrare, io te vin-
 ne appriesso retomano retomano, e me misse
 dintò lo tempio, e te moriette a canto. Chistò
 è lo tempio, respòse Perna, e tu Ciullo mio
 si

fi biuo, e no lo creò: cossì decenno, le stese
 le braccia a lo cuollo, Ciullo dobetanno, se
 voze fare arreto, ma vedennose afferrato, e
 toccanno carne, e ossa, pigliaie armo, e l'ab-
 bracciaie isso puro co chella contentezza,
 che se pò smacenà chi vò bene: ma perche
 l'hommo norato, nè pe gusto, nè pe disgusto
 non se scorda maie de lo nore suo, Ciullo
 decette: Perna mia bella, pocca la bona scior-
 ta nc'hà leuato no schitto da le mano de la
 morte, ma da sotto terra, farria buono, che
 non desprezzasse la gratia, che nc'hà fat-
 to, ma nce iessemo a saruare a la casa de Bac-
 cio, ca llà pigliarrimmo resolutione de chel-
 lo ch'hauimmo da fare: e perche Perna voze
 chello, che boleua isso, ferraro la scbetura
 commo steua, e scero da lo tempio, e nne no
 zumpo foro a l'allogiamiento, ca la paura te
 fà mettere le scielle, e trouaro lo Caualiero,
 che poco nnanze era arriuato isso perzi strac-
 co, che non sentena li piede, tanto l'era iuto
 cercanno, e teneua pe cierto, che pe despera-
 tione se fosse precepetiato da quarche banna,
 ò fatto quarche auta asenotate pe s'accidere,
 che quanno lo vedde venire, e co la segnora
 soia de chiù, pe la mmaraneglia, e pe la pre-
 zezza non parlaie pe tre quarte d'hora, a la
 fine saputo la cosa comm'era iuta, accom-
 menzaie a penzà de farele recreià co quarche
 buono morzillo, e pò farele corcare, ca de ci-
 no, e de repouoso haueuano chiù che besuo-
 gno grande pe li guaie llozo, e accossì man-
 gia-

giato, che appero , perche Perna era bona figliola , e hauua ditto ca pè nfi che non era nguadeiata, non l'hauesse toccata .manco na mano, lo Caualiere fece fà no lietto assimmeto pe Perna, e pò disse, Ogne Riccio à sno pagliariccio; e se iezero à corcare , addoue fubbetto foro addormute tutte , perche tutte erano reprise, ma Ciullo se bè era cchiù stracco dell'aute , perche teneua ncuorpo l'Ammore, c'hà sempe l'arteteca , non potea dormire , e perche chi male fede , male penza, penzaie , ch'era n'Antuono a non ghire a corcarese co Perna , e già che l'hauua da essere mogliere , non cogliere .tanno pè tanno da lo Ciardino de Vennere na meza dozana de fico processorte; da l'auta banna non s'arrefecaua, sapenno chello, che hauua ditto Perna, puro, perche Ammore lo pogneua commo aratore li vuoie , se scordaie d'ogne cosa, e zompaie da lo lietto pe bolè ire a pruà la sciorta soia, tanno accomenzaua à scōmoglià le coperte , quanno sentette na gran tozzoliata de porta, isso , ch'ogne pilo le pareua trauo , e ogne mosca cauallo d'homma d'arma , e co lleuerentia , ogne pideto pomarda , perche steua sospetto , penzannose cierto, che se fosse scopierto lo mbruoglio, e fosse la Corte , corze chiù che de passo à lo Caualiere , lo quale fattolo ncaforchiar dinto no cascione vecchio , s'affacciaie , bedde , ch'era no Sottacommeto de galera, che benette ad auisare Baccio , ca le galera
ha-

haenno tirato lo tiro, toccauano a leua, e
 farpauano pe partire, e perzò subbeto se ve-
 stettero. E perche lo Caualliero sapena quan-
 ta para fanno tre buoie, e haueua posta la
 varua nculo à lo munno, sapenno cà quanno
 le gente vedeno ire na femmena cammenan-
 no, subbeto le correno appriesso, e comm'à
 cacciuottole le vonno addorà sotto la coda,
 pe non fare essere canosciuta Perna, le mese
 no vestito de li suoie, che non era de li gran-
 ne de la terra, che pareua no figlitulo spicce-
 cato, tanto chiù pe non hauè capille, ca ncè
 le tagliaro, commo deciette, de maniera, che
 le desgratie pareuano fatte à posta pe nne la
 fa foire cò chiù cōmoderate, e accolsì umar-
 catose cò no gusto, che non te dico chiù, na-
 uecauano à la vota de Leguorna.



LI TRAVAGLIVSE

AMMURE DE CIVELLO.

E PERNA.

LIBRO SESTO.

NON erano ancora cosa de quaranta
 quattro miglia, e meza lontano da Ge-
 noua, quanno venette na fragata cò lettere
 de lo Gran Duca, che commannaua à lo Ge-
 nerale, che ghiessè a fà no buono appiello à
 Leuante, commo fanno fà llozo. Chesta noua
 deze gran fastidio à tutte chiste, perche Ciul-
 lo hauarria voluto chiù priesto ire a scaleià
 lo castiello de Perna, che à Tunnese, ò ad Al-
 giere, chiù priesto à la scaramuzza de li vase
 à pezzechillo, ch' à li cuorpe de l'archabo-
 sciate. E lo Cauallero aute ttanto ne sentette
 desgusto, perche non le pareua bona creian-
 za portare ncurzo chiste, che già sopierchio
 haueuano curzo male iuorne, e mala notte,
 e peo mannarennille senza accompagnarele,
 e darele gusto à la casa soia à Shioenza, cō-
 mo haueua desegnato de fare, ma perche se
 lassaua le Galere, lo Gran Duca se sarrìa nto-
 sciato, e hauarria perduto quant'haueua fat-
 to fin tanno, perzò scusannose commo me-
 glio potte, le fece nmarcare a chella Fragata,
 che tornaua à Leguorno, e scrisse na lettera
 à li pariente suoie, che le trattassero commo
 la

la perzona foia propia : fatto addonca le zereimonie, che se soleno fà nfrà li care ammicce, la fragata votaie lo sperone nmierzo Leguorno, e le galere nmierzo Torchia, ma nō appero naecate troppo miglia, che lo Cielo, che nfi ntanno era stato lustro, e nietto commo vacile de varuiero, accommenzaie à farese nuuoloso, e scuro comme vocca de Lupo, pocca li viene, che se leuaro à mmiezò iuorno haueuano stotata la locerna de lo Sole, e lo maro, che nfi ntanno era stato commo lo lago d'Agnano coieto, accommenzaie à nzerariarese, e nzorfarese, e à fà de le foie, auzāno l'onne cchiù de la montagna de Somma, e la fragata mò se vedeua ncielo, e mò a lo funno de lo maro, pe la quale cosa steuano tutte forriessete, e mieze muorte de paura, e nparticolare la scura de Perna, che se no la chiauuano sotto coperta à chello poco de luoco, c'hà la Fragata, sarria morta ntutto, ma la paura non fù à lo spreposeto, ca sempe lo core te dice lo vero, perche la fortuna crescet-te tanto, che li marenare non poteuano couernare cchiù nè bela, nè temmone, e li cuorpe de maro ne portaro li rimme, l'aruolo, lo trinchetto, e quanto ne'era, e appriesslo le gente, restanno schitto, Perna sotto, e Ciullo ncoppa, essenno se Ciullo tenuto sempe forte, resoluto de nò la lassare, ma morire nzemmera cod'essa, ma stanno accossì afferrato à no banco, che ne'era remmaso, venette tale botta de maro, che nne lo portaie cò tutto lo rieste
de

de chello; ch'era de sopra coperta de la Fragata, restanno Perna dinto lo cuorpo de lo fusto, commo muorto dinto lo tauto, quando sto sfortonato se vedette caduto a maro, e perdette de vista la seconna sebetura de chella, che già nc'era stata posta doie vote viua, appe tanto dolore, che se l'onne non haueuano dell'aseno ad appilarele la vocca, isso hauarria cò li strille, co lo chianto, e cò li sospire fatto peo de lo maro: ma non potenno, se lassaua palleiare dall'acqua, e da lo viento, aspettanno la morte: ma la fortuna, che se piglia gusto de nò scompì pe poco, non voze; che s'annegasse, ma lo portaie de zeppa, e de pesole à la chiaia de Pisa, ca quase facce frouate llà erano, quando accommenzaie la borrasca. Hora trouatose ncoppa à chell'arena, senza sapere commo, se bè staua chiù muorto, ca viuo, quando appe pigliato shiato, accommenzaie à chiagniere la seconna morte de la vita soia, decenno: Auto palla mia, pigliate gusto fortuna, vedarrimmo, che me porraie fare chiù de chello, che me haie fatto: tu nò schitto m'haie sbattuto comm'vuo uo pe maro, e pe terra, ma m'haie voluto fà doie vote na frittata de sto cuorpo, co la morte de chella, ch'era la vita mia, se bè la prima fù burla, accossì fosse chesta, sfortonato me, e fuorze l'haie fatto, perche non se comeneua à na Perna auta sebetura, che lo maro, perche se l'ante cuorpe sò de terra, tornauo à la terra, chesta, ch'era nata da lo ma-

ro, deueua tornare llà mme desemo, e hauè lo cataletto, dou'appe la connola: ò fuorze perche na bellezzetudene tanto granne, commo chella, non capeua à manco luoco de lo maro: ma se Ciullo era Perna, e Perna era Ciullo, commo è morta Perna, e Ciullo è biuo? s'Ammore haueua fatto dell'arme nostre n'arma sola, comm'essà hà potuto morire, e io campà pe spremmientò? ohimme fortuna crodele, à che misero stato me trouo schiaffato! da miezo à miezo? desedderare de morire e non trouà la strata de pognere la vesfica de stò corpo, e farene scì lo spireto, e lo shiato. Ma all'vtemo besogna scompì sto chiaieto, e decenno accolsì se losette propio desperato, e co na furia de pazzo corze pe se iettare illo stisso à maro, e llà fare tazzo lo papariello, e beuere tant'acqua, che l'acqua se veuesse ad illo: ma tanno propio se voleua semmezzare, quanno ionze à l'arena, iettato da lo maro, lo corpo de la Fragata, doue steua nchiusa l'arma soia, e tanto fù la furia con che sbattìo nterra, che apertase comm'à rapa, mostraie ca nc'era Perna sana, e biua, pe la quale cosa Ciullo, che tanno voleua afferirà la morte, corze comme Leuriero ad abbraccià la vita, che se be steua tanto sbattuta da lo male tiempo, ch'era meza trapassata, se mmarauagliaie assaie, e non poco de trouare se nterra de chella manera, e quanno fù meglio tornata nsè, e sapette commo ieuua la cosa, appe à morì de iaio n'auta vota; ma perche

che vedette ca non ne'era chiù pericolo de
maro, ca steuano nterra ferma, ed erano già
scappate da la seconna morte, rengratiaro lo
cielo, e s'abbiaro à la vota de dinto terra, pe
bedè se ashiauano quarche casa addoue s'ha-
ueſſero potuto aſciocare, recreiare, e arrepo-
lare, ca steuano mazzoccate commo à purpo;
accoſſi ghienno pede catapede, palillo palil-
lo traſero dinto no voſco nmbrogliatiſſemo
de cerze, e de caſtagne, lo quale era coſſi
fulto, e ſcuro, che lo Sole pe la nnemmecitia
de Marte hà paura de traſirence, ca facele-
mente ntra li puorce ſaruateche, che nce ſon-
go dinto, nce potarria trouare traſformato
lo nnemmico ſuio: lo ſcotolare de le frunne,
lo cantare de li cucule, e lo bruoco de lo vo-
ſco hauarriano fatto pauraſo Orlanno Palla-
dino, ma à lloro, che le pareua, che non nce
foſſe coſa à lo munno, che le poteſſe accide-
re chiù, pe chello ch'haueuano paſſato, ſe
mettettero da miezo à miezo, cōme ſe foſſero
iute pe la chiazza dell'Vrmo; e perche la
neceſſetate fa le gente armoſe, e nnoſtreioſe,
ieuanò cercanno quarche luoco, ò perzona,
che l'haueſſe ò ſcompute d'accidere, ò fatto
campare ntutto: ma perche ſetroua chiù
prieſto lo male, ca lo bene, quanno foro no
piezzo dinto lo ſſuto de lo voſco, le ſcette
nnanze na mmorra de forafciute, e dannole
ncuollo commo fanno li Leuriere à li Liepa-
re, legatele le portaro nnanze à lo Caporale
Moro, ch'era n'hommo luongo, facciuto, e

ncolore de chiummo, lo naso pareua vrachetta de Todisco, l'vocchie russe, li capille nigre, e luonghe, la voce de voie, e ncrosione accossì brutto, e foriesteco, che faceua paura à conca lo vedeua, se be fosse stato lo Rrè de l'aucielle, chisto quanno vedette Ciullo, e Perna, le smerzaie l'vocchie adduossò, che l'appe à ferire, e le disse: Chi site vuie? commo ve chiammate? e da doue venite? Ciullo co na bella creianza, mà tutto percuossèto, le disse lo vero de la borrasca, e bà scorrenno: ma perche chi male fà, male penza, e peo aspetta, lo forasciuto credenno se ca erano papocchie, se be le bedèua nfuse, e fetiente de sentina, commo à Ngrise, responnette: Nò nò, vuie site spiune, ca lo faccio, ma non iarrite à Romma pe penetentia, ca ve voglio dare io lo castico, che mmeretate, e accossì ordènaie, che tutte duie fossero legate à n'aruolo de chille, e che pò le commenfassero à fà no poco de rettorio co palle de scoppetra, e accossì foro legate à na cercola vno co le spalle votate all'auto; quanno sti sfortonate se vediettero à sto termene iunte, penza tu mò, commo steuano li core lloro; Perna, che l'hauèua chiù tenneriello, accommenzaie à chiagniere à solluzzo, c'hauarria fatto chiagnere le prete de Resina. Ciullo, che l'hauèua chiù tuosto, deceua: O Perna mia bella, e chi nce l'hauèsse ditto? io me penza-ua, che la morte non nce potèsse chiù cò nuie, pocca doie vote sinmo sciute dall'ogne soie

foie sane, e sarue, e mò doue manco nce pē-
 zauamo, llà scomparranno li iuorne nuoste,
 se bè à me non me sape à male ca moro io,
 ma me sape a male ca muore tu, core mio, e
 quot peio, nmanze c'haggia potuto hauè nà
 sfatione de li fatte tuoie: eccote foiuta, ecco-
 te leuata da sotto terra, eccote sciuta da din-
 to lo maro, eccote fritto lo fecato, mò sim-
 mō arreuate doue haueuamo da essere, e do-
 ue negrecate nuie? a morì pe mano de mari-
 uole, ecco, Perna mia, degna d'essere nfilata
 da nò lazzo d'oro, legata co na funa de puz-
 zo: ecco Perna mia, chelle braccia degne
 d'essere legate, cò chella catena con che lega
 Ammore li schiane suoie, legate da sti cape
 de miccio: non songo cheste le catene, che
 nc' haueua promisso Ammore, non sò chi-
 ste li gusti, che sperauamo; credeuamo de
 fà chella morte doce, che se fà corcate à lo
 letto, e mò morimmo all'allerta commo a
 tifeche; ohimè, sciorta cana, a che nc'haie
 arreddutte? cossì decenno, le lagreme scen-
 neuano pè li canale dell'vuocchie, c'hauar-
 riano spertolato nò core de selece: nia chil-
 le, che nò n'haueuano pagata la mamma-
 na, già s'erano puoste a felera; e calate li ca-
 ne à le scoppette, senza hauè nulla piatate
 de la sfortunata Perna, che la faccie soia era
 deuentata comm' à lo nome. Quando se
 ntese no suono de trombette, no correre de
 caualle, no greciglio de sordate, no gredare,
 ammazza ammazza, ferra ferra, no sparare
Ciullo, e Perna C de

de scoppettate, e tutto a no tiempo no capotommoliare d'huommene muorte, e fù che-
sto accossì a là m'prouisa, che li forasciute
non appero tiempo de tirare, commo haue-
uano penzato, a Perna, e à Ciullo; accossì
bà la ventura, che lo cielo non se scorda ma-
iè de nullo, vasta, ca chella morte, che li fo-
rasciute nnozentemente voleuano fà fare a li
nfelice nnamorate, fecero lloro, commo
meretauano, pè mano de chille sordate, ch'e-
rano state guatte guatte portate da nà spia,
a chillo luoco: sciouute, che fuieno Ciullo,
e Perna, rengratianno nfenitamente lo Ca-
porale, che l'haueua liberate, s'habbiaro vier-
zo Pisa, che non era troppo lontano.



LI TRAVAGLIVSE⁵¹

AMMYRE DE CIVLLO.

E PERNA.

LIBRO SETTEMO.

ARreuate cò granne allegrezza li nnamorate à Pisa, pigliaieno alloggiamento, pe dà no poco de recrìo a li spirete, che n' haueuano granne abesuogno, ca bè haueuano da spennere allegramente, perche non haueua maie perduto Ciullo no vorzone de scute, che le deze lo Caualliero, lo quale portaua sempe aunnascuso mmiezo a le coscie, commo a guallara. Ora mentre s'apparecchiaua lo magnare, Ciullo, e Perna passciauano pe le caminare de l'alloggiamento pe se spassare, e cammenanno cammenanno, trouaieno fora no correturo no giouene, che cò no crauone screueua ncoppa no muro.

Dapò luongo viaggio

Ccà ghionze miezo muorto

Mineco d' Antoniello nato à Puerto.

Ciullo hauenzo dato vuocchie a chille vierze, e leiuto lo nomme de Mineco d'Antoniello, non se porria credere l'allegrezza, che sentette, pocca non c'è chiù gran contentezza, che a terra stranera vedè paisane, e tanto chiu canosciente, perche erano state nzieme cò chisto a la scola, e perzò canosciute,

tesc, se corzero ad abbracciare, e dapò date-
 se ciento vasc nzoccarielle, l'vno, e l'auto
 s'addommannaro, che fortuna l'haueua fat-
 to scontrare a chella tauerna, Disse Mineco
 a Ciullo: Non porrisse credere, da vnnece
 anne ncà, che manco da Napole, quanta
 fortuna hà curzo sto pouero vasciello, e quã-
 ta vote è stato npizzo d'annegarse, puro pe
 gratia de lo Cielo sò ccà, e spero (già che
 pe lo 'nnulto, ch'hà fatto lo Rrè, pozza tor-
 naremenne a lo focolariello mio) de iremẽ-
 ne quanto chiù priesto pozzo. Ciullo tanto
 chiù s'allegraie, sentenno chesto, mentre,
 quanno manco se penzaua, trouaua accossì
 bona compagnia, e pregaie Mineco, che le
 decesse doue era stato tanto tiempo fore de
 Napole, ch'oramaie nò lo canosceua. Mine-
 co, dapò hauè iettato no gran sospiro, disse:
 O Ciullo frate tù mme vuoie nzoccare st'al-
 legrezza, ch'aggio hauuta de vederete, fa-
 cennome renouà le chiaie vecchie, puro pe
 farete piacere, te ne derraggio quarcosa. Ora
 faccie, che vnnece anne songo despotanno
 a lo studio sopra la Posteriora d'Arestotele,
 io che nò me faccio passà la mosca pe lo na-
 so, venuto a parole, fice no paragrafo fenale
 nfaccie a no Stodiante, tanto che a la mme-
 desem' hora nmarcatome ncoppa le galere
 de Mauta, lassaiè chillo bello Ciardino de
 Talia (ohimme, ca se non hauesse speranza
 de vederelo fra quinnece iurne, me crepar-
 ria lo core) hora partuto da Napole ncop-
 pa

pa le galere , e hauenno fatto n'anno la Carauana , vedenno ca non se confaceua l' anemo mio , ncrinato a le lettere , a manciare l'arme , sbarcato da Leguorno , passaie a Bologna , e perche steua listo conuno a Sorgente , e sbriscio , che non haueua na maglia: pe hauè commodetate de stodiare , me mise a stare co no stodiante ricco pe seruetore , e facenno de la necessetà vertute , attise tanto a stodiare , che nquatt'anne faciette pe li Partecipie , e assennose sparza la famma de lo bello ngiegno mio , e tanto chiù ca nne la Poesia faceua cose de fuoco , venne crapiccio a cierte Cuente de Boemmia , de carciareme a li paìse llo ro pe Mastro de cierte peccerille , co prommissione de caricareme d'oro , comino a mulo de Percaccio , io non volenno lassareme scire sta bona fortuna da le mmano , partome da Bologna (accolsi n'ce fosse restato muorto , ca non hauerria hauuto tanto trauaglio) partutome dico da Bologna , vao a Boemmia a la Cetate de Praga , doue stiette quatt' aut' anne co speranza de zecchè moneta , ma maie nō vedeua chell'ora de toccà no cauallo , che buoie , soniette , canzune , e matrecalc ? io me poteua caccia li conciette dà li tallune , cà manco faceua niente . Desgratia de sti tiempe d'hoie , che li pouere Poete non hanno auta defferentia da li tauernare , schitto , che chille teneno la frasca , e chiste la corona de lauro , chille votano sempe arrusto , e chiste se pasceno sem-

pe de fummo . Hora, comme tè dico , vedē-
no hauè seruiuto a lo viento , cerco lecientia
a lo patrone; chisto non me la vò dare, pe no
me pagà lo salario mio: me mecco , a grida-
re ca voglio ire a la iostitia, chisto pe paura ,
ò chiù priesto pe bregogna, pè n' essere spro-
bato , me lecenziaie , e destramente fece
mettere dintò no baliciotto de le scetture
meie no vraccialetto de la moglie, io hauu-
to lo seruiuto mio, me parto, e non era anco-
ra fore le porte de la Cetate , che me vidde
pigliare de zeppa, e de pesole , e portare sen-
za fareme toccà piede n' terra, dintò no māt-
trullo , e po senza sapere nè che , nè cōmo ,
me veo spogliare , e perche lo cappiello de
feutro me faceuà calà descenzo all' vocchie ,
puostome na coppola de carta reiale , m'ac-
crauaccaro a n' aseno, che core cride tu, ch'io
faceffe , vedennome nnozentemente puestò
a tanto dessonore ? me vregogno dirlo , ec-
cote ch'aspetto, che sona la trommetta, ecco
aspetto, che lo boie accommenza a fà contra-
punte ncoppa la cartella de le spalle meie .
Chesta iostitia era cosa noua a chillo paiese,
e la faceuano fare chiste , che erano pratte-
che a Talia, pe lo che, commo è soletto a le
cose noue , erano corze tanta dè le gente , e
tanta de li peccerille, e faceuano tale folla , e
allucco che l'Aseno, ch'era foriesteco, sparaie
na chioppa de cauce; e le gente s'allargaro ,
ed isso se mise a correre cōmo no ginetto de
Spagna , ò figlio de chelle , che mprena lo
vien-

viento, e li sbirre appriessò, io creò, ch' Apollo pe compassione de no pouero Poeta deppe chiauà l'arco de la lira nculo all'Aseno, pocca non fu maie vista tanta furia, crideme ca n'manco tiempo de na votata d'vocchie l'Aseno fù fore de la Cetate, e hauennose lassato tanto arreto chille, che le correuano appriessò, che lo perdero de vista, icua vierzo la casa de lo patrone suo, che pe bona sciorra mia steua llà fore, ma dapò na granne corzeta, fermatose pe stracchezza, io scise commo meglio puotte cò le mano legate, e comenzaie a correré commo hauesse le scelle de Mercurio a li piede: e perche lo stisso Apollo fuorze pe non vedè tale cosa de no figlio suo, s'era nnanze tièpo annascuso, io aiutato dall'ombra de la notte, me chiauaie dintò ciente case vecchie, doue stiette duie iuorne ncaforchiato, e tanto pigliaie spireto (dapò hauere rosecato la fonecella cò li diètte, che me legaua le mmano) quanto magnaie certe erue de muro, ch'erano pe chille derrupe, e me fice no seruetiale pe la vocca, all'vtemò zitto, e mutto, già che bedèua lo p'iesè coieto, sciette da llà, e accomenzanno a cammenare, trouaie l'Aseno poneriello muorto, creò ca pè desppetto li sbirre l'haueuano acciso: crideme ca non chianze tanto la morte de patremo, quanto la morte de st'Aseno, e hauarria voluto cagnà la vita mia co la soia, pe lo beneficio receputo, haueu nome dato lo nore, ma non essennò nter-

inene de vfarele a uta gratitudine , tiranno-
lo pe la coda sott' a n'aruolo de cerza , e
ghiettannole 'ncoppa shiure de marua, e de
ienestra, scrisse co na ponta de chinouo , che
trouaie nterra a là scorza de chill'aruolo
chisto petaffio .

*N' Aseno Mecenate ,
N' Aseno figlio à lo chiù gran Chianeta,
Ccà morze pe saruare no Poeta ,
O vnìe , che Febo aminate ,
Piatuse viannante ,
Quanno sarrite nnante
A chest' ossa norate ,
Chiagnite , ed arragliate .*

Fatto chesto , e datole l'vtemo vaso, me par-
to , e comao voze la bona sciorta, trouato no
vellano, che dormeua ncoppa no prato, le le-
uaie chiano chiano lo ferraiuolo , che tene-
ua sotto la capo , e me copierze le carne, ch'
erano nude , e comenzaie a battere le carca-
gne pe paura de quarche auto rammo de ve-
sentieria, e tanto cammenaie vosco vosco ,
non magnanno auto , che crue saruateche
nfi che fui fora de li confine de Boemmia ,
tanno accomenzaie a ghi pe l'habetato , &
a cercà la lemmosena , ma chi me deceua ,
và lauora , chi, troua patrone , chi và nga-
lera , chi na cosa , e chi n'auta , nzomma lo
besuogno me fece trouà la via de leuareme
la fame : ò quanto ioua la vertute, e quan-
to disse buono chillo saputo , ca lo sapere è
no tesoro , che non se perde mai ; io ad-
don.

donca, ch'era vfato a fa composetiune aute,
e magnifeche, che nò la cedeva à lò Perrar-
ca, a compouere tragedie, e poemme arruoi-
che, e scriuere comedie, tanto campaua,
quanto faceua ftorie de no tornefe l'vna n'ot-
taua rimma, mò de no spreposeto, e mò de
n'auto, tanto che li coturne, e li zuoccole
erano deuentate fcarpune. Vasta ca co ftò
ngiegno me repolie, e m'arredvffe à le ma-
rine de Darmatia, doue mmarcatome ncop-
pa à no varcone, nce ne veneuamo vierzo
terra d'Otranto. Ma perche non commen-
za fortuna maie pe poco, mefe ncoppa lo
cuotto acqua volluta, e me deze à marenà
cicere, e dapò pafto faue ngongole; ecco ca
fe nzirria lo mare e bene tale fortuna, che pe
parte de paffare à lo Regno nuoftro pigliã-
mo à correre pe perdute vierzo Leuante, e
non hanenno chiù fperanza all'arte lloro li
marenare, fecero lo pellegrino. Eie ftò fare
lo pellegrino n'antica aufanza de nauecante,
zoè de mannà no vuto à quarche tempio de-
decato à Nettunno, ò à quarch'auto, che le
libera da periculo: e fe fa de chefta manera.
Iettano la fciorta nfrà tutte chille che fe tro-
uano ncoppa lo vafciello, & à chillo, che be-
ne la fciorta, chillo hà da effere lo pellegrino,
c'ha da portà lo vuto, lo quale hà da effere
lafato à lo primmo terreno, che pigliano ò
d'ammice, ò de nnemnice, ò habetato, ò de-
fierto, ò Ifola ò terra ferma, e llà chiantare-
lo comme cetrulo, a zzò faccia lo pellegrino.

naggio . Ora iettato dinto sta varca nostra
 la sciorta, toccaie à me de gliottare sto veluoc
 ciolo , e portate da la fortuna à la Velona, ef-
 fenno chesta la primma terra , che tocchiamo,
 fuie forzato de restarence pè ghire da llà à
 portà no piezzo de na vela rotta à lo tempio
 de Nettūno, che steua à li confine de Calau-
 ria addoue Riggio ioca à sparte casatiello cò
 Messina , e dannome ogn'vno quarche lem-
 mosena, o tra'lo vuto , me iettato nterra ; io
 chiu muorto , che biuo pe la paura , trouan-
 nome nterra de nnemmicè, cōmenzaie chia-
 no chiano ad abbiareme vierzo la terra, doue
 visto da cierte Turche, fuie pigliato, e cōm'
 à no Conte fuie puosto à guardà na mmorra
 de pecore , la quale cosa , già che la fortuna
 m'hauena portato ad essere schiauo , tinnu
 pe na ventura granne , pocca hauenzo potu-
 to mettereme à no rimmo , ò à quarche auta
 cosa peo, m'hauenuano puosto à fà chello, che
 nò tiempo facette lo stisso Apollo . Ora pas-
 sanuo accossì negrecata vita appriesso le pe-
 core , senza auta compagnia , me s'abbotta-
 ua l'otra de iuorno n'iuorno, e già sarria
 crepato , se na sera non deuano à chella ma-
 rina cierte varcune de Scocche, li quale dan-
 no secota à li Turche, che trouaro, se piglia-
 ieno na mano de pecore , e canoscenno ca-
 io non era Turco, me dissero , che stesse de
 bona voglia, ca lloro erano galant huomme-
 ne, e non faceuano despiacere si nò à li nnē-
 micè, dannome speranza de fareme abbosca-
 ran-

tanto, che me ne potesse ire à lo viaggio mio,
 Arriuato cò chiste à ciente montagne vecino
 à lo maro, poco lontano à no luoco, che se
 chiamma Segno, accommenzaïmo à scor-
 tecà Craſtate, e ſane ſane metterè ad arro-
 ſtire à ſpìte de ligno cò n'allegrezza granne,
 quanno ecco cinco, ò ſeie compagnie sbar-
 cate dà le galere Venetiane nce dezero a-
 duoſſo, e fatto na trenciata de Scocche, chil-
 le poco, che reſtaro viue, ed io, fuimo npa-
 ſtorate commo caualle, e puoſte pe bancha-
 rotte ngalera, e cagnauamo lo ſodore, e la
 fatica pe tanta vorpinate, doue paſſaie ſta
 vita da n'anno, e miezo ncirca. Puoie con-
 ziderare, ſenza che ghiure, che ſtato fu lo
 mio, quanta vote pregaua lo maro, che aper-
 ta canna me haueſſe gliortuto, quanta lo cie-
 lo, che cò truone, e lampe me nnabiſſaſſe
 cò tutta la galera, quanta la morte, che nnā-
 re la ſcogna de lo grano me veneſſe à mete-
 re. A le bote accoſſi gualiannome deceua,
 ad Apollo: O tu che co la meza canna me-
 ſure l'hoie, ò tu che trenciante à la tauola
 de ſto munno, ſparte lo tiempo: ò tu che co
 la perteca de li ragge lieue le folinnie da la
 cemmenera de la terra, deh s'è lo vero ca-
 tiene protezzione de li Poete, e ſe non te ſi
 ſcordato de chelle frunne de lauro, che arra-
 uogliaro le belle carnellette de la Ninfa toia
 commo ſecatielle, haggie horamaie piatate
 de nre ſfortonato, che ſongo adeſa vnnece
 anne, che bago commo na vettola pe dinto

lo telaro de la fortuna , e pe schiattiglia ho-
ramaie me songo rutte li contrapise, ha ggie
meserecordia de nà pouera creiatura , ch' è
stata lo nore de la montagna de Parnaso ,
non consentire che chesta mano, ch'ad ogne
cantata de gallo soleua piglià la penna pe fà
cosa degna de tene, mò ad ogne suono de
fiscariello haggia da piglià no rimmo, non
volere, che li Cignie mieie siano st'animate
iauche, che me vanno pe lo cuollo:ohimmè.
Apollo mio , tu te si scordato de li serueture
tuoie ; douc sò chelle frezze che spertosaro
Petone, e che fecero negrecatà la moglie
d'Anfione de sette figlie ? ma io penzo ca tu
vedenno ca la voce mia era abbrocata , me
nce faie stare apposta ngalera , azzò lo be-
scuotto me sporga la voce;io creio ch'accossì
cōmo chillo Capetanio leuaie la varua d'o-
ro à Scolapio figlieto, decenno ca non era
buono , che lo figlio fosse varuato , mentre
lo patre era sbano: cossì tu m'haie fatto ve-
nì apposta ngalera, azzò , ped'essere sinimele
à te, fosse arrappato, ecco ca mò si contento ,
la mazzammorra m'hà seruito pe locchesa-
no , ed haggio fatto na voce de fauzietto, e
la varua mia, ch'era de nigromante, è deuē-
tata de Salamelech, e lo bellutoè deuentato
raso . Vengate addonca piatate de sta scura
vita , leuame da catena , conzidera che cosa
è l'essere arrauogliato de fierro , ca tu l'haie
visto nperzona de Marte, e de Vennere quā-
no pe causa toia stettero dinto la rezza com-
mo

mo sparagliune , non fare tanto danno à le
 muse toie, che stiano senza Mineco llozo, lo
 quale era lo gioiello d'Alecona . Cheste , &
 aute pa role disse tanta vote , che all'vtemo
 venenno piatate à lo cielo de li trauaglie
 mieie , mentre nauecauamo cò le galere pe
 ghire da Corfù a Benetia , venne tale 'gr an
 fortuna , che dapò essere iute correnno seie
 iurne , chi à Trocchia , e chi à Pascarola ,
 la galera doue steua io , ieze à dare à le ma-
 rine de Senegaglia, doue perche lo Sopracò-
 meto à lo prencipio de la fortuna haueua fat-
 to sferrà à tutte, io afferrato à no varrile ve-
 nierte nterra , chiù da chillo munno, che da
 chisto, doue arreuato , se be la paura , e lo
 tormento de lo maro m'haueuano leuato lo
 celleuriello , tutta vota vedennome fore d'o-
 gne pericolo , e sciuoto da chelle catene ,
 m'addenocchiaie nterra , e rengratiaie Fe-
 bo , c'haueua faoduto lo pregare mio, e cof-
 sà nfufo commo me trouaia , commenzaie à
 cammenare, e tornaie à Bologna, doue tro-
 uato chillo Stodiente , che m'era stató patro-
 ne (commo te disse) lo quale era addotto-
 rato, e nzorato ricco, venutole meterecordia
 de le desgratie meie, me fece gran carizze ,
 e bestennome , me deze cierte tornesieffe, cò
 li quale me songo abbiato à la vota de Le-
 guorno, doue dintò na varca cò poco spesa
 spero ire à chella terra felice, ch'aggio chiā-
 to tant'anne . Eccote ditto, ò Ciullo , chelle
 desgratie , c'hauarriano dato nterra no to-
 ro ;

ro; non che à me, ch'era stato cresciuto da
 mammama à no denaro lo cerasiello. Ciullo,
 e Perna co no parmo de canna aperta auso-
 liaro sto cūto, e non senza lagreme all'huoc-
 chie, ca sentenno le desgratie de Mineco,
 s'allecordauano de le llozo propie. Dall'au-
 ra banna Mineco voze sapere tutte chelle de
 Ciullo, lo quale nce le contaie pe lo filo, da
 che partio da Napole pe ghire à Gragnano,
 nfi ch'arreuaiè à chella tauerna doue tanno
 s'ashiaro, e commo tutte ste fatiche non le
 pareuano niente, pe d'hauere acquistato na
 Perna pretiosa, e mostraiele la n'nammorata
 soia, chesta Perna è chella, che m'hà fatto
 passare tanta pericole de là vita, ma tutte le
 siano beneditte, pocca spero essere lo chiù
 felice hommo de lo munno, hauenno tale
 Perna, tale gioia de tanto priezzo. Ma mē-
 tre stenuano decēno accossì, lo Tauernaro toz-
 zolanno co no cortiello à no piatto, le chiā-
 maie à tauola, doue sedute se co no gusto
 granne se mesero à magnare, e à fare brin-
 nese à pietto de cauallo; all'vtemo de lo ma-
 gnare esslenno venute cierte Sonature pe la
 mancia, Mineco pe mostrare ca lo ghire pe
 lo munno fa l'hommo vertoluso, fattose
 prestà na cetola da vno de chille commen-
 zae à cantà chesta canzona.

Dintro ste belle trezze

La fonecella nasconnette Ammore

Con che legaie sto core,

E dintro si bell'vocchie straluciente

Li

*Li furgole cociente ,
 Che fanno stare st' arma sempe n' fuoco ,
 Ne me nè curo , e me lo piglio à ghiuoco .*

*Ca da chiste vocchie belle
 Escè no cierto raggio , che conzola
 Sto speretillo , e fa che se ne vola
 Ncoppa no cielo d' ammoruso gusto ,
 Ne pò doglia , ò desgusto
 Fare , che senta defederio , ò voglia ,
 Che shiamma , ò lazzo maie se stuta , ò
 Chi maie de lebertate . (scioglia*

*Chi de stare à lo frisco appe piacere ,
 Quant' io de mmè vedere
 Dintro lo fuoco schianu ncatenato ?
 Io me tengo viato ,
 Pocca d'ò sfattione , ed allegrezza
 A shiore d' honestate , e de bellezza .*


*Ca se non me vuoie bene ,
 E vuoie de s'ò golio mora speruto .
 Pocca me ncè hà cogliuto .
 Animore , che cò mmico maie nce potte ,
 Voglio à tutte le botte
 Stare tuoſto , e preiato ire à lo fuosso ,
 Se sſi bell' vocchie tuoie me vuote adduoſso*

*Tieneme mente addonca ,
 O de chest' arma mia piezzo chiù caro ,
 E se tu n' haie à earo ,
 Ch' io pe te stia contento , e conzolato ,
 Videme sfracassato ,
 Videme commo strillo , e cōmo allummo ,
 Videme ire nbruodo , e ghire n' fummo .*

*Scomputa la canzona , perche lo Sole stracqua
 de*

de correre la posta, s'era iuto à fare all'età lo
 vrachiero, s'auzaro da tauola, e se iero à
 repofare, e mentre Ciullo, e Perna, l'vno
 spar tuto dall'auto, e Mineco a n'auto lietto
 iero à dormire, ionze à la tauerna no Varre-
 ciello, feu Capetanio de sbirre, venuto da
 Shiorezza, lo quale ieuua facenno deliecentia
 p'hauè noua de na perna ò caduta, ò arrobbata
 dà la coppola de lo gran Duca, che bal-
 leua chiù de millāta docate, pe d'essere ton-
 na, e grossa quanto na noce, e perzò chisto
 ieuua pè tutte le tauerne, e alloggiamenti
 de lo stato, pe n'hauere quarche noua, pro-
 mettenno veueraggie granne à chi la scom-
 mogliaua, e aute tanta pena à chi la teneua
 annascosa, sentenno cheito na; vaiaffa de lo
 Tauernaro, la quale hauenno visto la bel-
 lezzetudene cosa de Perna, credennose, che
 fosse hommo, l'era stata tutto lo iorno à la
 roda, e pe lo pertuso de la chiauatura haue-
 ua sentuto quanno Ciullo disse, ch'haueua
 acquistato cò tãta fatica na perna cossì pre-
 tiosa, allecordannose addonca de sto parla-
 miento, co na preiezza granne fece designo
 de scoprire sto fatto, e guadagnannose lo
 raglionè, pigliarese lo giouene pe marito,
 tenenno pè cierto ca si be era compagno dè
 li due, chille sarriano mpise, e lo figliulo
 pe d'essere de minore etate, sarria liberato;
 fatto sto preposeto ieze à lo Varreciello, e
 le disse lo fatto, decennole de chiù; ch'era-
 no Napoletane, nò lo disse à surdo la vaiaf-
 fa,

fa, cà subbetto Fanciullone (ch'accossi se
 chiammaua lo Varreciello) l'appe pe mari-
 uole de li fine (desgratia granue de nuie au-
 te Napoletane, che beneno le gente da tutte
 le parte de lo munno à zucarence lo sango,
 e assassinarence, e po lo marinolo secuta lo
 sbirro, la caudara dice à la mappina netta, e
 ghianca, vi cà me tigne) Fatto addonca
 aprire la cammara doue steuano sti giuvene,
 e legatele tutte tre commo mazze de foglia
 torzute, le chiauaro dintro na carrozza à sei
 caualle, e ghièro tanto à l'ancorza à la vora
 de Shioreenza, che la matina ne' arrenuaro, e
 senza metterelle à la presonia, che llà se chià-
 ma le Stineche, le portaro deritto à lo Palaz-
 zo de Pitte, doue stace lo Gran Duca,



66
LI TRAVAGLIVSE

AMMURE DE CIVLLO,

E PERNA.

LIBRO OTTAVO.

ARreuate à Shiorehza , fecero sapere à l'Autezza soia c'haueuano pigliato li mariuole , Chi porria dicere da capo à pede chello , che ntratanto decettero chiste , c'hanarriano fatto ntennerire no pietto de diamante? iastemmanno la fortuna , che l'hauea fatte nascere sotto accossì mala chianenza , che maie haueuano potuto hauere n' hora bona , e già se teneuano pe cierto ca sta vota era scomputo lo chiaieto, ch' à le tre, vèce lo Rrè, pocca era la terza vota, che la fortuna l'haueua fatto ste cacauesse , e chello , che le sapeua chiù à male , ca pareua , che l'hauesse saruata la vita tanta vote la fortuna pe farele perdere la vita, e l'onore tutto à no tiempo , chesto era chello , che le passaua lo core , ca morire co lo nore fuio , nō è niente. Mentre chiste haueuano passate le doie aute desgratie , le galere pe lo mmedesemo temporale tornaro à Leguorno , e Baccio se n'era venuto à Shiorehza , e non hauenno trouato à la casa soia commo penzaua, Ciullo, e Perna , n'appe gran desgusto , e commo ca ne iteua cuocolo pe l'affettione, che le portaua ,

uà, fece mille male penziere, hōra hauenuo bisogno parlare à lo gran Duca, ieze à la vota de Pitte, doue arreuaie iusto à misura quanno sua Autezza haueua fatto trasire à la cammara soia chille, ch'erano tenute pe chello, che non erano, e tanno le deceua: Hora, te, chi credarria ca le belle faccie vostre, e d'accossì bona mmriana hauessero armo de fare chello, ch'hanno fatto? che derranno mò li Feluosofe, e l'Astruoleghe? la trippa, che le incorona, pocca diceno, ca da chello de fore se canosce chello de dinto, e cheste mostrano tutto lo contrario: e ghiennole l'vocchie à Ciullo, le disse: che nne dice tu chillo giouene? re spose Ciullo: Serenissimo Signore, io non pretенno essere bello giouene, ma quanno nce fosse, chessa farria stata la primma causa de fareme fare chiù priesto chello, che haggio fatto. Vorraie dicere fuorze, disse lo Gran Duca, ca l'essere bello giouene, fa che l'hommo vachìu appriesto à le banerate de lo munno, ed, à li vitie, e pe tale causa haue chiù abesugno de denare, e non hauennone, se mette ad arrobare, commo haie fatto tū chello, che faie. Io (responnette Ciullo) non l'arrobare pe galio de ricchezza, ma schitto perche la vediette, e me piacette tanto, che se non l'haueua nmano farria muorto (arraslo sia) lò creò, disse lo Gran Duca, ma quanno l'hauiste pò, faciste disegno de la vennera, e pigliarete li gusfe tuoie cò li denare, che


che n'hauiffe hauute, Chello, respose Perna, non creio, che le sia venuto maie nfantasia, parlanno cò leuerentia de Vostra Altezza, ca non è cosa de paro fuio, ma quando hauesse voluto illo, non hauarria voluto io. E perche, disse lo Duca, non farria itato meglio pe buie na bella quanterate de denare? Signore nò, respose Ciullo, ca se bè fosse stata cosa de fare co lo nore nuostro, io maie l'hauarria fatto pe tutto l'oro de lo munno. Vuie parlate, disse lo Duca, commo se fosse liceto ad ogn' vno farese patrone de na cosa, che le piace, e tu ne' haie puosto tanto ammore, commo se te l'auisse accattata; non saie ca non se deueno manco desederare nòn che arrobare le cose d'auto? E lo vero, disse Ciullo, ma quando io la pigliaie, non era, de nullo, e de chiù pozzo dicere ca manco steua à sto munno. Commo v'ha sta cosa, decette lo Duca? tu già sbarie pe paura de la morte, che te farraggio dare pe chello c'haie fatto, non sapiue tu, ch'era la mia? e nò la pigliaste à la casa mia, che creio, che stace à lo munno? A lo munno stace, disse Ciullo, ma nò à Genoua. e quando lla fosse, faccio cierto ca non era de nullo. Tu mme vorrissi fà perdere lo celleuriello de chiù, disse lo Duca, hora dammella, e scomprimmo sti dicote, e disseme, e te voglio fà la gratia de lo delitto, se be nò lo mmiere. A chello voleua responnere Perna, perche se credeua, che fosse mmentione de

lo Duca pe se pigliare li guste suoie cod'essa
e direle ca non ferueua pigliarese fastidio de
volerele pigliare de païse, ca cchiu priesto
se metteua na pollecara ncanna, e s'affoca-
ua; ma Ciullo addonatosenne, la zennaie,
che stessè zitto, ed issò respòse; Dareuella!
me mmarauoglio, non ncè cosa à lo munno,
che me facesse fare tale cosa, ne bone parole,
nè triste, nè carizze, nè ammenaccie, nè
premio, nè tormeinte, ca songo hommo
norato, e norato voglio morire. Che hà da
fà lo nore, cò l'arruobbo? disse lo Duca, io
pe mè non te ntengo, ma pe scompire sto
rompemiento de chioche, se non vuoie pro-
uà lo sdisgno mio, caccia fore sta perna. Che
bolite che caccia? disse Ciullo, io nò la ten-
go dintò la saccocciola, o dintò l'agliaro
dell'voglio. Doue è? respòse lo Duca. Ecco-
la ccà lebrecaie Ciullo, e cossì decenno pi-
gliaie Perna pe la mano, e la teraie vecino à
lo Duca; lo Duca mò se penzaie ca Ciullo
lo voleua coffiare, e sagliennole la mostar-
da à lo naso, disse O la, leuateme chistò,
che pozza squagliare, da ccà, e portatelo
presone, ca llà le farraggio mutare parla-
miento: e mentre li sbirre le deuano de ma-
no, lo Cavaliero, che trasuto dintò la cam-
mera de lo Gran Duca hauena sentuto chel-
la parlata, che l'vno non ntenneua l'auto, e
l'vno faceua crepare l'auto sèza preposeto, se
facette innanze, e fatto lleuerentia, disse; Se-
renissimo Segnore, vòsta Autezza, non se
pi-

piglia collera, nè cardacia co sto gentelom-
 mo, ca non è chello, che ve penzate, e lo
 parlare, che face, non è perche haggia ar-
 robbata la Perna vostra, ma pe n'hauè foiuto
 da Genoua chesta, che se be pare figliulo, è
 na zetella, che l'è mogliere, e se chiam-
 ma Perna, e chesta è chella Perna, de
 la quale parla isso, e nò la Perna, c'hauite
 perduto vuie. Lo Gran Duca sentenno che-
 sto, steua mmarauagliato, e no lo poteua
 credere, ma Baccio le contaie tutta la storia
 de Ciullo, nfi doue la poteua sapere, e lo Grã
 Duca facenno se contare lo riesto da lo stisso
 Ciullo, e sentuto quanto haueua passato, e
 la cosa de la Perna, ch'era stato arrore de
 na filleba, happe à schiattà de riso, e cano-
 scette ca le resposte de Ciullo non erano à lo
 spreposeto, commo pareuano, e perche ogn'
 vno la fà da chi è, le disse: Hora fusso, poc-
 ca è cheffo, non voglio, che ve sia danno l'ha-
 uereue portato ccà la fortuna, voglio, che
 la casa mia sia la scompetura de li guaie vuo-
 stre, la fontana de le contentizze vostre, ed
 accossì facette portare la figliola a là Gran-
 Duchessa, la quale hauenno sentuto da Per-
 na quanto era focciesso, le facette nò buono
 scuorno, decenno, nce lo bole, à chi non
 vò ntennere la mamma, e lo patre, le ntra-
 ueneno le cose, che te sōgo ntrauenute à ttè,
 ma pocca è fatto, non n'è auto remmedio,
 da mò nnanze singhe bona figliola, e se nò
 si stata obediēte à patreto, singhelo à mari-
 teto,

reto. Fattole sta scortettione materna, la fece vestire commo na Prencepessa co la solcata galantaria soia, e da llà à quinnece iuorne, che erano venute lo patre, e la mamma de Perna, manuate à chiammare dà lo Gran Duca, cò sfatione de tutte le parte, pigliato la Gran Duchessa Perna pe la mano, che pareua na Luna de Iennaro, fece chiammà lo Gran Duca, e Ciullo, e npresentia soia le facette ngaudiare, e lo Gran Duca tenne l'aniello, e guadagnaie lo noccaturo. Hora chi porria dicere lo grelliamiçto de li due nnamorate? fà cunto ca natauano dintorno maro de vino cuotto, pe la dochezza, e li guaie passate erano l'vosso de prefutto, che faceua chiù saporito, e grasso lo pignato de le contentizze llozo. Hora fatto sto matremmonio, ed essenno rialate da lo Gran Duca, e Gran Duchessa, commo fanno sempe à tutte li frostiete, che banno ncafa llozo, le facettero na festa reiale, e la sera dapò no brauo banchetto le fecero corcare, e conzomà lo matremmonio, e stettero ngran festa parichie iuorne, facennone parte à Mineco perzi, nfi che fù tiempo de sarpà lo fiero pe ghire à conzolare à Napole li pariente de Ciullo; accossi doue se penzauano scompì la vita, accōmenzaro à campà contiente.

Scompetura,



5
VIAGGIO
DI
PARNASO

Poema,

DI
GIVLIO CESARE
CORTESE.




IN NAPOLI,

Per Nouello de Bonis. M.DC.LXVI.

Con licenza de Superiori.

Ad istanza d'Adriano Scultore
all'Insegna di S. Marco.





Lo Poeta à li Leieture.



O N è possibile,
che quarche trauo
rutto non strida,
e che quarche stren-
ga rotta non se
metta ndozzana,
decenno da quanno
niccà le pouere Mu-
se so deuentate de lo

Lauinaro? da quanno niccà la fontana de
Puorto è Hippocrene? e capo de Monte,
Aonio? à chiste nee vorria pe nante
pasta na trippa de sette sapate à li morfiente,
e pò vorria che me dechiarassero, à quale
Casale nascettero le noue Sore d'Apollo:
se chillo me dirrà ca Ngrezia, e portarà
pe testimonio chillo cecato che cantaie
de Chilleto è d'Alessa, io le dirraggio
pò (se vale pe testimonio l'autoreta-
te de chillo che spremette quanto haueua
ncuorpo ncoppa lo sonnamento de Rom-


4
ma) ca le Muse so latine, ma veccote ca-
trasarria pe tierzo quarche Prouenzale, e se
noe farria fare tanto d'vocchie, à mante-
nere, ca sò de lo paiese suo, e nee farria
nzammenare Goglierino Ventadorno, Ar-
naudo Daniello, e cient'autre; sautarria pò
de brocca nò Shiorentino, e ne vorria ve-
dere quanto n'è, proffedianno ca so Tos-
cane, e ghiurarriano a quattro mano Dante, e
lo Petrarca co n'autra mimorra de lo paiese;
ne nee perdarriano la coppola à la folla li
Spagnuole, ca se farriano la iustitia cole
mano llo ro, e porriano dicere, ca le
Muse so Spagnole, e pe proua nzammenar-
riano lo nnemico llo ro Bembo, che chiam-
maie le Muse co lo titolo de donne, quan-
no dicette, Donne c'hauete in man l'alto
gouerno, del Colle di Parnaso; essentno co-
la chiara, ca schitto chesta natione se nora
co stò titolo de Donne, o tra che fortetecar-
riano la causa llo ro co l'autoretate de lo
Conte Salina, de Lope de Vega, de l'Arzi-
glia, de Garzilasso, de Voscano, e d' autre;
ma lo Franzese non monnarria nespola, ca
subbeto vorria commattere a stecato, volen-
no prouare ca sò galle, ò pe dicere meglio
galline, e ca ncoppa li munte Pereneie co-
uano l'oua de li conciette Poeteche, e mo-
strarria perzò ciento testimonnie de lo
Rosa, de lo Birtas, ed'autre, e sieche de
singolo, perzò è chiafeo chillo che bole, che
siano necessariamente de chesta, e de chella
terra,

5

terra, ca se buono buono conziderammo, le
Muse so ghiommente d'alloghiero, ed
ogn' vno se ne pò scriuire pe quarche viag-
gio, paganno perrò l'alloghiero de tiempo
perduto, e de goueta rotte, e le pouverelle
sò portate de carrera mò Ngrezia, mò à
Shiorenza, mò à Spagna, mò à Franza, e mò
a Panecuocolo, e spillo pè lo troppo correre
à scapizzacuollo fanno de chelle ntroppe-
cate, che se leieno ne le gazzette de li Poe-
te, che mmaraueglia eie addonca, ca io puro
à lo Cerriglio de Febo m'haggio allogato
vna de cheste Ghiolle, e haggio curzo pe fi
à mò cinco poster che le manca à Napole,
che non pozza isso perzi strarsene la cau-
za, e dicere, ca le Muse sò nasciute nzino
ad' isso; e che sia lo vero, corrano puro quan-
to se voglia ste fegliole dallo Gance à lo
Nilo, e da li Nasamune nculo a lo mun-
no, ca sempe sò de buono retuorno a le
belle foglia torzute de stò paiele, ch'è la
vera casa lloro, pocca non c'è tauerna, che
non haggia lo lauro, non c'è solachianiel-
lo, ò potecaro, che non haggia la cetola
non c'è poteca de tentore, che non haggia
la fontana, non c'è cecato che non canta
vierze, e le faccia nore, perzò se ne pò tor-
nare co na mano nnante, e n'autra dereto
stò mala lengua, & appilare ca n'esce fec-
cia, pocca accossi è de laude mmerdeuole
lo scriuere d'vna lengua commo de n'au-
tra, e puro che lo Poeta saglia à trionfare

ucoppa l'astretto de la Grolla, ped' hauere
 la Giorlanna, poco importa ca uce và co leu-
 rera gialla, ò verdeuaie. Leite addonca
 sto chilleto, che m'è scappato da le brache,
 addoratelò, e gostatelo, fi che la Musa mia
 torne da Smirna, e da Mantoua, dou' è
 ghiuta ad' arrecogliere conciette, pe' fare
 n'otra composta co l'acito de Grieco de
 Napole, e m'arrecommano.





CANTO I.

IO canto la montagna de Parnaso ,
 E li fonte, e Ciardine c'haue a lato,
 E a che mandrullo chi nce saglie a caso
 Pe decreto de Febo è neaforchiato,
 Musa è la quinta vota, che de naso
 Io dongo a st'acqua mò che so affetato .
 Se vuoie crescere tu quanto te deuo,
 Famme na gratia sifca mentre veuo,
 Erù che saglie, e scinne a boglia toia
 Da llà ncoppa, e non haie chi te lo beta;
 Segnò D. DIECO, e nnè la gratia soia
 Te tene lo gran Rè d'ogne l'octa;
 O de le Muse cuccopinto, e gioia,
 Ansoleia dall'A'pè fì a la nzeta ,
 Ca si me vene netta, n'altro iuorno
 Lo nomme tuo lauoro a meglio tuorno.
 Hauea gia co lo riempo , e co la sciorte
 Iocato li meglio anne de la vita,
 E perzo fì a li fielece , e le sporte ,
 Senza vincere maie nulla partita,
 Tristo dinto , e peo fore de la corte ,
 Ca pe tutto è Bertù vrenna , ò redita ,
 A l'vtemo no cricco desperato
 Me disse , muta luoco , e fruta stato.

Doue iarraggio Nfranza, ò à Lommardìa t
 Nigro me ca pe tutto ncè trauaglio,
 Pouera, e nuda vaie Filosofia,
 Douonca arriue non t'è dato n'aglio,
 Chi la virtù canosce non hà cria;
 Con chi pò dare aiuto, non c'è taglie,
 Pe tutto la fortuna te trabocca,
 E maie non ashie chi te sputa mmocca.

Cossi dicenno veneme ncrapiccio
 De ire doue Febo è gran Signore,
 E stà à la serpentina co lo miccio,
 Pe fare bene a ogn'hommo de valore;
 E quantò bello na matina alluccio
 Napole mio lassanno, e pe faore
 De Febo stisso, allaie lieto, e felice
 Nquinnece mise stò viaggio fice.

Nmiezo a lo munno (e dica chi le piace
 Ca' Mbeotia, ò à Gragnano sta Lecona)
 Senza autro a tuorno na montagna stace,
 Doue non pò saglire ogne perzona,
 Nche sta ne caudo maie, ne friddo face,
 Nche sta maie non chiouelleca, ne trona,
 Ma sempe è maggio, e perzò sempe siente
 Arraglie de felice, e de contiente.

Ncoppa à la cimma soia è no palazzo,
 O bene mio, che maiestria de spanto,
 Doue le Muse, è Febo co sollazzo
 Ad' ogne tiempo stanno n'riso, e n'canto,
 Non è opera già de quatto à mazzo,
 De le fraueche tutte porta vanto,
 Che foro fatte a forza de tornise
 A tiempo de Romane, ò de Franzise.

Tutto

Tutto de preta pommece, e mautune,
 E' fatto a la zemina lauorato,
 A quatto cante, a quatto torriune,
 Che pare no castiello spiccecato;
 Saglie a la porta pe tre scantrune,
 E truoue na cocina a primmo ntrato,
 Doue chi arriua friddo, e s'ashia stracco
 Se pò scarfare, e nchirese lo sacco.

Perche tra l'autre cose degne, e belle,
 Che Febo hà n'vso, primmo che poeta
 Le parle. vò che s'enchia le bodelle,
 Ca non s' accorda Museca, e Dieta,
 O stile de nnauzarese a le stelle,
 O che piatosa Deita descreta,
 All'autre parte canta puro, e berna,
 Ca' allanche se nò spienne a na Tauerna,

Passata sta cocina ashie na sala,
 Dinto na stalla, accanto a na despenza,
 Da llà pe nò recuoncolo se cala
 A no soppegno fatto p' azzellenza;
 Ecco à na Galleria vaie pe na scala,
 (Perdoneme lo Duca de Shiorenza)
 Ca chesta a pede chiuppo passa chella
 C'hà tanto nomme, che sia ricca è bella.

Statoe non dico niente; sì pitture,
 A desfazio de Fidia, e Titiano,
 Libre a bizzessa, à fascio le scritture,
 Quale stampate, e quale fatte a mano,
 Le perne, e gioie à tommola, e mesure,
 Che nò lo pò contare nciegno humano,
 Lo fanno chille a chi fece Minerva
 Lo vagno d'voglio, e la sepposta d'erua.

Lloco stà Febo, & hà le fore a lato,
Ch'ogn' vna tene mmano no stromieto,
Da na gran corte stace ntorniato
D'huommene vertoluse a ciento a ciento,
Io dapò che llà ncoppa fui arriuato,
Trasò la porta ch'è d'oro, e d'argiento,
E mmiezo a doie colonne veo no mutto,
Chi trase a seno miezo n'esce tutto.
Passo cchiù nnanze, e tanto giro ntorno,
Ch'arriuò doue Febo stea seduto,
E a lo prenzipio havierte tanto scorno,
Che pe spanto, e stopore restaie muto,
Pò m'addenocchio, e dico le buon iorno,
Ilso m'abbraccia, e dice benmenuto,
Io faccio pche biene, e de che haie voglia,
Frate haie trouato propio carne, e foglia.
Io lo reugratio, & ilso lebrecaie,
Io voglio che te ioue sto viaggio,
E azzò de me te laude sempe maie,
Ecco t'abbraccio, e azzettote pe paggio,
Va r'arreposa mò, sta sera, ò craie
Voglio c'hagge no buono veueraggio,
Che core pienze, che faciette tanno,
Se be ogne punto me pareua n'anno?
La sera aspetto, commo tauernaro,
Ch'aspetta lo peraccio, e pò non vene,
Ecco lo Sole se ncaforchia a maro,
Foienzo pe li debete, che tene,
Ecco lo preggia l'arba, e lustro, e chiaro
Se mostra, io còto l'hore, ò Dio che pete,
Quanno Febo me chiamma, e bò che trasa
A no bello Ciardino de sta casa.

Llà tù vide na Rosa moscarella,
Che mmiezo ncè nasciuto no cetrulo;
Llà bide c'à na Fico troianella
Nce sponta a corneciello lo fasulo:
Vide da na Lattuca mortarella
Scire la Falanghina de Pezulo,
E da no Milo shiuoccolo, ò Amarena,
Pezze de caso cchiù ca n'è l'arena.
Spallere hà de cocozze, e molegnane,
Pregole de Cetrula, e de Cepolle,
Quatre de mercoella, e maiorane,
Conzierte de vorracce, e fogliamolle,
Pe mmiezo no gran fruscio de fontane,
Che d'ogne banna l'acqua scorre, e bolle,
Vna tra l'autre ncè de forza granne,
Che pe tre Mascarune l'acqua spanne.
De tutte tre me fece abbeuerare,
Azzò de tre matiere io me potesse
A la quintana correre, e prouare
Co tutte li Poete, e Poetesse,
O acque sporettate, ò acque rare,
Acque de gran virtù (chi lo credesse?)
Che subbeto stampato nouamente
Fuie no Poeta lubreco azzellente.
Eccote ciento mò griece, e latine,
Ciento ceciliane, e prouenzale,
Vecco ciento mafaute shiorentine,
Che cauzano ad Apollo li stiuale,
Mbrosoliaro cchiù de tre matine,
Ca sta grazia, c'hauiette, happerò a male,
Decenno che trà l'loro entre ndozzana
N'hòmo de Puorto, è cosa troppo strana.

Ma de chello se corzero lo Tasso,
Lo Cariceo, lo Rota, e lo Tanfillo,
E Sannazaro fece gran fracasso,
Ch'à fare à punia nè n'ancaie tantillo,
Io co sta spalla subbetto me lasso,
E dico, cilà se bè so peccerillo,
Haggio armo de no granne, e pe natura
Maie de nullo valente appe paura.

Co lecientia d'Apollo a stò paiese
Po veuere chi vole allegramente
O Spagnuolo, ò Todisco, ò sia Franzese,
Vasta che sia de miereto, e balente,
Ca lo Sommiero ch'à fare se mese
Chest'acqua de virtù tant' azzellente,
Pe tutte voze fare la fontana,
No schitto pe la Grezia, e pe Toscana.

Le Muse vanno doue sò chiamate,
Ca nò stanno co buie co lo strommiento,
E quanta vote a me se sò nzeccate
Cose hanno fatto lustre comm' argiento;
Le parole de Napole mpastate
Non songo frate mio d'oro pommiento,
Ma de zuccaro e mele, e famma vola
Se fanno a tutte lengue cannauola.

Ma ca non fosse niente quanto dico,
Mentre che Apollo no l'haue pe male,
Ed' haue gusto, e sta buono cò mmico,
Perche facite vuie de lo fiscale?
Co le chellete vostre io non me ntrito;
Nè ne' haggio che spartire manco sale;
Io scriuo commo parlo, e la fortuna
Pò portare a me puro s' à la Luna.

Siano

Siano tutte li vuostre e quinci, e vnquanco,
E l'Ostro, e l'Astro: e corillo, e corella,
Ch'io pe me tanto non ne voglio manco
De tant' isce bellezze na stizzella,
Tanta patacche hauesse ad ogne Banco,
Quanta haggio vuce a Napole mia bella,
Vuce chianrute de la maglia vecchia,
C'hanno grā forza, ed enchieno l'aurec-
Responnere voleua no Toscano, (chia.

Ma lo Bernia, che steua llà becino,
Nmocca le mese subbetto la mano,
E disse, egli hà raggiō quest'huomiccino,
Appriessō se ne venne chiano chiano
Cesare Caporale Perogino,
E me tiraie, dicenno mazza franca
Da ccà, e dallà, se no ve rompo n'anca.

Quanta remmure !quanta nfettamiente !
Sbattano lloro, viene tu cò mmico,
Ca le parole toie songo strommiento,
Ed io te voglio sempe ped'ammico,
Trafe doue è la Famma, haggie l'attiento,
E trafe ò pe la chiazza, ò pe lo vico,
Ca poco mporta, ò se ncè vaie vestuto
De panno de Gragnano, ò de Velluto.

Mentre accossi dicea lo Caporale,
Arriuaie à lo Fonte Pegaseo,
Doue se stea lauanno li pedale
Chillo che addefecaie lo Coliseo,
Mentre cantanno cierto matrecale
Steua Anfione co lo Tracio Arseo,
Aspettanno che l'Aseno poeta,
Comn' hauea ditto, caçasse moneta.

Le Muse ntorno ntorno haueano stise
Li mantefine pe se le pigliare,
Ca le Muse perzì vonno tornise,
Quanno da vero voleno cantare ;
Io pe chesto vedere llà me mise ,
Ma ncagno de moneta ecco spilare
Quatto poemma veo de sicco nsicco ,
La Vaiaffeide, Ciullo , Rosa, e Micco.
Ma chelle, e l'autre che boleano agresta ,
Hauenno viste ca nò ne'era taglio,
se sofero , e scacaro chella festa ,
E de lo canto scompero lo staglio,
E me vennèro a me pe na menesta
Li quattro libre vierde commo n'aglio ,
Che serueno pe fede de Notaro
Ca le Muse co mmico prattecaro.
Io stoppafatto de vedere chello
C'hauea veduto , disse ò Caporale
Non me fare votà lo celleuriello ,
Di commo fa ste cose st' animale ?
E dimme s'è cauallo , ò s'èie aucielo,
Pocca ha le scelle che tuie chiammat' ale?
E' no ciuccio disse isso, e fa ste proue ,
Pe preueleggio che le deze Gione.
Quanno chille Giagan e caparrune
Huommene gruosse de la maglia antica,
Pe fare co li Deie a secozzune
Fecero chella tanto gran fatica ,
Ammontonanno chille gran petrune
Pe se ne ire fi ncielo n'ettica,
Gioue li suore che steuano ccà nterra
Chiammaie, che se screuessero a la guerra,
Sa-

Satore, Semedeie, Faune, e Seruane
 A la incorza nce iero tutte quante,
 Lassanno munte, vuoscite, grutte, e tane,
 Che foro vñ quanta fra canalle, e fante,
 La nfantaria nce voze ire semmane
 Ad arriuare, l'autre iero unante,
 Perche iezero tutte da marchise
 Crauaccate à ciette Asene puglise.

Arriuate che foro, voze fare
 La mostra, e bisto ch'era assaie fornuto,
 A la battaglia facette sonare
 Ca lo nnemico puro era sagliuto,
 E se be le poteua vrciolare
 Tutte Gioue da llà co nò sternuto,
 Vò vedere sta gente commo vaglia
 Pocca è tanto arrogante a la vattaglia.

Li Giagante perzi s'erano puoste,
 Commo se deue stare nnordenanza,
 E tutte quante smargiallune, e tuoite
 Aspettanno lo suono de la danza;
 Dice lo capo loro, so li nuoste
 Li ciele, iò strippo mò cò chesta lanza.
 Gioue con tutte li suoie caporale,
 E buie mannate l'autre a lo spitale.

Ma perche a le Bagaglie li Giagante
 Portato haueano ancora asene assaie,
 Chisto aseno de l'autre cchiù arragliante
 Che de l'asene nuostre s'addonaie,
 Priesto santanno se facette nnante,
 E gorgianno subbero arragliaie,
 Chille de Gioue, che chisto sentero,
 Ad^o arragliare tutte se mettero:

E fa

E facettero tante gran fracasse,
 E tale fummo co le besse, e biento,
 Che chille vozzacchiune babuasse
 Cresero cierto quarche trademiento,
 O cadesse lo Cielo, e le shuaccasse
 De tale sciorre, che non ioue agniento,
 E de paura tutte se cacaro,
 E pè chella montagna vrociolaro.

E commo quanno chioue, na gran laua
 Aruole, e prete vrociola, e roina,
 Colsì mentre sta gente vrociolaua
 Appriesso ogne montagna se strascina,
 Che de manera tale le bottaua,
 Che cadettero tutte à la Marina,
 E biue s'atterraro à chello muollo,
 E stanno mò cò le montagne neuollo.

Malò Sommiero che chesto causaie,
 Ch'è chitto (commo vide) ccà presente,
 Gione da lo pericolo faruaie,
 E lo facette poeta valente,
 Le dio le scelle, e subbero volaie,
 Dapò che l'happe fatto la patente,
 Che pozza li Poete addottorare,
 E comm' haie visto poemme sfornare.

S'hauisse voglia farete Dottore
 De li poete che stanno Nparnaso,
 Pe fare vierze à tutte quante l'hore,
 E da coppa, e da vascio, e forte, e adaso,
 Se vuole ch'illo te annauze, e faccia nore,
 Dalle sorta la coda quarche baso,
 Ma singhe accuorto frate, e s'ame atticeto
 Nò auzare vela quanno shioshja viento.

Io tanno volea dire pe risposta,
 Ca non me curo de m'addottorare,
 Ecco lo Magagnate pe la posta,
 E corzemo dou' era à scrauaccare ;
 Ca portaie ad Apollo na composta
 Che pe parte d'agresta (ò cose rare)
 Ne' erano a la spagnola le ehtarre ,
 Li carosielle, le scoppette, e smarre.

Apollo l'appe a caro , ed' ordenaie
 Che stanza, stramma , e lietto se le desse
 E la bella composta se stipaie
 Pe quanno quarche musa prena scesse ;
 Pò se sedette à tauola , e magnaie
 Gran cose, ma fra l'autre certe alleffe
 Diuto li maccarune immottonate ,
 Che lo Coccaio haucua cocenare.

E mentre isso le deta se liccaua,
 E mmocca altre faceano sporazzella,
 La Serena de Napole cantaua
 De Contranto na braua Villanella ,
 Nò cierto Giallonardo le sonaua
 L'Arpa, ch'isso accacciaie famosa, e bella ;
 E pe fare conzierto assaie cchiù tunno
 Sonaie lo colascione compà lunno.





CANTO II.

S Computo c'happe Apollo de magnare,
 Non commo fanno ciente cannarute,
 Che de nchire la panza si à crepare
 Teneno pe grannezza, e pe berrute,
 Ma quanto vasta schitto pe campare,
 Commo fanno le gente cchiù sapute,
 Iezemo nuie perzine a lo Tenuello,
 A bedere s'è sano lo vodiello.

Doue magnato hauenzo nuie perzine,
 De lo cchiù, e de lo manco se parlaie,
 E me disse vno, va de duie carrine
 Ca na cosa de niente tu non saie?
 Pocca te picche vi se ncè nnevine,
 De quanto pe lo munno vippeto haie
 Crouara, e Grieco, ed autro shiushio fino
 Quale te pare lo cchiù meglio vino?

Io me teniette tanno sbregognato,
 Non credenzo d'ashiare la risposta,
 Ma quāno ncapo m'happe assaie raspatto,
 Fice armo, e disse co na facce tosta,
 No schitto no tarì, ma no docato
 (Se tu vnoie ciammellare) frate apposta,
 Ca ncè nnevino, apre l'arecchie, siente,
 Lo meglio è chillo, che non costa niente.

Haie

Haie ragione disse il so, e te prommecco
 Ca tenere te puote hommo faccente,
 E boglio mantenere ch'è no becco
 Chi lo contrario dice, e cà ne mente;
 Io pigliato armo mò, niète autro aspecco,
 Pe'bolere mostrateme valente,
 E dico, hora decite tutte a tunno,
 Chi è la cchiù cruda Fera de lo munno?
 Chi disse lo Cerniero, e chi la Lonza,
 Chi l'Vrzo, chi la Tigre, e lo Leone,
 Un' autro disse, ed io ne' apposto n'onza,
 Ca chisso è Lupo, ò pouero Vracone,
 Io le respose, hauisse na caionza,
 Licie primmo, e studia Vartolo, o Iasone,
 Ca truoue commentato a tutta botta,
 Ca la cchiù cruda è chella, che n'è cotra.

Stoppafatte, ed attonete restaro,
 Quando accossi trincato me vedero,
 E l'vno à l'autro nfacce se ammiraro,
 E no poco scornate se solero;
 Lo Caporale mio l'hauette a caro,
 Ca m'era ammico, ed era ammico vero,
 E me portaie cod'isso fi a lo Parco,
 Addoue Apollo iea tiranno d'arco.

Eie lo Parco no bello ciardino,
 Che Pardo, che Ranciuose de Castiglia?
 Che Starza de Caserta, e d'Anellino,
 Doue bisogna fare arco le ciglia?
 Che becino Shioienza Pratolino,
 Che la natura fa ghire a la striglia?
 Tutte chisse so niente à pietto a chisto,
 Ma no lo credarrà chi no l'hà bisto.

Vallu-

+ Vallune peccerille, e montagnelle, (gne,
 Voschette, macchie, e shiùme vide, e Ita-
 Ccà shiaureiano Rose moscarelle,
 Llà r'allegnano l'vocchie li papagne,
 Pe l'acqua Anatre, Cigne, e Paparelle,
 Liepare, e Crapie sò pe le campagne,
 E pe Serue, e pe Grutte, e pe Sepale
 Ogne sciorre nicè chiusa d'animale.

Martore à buonne cchiù, coniglie ùh quante,
 Le Zeccole, e Foine à mmorra vanno,
 Puorce saruagge ncè ne vide tante,
 Ch'a contarele manco vasta n'anno,
 Dè cierue ntise ca seje anxe nnante
 Ne' erano assaie, ma pò facenne danno
 Febo le deze ausilio, a pena hauenzo
 Tiempo no mese a sarcenas coglienno.

Li pouerielle affritte, e desperate
 Non trouanno recietto pe le serue,
 Ch'autre animale haueuano accopate
 In coieto possesso d'acque, e d'erue,
 Facettero conziglio, e confortate
 De dare fine à tante pene acerne,
 De pare accordio resorueru nfrutto.
 Cercare à le Cità saruo connutto.

Mannaro Mmasciature, e ll'è la sciorre
 Sore carnale, & hanno sfatione,
 Ca li Sinnece l'apreno le porte,
 E accoglieno con granne affrettione;
 Chi dalle all'arte, e chi se mette ncorte,
 Chi deuenta sanzaro, e chi boffone,
 Nzomma ognuno se nnustria pe càpare;
 E fa ogne Cieruo commo vede fare.

Npoco

N'poco tiempo mprenaro, e perche spillo
La mmagenatione fa lo caso,
Fecero razza, che restaie ammisso
Ogne marito, e ne tornaie maruaso,
Ca nullo figlio è simele à se stisso,
E d'hommo hauea la facce co lo naso,
Cossi foro ncomune de parere,
Ch'accideslero tutte le mogliere.
Ma no Miedeco buono, e letterato
Disse, vascia ste mano, ca cchiù bore
Sto mmedesemo caso s'è trouato,
Ca lo penziero grannemente pore,
Quanno le cerue hauite vuie carcato,
Se bè da l'huommen'erano remnote,
Puro penzanno a lloro fermamente,
Ve so nate li figlie defferente.
Chesto mancaie l'arraggia, vneuerzale,
E à sficcagliare alliegro ognuno torna,
Poco a poco la forma bestiale
Se perde, e nullo cchiù nasce cò corna;
Pur'hà non faccio che de l'animale,
Ne pe nciuria, ò vregogna maie se scorna;
Hora facciate mò gente pacchiana,
Perche so tanta cierte nforma homana.
Hora à lo Parco mò tornanno a ghure,
Che de tant'animale è zippo, e chino.
Che cierto vide cosa da stopire
Ped'ogne strata, e ped'ogne cammino,
Tra l'aute, siente mò se vuoie sfordire,
Ncè no gruosso, e maiale Babuino,
E me contaro cierto no stopore
Ca chisso ioca a schiacche da dottore.

E che

E che no iuorno stea co lo Boscano
 Iocanno, e che le deze schiaccio matto,
 Chillo pe l'igno bello auza la mano,
 Tuffe no scoppolone tunno, e chiatto,
 Torna à ghiocare, e mentre haue pe mano
 (Se ferma) n'autro bello, e digno tratto,
 Le tene mente, e stace pauruso,
 E mettese la mano a lo caruso.

Fù d'Apollo, e de l'autre che bedero
 Tale lo riso ch'adefa creparo,
 Ed'accossi redenno se ne iero,
 E lo Gattomaimone assaie laudaro;
 N fine lo riesto de lo munno è zero,
 Quando non haue lo Parnaso a paro,
 Doue nò schitto l'hommo sape, e ntegne,
 Ma n'Aseno perzì scorre, e comprenne.

Pò camminanno no poco cchiù nante,
 Vedenno Apollo se l'addenocchiaie
 L'animale, che chiammano Alifante,
 E fù chillo che Alcippe già figliaie,
 A pollo pò pigliaie, ma cò li guante
 No serpe, che li piede le vasaie,
 Lo serpe, ch' à le guette Marsiane
 Figliaie na Vaiafella de Romane.

No Leparo pò venne, ch' à la guerra
 De Serse hauea figliarò na Iommenta,
 E pè la coda chillo serpe afferra,
 E commattere nzieme fanno nfenta,
 Ch'ogn' animale, che stace llà nterra,
 Pe lo gusto d'Apollo suda, e stenta;
 Pò na Ciaccona na Lopa abballaie,
 E fù chella che Romolo allattae.

Cchiù

Cchiù nante d'into na cert' acqua fresca
Ashiaïemo de Ranonche no s'quatrone;
E dissero cantanno à la todesca,
Gottemorghe mael bonni patrone,
E fecero ad Apollo na morefca,
Che le piacquette, e diole no cianfrone,
Ch'erano figlie, s'io non faccio arrore,
→ A Rita figlia de lo Mparatore.

Cocciolianno vennero li cane,
Che comm'aucielle pe l'airo volaro
Lo iuorno che le gente maumettanne,
La gran Costantenobole pigliaro,
E dissero ad Apollo, ca lo pane,
Che le deuano ncorte sapez amaro,
Perche li panettiere marranchine
Mmescauano à lo grano li lupine.

Chi quanto se vedette porria dire
Pe tale Parco cose mostruose?
Ped'ogne pizzo te vediue scire
Da ridere, e crepare ciento cose,
Ccà senza capo l'hommo vide ghire.
Llà cò doie capo, e doie corna famose,
Chisto hà facce de cane, ò puorco, e chillo
De varuianne, sporteglione, ò grillo.

Nc' era chi schitto haueua n'vocchio nfròte,
Chi pe parte de vraccia hauea doie scelle,
Chi granne, e gruosso, che pare s'no môte,
Chi tantillo, e reiea co le stanfelle,
Vno haueua le gamme nzieme agghiòte,
N'autro le braccia lunghe fi à le stelle,
Chillo pare no voie, e chisto ciuccio,
Chillo vozzacchio, e chisto maitro ma cio

Ma tutto ch'èsto niente me parette

A' fronte a n'hommo de facce lionata,
C'hauea doie lingue m'occa, e nce facette
Vedere cosa da nullo penzata,
Tutt' a no tiempo co l'vna dicette
Na storia, e co chell'autra na cantata
Fece d'aucielle tanto prencepale,
Che parette d'aucielle natorale.

Da li campe felice che pe sciorte

(Disse) co doppia lingua se ragghiona,
Lo sò mannato a l'ancorrenno forte
Nnauze a bostra magnifeca corona,
Perche sentuto ca ped'ogne corte
Purota doie lingue parla ogne perzona,
Te pregano, che facce hanno Regio,
Che nullo assurpe tale preuelegio.

Ch'a nuie chisto è no duono natorale,

Con che meglio spalifeca la mente,
A l'autre cie arte, e se ne serue a male,
Che s'vna è doce, l'autra è pò pognerte,
Leua, Signore mio, st'vfanza tale,
E no lassare sporchia de sta gente,
Spatafonna te prego sta canaglia,
Che nnante cose, e da dereto taglia,

Ch'èsto sentuto Apollo, tanno tanno

Lo penziero a Restofane dichiara,
Comm'haggia da iettare chillo banno,
Isto che fare sà la Tarantara,
Ecco ciento tù tù stordire fanno,
Ecco ca grida ad auta voce, e chiara,
Come ogne peccerillo a sto cianmiello,
E corre ogn' artefciano, e fa rotello.

Dice

Dice, non sia nesciano hommo viuento
 De qual se voglia connetione, e stato,
 Che parle cò doie lengue doppiamente,
 Se nò nculo a lo munno è confuato,
 Ecco no strillo, non ne faccio niente:
 Ma nchesto n'altro greciglio s'è leuato,
 E à Febo dice Auidio, benaggia hoie
 Curre ca no sommiero è fatto voie.

Sarrà nà metamorfose de tante,
 Respose Febo, c'haie racuoto, e scritto:
 Se non vide lo vero lloco nante,
 Lebreca, io mora pe non ghire a mitto;
 Crideme ca non sò quarche gnorante,
 Ca chi smedolla chello c'haggio ditto,
 E no le fa la mmidia quarche bozza,
 Troua lo sale dinto la cocozza,

Và Febo a lo remmore chiano chiano,
 E troua l'hortolano da llà ntuorno,
 Che boleca sficcagliare no toscano,
 Che le scaudaua l'vno, e l'altro cuorno,
 Ma quanno vedde Apollo tenne nmano,
 Che no l'hauesse fatto quacche scuorno,
 Se be haue l'vuocchie commo na cometa,
 E l'ammenaccia, e mozzeca le deta.

Apollo, che bedette lo motiuo,
 Comm'à Signore saputo, e prodente,
 Volenno, che n'ateno senga viuio.
 Chi ncorte soia resce hommo valente,
 Zennaie lo Shiorentino ch'era arciuo,
 Che se nzeccasse ad illo rente rente,
 Chiàma po l'hortolano, e l'addomanna,
 Qual'è la spina, che lo pogne ncanna.
Viaggio di Parnaso, B Si

Signore (disse) io songo hommo norato ,
Ne maie fice la strata de Cornito,
Maie Martino da nullo fuie chiammato,
Maie pè nò Cieruo fuie mostrato à dito,
Mò stò Toscano, che sia strascinato,
Cò sta scrofa, che tene lo prodito,
Me vonno fare ntorno na cartella,
Ch'alloggie co li piccore a forcella.

Ntennette Apollo, che se volea dire,
Ma pe non dare scannaro a le sore,
Dice, mò mò lo cunto puoie scompire,
Ch'io pozza remmediarete a lo nore ,
Trà tanto a lo ciardino tu puoie ghire
Cuoglie fasule , e torna frà doie hore ;
Partuto chiama a parte la mogliere,
E lo mbruoglio pe filo vò sapere.

Disse, essa, puro che me sia saruata
La vita, e che la facce da signore ,
Te sarrà tutta quanta scommogliata
La chella, che m'ha puosto a sto rēmore ;
Sto Shiorentino ohimmè co na varrata
Dinto a le chioche m'hà ficcato ammore,
Tu saie lo mulo già capetiato
Chi è, ca manco à tene h'è perdonato.

Io mò, che non potea cchiù semmolare ,
Ca cresce na ogne ghiuorno l'appetito,
Prègaie st'hommo da bene , che raspere
Volessè de sta rognà lo prodito,
Ed isso, ch'è mastrone, e lo sà fare,
Non voze refotare lo partito,
E me disse, che ashiasse tiempo, e luoco
Ca l'acqua isso iettaua à tanto fuoco.

Ma

Ma perche Miccariello sempe maie
 Me venne appriello, e canzo non me deua,
 Tale malitia a chisto nfroccaie,
 Che nnanze ad isso fare lo poteua,
 E saglire a na fico l'aiutaie,
 E le disse, che quanno me vedeua,
 Che llà sotto a maritemo parlaua,
 Dicesse commo chillo me mprenaua.

Fù ditto, e fatto, io chiammo Miccariello,
 E chisto dice, tiente scostomato!
 Non te vreguogne fare lo vordiello
 Co na mogliere a chisto scampagnato?
 E ncapo le tiraie no ficociello,
 Dicenno fuie da lloco sbregognato.
 Micco non sape mò che l'è sortuto,
 E dice a mè, che d'è? chisto è mpazzuto.


E' mpazzuto na cusece: tù schitto
 Non saie quanto sta fico sape fare:
 Se tu vide cò mmico vno ccà fitto,
 Da llà cierto dirraie me vò mprenare;
 Hora saglience ncoppa zitto zitto,
 Mò ch'isso scenne, e bide che te pare:
 Saglie và, ca dirraie per vita mia,
 Ca chisso fa cò mmico vescazzia.

E possibele chesso isso decette?
 Nò lo sapea, lo boglio mò vedere,
 E sciso che fù chisto, isso sagliette,
 E nuie duie nce pigliauamo piacere,
 Ma quanno da llà ncoppa isso vedette,
 Disse (ohimmè) chesto non è strauedere,
 Chesto è lo vero, ferma tradetore,
 Ferma ch'a tutte duie caccio lo core.

B 2

Sta

Sta zitto, io le diceua, ch'è la fico,
 Che fa st' affetto, ma pò n'è lo vero,
 Tu saie commo deceua chisto ammico
 De te, che non te ieuua pe penziero:
 Ma sciso, che pareva fauzo nne mmico
 Trouaie carreo ancora lo sommiero,
 E compriso, ma tardo, lo corriuio,
 Strilla, e bole de nuie fare no criuo.
 Ne rise Apollo, ma nò spaporaie
 Pe non dare cchiù armo a la trincata,
 E lo Poeta mpresone mannaie,
 Facennole na bona sbraniata,
 Po la fauzza mogliere connannaie,
 Che pe tutto Parnaso sia frustata,
 Sì de la fico la fatatione
 Non crede Micco, e fa remmessione;
 Pò disse, ò là chiammateme lo Franco,
 Che benga co lo Modio ncompagnia,
 Ca voglio, che dechiareno a lo mmanço
 Chi lo cornuto, e che lo cuorno sia,
 Non se venia lo nigro pe lo ghianco,
 Ch'io pè mè tanto fò de fantasia,
 Che non stenga de l'huommene mbrate
 La vregogna a le pettole accorciate.
 Pare, ch'Argiento viuo sia lo Nore,
 E stia co la gonnella commogliato,
 E se a quarche guaguina vene homore,
 De se l'auzare, sia sparafoonnato,
 Che corpa hà l'hōmo, se l'oro, ò l'ammore
 Chella fa scire da lo semmenato?
 Oh s'isso le dà canzo, e l'hà boluto,
 Tanno sia n' arce becco, arce cornuto.



CANTO III.

V Enuto Franco, e Modio a la presentia
 De Febo, prunte assaie pe lo seruire,
 Fecero à la spagnola lleuerentia,
 E che commanna stezero a sentire,
 Lo quale imprimmo fattole accoglientia,
 Le disse, chi de vuie me sape a dire,
 Pè cosa ch'a lo munno assaie bèsogna
 Se l'hauere le corna sia vregogna?

Franco respòse, io songo de parere,
 Che l'hauere le corna senga nore,
 E te lo faccio cò l'vocchie abbedere.
 Pocca me lo commanne, ò gran Signore,
 Se lo cchiù de li Deie pe le tenere
 Fecero ciento mbroglie a tutte l'hore,
 Eccote ca le corna sò norate,
 Pocca li meglio Deie l'hanno portate.

Tu saie ca Gioue, ch'è lo capo lloio',
 Quanno se nnammoraie d'Europa bella,
 Non se facette na chioppeta d'oro,
 O commo pote, na lucente stella;
 Ma co doie corna se fece no Toro,
 E portaiela à cauallo senza sella;
 Stimanno, che sia meglio a chi fa festa
 Portare corina, che pennacchio ntesta.

B ;

Quan-

Quanno Acheloo, facette accostiune
 Co Ercole, de che se pigliaie scuorno ?
 Fuorze ca leuaie buone secozzune
 Che ntommacato, stie cchiù de no iuorno?
 Non se curaie de chesso, li premiune
 L'abbottaro, perche perdie no cuorno,
 E se tenne pezzente, e sbregognato,
 Ca schitto cò no cuorno era restato.

Tu saie ca fra le cose cchiù norate,
 Che s'ashiano a lo regno de le stelle,
 Eie la Luna, e puro le so nate
 Ogni mese fì mò le cornecelle,
 E non darria le corna nnargentate,
 Pe quanta sò llà ncoppa cose belle,
 Ed autro, e tanto dicenno a lo tuorno
 Co lo Tauro, Ariete, e Crapecuorno.

E pe li vuosche Pane, e s'autre gente,
 Che le vaceno appriesso a tutte l'hote,
 Quanto se tene ognuno sia potente
 E a pede chiuppo passare lo Note ?
 E perche ? pe le corna solamente,
 Che da la capo soa spontano fore,
 Addonca se sò tanto cosa bona,
 — Norato è chi de corna se ncorona.

E pè lo Munno quanta Rrì famuse
 Nce foro che le corna le spontaro,
 Che nò, schitto nò stero vregognuse,
 Ma cchiù norate, e granne se stimaro,
 E quanta nce ne foro mmediuse
 Che pe l'hauere lloro spantecaro ?
 Sò cchiù de mille, e gente de rechippo,
 E n'fra l'autre de Talia lo Rrè Cippo.

Lo

Lo quale de l'hauere desiuso

Mentre de Tore na guerra vedea
S'addormette de sciorte goliuso,
Che quanno se scetaie le corna haueua;
Pò sempe che toccaua lo caruso,
Cchiù norato de l'autre se teneua,
E perche no le fossero arrobbate,
De corona le tenne ntorniate.

Sò disse A pollo ste raggiune vere,
Ma chille c'hoie se chiammano cornute,
Sò chille c'hanno triste le mogliere,
E fanno che deuentano papute,
Ma c'haggiano a la capo corna vere
Commo chisse, si mò chi l'ha bedute?
Perrò vorria sapere commo, e quale
So chiammate cornute chisse tale?

S'io non me gabbo Franco responnette,
Ogne ricco e potente comm' a stella
Co fauure, e denare ncielo mette
Conca haue, e presta la mogliere bella;
Sforgiano chelle pò, fanno banchette,
Ed hanno sempre chiena la scarzella,
Le dice pò chi sta recchezza vede,
Cierto lo cuornocopia isso possede.

E s'hà lo cuornocopia, co raggione
Se le pò dire, che cornuto sia;
Non perrò dico schitto a le perzone
Ch'acquistato se l'hanno pe lsa via;
Hora sentite mò l'openione
De Modio, fuorze vace co la mia:
Dica dicette Apollo: e Modio priesto
Accommenzaie quanno fù miso a siesto.

Signore Apollo mio so de parere ,
Che li tanto ammoruse, ed' abbonate,
Che non hanno pè male de vedere,
Che le mogliere le siano trottate,
Quanno faceno tanto gran piacere,
Da le gente cornute sò chiamate,
Perche tanto coieto, e manzo è fatto,
Che de voie te pare no retratto;

Se me dirraie, le gente valorose ,
Che non vonno ste cose comportare ,
S'hanno mogliere pò proffediose,
Che n'ogne muodo nee le bonno fare ;
Mentre le fanno de muodo annascole,
Che maie non se ne poteno addonare ,
Perche raggione esslenno scommogliato,
Puro becco cornuto isso è chiamato ?

Mò ve lo dico, da sapere haggiate,
Che quanno Bacco li Gricce faureua,
De tutte quante l'autre gente armate
Isso sulo a lo duppio cchiù baleua ,
Le gente Grechè, che non foro sgrate,
Ed' ogn'vno laudare lo voleua,
Pe dire ch'era no valente raro ,
Bacco cornuto sempe lo chiammaro.

Perche cornuto tanno volea dire
N'hommo forte, e balente co la spata ;
Hora mo quãno è n'hommo tutto ardire
E'chiù balente de tutta n'armata ,
Ch'è n'autro Bacco voleno scoprire
Se l'haue la mogliere l'A cagnata,
Bacco cornuto dire hanno voluto ,
Ed hanno ditto ch'è Becco cornuto.

Ma

Ma cornuto non è chi non consente,
 Nè dace à la moglie accasione
 Farele incarta pecora patente,
 Commo de Cornouaglia è Campione:
 Commo quanno ped' essere valente,
 Che nullo nce le faccia, hà openione,
 O perche la moglie sia norata
 La gabba, e stace sempe a la squitata.
 Perche, sia quanto vuoie norata, e bona,
 Se se ne squita, e no le veglia adduosso,
 Ed essa vede, ch'isso l'abbannona,
 E ch' à zappare v' quarch' altro fuosso,
 Gelosia tanto forte la sperona,
 Che nce lo mette lo cappiello d'vuosso,
 E se be fosse Orlanno Palladino,
 Cò raggione lo chiammano Martino.
 E s'è buono marito, e sempe face
 Chello che deue commo no lione,
 Decette Apollo, e chella puro vace
 Doue ches' autre, che n'hanno raggione;
 Perche lo Munno le corna le dace?
 Hora leuate sta confusione,
 Ca chi da la moglie sia gabbato,
 E non ne' hà corpa: non è sbregognato,
 Addonca quanno na scrofa squartata
 Vò proprio fare chello, che n'è ghiusto,
 Haue d'hauere tutta na casata, (sto?
 Che no ne' hà corpa, vregogna, se desgu-
 E la famma hà dà essere ammacchiata
 De no marito, ch'è norato, e ghiusto?
 Nò nò, sia fatta ad ella sta vregogna,
 Ch'ad' ogni auciello è fatta na carogna.

Stafia frisco lo Rrè de Cercassia ,
 C'hauea pigliata na moglieire bella ,
 Ne lo vottaua niente gelosia ,
 Ne le faceva sospetto l'ancarella,
 Ne se curaua farele la spia,
 Tanto l'hauea pe bona, e nzemprecella ,
 E le pareua potere iurare
 Ca maneo sapea l'acqua ntrouolare.

Tanto cchiù che no iuorno stanno nchietta,
 No schiecco le mostraie, che se vedesse ,
 Ed essa che lo luoco, e tiempo aspetta,
 Mostraie na gran paura, e se sorresse,
 Chi è chisto? (disse) ohimmè, iertalo, ietta,
 Ncè n'hōmo, e nō vorria che me vedesse,
 Cchiù priesto me siccaglio cò nò spito,
 C'antro me vega maie che tu marito.

Lò Rrè disse, a la fè chesta è norata ,
 E ne steua contento, e sodesfatto,
 E à lo ciardino hauennola portata,
 L'ecciacuoruo le fece n'autro tratto ,
 C'à na peschera essennofe accostata,
 Disse, nò stongo ccà pe nullo patto,
 Che non mè vega se pe sciorte n'esce,
 Da st'acqua na ranōchia, ò quarche pesce.

Pò se vota, e bedenno nò Froncillo
 Cantare sopra n'aruolo de chiuppo,
 Dicè se st' aucelluccio è mascolillo,
 Io mò me scippo tutto chisto tuppo ,
 Ca non voglio maie granne, ò peccerillo,
 Che dia cò l'vocchie a chisto nore ntuppo,
 Iamoncenne signore ohimmè so morta
 Ca chesta è cosa gh'à lo nore mporta.

Stea

Stea de chesto lo Rrè tutto preiato,
Penzanno hauere na moglie bona,
E deceua fra sè mè sò nzorato
Cò chi de le moglie è la corona,
Quanto ched'è, ched'è, s'ashia ncappato
Cò la cchiù fauza, e la cchiù grã potrona,
E trincata, e foiosa, e sgrata, e trista,
Che pe tutto lo munno se sia vista.

Pocca haueua fi à binte dammecelle,
Che le deuano muorze cannarute,
Ca fi bè cò le trezze a canestrelle
Commo femmene steuano vestute:
Erano tutte sotto le gonnelle
Li meglio masculune, e cchiù tregliute,
Chesta donca à lo Rrè vregogna dace?
Sbregognata senga ella che lo face.

O bella cosa chelle gente antiche,
Che non erano tanto scropolose,
Ma de fare piacere tant' ammiche,
Che teneano ncommune tutte cose,
Saie s' à Romma le gente so podiche,
E se fecero legge aute è famose,
E bozero le gente cchiù norate,
Che le moglie fossero prestate.

Zoè, s'vno l'hauca che non mprenaua
E' n'autro, che assaie figlie le faccua,
Chisto a chillo la soia le prestaua,
Fi ntanto che l'ammico figlie haueua,
E fatto chesto pò se la pigliana,
E cchiù norato assaie se ne teneua,
Comm' à Napole spisso le commare
Le boccole se soleno mprestare;

O, me dirraie, fù quarche bozzacchione,
 Quarche pacchiano ch' à la bona icua,
 Che metteunolo dinro a no cestone
 Puro commo ascialè contento iteua,
 Vuie sapite chi fù lo grau Carone,
 Sapite si fù sapio, e si valeua,
 E puro la moglie Martia bella
 Prestaie, commo se fosse ciucciarella.

Pisistrato Tiranno fù d'Atene,
 E si bè ca Trasibolo vasaie
 La figlia, illo fù tanto hommo da bene,
 Ch'allegramente nce la perdonaie;
 La moglie diceua, ò mara mene,
 E commo la mennetta non ne faie?
 Dis' illo, eh ca s'accide lo nnemmico,
 Non chi vasa; e bô bene, e r'èie ammico.

Agi Rrè non sapea pe cosa chiara,
 Ch'Alcebiade stea co la Reggina?
 E puro sempe maie la tenne cara,
 E le dio l'oua fresche ogne matina,
 E pe mostrare na bontà cchiù rara,
 Potenno fare de l'hommo tonnina,
 No schitto nò le voze fare male,
 Ma fece à laude soa no matrecale.

E Agusto de lo munno Mparatore,
 Quanto de chiste scrupole se rise?
 Pocca tenette pe no granne nore
 Pigliare Liwia prena de seie mise,
 E le portaie cchiù sbisciolato ammore,
 Che non se porta mone à li tornise,
 Parennole, che fosse na ventura,
 Commo chi accatta, e non paga fattura.

A lo

A lo figlio de Silla non fù ditto
Ca la sore, che l'era tantò cara,
Co Furnio se mbrogliava, ch'era guitto
Figlio de na guaguina lauannara?
Ed isso alliegro responnette, zitto,
Ca forema hà no nciegno, che le para,
Ca stà cò vno, che se n'è allordata,
La mamma le pò fare na colata.

E se non burla, ma dice da vero
Chillo Grieco senz'acqua accossi brauo,
Lo gran cecato, che se chiamma Homero,
Che de le Muse se pò dire vauo;
Non se tenne norato Cavaliero
Recoperanno Alena Menelauo?
Se bè ch'era foiuta à Troia, e torna,
Magnato hauenzo pane de cchiù forna.

Se Vorcano è norato vecchiariglio,
Se sape ncielo, e pe d'ogn'autra parte,
Se bè a la rezza pigliaie comm' auiciglio
Venere, ch'abbracciata stea co Marte;
E mò fare vorriano lo maciglio
De quanta sò, che mbrogliano le carté:
Lassatele campare: ed'haggia schitto
Là vregogna chi face lo dellitto.

Perche te pienze, che chiammato Magno
Fosse Alifantro, ch'era gran Signore?
Fù schitto, ca fù tanto buon compagno,
Che pe ssè cose maie fece remmore;
Ecco quanuo la figlia fece à cagno,
E pe no ntruglio dio tutto lo noie,
Dicette, io manco sale me ne curo,
Voglio parte a lo Regno haggia essa puo

Astil-

Astipone Filosofo valente

N'happe na figlia puro cannaruta,
Che magnaua, e beueua allegramente
E fù cchiù bote co n'hommo cogliuta?
Quanno le ieze a dire no parente
Ca le faceva vregogna la cornuta,
Respose, faccia puro à tutte l'hore,
Ch'io pè mè sempe maie le faccio nore.

Vonno che perda mò nore, e decoro.

Pe na femmena leggìa comm' à biento,
N'hommo da bene, e commo fosse toro
Haggia le corna: chisto è gran tormièto.
S'è chello, comm' appriesso a l'aità d'oro,
Venette à colà pò chella d'argiento,
A chesta ch'è de fierro fi à stò iuorno
Appriesso venarrà n'autra 'de cuorno.

† Venuto era lo Bernia pe sentire

Chisto descurzo fatto à la ntrellice,
E non potenno propio cchiù zoffrire,
Senza lecientia n'lo responce, e dice,
Pe sti dicote, e disseme scompire,
Facite mò commo sto fusto dice,
Che nullo cchiù se nzore mpenzamiento,
E leuarrimmo tanto frusciamiento.

Và stipate sà vocca pe le fico,

Appila ch'esce feccia, Apollo tanno
Respose, ca sarria cchiù gruosso ntrico,
E de lo mūno assaie cchiù scuorno, e dāno.
Io t'haggio ditto, e n'autra vota dico,
Ca le mogliere vregogna non fanno,
E chi sprezzare vò lo matremmonio,
E no frate carnale à lo demmonio.

Addonca

Addonca quanno n'hommo s'è nmarcato,

E pe borrasca scassa lo vasciello,
S'hà dà tenere pè nò sbregognato?
Zitto ca non haute celleuriello.

O se quarche mercante arresecato
Pe desgratia è falluto, e poveriello,
E' digno de vregogna? hora v'iate,
Ca n'è lo vero: è digno de piatate.

Se canosce ca tu non haie leiuto,
Ca de Lacedemonie à lo stato,
Chi n'hauea la moglie era tenuto
No nfammo, ed era subbeto cacciato;
E ca Romane puro hanno voluto,
Che da l'affitio suo fosse scacato
Ogne Diale, à chi pè mala sciorte
Fosse venuta la moglierè a morte.

Nfine mogliere deuese pigliare,
Perche lo matremonio è bona cosa,
Ma l'hommo sapio se la deue ashiare
Quanto cchiù pò norata, e bertolosa,
Pocca mentre la piglia c'haggia a fare
Razza, s'essa è na trista n'è gran cosa,
Se li figlie sò peo, e stanno fitte
A le doglie de capo che sò ditte.

Pò disse bona sera, e se chiauaie
Dinto la casa, e fece se scauzare,
Pò subbeto a lo lietto se nfrocchiaie,
E nfrocchiato se mese a ronciare,
L'Hore mò, chi li piede le grattaie,
Chi lo commoglia, e chi le v' a portare
Lo necessario à capo, addoue mette
Carte de matrecale, e de sonette.

CAN-



CANTO IV.

MA quanno l'arba , pocca l'hà am-
morbato.

Titone, esce a lo frisco à sciauriare,
Ed à le stelle è fatto lo manuato
Comm' a frostiero, c'haggiano a sfrattare,
Se fosse Apollo, e commo itenneccchiato
Se fù no poco, fecese cauzare
Da duedece prouecete zitelle ,
Che lo vesteno, e spogliano , assaie belle.

Commo s'appe vestuto, e fatto nietto
E capo, e diente, ed ogne, e mano, e facce,
Se reteraie pè n'hora à no retretto ,
Doue so' e spedire assaie despacce ,
Fè fa sarzizio pò à no ciardinetto
De giesommie, e shiure de vorracce
Scce, e nnie tutte appriesso ncompagnia
Iammo, e dapò a na bella Gallaria.

A chella stella che deciette nnante,
Doue so tanta quare , e statoe belle,
O bene mio , e chi ne dice tante ?
Nnante se contaria tutte le stelle :
Lassammo li crauuchie, e li diamante,
E l'autre gioie, ed isce altre coselle ,
Dirraggio fulo , se la mente dura,
Cose da fa stopire la natura.

Io cò nò parmo apierto de ssa canna
Iea ntorno ammisso a tantà cose , e tale ;
S'addona Febo , e chiammale da banna
(Ch'era vecino llà) lo Caporale ,
E dice, se la vista non me nganna ,
Chisto hà no gran golio sapere quale
Cose ccà ntorno ntorno stanno appese,
Dechiarancelle, e singhele cortese.

Subbeto me mostraie a mano manca
Na strenga tutta rotta, e annodecata ,
Che nante ncarnatina , e pò fù ghianca,
Da C. Q. gran tempo portata,
E doue miezo spungolo nce manca ,
Se ncè vede na scritta mpeccata ,
Che dice, ammaro chi non vace nchiùmo,
Pocca è meglio l'arrusto, ca lo fummo.

Appriesso è lo Tezzone , ch'Erostrato
Allummaie, quando deze fuoco a chillo
Tempio cossì famuso , e nnommenato,
P'hauere famma cchiù de mastro Grillo,
Nò petaffio llà sorta ncè ncollato,
Ch'ogne lettera è quanto no mastrillo,
D'ogne muodo s'acquista famma , e loda,
Chi non haue la carne, baggia la vrodà.

De Demmocrero pò ncè lo vrachiero,
Che pe ridere tanto, e non crepare,
Tenea mbracato, e fù nò gran penziero,
Ca tanto riso lo potea schiattare ;
Lo mutto decea pò, si nò sommiero
Si non ride de quanto vide fare ,
O Filosofo granne , io t'haggio ntiso,
Non sè fà cosa , che non moua a riso.

Accan-

Accanto appesa ncè de Mecenate

La vorza, ch'era aperta à li sapute,
O bello tiempo, e commo si squagliato,
Che cagnaue li vierze pe li scute!
Sotta ne' hauea quarc'hommo letterato
Stè parole a na tauola appennute, (cio
Studia, e sciuue che buoie, nō ne faie strac-
Ca chesta hà na fattura à catenaccio.

Appriesso ncè de seta na gonnella,
Che fù de chella nobele pottana,
Che quanno deuacaie pò la scarzella
Arrecchio la Repubreca Romana
Npede a la quale è posta na cartella,
Ped' autra strata ogne speranza è bana,
Suda, stenta, fatica, e fa che puoie,
Sulo pè chesta arriuue doue uoie.

Passa, e bide la penna de l'auciello,
Che tanto caro fù à lo Mparatore,
Schitto pche mostraie buono celleuriello,
Quanno passaua, a dire, a Dio signore,
Sotta ncè vidde ancora no cartiello
Scritto, lo quale dice à stò tenore,
Chi le facce lauate non sà fare,
Fuia la corte, e bagase à nforare.

La votte de Diogene ncè a lato,
Doue godea lo Sole ad ogne bierzo,
Satio d'hauere schitto a chillo 'stato
Chello che dà lo shiūmo, e dà lo cierzò,
Nò mutto ncè a lo mafaro mpizzato
De bregamino, ch'è no parmo, e tierzo,
A Dio palazze, à Dio grannezze, & oro,
E' meglio libertà d'ogne tresoro.

Na carrafella pò ncè chiena chiena

De lo chianto de chillo gran Romano,
Che de Pompeo mostraie na grossa penna,
Quann' happe già la catarozza nmano,
Doue se leie, v'atterrate à l'arena
Si tu non magne semmola, pacchiano,
Di ca chessa è boscia, ò munno sfuorto,
Tale t'alliscia, che te vole morto.

Na coda a lato ncè de no sommiero,

Cosa non fù à lo munno cchiù stopenna,
Ma la lascia ncè perze lo varuiero,
Se be l'oro magnaua comm' a brenna,
Deze l'Arecchia soa nbruodo lardiero
Ad'vno, c'haggio mò mponta la penna,
Tanto che lo votaie dou' happe gusto,
E fece no Freuato de n'Agusto.

A l'vtemo, quann' era ngranne autezza,

Zuffete a bascio, accossi bà lo munno,
Ca quãto cchiù baie ncoppa co prestezza
Tãto cchiù priesto vruociole nprofunne,
Perze la varda, e sulo la capezza
Le restaie, ma lo Dio lucente, e ghiunno
N'happe la coda, è cca l'appese, e scriffe,
Penza a la fine oh quanto buono disse.

Lo schiocco ncè de Socrate cchiù a bascio,

Viato chillo che l'hauesse nnante,
Ca non se tenarria, mentre ch'è n'ascio,
Pe no Narciso nobele, e galante,
Nè pe signore chi è de quatto à fascio,
Nè ped'hommo de stima, chi è forfante,
Sotta ncè na sententia de Dottore,
Videte spisso, e non puoie fare arrore.

Ap-

Appriessò stenu tutta arrauogliata

De carta straccia primmo , e pò de panno

De no Mastro de Scola la sparmata,

Che stato à Siracusa era Tiranno ,

Doue na scritta nc' era appeccata,

Songo scettro perzì , perzì commanno,

Si non Regne, na scola de figliule ,

E si non taglio cuolle ammacco cule,

Dall' autra banna dinto la vammace

Sta lo modiello de lo Culiseo,

E tanto à Febo st' artefitio piace ,

Che n' haggia a fare n' altro cierto creò,

Pocca se troua lesto ogne sequace

De Petrarca, Vergilio, Omero , e Orfeo,

De portarence sopra de la schena

Acqua, prete, sanorre, cauce, e arena.

Chisto addefitio a tutte non se mosta ,

Ma schitto a quacarch' vno pe faore.

Perch' è na cosa fore de la iosta ,

Cosa propio de Rè, de Mparatore,

Na bella scritta d' oro nc' è sta posta,

Che cierto è cosa d' azzell' è autore (glia,

Hommo gnorāte vascia ss' vocchie, e squa

Schitto pe studio è fatta st' anticaglia.

Dapò lo Riso nc' era a schiattariello

De na statoa de preta , quanno muorto

Calligola vedette pueriello ,

Che lassae lo deritto pe lo stuorto ,

E la scritta dicea , stà nc' elleuriello,

Non fare a nullo maie vregogna, ò tuorto

Hommo potente, ca si pò si acciso

Fi a le prete se schiattano de riso

Cchiù

Q V A R T O.

Cchiù appriessò no fiasco de cristallo
 Zippo de chelle lagreme , ch'a laua
 Coll'vocchie chillo buono, e grã cauallu
 Maltro d'ammorosanza deuacaua,
 Quanno iocaiu co Morte, e fece fallo
 Caio, da chi n'hauea sempe la biauia;
 È na scritta diceua, hora immezzate
 Vuie ch'a chi vè fa bene site sgrate.

Lo cortiello è cchiù nante , co lo quale
 Logrezia se sperciaie lo manco lato,
 Quanno chillo soperbio, e bestiale
 Le mese tanta carne à lo pignato,
 Sotta è no mutto, chello niente vale,
 Nante deuiue hauerence penzato,
 Spilata è patria , ca te strippe, e scanne,
 E' tardo lo remmedio à tanta danne.

Lo criuo è appriessò doue sana sana
 L'acqua Tuccia portaie , pe confermàre
 Ca n'hauea poste balle à la doana
 E n'era iuta ancora à bennegnare ;
 Decea lo scritto , che lo sienzo schiana,
 Hoie si tu tuorne ciento vote a mare ,
 E puorte criue nò. ma vtre , e butte,
 Sempe le portarraie vacante tutte.

Appriessò ncè sta puosto lo crauone ,
 Che Portia se gliottie bello allummato,
 Quann' hauea a l'arecchie lo vespone,
 C'haueano lo marito sbennegnato,
 O fosse ca perdie lo sauciccione ,
 O fosse pè l'annmore sbisciolato,
 La scritta dicea pò de carra penta ,
 De chesse se n'è perza la semmenta.

Ma chi portia contare ad vna ad vna
 Tanta cose stopenne, e strauacante ?
 Se quant'huomimene so sotto la luna,
 Parlassero co lengue de diamante ?
 A mè la mmarauaglia era na funa,
 Che me tiraua quanto cchiù iea nante,
 E me ne iea vedenno fi a la sera,
 Se de magnare tiempo mò non era.
 Ecco cà tutt' a tauola te siente

Na trommetta sonare, ognuno corre,
 Comino la varca c'ha mpoppa li viene
 Bona nsuata, che bolanno scorre,
 Io puro, ch'ammolato hauea lì diente,
 E dato hauerria à muorzo à le fauorre,
 Appriessò a Febo me pigliaie la strata,
 Doue la tauol'era apparecchiata.

Febo magnaie da dinto, e nuie de fore,
 Ncommerzione coll'autre sapute,
 E ntanto se facea no gran remmore
 D'arpe, de lire, cetole, e liute,
 Ncera tanno arriuato no Dottore,
 Che la pazzia le fa trouare scute,
 E commo fù nante ad Apollo, schitto
 Ippo dicette, ogn'autro stette zitto.

Signore de virtù sauda pontella,
 Spireto de le cose, vita, e lumme,
 Pè chi la Terra se fa lustra, e bella,
 Pè chi fanno mmiracole li Shiumme,
 Pè chi lo tiempo và senza stanfelle,
 Pè chi arde ogne stella, che tu allumme
 Da lo gran nomme tuo tanto norato
 Sò stato comm'a n'argano tirato.

Non

Non me sprezzare, ca se be la gente
Crede ch' à stà cocozza non sia sale,
Se gabba, ca ped' arte assaie faccente
Me nfengo nfallanuto, e bestiale,
Perche bedenno, ch' all'aità presente
Lo studio de le lettere non vale,
Co na nnuistria m'abbusco tanto nterra,
Che la necessetà non me fa guerra.

Si nò lo cride damme no tornese,
Cate sbotto mo propio no concierro,
E bedarraie se lo Dottò Chiaiese
Pò coss' autre Legiste stare appietto,
A chello Apollo à ridere se mese,
Mostranno de n'hauere gran delietto,
E disse, te dò mò no tallarone
Se sso concierro me da sfatione.

Sò contento dis isso, e Apollo tanno,
Di che bò dire mò, ca la saietta
Maie da fore la votte fece danno,
E lo vino de dinto forchia, e annetta?
Grā dubbio, è chisto, che benaggia aguarò
Disse Chiaiese, mò lo scioglio, aspetta:
Siète ch' à primmo dongonce de cuorpo,
Ca la Meteora m'è nasciuta ncuorpo.

Lo Sole co lo cande de li raie
Tira ncoppa li chille de la Terra,
E po se fanno dou' è friddo assaie
Cchiù tuoste de le prete de la terra,
Siente, lo caudo fece sempe maie
Cò cose fredde costuone, e guerra,
E pel' anteparistase, la state
Sò l'acque de li puzze cchiù ghielate.

Ma

Ma quanno pò loterramotò vene
 (Chisto concetto vale qua. tociento)
 E' ca la Terra dinto de le bene
 Tene gran flato, che le da trommiento ,
 E perche non cè miedeco , che tene,
 Natura fa stà crise, esce lo viento,
 Ma se sta scritto buono à lo quatierno ,
 Fa cchiù caudo la stata che lo vierno.
 Hora tornanno arreto, io trouo scritto,
 Ca la saietta de materia crassa ,
 Perche non sà passare pe lo stritto,
 Zzò che troua, e la ntoppa, rompe, e scassa,
 Chella ch'è tenoe pè no poro schitto
 Comm' aco lancianese percia, e passa ,
 Chi lo dice non haue celleuriello,
 Nego, atque nego , & accipe cappiello.
 Mò te trouo lo capo, ca stò chinto
 De gran conciette cchiù d'autra iornata,
 La saietta ch'hà fatto assaie cammino
 Vene cauda, e de sete stà allancata.
 Troua la votte, ch'è chiena de vino,
 E se la veue tutta à nà forchiata ,
 Vuoie tu , che fosse tanto bestiale,
 Ch'à la votte facesse quarche male ?
 Sarria na sgrateridene, e pè chello
 Non fece à butte despiacere maie ,
 Che tè ne pare n'haggio ditto a sietto ?
 Sia beneditto quanto studiaie;
 O Dottore corona d'ogne tiesto,
 Respose tanno Apollo, è quanto saie !
 Ecco lo tallarone, e tornatenne,
 Ca l'aseno te mpresto cò le penne.

Partuto ch'isso fù, subbeto auzaro
Li mesale, e benettero le carte,
E Febo cò le Muse accommenzaro
No iuoco, che perzi s'vsa a ste parte,
Reuerzino se chiamma, io appe a caro
A la vecchiezza de mparare st'arte,
O bello iuoco, iuoco de Coccagna,
Che chi manco ne fà chillo guadagna.
Guadagnaie Febo, ed io pe paraguanto
N'appe no tredecinco nuouo nuouo,
Ma ogne Mùsa capezzeia tratanto,
Che de suonno già stea chiena còin'vono
S'auzaro addonca, e l'vna à l'autra accàto
Mpizzare à l'vocchie se sètea no chiuouo,
Febo perzi storduto se stennecchia
Mmiezo a la sala a na coperta vecchia.

Io scengo a lo cortiglio, e m'addormento
Cò graa gusto appoiato a no cantòne,
E beo dormenno cò no gran contento
(Non faccio se fù suonno, ò vèstione)
Na femmena cchiù lustra de l'argiento,
Che portaua l'ascelle, e no Trommone,
Dicenno, chi fù maie da Battro à Thile
Famuso cchiù del Cavalier Basile?

Da chisso hà schiacco matto ogne Scrittore
O sia Toscano, ò Grieco, ò sia Latino,
Chisto hà no stile, che l'hà fatto nore,
Quanto lo Sole fà luongo cammino,
Isso se fà la via cò lo valore
A la Grolia, e ne schiatte lo destino,
Cà mò è d'Apollo commo frate caro,
E le vò bene de le Muse à paro.

Viaggio di Parnaso,

C

Dire

Ma già tre bote tutta era calata

La poruera da coppa la impolletta,

E Febo, che na famme hauea arraggiata,

Coll'altre appriessò lo paese annetta,

Ma commo fù la tauola leuata,

Lo Mmasciatore, a chi lo Duca aspetta,

Se lecentia da Febo, e bò sbignare,

Ca pè lo frisco penza crauaccare.

Febo le fa donare la valdrappa,

Che portato hà dece anne lo Pegaso,

Mà de Petrarca primmo è stato Cappa,

Che le Musè ne fecero gran caso,

Pò subbeto scauare co la zappa,

Fa lo cchiù meglio Lauro de Parnaso,

E dice, chisso è digno stare à l'huorto,

C'haggia cchiù bello ò Marmeruolo, ò

Puerto.

Portalo addonca à chella Autezza nduono

Da parte mia, ca le so seruetore,

E dille, ch'isso schitto è uterra buono

Sta nzegna hauere, ch'è de tanto nore;

Nchesto ecco de tron, metta no grā suono,

Ecco à bascio s'abbia lo Mmasciatore,

E si mpona le grade chiano, chiano,

Da Febo è accompagnato pe la mano.

CANTO VII.

COmo io vidde c'hauea quarche torneise
Pigliaie de caudo, e me venette voglia;

Bello tornaremenne à lo paese,

Che mpenzaréce schitto hauea grā doglia;

Ha-

Io creò ch'erano iusto s'idece hore,
Quanno a no vosco me posai lo pede ,
Doue tant'ombre tu nce vide stare,
Che lo Sole se caca de nce ntrare.
Lloco me scdo ncoppa de no prato,
Che pareva no trappito de Soria ,
Mecco lo stoiauucco llà schiegato,
Ed ecco veò, ma chi lo credarria ?
No piezzo de vitella sott'estato,
E no pignato propio a boglia mia,
Maccarune , pasticcie, caso , e pane,
E grieco, mangiaguerra, e mazzacane.
Io mo strascocolanno , comm' a chillo,
Ch' à lo Nilo , dapò che cresce, e manca,
Vede de na ranonchia, ò forecillo
Scire nà capo, e mo nò cuorpo, ò n' anca,
Pò tutto sano zompa comm' à grillo :
Cossi bedea da chella pezza ianca
Scire miezo piatto , ecco ça sano
Se vede appriesto, ed io tutto lo schiano.
E mentre cò gran gusto stea à menare
Li guoffole, e pò shioshio à na vorraccia,
Ecco de brocca no gionene appare,
E me dice, bonni , prode te faccia,
Respose io benmenuto, ed affettare
Lo fice, e nce lo tiro pe le braccia,
Isto se fa pregare, e pò se lassa,
Io creò, che faccia quinnece, ma scassa.
Magnato c' happe, disse, hommo da bene,
Tanta robba a no luoco ch' è desierto,
Dimme de razia , dimme donde vene ?
Ch' io, pe te dire, me sto pesco cieto,
Dillo , e te iuro, Dio me guarde à tene,
Viaggio di Parnaso D Ca

Ca no lo dico , se ne iesse spierro,

Dillo, si forasciuto, è t'è portato.

Da chi compune chello c'haie magnato?

Testemmonia vostra, io le respose,

Arrasso sia, che dice ò cammarata?

Pè mente non me passano ste cose,

Nnante nè fosse mammama crepata,

Ma Febbo sta ventura me refese,

(O potta, sta parola m'è scappata)

Dilla, isso dice, ed io te mostrarraggio

Fuorze a te pò, na bella cosa c'haggio.

Tanto me disse , c'hauerria scommuosso

N'hommo, se stato fosse bè de stucco,

E pe leuaremillo pò da duosso,

Io le scopierze de lo storuuccio ,

Ed isso disse, vrocioie a no fuosso ,

Doue me nce sia fatto no trauucco,

Se non và no tresoro, ma à sto shianeo,

Porto na cosa, che non vale mauco.

E s'asciogliette da lo stregneturo

No fiasco de ligno lauorato,

Decenno, vide , haggio quarcosa-io puro

Se be Nparasio maie non songo stato,

Po dice, ò vuie che state à chesto scuro,

Scite mò prietto a chesto scampagnato,

Ed ecco scero , lustre comin' a Sole,

Chi me lo credaria? sette fegliole.

De le quale, vna disse , ecco Signore

Le schiaue toie, commannale a bacchetta

Ed isso disse, ò femmene de nore

Portate no cauallo a la Ginetta;

Io mo fora de me pe lo stopore

Teneua mente, e steua a la veltetta,

Correno chelle ardite comm' à gallo,
E subbeto portato lo cauallo.

E pò tornaro dinto lo fiaschetto.

E chillo crauaccaie pe ghiresenne,
Io mò, che bisto hauea stò granne affetto,
De stò fiasco gran golio me venne :
E disse, ammico mio buono , e perfetto,
Io non haggio n' Agresta ccà, ne penne ;
P' accattare tresoro accossi raro,
Ma cagno co sto mio , se l'haie da caro.

Me contento, dis'isso, de cagnare ,
E accossi cagnaïemo, e camminaie,
Ma quanno venne l'hora de magnare,
Ch'auca pigliato chiunzo m'addonaie,
E quanno steua pe me desperare ,
A lo fiasco mio meglio penzaie,
E dico, scite semmene aggarbate,
E mò lo stoiauuco me portate.

Ed ecco chelle sciute , ecco a no punto
Vene lo stoiauuco, io sedo nterra,
Lo steno, e mentre faccio lo musso vnto,
Manca la famme de me fare guerra,
Gia steua nfine , ed ecco n'altro accunto,
Non faccio se de Trocchia , ò de la Cerra
E me saluta, io lo saluto, e dico
Addoue vaie ? da doue viene , ammico ?

Isso s'assetra nannze, e pò me dice,
Vengo, pe te la dire , da na parte,
Ch'è meglio alsaie del l'Isola felice,
Che maie non basto a diretenne parte,
Sacce ca pe la via notte me fice ,
Ch'io nò vedea ne chesta , o chella parte,
E mentre chiagno , na bella fegliola

Vc-

Vene, m'asciucca l'uocchie, e me cūzola.
O ch'isce bella, a l'uocchie d'ogne Fata.
Che pareua na penta palommella,
Portaua no dobbretto de colata,
Na cauza rossa, ò Dio quant'era bella,
Na capo à la Scozzese, che ntrezzata
Ne' era na verdegaia zagarella',
N'uocchio, che frezzaua, e no musillo
Da vasarelo sempe a pezzechillo.

Pò fatto a lo terreno no pertuso,
Me fa scire pe chillo a no palazzo,
Pe te la dire, io ne restaie confuso,
E n'happe a deuentare quase pazzo,
Pe na grada asfaie lustra saglio suso
A na sala, addoue erano à sollazzo
Cient'autre Fate belle comm'a n'oro,
Ch'ogn'vna porta ncuollo no tesoro.
Io faccio lleuerenzia, e tremmo, e a pena
Pozzo tenè li curze pe paura,
Ma spara na vocella de serena,
Datte armol, c'haie trouato la ventura,
Non t'alleguorde quanno a chella arena
Steu a dormire na lacerta scura,
E no villano accidere la voze.

Ma pe te la pretata nò le coze?
Che gridaste, sta fermo, no le dare,
Che t'hà fatto sta scura poue rella?
E lo vraccio faciste sbariare;
Sacce mo cammarata, io songo chella,
Mo te velimmo ccà remmonerare,
Pocca ogn'vna de cheste m'è sorella,
Azzò ch'ogn'autro po venga à sapere,
Ca non ce perde maie, chi fa piacere.

Che,

Chesto ditto, me portano vedenno
 Chisto bello palazzo ntuorno ntuorno,
 Non pozzo dire quanto era stopenno,
 Se te parlasse chisto, e n'auto iuorno,
 Da lo palazzo a no ciardino scenno,
 Che n'hauerria lo Campo Eliso scuorno;
 Ogne frutto ch'a l'aruolo è mpizzato,
 Quale è ncomposta, e quale è sceroppato.

Scorre da na fontana Moscatiello,
 Da n'autra Manciguerra, e Falanghina,
 Chesta de latte fa no shiummeciello,
 Chella de mele corre a la marina,
 Sponta a lo prato ccà no fruttecicello,
 Llà no pede de puorco gnielatina,
 Na pergola ncè po de gran bellezza,
 Carreca tanto, che se chiega, e spezza,

Lloco de Nola nce sò sopressate,
 Lloco sò de Bologna saucicciune,
 Lloco saucicce belle speziate,
 Lloco a fiasco cascauallune,
 Lloco nnoglie à Ghiugliano nmottonate,
 Lloco presotta, e caso a buonne cchiune,
 Che me parze vedere specccata
 Porta Caputo, quanno sta parata.

Lloco sotto me fanno no banchetto,
 Autro che de sarache, e de radice,
 Vuoie autro ca me dezero nguazzetto,
 Tutta la stremmeta de la Fenice?
 L'aucielle paradise happe nbrodetto,
 La peo chelletta fù starne, e pernice,
 Scomputo de magnare, ecco ogne Fata
 S'auza a fare na bella mpertecata.

Se chesta fu na vista de Signore,
 Penzalo tu, ca no lo pozzo dire.
 Duraie lo ballo pe no paro d'hore,
 Che propio nbruodo io me n'hauiette à ghire,
 Na cetola sonaua de stopore,
 Vna de chelle, che facea dormire,
 N'autra d'esse sonaua no strommiento,
 Che doie corde faccuano pe ciento.

Fatto lo ballo nee ne iammo arreto
 A lo palazzo, ed a no cammariello
 (Che steua a no recuoncolo segreto)
 Sò portato, e me danno no cortiello,
 Decenne, hagge assaie caro sto segreto,
 Ch'addouonca lo mpizze, e dice, auciello,
 Subbeto è fatto, e ciuto a tutte banne
 De forte mura no Castiello gianne,
 Io tutto alliegro piglio sto presiento,
 E le rengratio, e basole le mano
 E perche da lo suonno hauea trommiento,
 Se n'addonaro, e bello pe la mano
 A no lietto me mesero d'argiento,
 Addone m'addormiette chiano chiano,
 Me sceto, allizzo, e raspo lo caruso,
 E trouome da fora lo pertuso.
 Mentre eh'isso contaui, io spantecato
 Steua à sentire chisto bello cunto,
 E po le dico, se te vea nzorato,
 Fà che ne vea la proua a chisto punto,
 Ca po te dico, e restarraie spantato,
 Che bale chisto se bè sta sedunto,
 De razia, disse chillo, e quanto mpiazza,
 Decenno, auciello, e no Castiello sguizza.
 Io stoppafatto resto, e mantenere,
 Volenno la promessa, faccio ncoppa
 Lo stoiauucco priesto comparere
 Le menestre addorose a chioppa a chioppa:
 Ch'isso pe mmarauiglia, e pe piacere
 Smerzaie l'uocchie, e restaie cōmo de stoppa,
 Io dico, mo lo pesco st'aseniello,
 Ed à ste granfe vene lo cortiello.
 E dico, bè n'è cosa da stordire?
 Ed isso à me, strasecolo a fe mia,
 Ed io soggiongo: Me me vuoie faurire,
 A cagno, e scagno fare mò vorria,
 Ippo mostraie desgusto de sto dire,
 E respose sgregnuso, arraslo sia,
 Che pe na pezza io chisto voglia dare,
 Criste la dola se v uoie ciammellare.

Io chen'era piccato, e sò corriuò;
 L'offerze lo fiasco pe refosa,
 Iſſo vede la proua, e comm' arciuò
 Subbeto canoscenno ch'è gran cofa,
 Se 'contenta, io preiato parto, e arriuò
 Sempe ſautanno friſco comm' a roſa,
 La ſera a no caſale d'Arbanife,
 Ma co gran famme, e non m'ashio torniſe,
 Pagame dice l'Oſte, e ba tè mpienne,
 Ca non s'alloggia ccà ſenza denare,
 Io reſpoſe, ſta zitto frate ntienne,
 Ca no bello Caſtiello voglio rare,
 Se tu ſi ntifo, li piede nce ſtienne,
 Lebrecaie chillo, appila non parlare,
 Ca pe certa raggione ſotteſtato
 Non ce vonno caſtiello frauecato.
 Ios ſilo zitto, e mutto, e guatto guatto,
 Conzidera tu mò cò che dolore,
 E pe famme facea quaſe lo tratto,
 Commo cannela, che ſenz'voglio more,
 O male celleuriello, e che m'haie fatto?
 Decea, c'hauea na coſa de valore,
 E me la ſice bello cottiare
 Lo Corriello haggio, e n'haggio che tagliare.
 Lo bene non ſe ſtimma, ò prezza maie,
 Se non ſe perde, ò ſtoiauucco amato,
 Ch'iere vero conſuorto de li guaie,
 Doue ſi ghiuto, e chi me t'ha leuato?
 Fiasco mio perche te deſprezzaie?
 Che mò me l'hauarriſſe retornato,
 Magna verlaſcio, ohimme ſtò pe deſpietto
 Pe me mpizzare ſto cortiello impietto.
 Douonca vao tento la ſciorie mia,
 Pe fare a quarche parte ſto caſtiellò,
 Ma cheſta tene ognuno ch'è pazzia,
 E dicè, a lo ſpetale, o poueriello,
 Vago a Spagna, e a Shioreenza, e manco c'ria
 Faccio ſe be ne moltio lo modiello.
 Vago a tant'autre Terre, ognuno dice
 Va piglia le cient'oua, bonumo nfelice.

84 CANTO SETTEMO.

E dapò tanta guaie, e tanta stiente,
 A Napole mio bello so tornato,
 Ma non trouo ne ammice, ne pariente.
 Da quale potesse essere aiutato.
 Puro sta cosa a me non se dà niente,
 Ca m'aggio ncatarozzola chiauato,
 A crepantiglia d'ogne caperrone,
 Co sto corticello fareme barone.
 Tutta la notte penzo a lo desegno,
 E chiammo gente, e faccio mille patte,
 Mò ne' acconcio na sala, e no soppegno,
 Mò tronere, mò fuosse, e torre chiatte,
 Mò cantine pe lagrema, e foruigno,
 Mò porte, mò fenestre, e case matte,
 Quanno è pò fatto, che me stisso spanta,
 N'haggio luoco pe farence la chianca.
 De Lemos chillo Conte, che fa guerra
 A la Nmidia, e a lo tiempo, me prommese
 De fareme acquistare tanta terra,
 Che lo potesse fare a sto paese,
 Ecco se parte, e sta speranza sferra,
 O fortuna contraria ad aute nprese !
 Lo frate puro s'è de me scordato,
 Che m'hauea de speranze nmottonato.
 Macare me potesse cenzoare
 Quarcosa nmiero de capo de monte,
 Oh che bello Castiello vorria fare,
 Addoue se trasesse pe no ponte,
 Tut'o de ntorno lo vorria murare,
 E po starence dinto comm' a conte,
 Che magne po ? lo venno, e a che palazzo
 Po staie ? ne faccio n'autro, ohinunc sò pazz
 Sto penziero m'allarga da la Musa,
 Chisto scire me fa de celleuriello,
 E chisto pe freneteco m'accusa,
 A tutt'hore penzanno a sto castiello,
 Ad egne bene m'è la porta chiusa,
 Mannaggia chi me deze sto corticello,
 Cossi bà chi è catarchio, ed è pacchiano,
 E CERCA meglio pane, che de grano.
 S C O M P E T V R A .

LO
CERRIGLIO
NCANTATO
Poema Eroico
DI
GIVLIO CESARE
CORTESE.



IN NAPOLI,
Per Nouello de Bonis. M.DC.LXVI.

Con licenza de Superiori.

Ad istanza d'Adriano Scultore
all'Insegna di S. Marco.





ARGOMENTO.

Parla cò Cicco, e Cola Sarchiapone,
E cò l'autè compagne fà conziglio,
De fà no gruossò, e gagliardo squa-
trone,
Pè ghire à conquistare lo Cerriglio,
Chesto vene n'sentore à lo Patrone;
Cà pè tutto se sente lo vesbiglio,
Nne n'attemo n'aserzeto fà fare,
Pe bolè à Sarchiapone arroienare.

CANTO I.

IO canto chelle forze, e chelle proue,
Che fecero cìert' huommene valiente
Cchiù d'Orlāno, cchiù d'Ercole, e de Gio-
Anze à paro de chiste non sò niente, (ue,
E dico ancora commo fuieno noue
Chiste, e se steano à spizzolà li diente,
E feceno' ntrà l'oro nò conziglio
De ire à conquistare lo Cerriglio,
Ei Muse vuie, che soletarie state
Ncoppa à stò mōte, e maie nò ve partite,
Ve suppreco, ch' a beuere me date,
Comm' all' autè asfietate vuie solite:
Cà non sò nuouo a chessa nfermetate
De poetare, perzò vuie decite,
Mètre ch'io scriuo ncoppa a no vrecione
Vierze, pe' immortalare a Sarchiapone.

Massema mò, ch'ascire da Leuante
Vedite Apollo cò lo carrettone ,
Che cantare pè forza è abbessognante,
Ca pò si none ve mette mpresone ,
Ed' io m'assetto ncoppa a ss'erue innante,
Ch'accommenza a sonà lo calascione ;
Pè dareue chist'auto mio tributo
De stò Poemina vero , e non fegnuto.

Era, commo ve dico, Sarchiapone
Auciello d'acqua , ma lo cchiù balente
A sonare l'arciulo , e lo tremmone
De quanta fuino a Napole azzellente,
Hommo, che despotaie cò Ferrantone
Masto de scola , e llà tutte le gente
Stevano a canna aperta a lo contrasto ,
E ghiodecaieno , ca perdie lo masto.

L'aut'era Rienzo porzi baloruso ,
Hōmo de nciegno, e de gran sonnamiēto,
Che quann'era picciotto a lo Pertuso
Ne voleu'isso sulo cchiù de ciento ,
L'aut'era appriesso lo Dottò Vauuso,
Ch'à correre faceua cò lo viento,
Ed' era bello, museco, e galante,
Famuso, vertoluso , e porzi amante.

Masillo è pone, cchiù de chillo Chiotta,
Che fù mastrone de lo gran sbaratto ;
Chisto, si la menestra è cruda , ò cotta ,
Se la gliotte cò tutto lo piatto ;
E bi ca vide maie, ca s'abbotta,
O ca lo ventre suo se fa chiatto:
N fine ha lo cannarone tanto gruosso ,
Che se gliotte la carne , e perzi l'vosso.

L'auto

L'auto se chiamma lo gran Menechiello ,
 Che sempe vace armato de cortelle ;
 Chisto sà cchiù de Micco de douiello ,
 Ed' è muto valente a le pannelle :
 Cierto ca se lo granne celleuriello
 Mostrassè, porria vincere le scelle ,
 Che fece chillo, cò tanto artefitio,
 Ch'à maro pò cadette mprecepitio.

Peppo l'auto se chian ma, ed ha lo naso ,
 Ch'è fatto a muodo de no catenaccio :
 Chisto soleua i spillo a Parnaso
 A fruscià Febo, e dà a le Muse mpaccio,
 Vasta, ca corre ancora nfi a l'Occaso
 L'addore de na fella de migliaccio ,
 Che no iuorno passanno pe lo muolo ;
 Se la gliottie sott' a lo ferraiuolo.

Sequeta Cicco de casa Fragnola ,
 Ch'à fragnere fragnea cchiù de molino ;
 Ed' hauea mmocca na valente mola,
 Che steua sempe lesta a lo cammino ,
 L'auto è chiammato lo Poeta Cola ,
 Che leica chillo de casa Marino,
 Hommo de ciappa , e de norata famma,
 Chisto, trà l'aute , era de franca lamina.

E l'vtemo era Iacouo valente,
 Che fece mille proue a lo Mercato,
 Che da tutta la frotta de la gente
 Iacouone pe' nomme era chiammato.
 Musa te prego famme venì a mente
 Le forze de chist'hommo assaie norato ;
 Azzò ch'io manna cò famuso stile
 Le balentitie soie da Vattro a Thile.

Era lo tiempo, che Febo sfrattaua ,
Pè la paura de lo Scorpione ,
E priesto all' autà casa s'accostaua ;
Pè non lleuare quarche mozzecone ;
Quanno la Famma lo pietto abbrusciua
De lo famuso Aroie Sarchiapone ,
De fare noue mprese, e ghire arrantè,
E de mannà la casa soa nnenante.

E mentre stea penzanno sulò sulò ,
Commo potesse accommenzà la Guerra,
L'armo cresceua cchiù de no cetrulo ,
Quann'è adacquata bona chella terra ,
Ecco venire a cauallo a no mulo
Cicco, cò Cola ngroppa , da la Cerra :
Cicco cò li stiualè, e a li tallune
Cola tenea legate li sperune.

Quanno Sarchia vedette Cicco , e Cola ,
Hora penzate vuie , ch'armo facette :
Haie visto maie quanno dà la gaiola
L'aueciello sbigna, ed' a fù se mette ?
O quanno lo scolaro da la scola
Esce, che d'allegrezza le cauzette
S'enchie perzì ? cossì s'allegra , e pare ,
Che sia de l'allegrezza lo compare.

Pò disse , ò benmenute : ò bèn trouate
Responuettero llo ro , e scrauaccaro ,
E nzembra tutte tre fuino affettate,
De lo cchiù , e de lo nmanco pò parlaro ;
Pò disse Sarchia , O huommene norate ,
Ca comm' a buie nō haggio nullo paro,
Ve voglio di là ntentione mia ,
Azzò vuie me mettite pè la via.

Io creò, ca vuie sapite muto buono ,
 Pè chillo tiempo, che me canoscite ,
 Si sò de lo Mercato, e Puorto , truono,
 E si maneio buono spate , e spite ,
 E si la Famma sempe cò lo suono
 Verucseia de mè , perzò vuite
 Ve preo , che state tutte quante nchietta;
 Pe fare de Cerriglio gran mennetta.

Pecca chisto ne' hà fatto sempe guerra ,
 E ne'è stato nneimico capetale ;
 Nuie lo volimmo mannà nchiana terra,
 O veramente morì a lo spitale :
 Ogn'uno priesto ad' ammolà la sfera
 Se dia, pè fare gran fracasso , e male,
 E chiammarrite a la ncorrenno, e priesto,
 De li compagne tutto l'auto riesto.

Chiammate Peppo , chiammate Masillo,
 Chiammate Micco, Rienzo, e lo Dottore,
 E Ghiacouo perzì, ca n'è berrillo ,
 Mà è hommo tutto chino de valore ,
 De nuie nesciuno è quacche peccerillo,
 Ca simmo la sostantia , e lo shiore ;
 Zoè comm'è lo grasso a lo pignato ,
 Cossì nuie simmo mò de lo Mercato.

E nrosione ogn'vno craie matino
 S'haggia ad ashiare, cò la spata a llato ,
 O a la Sellaria, ò a lo Pennino,
 Dapò ch'auite ogne compagno ashiato ,
 Perche hauimmo da essere vecino
 A lo Cerriglio, nnante, che schiarato
 Se sia lo iuorno , e llà starrimmo ntresca,
 E ne'enchiarimmo buono la ventresca.

Ogn'vno alliegro, e cò lo riso mmocca,
Dicette, O bene mio, buono haie pēzato,
Cà nce volimmo'nchì mò che nce tocca
De le robbe de chisto sbregognato:
Sta notte non sia nullo che se cocca,
Ma sempe stenga pesole, e scetato,
Penzanno, che sia priesto la matina;
Pè fà fracasso, streuerio, e roina.

Ma già se ne veneua da le grotte
De li Zingare tinte de craune
Adafo adaso la maddamina notte,
Pè fa scurare tutte li cantune;
E Febo conzegnaua bone zotte
A li caualle co li capezzune;
Perche le facea suonno, e bolea jre
Cò la mogliere d'Oceano a dormire,

Lloro l'ammice iettero trouanno
Pè tutte li casuorchie de le chiazze,
Che pareva, che ghiettassero lo banno,
Ed erano tornate quise pazze:
Chi iea saglienno, e chi iea tozzolanno.
Ch'apperò ad abbuscare bone mazze;
Ma pò, che tutte quante happerò ashiato,
Tutto lo fatto l'apperò contato.

Ma lassò sto negotio contare
A Cola, ch'era buono parlatore,
Ed'abbesogna a Sarchia mò tornare,
Che stea contanno tutte quante l'hore,
Non se voleua niente appapagnare,
Perchè hauea fame d'acquistare nore,
Ma puro messè Pauolo venette,
E lo mantiello ncapo le spannette.

Ma

Ma non pè chësto lo suonno poteua,
 Co l'acqua de lo frate fà scordare
 A Sarchia chello , che penzato haueua,
 Zoè de lo Cerriglio conquistare,
 E mentre chello poco s'addormeua,
 Pè la cocozza se sentea ntronare
 Na voce, commo scesse da no cuorno,
 E dicea, fusc Sarchia, vè ch'è ghiuorno.
 Iſso, che ntese chësto, se sbegliaie,
 Co no gran schianto, e miezo sorreiuto,
 E da valente subbetto s'auzaie,
 Pè bedè s'era llà quacche paputo,
 A la fenesta priesto s'affacciaie,
 Ma lo Munno a chell'ora era ammotuto
 Sulo ncielo Febea steua affacciata,
 E da mille zitelle ntorniata.
 Febea, ch'era sciuta a fà la spia,
 Se nc'era quacarcuno pè le serue;
 Azzò non fosse vista pè la via, (ue,
 Mentre scëneua, e ghica meniezo a le ber-
 Perche bolea sganna la fantasia
 Cò chillo, che dormeua ncoppa all'erue,
 E pè paura de lo suo patrone
 Se pigliaua annascuso sfatione.
 Vedenno chella facce tonna, e ghianca,
 Che pareva no shiaudone nzuccarato,
 Le venne cchiù che non hauea l'allanca,
 E priesto se vestie, e s'happe atmato,
 A lato se mettie na lamma franca,
 Che poco nante haueua smafarato
 No gatto gruosso, e grasso soriano,
 E lo pummo cra a milo tramontano.

Pò scese a chiazza , e steua passianno ,
 Comm'a chillo , che fà la sentenella,
 E dicea, quanno se fa iuorno , quanno,
 Pè dà a Cerriglio la gran cacarella ?
 Ntratauto ieua Cintia scuranno
 Lo Cielo , e commogliana ogn'auta stella
 Co no panno de lutto, azzò l'Aurora
 Lo ianchiasse à llà nauta mez'hora .

Quann' isso s'abbiaie chiano, chiano
 Mmiez lo largo de la Sellaria ,
 E co la spata sfodarata mmano,
 La iea sfrascianno ad' ogne crocenia,
 Iea accappucciato co no malantrano ,
 Che balca iusto poco cchiù de cria,
 E tenea li stiualc de vacchetta ,
 Le cauze a brache co na gran vrachetta.

Ionze à lo luoco de l'appontamiento ;
 E trouaie tutte quante a nò pontoue ;
 Vno mmano tenea na ntorcìa à biento,
 E scoprie da lontano a Sarchiapone :
 O ben menuto lustro cchiù d'argiento,
 (dissero) nuostro capo, e campione ;
 (Respos'isso) siate ben trouate
 Ammice fedelissime , e norate.

Pò mute zeremmonie facero
 Nzembra, conforme fanno li signure,
 E mmiero de lo Ponte se ne iero,
 Pè s'allogare le crauaccature :
 Ma pè dirque mò lo bello vero ,
 Mentre ieano pè chelle chiazze scure,
 Retomano le iea no guarzonciello,
 Che ghica a pigliare carne a lo vordicello.

Chisto

Chisto stea cò Cerriglio, ed'ascotaie
Quanto disseno lloro pe la via,
E comm'happe sentuto se lassaie
Volanno, pe portà la noua ria;
Ionze priesto a la porta, e tozzolaie:
Chi è là? disse vno, che faceva la spia)
E' Ciommetiello (disse lo guarzone)
Apere priesto, apere patrone.

Priesto, cà simmo tutte arroinate,
Armateue, e mettiteue no giacco,
Cà mò sarrà stò Regno assediato,
Ed hauarrà da cierte no gran sinacco,
Cerriglio mò, che stea miezo malato,
E ngamme se sentea no poco fiacco,
De paura le vennero le ghiute,
E tutte li cauzune s'happe nchiute.

Pò disse, viene ccà, che cosa dice?
Chi sò chitte, che ccà vonno venire?
Isso respòse, sò cierte nmemmice,
Che bonno fare a nuie tutte morire;
L'haggio sentuto mò, che chisse amnice
Ntrà lloro ste parole steano à dire:
Iammo mò priesto, iammo a crauaccare,
E de Cerriglio lo Regno assautare.

○ Sfortunato me, lo Rrè dicette,
Ch'era Cerriglio Rrè de chella Terra,
E tanno mute lettere scrinette
A ciert'amnice pratteche de guerra,
Spedie na maniata de staffette,
Ed'auisaie ogn'vno, che se'nzerra,
E pò stiano sbegliate a la defesa,
Pè fare a sti nmemmice grann'offesa.

ARGOMENTO.

Manna Cerriglio à Sarchia cierte ciue,
 Che no grã Nigromãte hauea ncãtate,
 Iſſo, ch'è furbo, à cierte li echiù arcieue
 Ordena tanno, che ſiano iettate;
 Ma chille, pè non c'eſſere corriue,
 Se le nnorcaieno, e fuieno trasformate:
 Sarchia ſe'nfũma, e fa che la ferrecchia
 Ogn' ommo ammola, e all'arme s'ap-
 parecchia.

CANTO II.

G ià ſceua da la porta de Leuante
 La Zitella de Febo cò Titone,
 E ghica ſcopãno, ed' adacquanno nante
 Le chiazze, addoue paſſa lo patrone:
 Già ſteua leſto ogne cauallo, e fante
 De lo deſedderuſo Sarchiapone,
 E de Cerriglio la gran compagnia
 Già ſe ieu accoſtanno tuttauia.
Ma Sarchia mò, vedenno ianchiare
 Lo cielo, e ghiettà ſtizzate, comm'a burro,
 Subbeto commannaie, ch'ad'ammarciare
 Se ſonaſſe lo cuorno, e lo tammurro;
 Ogne compagno ſe ſentie allegrare,
 Ch'audifte no marmuoito, e no ſuſurro;
 Prieſto ammarciãmo, prieſto allegramẽte
 Diceua Sarchiapone a chella gente.
 Nzem.

Nzembra cò l'loro ieano cchiù de mille
 Gridanno tutte, e facenno gran festa,
 Giuvene, vecchie, granne, e peccerille,
 Menanno chi cepolla, e chi rapesta;
 Cerriglio, che sentea chille gran strille,
 S'affacciaie paura a na finestra,
 E non sapea si fosse lo remmore
 De la gente contraria, ò de nfaore.

Ma lo Masto de Campo Coceniello
 Era à lo stillo tiempo già arriuato;
 Ch' haueua no cauallo gioneniello,
 Ch'era de viento à Spagna gnenerato,
 La capo negra hauea de schiauottello,
 E lo corpo era liardo arrotato,
 Li piede nigre haueua, e a li capille
 Hauea de nocchetelle cchiù de mille.

Quanno l'vno coll'auto s'affrontaie,
 Iusto a la scesa de certe gradelle,
 (Ma Coceniello primmo se pigliaie
 Lo puosto lesto, comm' hauesse ascelle)
 Ogn' Arfiero la nzegua aruoliaie,
 Cò vna mano, pè le fa cchiù belle
 Parere, azzò vedesseno le forze
 Le gente, ch'a bedere erano corze.

Vedenno Sarchia lo puosto pigliare
 A tutte quante li nemmice suoie,
 Nne nattemo lla fece carriare
 Diece cannunc da canalle, e buoie.
 E resolutu de volè mannare
 A terra le muraglie, e affi li puoie,
 Facette fa na mano de trencere,
 E pò aruoliare le bannere.

E men-

E mentre faceva fà no paueglione
 Co cierte cuoiere, che fuino de cuocchie,
 Eccote nnante ad' illo no guarzone
 Venì cò cierte fecatielle, e truocchie,
 All' autà mano hauea no carrafone
 De vino, che faceva lagremà l' vocchie;
 E comino fù becino se nerinaie,
 E chelle cose a Sarchia appresentaie.
 Disse, bonnì signore Sarchiapone,
 Lo Rrè Cerriglio te vasa le mano,
 Ed' azzò facce na collatione,
 Te manna chiste fecatielle, e pane:
 Pigliaie, e non fà scuoruo a lo patrone,
 Cà te le gliottarrisse sane sane,
 E chesto ccà de stò carrafonciello
 Te lo manna lo signo Coceniello,
 E porzi dice, che nò l' hagge a male,
 Si songo poco, e pareno de niente;
 Ca la gioia cchiù picciola cchiù bale,
 E a grau Signore picciolo presiente,
 E si puro sò nzipete de sale,
 L' hà fatto, ca le pareuo sacciente
 Chiste compagne vuoste, e si n' haute
 Sale, pè ncoppa nce lo mettarrite,
 Pò se ne iette, ed' à reingratiare
 Mannaie Sarchiapone à chillo Rrè;
 Pò disse, Cierito chistò vò gabbare,
 Conform' hà fatto all' aute, accossì a me;
 Ma Marzo ne l' hà raso, e smafarare
 Lo voglio buono sì da vero à fè,
 Ca chi vò nfenocchiare à Sarchiapone
 De sale vò magnà no galione.

E no

E non se penza , ca songo a quarch' vorto
Nato , ò cà songo nzemprece pacchiano ;
Ca so nato , e cresciuto mmiezo Puorto ,
E d'isso cchiù me valeno le mano ; (to,
Oie, ò craie vedarriño, chi hà cchiù tuor-
E chi haue cchiù lo celleuriello sano ,
Se isso, che me manna a ntossicare ,
O io, che chesto mò manno a ghiettare,
Già se lo sospecaie, ca nc'era mbruoglio ,
Ma non pè chesto se spantaie de niente ,
E de carta pigliaie no miezo fuoglio ,
Ch'era lettera scritta de pariente ,
E fece cò l'arrusto n'arrauuooglio,
Pè non se fare prodere li diente,
Pò disse a duie compagne li cchiù care,
Che lo iessero subbeto a ghiettare.
Le venne innanze Peppo, e lo Dottore,
Ed' a chille ne deze lo penziero,
Venne venenno pò Tonno da fore,
Ch'era de li caualle trommettiero,
E sentie de l'arrusto no grà addore,
E se nce conzegnaie cò lo penziero;
E ghiette a chiste duie retomane
Pè se piglià l'arrusto, e chello pane.
Commo fuino arriuate a la marina ,
A na chianeca llà fuino accostate,
Tonno cò lloro priesto s'abbecina,
E disse , è meglio, che ve lo magnate ;
Ca starrite diune stammatina ,
Pe si che non ce simmo arrezettate :
Peppo già tenne innanò , e lo Dottore
Disse, Frate chest' hà no buono addore.
Quase

Quase volennu di 'nchillo linguaggio
 Copertamente : Io me lo magnarria ;
 Disse Peppo, No scuto mo'nce'nguaggio,
 Ca morarrimmo tutte pe la via,
 Non dobetare (disse Tonno) ch'aggio
 No cieto agniento a sta guarnera mia,
 Che lo figlio de masto Gian.antonio
 Me l'ha impattato contra lo demmonio.

Buono sarria (a Tonno tanno desse
 Peppo) mentre haie che st' agniento tuo ;
 Ma si nzentore a Sarchiaponu ielle,
 Che no osseruammo chist'ordene suo ;
 Abbesognante , che me ne fuiesse :
 Ed isso disse, da mò me ne fuio ;
 Si tù, che si de cuorno sonatore,
 Ma non nuie, che stimammo assaie lo nore
 Lebbrecaie Tonno , e disse , comm'a dire ?
 Non songo comm'a buie, e niente manco ?
 Dissero, ciento vote pe morire
 Simmo, mentre sta spata stà a lo shianco :
 Tù dice , ca n'è niente lo fuire,
 O bella cosa si fuio , ed'arranco,
 Che se dice de vno mancatore ,
 Che prōnette, e nò attenne ? è tradetore.

Ma à te non t'è bregogna , figlio mio,
 Si fuie , perche si no trommettiero ;
 Guarda si fosse lo Dottore, ò io,
 O quarche Capitano , ò Arfiero :
 Vno na vota , che se ne fuijo ,
 Iette a cauallo ncoppa à no sommiero ,
 E pè tutto lo campo fù frustato,
 E restaie nzempeterno sbregognato.

Hora

Hora lassammo à tanta parole ,
O meglio,ò peo,nõ m'haggio da'nzorare,
Cà faccio cierto, cà nullo me vole ,
Perchè non pozzo propio apparentare:
Lo haggio no prodito a cheste mole,
Volimmo, frate mio , pri sto magnare ?
Tanno respose lo Dottore, siente,
A me puro me prodeno li diente.

Tu perzi (Peppo disse) pare c'hagge
Dell'aseno, Dottore mio polito.
Si cà tu puro de famme no arragge,
E peo de nuie haie mmocca lo prodito:
Nce deuarrille fà li veueragge,
Ca te perzoadimmo a sto commito ,
Isto disse, l'agniento sù pigliammo ;
Azzò nuie ntossecate non restammo.

Subbeto Tonno cacciaie n'aruariello ,
Che pareva , che ncè fosse torriaca,
Ogn'vno lesto , co no sprocchettiello ;
Se ne pigliaie quanto n'anciello caca;
Ma llozo non sapeuano, ca chello
Nò le iouana manco na saraca,
Ca non era venino , ma no ncanto,
Che l'hauea fatto no gran Nigromanto.

Lo quale primmo fuie stodiante
De no Lettore , che leica n'Parise,
E pò co cierte gente de Levante
Prattecaie mute iuorne, e mute mise,
Era tanto valente co li ncante ,
Che faceua trouà l'huommene mpise ;
E n'fine hauea vertute cchiù de ciento,
Perzi de trasformà n'oro l'argiento.

Schi-

Schiroffo se chiammaua , e facce, e fice
 Erà, e no gran trellegna, e ciento facce ,
 Hommo, che pè no truocchio, e na rarice,
 S'hauarria fatto arrappà li mostacce ;
 Hommo, che tradarria duciento ammicce
 Pè tre decinco, ò pè du'e sanguinacce ,
 Ma si ncè n'è quarcuno colarino ,
 Te impromette de fà dell'acqua vino.

Tanno propio voleuano ncignare
 A dà prenzipio a la collatione ;
 Peppo , che lo schifuso steua a fare,
 H'auca allummato lo meglio voccont,
 E a lo compagno le voleua dare
 No piezzo , commo fosse de premmoue :
 Ippo respose , Pare , che l'addore
 Io vuoie, che n'haggia, e tunc lo sapore.
 Contrastanno, chi lo fecatiello
 Meglio s'hauesse de lloro a magnare ,
 Vederò llà venì no vuzzariello,
 Che na figliola portaua a sbarcare :
 Vno de lloro disse, sto doniello
 Me pare, che l'hauessemò a leuare ;
 Chiammāmo chesta, che ste robbe sparta ,
 Primma che da sto luoco essa se parta.
 Onno chiamaie, ei femmena da bene
 Vienenne sparte a nuie cheste coselle,
 Essa ridenno priesto se ne vene ,
 E dà ped'vno primma tre pannelle ,
 Pò pigliaie chell' arrusto, e disse tene ;
 E tù te piglia cheste, e tunc chelle,
 E cossì pò restaeno sodesfatte ,
 E commenzaro a sbatterè da matte.

Ma

Ma chill' arrusto era già stato fatto
Da farfarella, che pozza sciare,
Che subbeto facea l'hommo de fatto
Nell'anemale ch'era trasformare:
Treie de chelle n'erano de Gatto,
Tre d'Vrzo, che faceano Vrzo tornare,
E l'autre tre de Piccoro lanuto,
Che l'appe Tonno mparte soia hanuto.
Ma me bisogna chiste ccà lassare,
Mentre stanno magnanno allegramente
Et a lo Capo lloro retornare,
Che s'era arrècettato cò le gente,
Era passata l'ora de magnare,
E lo Sole scennea mmiero Occedente;
Ma Sarchia, c'hauea neuorpo no portante
Pè smorfire chiammaie tutte quante.
Era già scetta de lo paueglione
Seduto co na tauola riale,
Ne' erano doie galline, e no capone,
E netrosione robba cò le pale,
Quanno s'allecordaie Sarchiapone,
Ca Peppo hauea stipato cierto sale,
E perche n'era a chell' hora tornato,
Senza sale le robbe appe magnato.
Ogn'vno assaie mmaraucigliato steua,
E no le dicea core de magnare,
Pè tutte le barracche ogn'vno ieuu
Cercanno pè potè l'ammice ashiare,
Già Sarchia tanno commannato haueu
Che la trommetta s'hauesse a sonare,
E bedde, ca mancaie no trommettiero, (e
Iso ntraie cchiu'nsospetto, e cchiu'npè
E men-

E mentre stea colereco, e stizzato ;
 Vedde venì no Gatto soriano,
 E n' Vrzo, ch'era de panne nfasciato ,
 Ch'hauea da fore la capo, e na mano ,
 Apprieso le venea no craftato
 Cò quattro corna, e ghieua chiano chiano,
 La coda longa che la strascinaua ,
 Che la parola fulo le mancaua.
 Ntraieno tutte a chillo paueglione ,
 Doue stea Sarchia penzuso penzuso ,
 Gatto era Peppo , e Tonno caperrone
 Vrzo nfasciolta lo Dottò Vanuso:
 Ietteno a fà carizze a Sarchiapone :
 Ma isso non stea niente paurafo :
 Ma fulo mmarauaglia se faceua,
 Commo dell' aute cchiù carizze haueua ;
 Se mmagenaie subbeto lo mbruoglio
 De che manera a lloro soccedette ,
 Volanno fece llà no quarto d'voglio
 Venire, e chello a beuere le dette :
 Pò canoscie l'Vrzo a l'arrauoglio ,
 E a lo colore pò de le cauzette :
 Ma chillo Gatto nzino le sautaie ;
 E la facce, e la vocca le leccaie.
 Chello sale , che Peppo hauea stipato
 Se stemperaie pè tutte le perzone ,
 E tutto quanto deuentaie salato
 A chella lloro trasformatione ;
 E da chesto appe pò conziderato
 Cà era Peppo chillo, Sarchiapone :
 E perche hauea lo sale a la guarnera
 Perzò salato deuentato n'era.

Ncon-

12 CANTO SECVNNO.

Nconzequentia tiraieno , ch'era Tonno
 L'auto, e stea zitto, e chino de paura,
 Ma cierto chesto sapere non pouno,
 S'era perzì mmattuto a la fattura,
 Cierte Martino chiammare lo vonno,
 E illo stette zitto, e pò spapura,
 Mà da dereto, doie ventosetate,
 Che parzeno de cuorno doie sonate.
 Cò chesto Sarchia fuie buono chiaruto,
 E accorato muto se mostrauà,
 Stette no piezzo commo fosse muto,
 Pè parte de parlare sospiraua:
 Pò disse, nullo reste sbagottuto,
 Compagne mieie, cà correre la laua
 Voiimmo fà de sti nne mmice nuoste,
 Si state tutte, comm' a brece, tuoste.
 E subbeto ordenaie, che se iettassè
 No banno, che schiaranno la matina
 Ogne sordato lesto se trouassè,
 Pè dà a Cerriglio l'vtema roina;
 Spēzaie denare a ogn'vno, azzò magnall
 Già che la notte a lloro s'abbecina,
 Pò se ietteno tutte a reterare,
 Pè penzà buono, ch' haucano da faie.

Scompetura de 'lo secunno Canto.

ARGO

ARGOMENTO

Cerriglio na gran musca fà fare, (pa
 Rièzo s'addorme, e subbetto nce'ncap
 Cecca se ne'ncrapiccia, e de sbignare
 Ncognete se cōsarfa, e fà che scappa:
 Se ne sfilano nfrotta, cà sonare
 Fà Sarchia à la battaglia Taratappa,
 Cicco vedendo Cecca sta attassato,
 Ed è da chella à n'aruolo legato.

CANTO III.

C Erriglio stea sorriellèto, e spantato;
 Cà l'era stato curto lo ieppone,
 E de collera stea mezzo malato,
 Cà non potte cecare a Sarchiapone;
 Tutte li conzieliere appe chiammato,
 Che facesseno l'loro'ncrosione,
 Commo potesse fà, de che manera
 Piglià de Sarchia la meglio bannerà.
 Venne Mostaccio, venne Sapatino,
 Venne Gianfaruo, ch'era lo decano:
 E commo fuino a chillo Rrè becino,
 Le fece ogn'vno lo suo vasamano;
 Sedièno ntorno de lo bardacchino,
 Ma lo cchiù bieccchio a la deritta mano,
 E pò parlaie lo Rrè cò grauetate,
 Maruaso nfacce, e scarzo de piatare.

Vuic,

Vuic, che sapite cchiù de letterumma,
De quanta songo pratteche a le scole,
E l'autre a paro vuosto so la scumma,
Tanto de fatte, quanto de parole,
Pocca li fecatielle cò la mpumma
Non hanno dato fastidio a le mole
De sto nnemmico, che me face guerra,
Anze l'ha ntossicato cchiù la sferra.

Vorria mò che penzasseno quarcosa,
Mà nnanze d'aspettare la matina,
Che, si chillo presiento è stato rosa,
Le vorria dà na ntossicosa spina;
Potessemo na lettera ammorosa
Miannà da parte de quacche guaguina;
Azzò se'nnammorasse, e ccà benesse,
Et io tonnina d'isso pò facesse.

Potessemole fa, pè bia de ncanto
Venire suonno, e farelo dormire,
O cò quacci e strommienro, ò cò lo canto
Farelo ccà becino mò venire;
Ca le farriamo tutte tanto, quanto
Potessemo, pè farelo morire;
E si non potarraggio homanamente,
Chiammarraggio de Pruto la soa gente.

E farraggio, che n'aiero volanno
Portano Sarchia pè chille capille,
E chelle gente, che cò issò stanno
Zeffonnarranno tutte a mille, a mille;
Che de paura schitto morarranno,
E no le iouarrà chianto, nè strille;
E cossì pò starraggio allegramente,
E camparraggio sempe maie contente.

Tutte

Tutte li Conzigliere confermaro
Chello, che proponie lo Capo lloro ,
E nnante nnante volanno chiammaro
De sonature, e musece no choro ,
Pò no cierto barchetto accommenzaro,
Che pareva iusto no lietto martoro ,
Cò cierte doche ch'erano de votte ,
Che steano nterra fracassate, e rotte
Vennero cierte musece famuse,
Cò no conzierto, ch'era de gran spanto,
Pe fare li nnemmice assaie confuse
Restare, cò lo suono , e cò lo canto .
Portaieno chitarte , e cornamuse ,
Cetole, e colasciune , e nsine quanto
Lloro potteno ashia , pe fa conzierto ,
Azzò restasse ogn'vno canna apierto.
Venne nfrà l'aute l'Abbate Crauone ,
Co no fauzetto muto dellecato ;
Che ghieua a tiempo cò no violone ;
Che lo sonaua no cierto cecato ,
Lo bascio lo faceua Pascalone ,
E lo tenore no viecchio sbaruato ,
E pè fare na museca perfetta ,
Lo cornetto sonaie masto Brachetta.
Le gente mò, che steuano a la terra ,
S'appilaie no l'arcchie de vammace ,
Lazzò lloro mmedeseme la guerra
Non s'hauesseno data, pè la pace :
Pè li casuorchie ogn'vno pò se nzerra ,
Pè s'astènè da chello , che piace ,
E pò accommenzaieno muto buono
No canto doce, e no soaue suono.

Ma Rienzo ch'era iuto chella sera,
Pè soa ventura, e pè soa bona sciorta;
De lo nnemmico all'vtema trincera,
Pè bolè fà la sentenella morta;
Quanno sentie na musca sì autera,
De lo suonno isso tozzolaie la porta,
E s'addormie bello snlo sulo,
Che le potiue fà la sauza nculo.
Tanno lo Rrè la ronna soa mannaie,
Cercanno, si quacchuno era venuto;
Quanno no Caporale s'addonaie
De Rienzo, che stea nterra già addormuto
Subbeto bello bello s'accostaie,
E lo cotoliaie, ma isso iuto
Se n'era già'mbrodetto, e lloro ncuollo
Se lo ntorzaieno, e ghieno à rompecuollo.
Commo vedde lo Rrè chillo venire,
Se penzaie cierto, ch'era Sarchiapone;
E steua lesto pè lo fà morire
Dinto de lo cchiù scuro torrione,
Priesto no cremmenale fece aprire,
Et addormuto lo mettie mpresone;
Ma pò addonato, cà non era chillo;
Lo fece sta'ngaiola comm'a grillo.
Quanno Rienzo se vedde mpresonia,
Gridaie, e fece cose mmaledette,
Ch'ogn'vno, che passaie pè chella via
Tutto mmarauagliato remmanette,
La figlia de Cerriglio, che la spia
Facea, sti strillette sentette,
E boze j pè coriofetate,
A bedè Rienzo da le cancellate:

Iette cò duie guarzune de librerà (ro,
Nnàte, & ogn' vno hauea na ntorcìa à biè-
Ionzè a lo luoco, addoue Rienzo era,
E le die nfacce n'afeto de liento,
Lo vedde nfacce, e canoscìe a la cera;
Cà llà dinto pateua muto trommientò,
E pò tutta piatosa addommançaie
A Rienzo, si pateua pene assaie.

Issò disse, Signora ccà me trouo,
Non faccio commo, e senza fare male;
A lò mmanco sapesse, commo prouo
Sti guaie, senza fare manco sale;
Io da chist' Vocchie affritte sempe chiouò
De lagreme de sango no canale;
Perzò, se Dio te guarde ssa bellezza,
Non me fa stà cchiù dinto a stà mōnezza;

La figlia de lo Rrè, che se chiammaua
La signa Cecca, & era muto bella,
Lo desgusto de Rienzo le passaua
Lo pietto à funno nfi' a la coratella;
Horamaie essa puro lagremaua,
E bolentiere a chella cammarella
Ncè sarria stata, pè fà compagnia
A Rienzo, che n' haueua fantasia.

Pò se partette, e disse, Allegriamente;
Cà manco nc' haie da stà, che ncè si stato;
Cà te tengo stipato a chesta mente,
E farraggio, che singhe scarcerato;
Issò la ngrariaie nfenitamente,
Ch'era stato da essa visetato,
E tutto quanto alliegro se restaie,
Ma cchiù de chella vista se preiaie.

Ma Sarchiapone , ch' hauea già mannato
A chillo luoco , addoue Rienzo steua ,
No cierto prattecone , e bnon sordato ,
Pè scanagliare chello che facua ,
E comm' a chillo luoco fù arriuato ,
Sporgaie , e nullo propio responneua ,
Pò parlanno attentaie , e pò s'acosta ,
Ma nullo tocca , e da nullo hà risposta.

Subbeto fece , che Sarchia sapesse ,
Ch' hauea trouato lo puosto vacante ;
Conzidera tù mò , ch' arraggia hauesse ,
Non trouanno vno de li meglio nfante ,
Mannaie a dire , che non se partesse ,
E che se stesse fi a ghiuorno vegliante ,
E si puro sentesse na cosella ,
L'auisa priesto all' autà sentenella.

Ed' à chell' hora mannaie a zitare
L' aserzeto nnemmico pè l' assauro ,
Ch' all' arba se voleuano prouare ,
Chi de l' loro faccia cchiù gruosso sauto ,
Coceniello mannaielo à ngratiare ,
Ch' era prunto cò isso , e cod' ogn' auto ,
E pò se mese ogn' vno à la veletta ,
P' aspettà stò fracasso , e stà mennetta.

Ma Cecca , che se steua sola sola ,
Penzanno à Rienzo , che l' hauea allūmato ,
Commo potesse fà , che da gaiola
Fosse , pè nnustria soia scapolato ,
Se chiammaie a chell' hora na figliola ,
E l' appe lo negotio cortato ,
E pò appontaro de fare a lo scuro
Rompere de la carcere lo muro.

E prie-

E priesto a bascio chella soa zitella

Manna à piglià no cuofano , e na pala,

Vna de lloro fece lo parrella,

L'auta facea la spia da la sala ,

La quale steua rente cò la cella,

A lo sboccare iusto de la scala ;

E pò ch'appe lo muro spertofato ;

Subbeto cò la pala appe annettato.

E Rienzo priesto da chillo mantrullo

Scette preiato, e chino de paura ,

Che pareva iusto no piccione, ò pullo ,

Quann' esce nfuso da na banna scura ,

Pò lo portaieno dinto a nauto rullo ,

Adaso adaso attentanno le mura ,

Appriesso a n'auta cammera arriuaro,

E nzembra tutte trè llà se nzerraro.

E subbeto volanno apparecchiare

Fece pè Rienzo na collatione :

Issò dicea cà non volea mangiare,

Ma puro se smorfie no gran capone :

Pò tutte trè se meseno à parlare

De lo cchiù, e de lo mmanco, e ncrosione

Se conzegliaro de se ne fuire ;

Ma non sapeano commo fà , pe scire ,

S' haueano confarfate de sbignare

Vestute d'arme, à foggia de sordate,

Nnante che l'arba venesse a schiarare

De lo munno li viche, cò le strate ,

E nfrotta se voleuano mmescare

Coli' aute, pè non essere trouate

Pè ghiresenne a stare a nauta terra ,

Azzò stesseno mpace, e senza guerra.

B ;

Ma

Ma l'ascerzeto già s'era allestuto
De lo gran Capitanio Sarchiapone ;
E mmiezo de lo campo era già sciuto ,
Et hauea fatto no gruosso squatrone ;
Ogne sordato s'hauera mettuto
L'arme cchiù meglio, e le cose cchiù bone
Che chillo campo pareva d'ogne parte ,
Che fosse lo gran puopolo de Marte.

E commo steua pe schiarare iuorno ,
Subbeto commannaie , che se sonasse
Lo tammurro a battaglia co lo cuorno ,
E lo nnemmico a lo campo chiammasse :
Coceniello mò iea mperzona ntuorno ,
Azzò ch' ogne sordato suo s'armasse ,
Ma' commo fù scetato lo vesbiglio
Sulo l'ordene aspetta da Cerriglio,

Quanno vediste no ponte calare
A na portella picciola, e segreta,
Da doue n'hommo buono solea ntrare,
Pè bennere a Cerriglio certa seta ;
Da llà vediste na squatra sboccare
De gente armata , e ghica muto coieta ,
Pè non fare vedè a la sentenella
De lo nnemmico la fauza portella.

Chiste ieuano a fare la mmasciata ,
Da parte de Cerriglio, a Coceniello ;
Ma cò sta gente già s'erà mbrogliata
Cecca, la serua, e Rienzo pueriello ,
E commo fuieno mmiezo de la strata ,
Se n'addonaie de Sarchia Menechiello ,
E subbeto nne nattemo, e bolanno,
Sarchiapone auisaie tanno pè tanno.

Sar-

Sarchia spedette la gran compagnia
De Cicco, ch'era pratteco a sparare,
E disse, che bolasse pè la via,
E chelle gente iesse ad' assautare;
Mà Rienzo, e Cecca haueano fantasia
De bello bello volere lassare
A chella gente cò quacche bell'arte
Pè potere sbignare à nauta parte.

Commo fuieno vecino a na fontana
Se la couzero bello, zitto, e mutto,
E pò s'annasconnettero a nà tana;
Doue venea dell'acqua chillo butto,
Ma ncielo le compagne de Diana
Se mmirauano dinto a lo connutto;
E lloro steano llà tenenno mente,
Ma da dereto sentieno gran gente.

Rienzo voze fuire, ma non potte,
E le femmene puro s'agghiaiaro,
Perche de fatto fuieno le botte,
Ch'appena le celate se calaro:
Le lanze lloro erano meze rotte,
E de paura manco le toccaro:
Ma sotto a n'vrmo s'erano agguattate;
Che parenano trè quaglie pelate.

Cecca s'addona mò, ch'a no pantano
La notte nc'era iuta la ielata,
Essa llà s'accostaie chiano chiano,
E bedde, cà chell'acqua era quagliata:
Se mese chella a la mancina mano,
Pè broccchiere, e pigliaiese la spata;
E pò priesto a cauallo fù sagliuta,
E sola lo nnemmico essa secuta.

Quando Cicco se vedde secutare,
Subbeto s'allestette pè mnestire,
Ma se sentette pò tutto agghiaiare,
E parze a isso cà volea morire,
Pè isso non mancaie de sbignare,
Ma non se potte no passo partire,
E Cecca le fù adduosso cò la spata,
Fegnanno de le dà na cortellata.

Isso iette pè ghire à lo reparo,
Mà non pè chesto l'hauarria iouato,
Ca si essa le dea schitto no paro
De scenniente, restaua llà spaccato,
E lloco visto hauarrisse no maro
De sango, co le lagreme mmescato:
Ma chelle gente, che cò isso armate
Ieuano, fuieno tutte sbarattate.

Lo fatto fù, perchè chella rotella
Trasparea, comm' à britto p'ogne banna,
La celata s'auzaie, e pò cò chella
S'ammarraie la facce, co la canna,
A Cicco le parette tanto bella,
Che perzò ne trémaie, comm' a na canna;
E quanto cchiune a isso s'accostaie,
Cchiù friddo, e ntesecato se trouaie.

Pò essa se cacciaie da la scarzella,
Pè legà Cicco a no cierto troncone,
Fì a quatto parme de na funicella,
Ch'era sfilata da lo capezzone,
Pò lo legaie, e pò l'appese chella
Tareca faccefronte à no pontone:
Pò disse, che da llà non se partesse
Nfì che lo iaccio strutto non vedesse.

Pò se ne iette pè bedè à lo luoco ,
 Si ne'era Rienzo, addoue lo lasaie ,
 Ma Rienzo ardette d'ammoruso fuoco ,
 Quanno da Cecca lontano s'ashiaie,
 Iette p' ognè pontone, e lùstro, e bruoco,
 Che manco no casuorchio nè lasaie ;
 Ersa arriuata llà non ce lo treua ;
 Conzidera tù mò stà bona noua.
 Ma Carmosina pò quanno vedette
 Rienzo amariare appriesso a la patrona,
 A camminare subbeto se mette,
 Mà non trouaie manco na perzona :
 Arriuaie a lo maro, e llà se stette ,
 Pèd'aspettà quacche fortuna bona :
 Ersa chiagnemo da na banna steua ,
 Cecca da nauta , e Rienzo spierito iena.

Scompesura de lo terzo Canto.



ARGOMENTO.

S'affrontano l'aserzete, e fracasso,
 E gran streuerio ntrà de lloro fanno
 E pò, ch'ognuno è ashieuoluto, e lasso,
 Tregua se face, e à retirà se vanno.
 Cerriglio, c'hà sentuto lo grā schiaffo
 De lo nnemmico, se resorue tanno
 Mannà Schiroffo, ch'autre'mbroglie
 tramma,
 Iffo nce và, ma pò se scopre a ramma.

CANTO IV.

M Asto Titone s'era già affacciato
 De lo Cielo a na certa fenestrella,
 E la mogliere haueua llà portato
 De cauce molla zeppa na tenella:
 Perche Febo l'hauea tanno ordenato,
 Ch'vno de lloro fosse lo parrella,
 E l'autro, cò no scupolo pigliasse
 La cauce, e lo palazzo ianchiasse.
 Quando vediste le gente affrontare,
 Pè se mbrognoliare li caruse,
 E de fango vediste llà tornare
 Le capo rosse, e li vestite nfuse;
 Lo greciello, li strille, e lo siscare;
 Faceano li sordate cchiù anemuse;
 Ma chelle botte de le cannonate
 Le faceano tornà tutte cacate,

Li tammurre sonauano, e li cuorne,
Li caualle correuano a mmeftire ;
Ch'auto non se vedea pè li contuorne ,
Che gente morte, ò puro pè morire :
L'afficiale faceano gran scuorne
A chi se confaruaua pè foire ,
E pò, cò certe belle parolette ,
Le pegneano lo nore a le mennette.
La porua cò lo fummo n'airo ieuà,
Che facea deuentà lo iuorno notte :
L'vno cò l'auto tanto se vedeuà ,
Quanto lucea la vampa de le botte ;
No vesbiglio dogliuso se senteuà,
Che pareà chillo de l'aterne grotte :
Chì chiagneua feruto, e chì arraggiato
Morea da li caualle scarpisato.
Chì a la mprouisa se sentea schiaffare
No grisuommolo acieruo a li filiette ;
E chì a la facce se sentea ficcare
Na chioppa amara de nigre confiette ;
Chì se vedea ne n'attemo nauzare
Da sordatielle a quarche affitio aliette,
E chi da Capitanio se vedeuà
Muorto, quanno cchiù manco se credeuà.
Llà bediue cadè na pettorata ,
E scamazzaua na frotta de gente ;
Ccà sentiue venì na moschettata ,
E t'accedeà n'ammico, ò no parente ,
Da n'auta banna na saglioccolata
Te sentiue a le chiocche , o a li morfiente
E se sentea mmescato p'ogne canto
Botte, strille, fiscate, allucco, e chianto.

Mò vediue cadè no tammorrino ,
Pò fuì no cauallo scapolato ,
Mò te vediue la morte vecino ,
E pò da lo periculo; scappato ;
Lo fango iea pè terra, comm' à bino ,
E pè tutto ncè stea allauaniato ,
E nfine nulla parte nc' era netta ,
Ma ncè potiue i co la varchetta.

La vattaglia era nterra , e pareva iusto ,
Commo se fosse fatta mmiezo maro :
Pareua ogn'vno, che pesasse musto ,
O pè di meglio no sanguinacciaro ;
Ccà vediue assommà no miezo fusto ;
Llà de capo , e de vraccia quacche-paro :
E bediue sautà le celleurelle
Da capo à li sordate , comm' ascelle.

Ma chi pò tutto quanto stò remmore
Contare conmo propio soccedette ?
Abbesognante, che fosse Dottore ,
Comme sò cierte caca pozonette ;
Che pè da ccà , e da llà fanno l'ammore ,
E se stirano ogn' hora le cauzette ,
E pe parte de tieste stodiare ,
Stanno ogn' hora la faua a ghiodecare.

Perzò le faccio mò ccà reterare ,
E fare tregua pè bintequatt' hore ;
Perche non se pò propio contare
Sto solenne , spantuso, e gran remmore ,
Ogn'vno se facette mmedecare ,
E patette no duppio dolore :
Ma cierte, che reitaeno co le bite ,
Kano adunanno li tagliere , e spire.

Certe

Cierte aute mò faceano lo catasto

De chille muorte ped'ogne pontone ;
Ma ntrà lloro nè stea no capo masto,
Che le mannaua cò lo carrettone,
E chille le portauano pè pasto
De na montagna a no gran cannarone ;
Ma chill'aute se ietteno a mutare,
E fà relegna, pè s'arrecettare.

Feceno cunto, dicedotto muorte ,
Sette ferute, e cinco mbrognolate ;
Ma duie Arfiere co li piede stuorte
Restaïeno , e le bannere sdellenzate,
E da la banna de Cerriglio , fuorte
Tutte, e baliente s'erano mostrate :
Ma non pè chesto lo fio Sarchiapone
No l'acconciaie buono lo ieppone.

Ma vedenno lo Rrè , ca lo nnemmico
Era no tuosto, e no proffediuso ,
E cà non se curaie , cà comm' a fico,
L'hauea fatto tornare lo caruso ,
Se tornaie a chiammare chill' annmico ;
Che fece a Sarchia restare confuso ,
E disse , che facesse nnante sera,
Nauta fattura de nauta manera.

Ma Gianfauo, ch'è accuorto conzigliere ,
E maie non se parteua da Cerriglio,
Pè n'essere tenuto da sommiere,
A lo Rrè dette n'ottemo conziglio ,
E disse ; Io pè mè songo de parere ,
E ve lo dico, comm' a frate , ò figlio ,
Ch'a Sarchia le mannassemo a parlare,
Pè chisso, che lo mbruoglio hà da trattare,

lo

Io dico pè Schiroffo, che sà tanto
Parlare buono, ed'èie muto spierito ;
Non fulò , ch'è no brauo Nigromànto,
Ma a zzò , che dice rieste canna apierto ;
E si non nce iouaie l'arruffo , ò canto
Cò isso , non però me pare cierto ,
Cà nce nneuenarrimmo chesta botta
Cò mannarele a dì na paparotta.

Mannammolo a'nfoscà de sta manera ,
Cò dire, ca volimmo fare pace ;
Fuorze, vedenno quacche bona cera ,
Se lassalle, pe fà quanto ncè piace :
De chesto no aspettammo à fi sta sera,
Mannammuncillo mò^a si non te spiace,
Lo Rrè respòse , Stò penziero è buono ;
Auto che fecatielle , e canto, e suono ,
Subbeto commannaie, che fosse iuto ;
E isso priesto ad'obedire iette ,
E disse, Io deuentà commo paputo
Lo voglio fà , co cierte parolette.
Va (lo Rrè disse) e singhe muto astuto,
Se vuoie, che gente a te faccia sogette ;
Isso volanno priesto s'abbiaie ,
E nnante a Sarchia subbeto arriuaie.

Ionze a la porta de lo paueglione ,
Addoue Sarchia stea cò muta gente ;
E disse, ò schiauo signo Sarchiapone ,
Lo Rrè s'arrecommanna grannemente ,
E dice, ca pè nuitto campione
Te tene , e pè no gran' hommo faccente:
Pecca te sì mostrato valoruso,
Ch'isso è rommaso attonneto, e confuso.

Ccà m'hà mannato , azzò vossignoria.

Saccia , quanto è lo bene , che ve volè ;

Ca l'è benuta mò na fantasia

De ve dì de mportantia doie parole ;

Isso si stesse buono , ccà sarria

Venuto , mà le doleno le mole ,

Et haue no catarro cò na tossa ,

L'vossò a lo pede , e no dolore a l'ossa.

Facitela da chillo , che buie site ,

E nò ve demostrate cotecone ;

Cà si a Cerriglio pe n' hora venite ,

Hauarrite gran gusto , e sfatione ,

E pè no piezzo nò ve partarrite ;

Perche la doce commerzatione

De lo signo Cerriglio è tanto cara ,

Cchiù che n'è lo pignato a la cocchiata.

Io venarria muto allegramente ,

(Respose Sarchia a chillo mmasciatore)

Quanno potesse portare ste gente ,

Che nguerra m'hanno fatto tanto nore ,

E l'hauarria a caro grannemente.

Mostraremelle ammico , e seructore ;

Ma ad isso (nquanto vco) muto le piace.

La guerra , ed è nnemmico de la pace.

E quanno le mannaie chella mmasciata ,

Ca volea cò lo buono llà benire ,

Me mannaie isso a fà na sbrauiata ,

E non me voze le porte raprire ,

Che fuie forzato de stare a la strata

Na notte , e bello llà fore a dormire :

Mà si me faceva ntrare chella notte ,

Non sarriano soccesse cheste botte.

chello

Chello, che pè fi mone è ntrauenuto,
 Maie cchiù creò ca farrà da oie nneante,
 Perche lo Rre v'hà buono canosciuto,
 Meglio, che nò ve canoscetia nnante,
 Crediteme, ca tutto s'è stoputo,
 Venitence, ma non cò tutte quante
 Chisse sordate, ma cò vno, ò duie
 Chille, che li cchiù care songo a buie.

Perche la moltitudine de gente
 Fà gran confusione addoue vanno,
 E quacarcuno, pè se fà valente,
 Farria quacche pazzia tanno pe tanno,
 Zoè se mostraria mpertenente,
 E darria a quacche d'auto lo malanno:
 Ma pè leuà sto scannalo, me pare,
 Che st' aserzeto ccà s'hauesse a stare.

Io non sò pe benì, manco no passo,
 Senza ste gente, che stanno cò mmico,
 E non me curo niente de stò spasso,
 E de sta affetta de stò Rrè nneammico,
 Io sulo vastarria a fà fracasso
 De lo Cerriglio, e ghiusto, comm' à fico
 Me gliottarria, quann' io propio voleisse
 Chiste sordate, ò puro comm' alleisse.

Sehirosso stette zitto, e pò respose,
 Pè dà viento a la vela, azzò parlasse,
 E disse, io faccio buono, che le cose,
 Che buie penzate, fanno gran fracasse;
 Ma sempe è buono à dà cchiù priesto rose
 Che spine, e pace ncagno de sconquasse;
 Malsema a chi pò dare tutte doie,
 Così s'acquista lo nome d'Aroie.

Lassammo ire tanta chiacchiatelle.

Dimme, si stato tù lo nigromanto ,
Che ncantaie l'arrusto, e le pannelle ,
E li strommiente, cò lo doce canto ?
Si me prommiete de non me dà pelle ,
(Schirosso disse) io te confesso quanto
S'è fatto, chi è stato, ed' ogni cosa,
Puro ch'io stia sicuro de na ntosa.

Anze te voglio dà no buono fatto ,
Si me dice ogni cosa , e non mazzate.
Tanno respòse, e disse, Io l'haggio fatto,
E pè me chille se sò trasformate ;
Pè tè le fece, e non me venne fatto ,
E pè parte de te, l'auta ncappate
Ncè fuino ; e tanno lo Rre me commesse
Che quacched'auta cosa io te facesse.

Tanno respòse Sarchia, Tu me pare
Che singhe no grand' hommo vertoluso ;
E se sosie , e corzelo àbracciare,
Pò le mettie na mano a lo caruso,
E le dicette , Io mò te voglio fare
Lo meglio de st' aserzeto anemuso,
Si tu me faie tornare comin' a primmo
Chiste compagne , e tutt' vno sarrimmo.

Issò respòse, Io nò lo pozzo fare ;
Perche non haggio chello, che ncè vole,
Lo Rrè sulo le tene, e tanto care
Che no le fà vedè manco a lo Sole.
E comm' a dire non se ponno ashiare ?
O songo crue , o sò prete, o sò parole ;
Perche a lo munno sulo ste trè euse
Le gran vertute teneno annasose.

E lo

E' lo vero dis'isso, mà de chello
 Non se ne troua niente a sli païse :
 Perche non eie grieco , ò moscariello,
 Che n'haie na meza pè cinco tornise.
 Tu me farraie votà lo celleuriello :
 Respose Sarchia, & isso tanno rise ,
 Chesto securo sarrà quarche bino
 De lo mmeglio che pare , e lo cchiù fino.
 E bino, ma che bino ? è bino tale ,
 Che lagrema de Somma , e de Garitte ?
 Chesse brache salate ; tanto vale ,
 Quanto vanno li Rrè cchiù de-li guitte,
 Lo grieco , e la cerella manco sale
 Non vanno , ca non songo vine schitte :
 Ma chella llà se chiamma Maruasia ,
 Che lo mmale fa ì pè nauta via.
 Lo Rrè de chesto n'hà fulo na votte,
 E la tene cchiù cara de la vita ,
 Che non ne donarria mào doie gliotte,
 Si le disse na perna margarita :
 Perche a lo tiempo , che fuino le botte
 Ntrà Gioue , e li Giagante , se fù vnita
 La mamma, ch'era Cerere cò Bacco ,
 Pò non hauere quacche gruosso smacco.
 E tanno l'vno a l'auto se donaro
 Cierte presiente de le terre lloro :
 E Bacco , che maie fù quacc'hōmo auaro
 Le donaie chella comm' a gran tesoro :
 Et elsa dette a isso si à no paro
 De spiche, che pareano iusto d'oro ,
 Che quann' vna col' autà steua vnita ,
 Facea l'hommo tornà da morte nmita.

E dis-

E disseno perzi, quanno figliava
 Cerere, a chillo figlio, che faceua,
 A chi de lloro cchiù s'assemmegliaua,
 Lo nomme assemmegliante se metteua;
 No figlio fece, ch'ogn'vno spantava,
 Et era ianco, e russo, e maie chiagneua,
 E tutto era la mamma speccicato,
 Che Cerriglio da Cerere è chiammato.
 Sarchia disse à Schirosso, vuoince stare
 Cò mmico, cà starrimmo allegramente?
 Cà tu m'aiutarraie a conquistare
 Chesta cetate, e ste nnemmiche gente:
 E te prommetto de farete stare
 Sempe maie ricco, e sempe maie contente,
 Isso allummaie lo suono nteressato,
 E se fù tradetore scommogliato.
 Sarchia, che procedeua da signore,
 Alliegro steua, e grannemente amaua
 Lo trademiento, e nò lo tradetore,
 E d'isso niente propio se fidava:
 Le, facea bona cera à tutte l'ore;
 Ma da li pare suoie se ne guardava,
 E ne stea pauruso tutto quanto,
 C'haue a paura de quacch'anto ncanto.

Scompetura de lo quarto Canto

ARGO:

A R G O M E N T O.

Rienzo quattro vecchiune fà agghiaiare,
 Che deano a Carmosina tentatione;
 Ma Cecca, che stà a chiagnere, e stril-
 lare,
 Cò la spata se passa lo premmone,
 Cesaro, che Schiroso v' à chiammare,
 Mase, e Micco veneie. Da lo troncone
 Se scioglie Cicco, e pò piglia grād'arm
 Rienzo s'accide, e Cecca se fa marmo.

CANTO V.

LA notte hauea spannute già l'ascelle,
 E ammarraua la luce p' ogni luoco,
 E ncielo steano mille cannelelle,
 Pè fa lustro lo Munno, ch'era vruoco;
 Rienzo, che ghica pè cheste bāne, e chelle,
 E non trouaua nè luoco, nè fuoco,
 Ma si è pe fuoco n'hauea tanto impietto,
 Che nò le dea tantillo de recietto.

Mò correua a la mpresa, e mò se steua,
 No poco a quacche banna se fermaua,
 E nauto poco a selluzzo chiagneua,
 E nauto poco forte sosperaua:
 Non sapeua isso stisso addoue ieuà,
 Lo cauallo, e d'Ammore lo guidaua:
 Ma considera mò; commo guidato
 Era a lo scuro da chillo cecato.

Tanto, che fù portato da la sciorta,
 Doue stea Carmosina a no pontone,
 E la trouaie, ch'era quasse morta,
 Ch' hauea da cierte gran tentatione.
 De chille nullo hauea la varua corta;
 Ma d'anne ogn'vno hanea no milione:
 Erano quattro, ogn'vno stea aggobbato,
 E Carmosina haueuano abbistato.
 Ma essa stea cò chille a contrastare,
 E tutta se sciccaua, e stea chiagnenno;
 Ma Rienzo, che la stea ad' ausoliare,
 Se pēzaie Cecca, e ghiette a l'ancorrēno,
 Canoscie Carmosina a lò parlare.
 Et isso se nzeccaie muto tremenno,
 E chille vecchie, vedennolo armato,
 Ogn'vno de paura fù agghiaiato.
 Rienzo ariācaie la spata, e ghiette adduosso,
 A chiste quattro vecchie nzallanute:
 Nullo de lloro niente se fù muosso,
 Ma steano tutte quante sbagottute:
 Dette na botta a vno a lo nfraccuosso;
 Ma lloro erano già tutte ammotute,
 E de lo iaio tutte ntesecaro,
 E tanno mpreta marmola tornaro.
 Sti quattro vecchie erano puerielle,
 Et ogn'vno campaua cò pescare:
 Lo iuorno icano cò li vuzzarielle,
 E la gente portauano a sbarcare;
 Ma chella sera, cò cierte tenielle
 Erano iute, ped' acqua pigliare;
 E comm' appeto vulto l'arme mosse
 Se le chiauaieno sotto de le cosse.

Oie è lo iorno, che stanno agguattate,
 E deuacano l'acqua adaso adaso;
 Ogn'vno stà co le spalle vòtate,
 Conformà se trouaie, cossì è rommaso;
 Ma Carmosina, e Rienzo assaie spantate
 Fuino, ca se trouaieno cossì à caso,
 E bello chiano chiano s'abbiaro,
 E chille vecchie à lo muolo lassaro.

Mà io perzì le lasso arrepolare

A no pontone, sotto a na pennata,
 Che la matina voleano aspettare,
 Pè ghì trouanno Cecca sfortonata,
 La quale steua sempe a lagremare,
 Ch' hauea allauaniata chella strata,
 E steua dintò de na grottecella,
 Senza prouare manco na panella.

Ma sulo li lammiente erano ciuo

Cuotto a lo fuoco, che teneua mpietto;
 E commo fosse cannella de fuo,
 Se ne scolaua, senza manco lietto.
 Dicea chiagnèno: Ah Rièzo, cōmo priuo
 Si de me, io de te, senza recietto?
 E commo pò campà st'affritta vita,
 Si stace da la toia desonita?

Negra me sfortonata, e commo sola

Potarraggio contenta maie campare?
 Abbannonata dintò a na gaiola
 De penziere, sciaure, e pene ammare:
 Si bè la rompe lo tiempo, che bola,
 Rienzo da ccà schitto me pò cacciare,
 Mà cchiù prietto io mēdesema sarraggio
 La Parca, e dà sti guaie ne sciarraggio.

Ma

Ma meglio a' saie farria, che cò sta spata,
Cacciasse chisto spireto dogliuso;
Azzò pò iesse spierro p' ogne strata,
Pè fi che troua Rienzo mio ammoruso;
Cossi dicette, e priesto na stoccata
Se schiaffaie mpietto], e fece no pertuso;
Da doue a furia lo sango scorrette,
E lo spireto n'aiero se ne iette.

Ma tornammo a lo Rrè, che la risposta
Cchiù non hauette, nè lo mmasciatore,
Che fu forzato mannarence a posta
N'hommo che fosse chino de valore:
Fece de li cchiù meglio fà na mosta,
Pè sceglierenne nfrà chille lo shiore;
E de parere fù ch' a Sarchiapone
Mannasse capitano Cesarone.

Ed'isso iette, pè sapè, che n'era
Fatto de sto Schirofso tradetore,
Arriuaie doue steua la bannera
De Sarchia, e llà chiàmaie lo mmasciatore;
Schirofso scette co na bona cera,
E disse à Cesarone; Oh seruetore.
(Isso respòse) bè che cosa faie,
Che la risposta no la puorte maie?

Isso remmase quase nzallanuto,
E non sapea che dicere, ò che fare;
Volea parlare, ma stea sbagottuto,
E nfacee se vedeua ianchiare,
Da chiste signe l'appe canosciuto
Cesaro, che sapea conz iderare,
E le dette arraggiato no scennente,
Che le fece fantà lo meglio dente.

Le gente, che senteano sto remmore ,
Corzeno tutte quante , pè spartire ,
Et a Schiroffo iettano nfaore ,
Che de dolore quase appe a morire ;
Ogn'vno muosso da no gran forore ,
Chi volea fare, e chi voleua dire ;
Ma Cesarone, ch'era alsaie forzato,
Appe ogn'vno de chille ntommacato.
E pò le mannaie tutte à desfedare ,
Che scesseno ncampagna tutt' armate ;
Cà illo propio se volea prouare ,
O cò lanze , ò cò pertecche , ò cò spate ;
Sarchia, che ntese chesto , fà chiammare
Masillo, e Micco, ch'erano approuate ;
E disse, che bolanno ogn'vno iesse ,
E cò chisto nnemmico commattesse.
Ogn'vno se mettette na corazza ,
La spata a lato , e ncapo na chianetta ;
Micco na lanza , e Masillo na mazza ;
Pè fà de stò nnemmico gran mennetta ;
Scetteno tutte duie fore à la chiazza ,
E sparaieno na botta de scoppetta ,
Pè dà lo signo a lo gran Cesarone ,
Ch'erano sciute leste a la tenzone.
Subbeto Cesarone fù accostato ,
Pè se prouare primma co Masillo :
Mà ilso se fù priesto crauaccato
Cò no zumpo , che parze malto Grillo
E l'vno, e l'auto pò se fù allargato ,
Pè se passare comm' a bertecillo :
E cò le lanze se corzeno a dare ,
Mà à primmo non se potteno spezzare.

Pò tornano a botare li caualle ;
 E danno n'auta strenta de sperune :
 Ogn'vno s'abbasciaie tanto le spalle ,
 Che li pietre toccauano l'arciune ,
 E se nericcaieno pò comm' a duie galle ,
 All'hora quonno fanno a costiume :
 E pò arrancaieno tutte doie le spate ,
 E stoccate se dettero , e mbroccate.
 Lo cauallo de Mase fù feruto ,
 E le cadette nterra meza aurecchia ;
 Issò non restaie niente sbagottuto ,
 Ma dette a lo nnemmico na sferuecchia :
 Chillo la reparaie cò lo scuto ,
 E ncapo a issò stese la ferrecchia :
 E fù de puzo lo gran sferuecchione :
 Che tutto l'ammaccaie lo mmorrione.
 Masillo, comm' a piro traboccaie ,
 O puro comm' a strummolo rotanno ;
 Ma Cesarone priesto scrauaccaie ,
 E le stoiaie la facce cò no panno.
 La botta buono te lo ntrommentaie ,
 Che creo, ch'appe a morì tanno pè tanno ,
 Pò ncoppa a lo cauallo a l'abboccune
 Lo mese , e l'attaccaie co na fine.
 Ma, dapò ch'appe vinto stò nnemmico ,
 A Micco disse , si volea iostare :
 Issò respòse, Lo vero te dico ,
 Cà cò lo buono me vorria accordare.
 Cesaro disse : E tù viene cò mmico ,
 E cò lo buono fatte defarmare.
 Issò le dà lo scuto, e la corazza ,
 La spata, la chianetta, cò la mazza.
 Gerriglio ncantato. C E prie.

E priesto le portaie m'presonia
 Nnante a lo signo Cicco Coceniello,
 E tutto alliegro ieuà pè la via,
 C'è guadagnato hauea sto grāne appiello,
 Cicco, pè se sganà la fantasia,
 Le mannaie dinto de no cammariello,
 Pò Cerriglio auisaie de chesta presa,
 Cerriglio che stea sempe a la defesa.
 Quando s'asà noua iette a Sarchiapone
 De la perdeta grossa de st' ammicce,
 Se voze spertofare lo premmone,
 Si nò hauesse allegrate li nnemmicce:
 Schiroso se chiammaie, e disse, mone
 Che cosa te ne pare, e che ne dice?
 C'è pe l'ammore tuo haggio perdute
 Li meglio ammicce ch'aggio canosciute,
 Isso respole, Io mò voglio abbuscare
 L'erue, le prete, e l'aute scartapelle;
 Azzò pozzammo sso Regno ncantare;
 Et a sto Rrè cacciare le bodelle,
 E chille ammicce già recoperare
 Le bedarrite, e benì cò l'ascelle;
 Ma Sarchiapone, che steua arraggiato;
 Disse, v'è priesto, e mò singhe arriuato,
 Ma Cerriglio, che steua grannemente
 Colereco, c'è Rincio era sbignato,
 E chello, che le iea cchiù pè la mente;
 C'è s'era cò la figlia confarfato,
 D'arraggia steua tutto quanto ardente:
 Ma cò chella vettoria fù allegrato,
 E Sarchia stea cchiù d'isso sbagottuto
 Perche Cicco non era cchiù benuto.

Cicco

Q V A R T O.

51

Cicco, che s'addonaie, ch'era scomputo
 De scolare lo iaccio, comm' a scurmo,
 Senza fatica se trouaie sciogliuto
 Da chillo mpaccio legato a chill'vrmo,
 E isso priesto, e miezo sorreiuto,
 S'abbiaie turdo, e de paura curmo,
 E la via de lo campo icua ascianno
 Pè non hauere quacch'auto malanno.
 Icuà pè chesta strata, e ghica pè chella
 Ad ogne bico icà tenenno mente,
 Arriuaie doue stea na sentenella,
 Ch'era de Coceniello no sorgente;
 Isso s'annasconnette a na portella,
 Cà non sapea, chi fosse, o de che gente
 Chillo chi è là? tre bote le dicette;
 E isso zitto, & agguattato stette.
 Chillo shioshiaie lo miccio pè menare,
 Ma sulo appiccecaie a lo focone,
 E chella vampa le fece mostrare
 La facce, che pareva iusto Nerone;
 Volenno Cicco la vita scampare,
 S'accostaie bello bello a lo pontone;
 E le sciccaie la spata da lo lato,
 E l'appe tutto quanto defarmato.
 Pò comm' a ciucciariello lo legaie,
 E disse, priesto viene carcerato,
 E isso chiano chiano s'abbiaie,
 Che manco na parola appe parlato;
 Cicco, p'essere sciuto da li guaie,
 E pè isà presa icà tutto preiato,
 E ghica a la mpresa pè la chiazza vrana
 Guidato da li ragge de la Luna.

Dapò, ch'appe no piezzo cammenato,
Da lontano scoprette certe gente,
Isso miezo restaie mmarauegliato,
E sempe a chella via teneua mente,
Che se prnzana, ch'erano sordate
De lo nnēmico, e tremmaie fortemente;
Ma canoscette pò lo paueglione,
Addoue sole a stare Sarchiapone.

Pè l'allegrezza non potea capere
Dinto a li panne, & horamaie crepaua,
E disse, Ecco cà mò torno a bedere
Li care ammice, che desedderaua,
Cient' anne mò me pare de sapere
Chello c'hà fatto chesta gente braua,
E mill'aute anne de mettere fuoco
A Cerriglio, a la gente, e affi a lo cuoco,
Pò Gione ngratiaie cò doie mane,
Cà l'hauea fatto tornare a chell' hora,
Pò disse, ò tenne meie Napoletane.
Shiauro vene da vuie, che me nnammora:
Pò priesto s'accostaie a chelle tane,
E se portaie chillo presone ancora;
Ma quanno fù da chille canosciuto,
Preiato ognuno nnante le fu sciuto.

Sarchiapone vedennolo tornare
L'addommannaie, che cosa haueua fatto,
Isso ogne cosa se mese a contare,
E cōm' hauuto hauea lo schiacco matto;
Mà m'abbesogna Cicco ccà lassare,
A tale ch'io non esca da lo patto,
E dicere de Rienzo, e Carmosina,
Cà horamaie s'accosta la matina.

Rienzo

Rienzo già se volena appapagnare ,
E Carmosina puro a chillo luoco ,
Quanno na Coccouaia ad'alluccare,
Ntese , che le crescette cchiù lo fuoco ;
Disse, chì sà si chesta non pò ashiare
Lo suo compagno pè chist'airo vruoco,
E commo lo sapesse cà io puro
Vago cercanno Cecca pè sto scuro.
Ma isso non sapea cà nchillo auciello
Lo spireto de Cecca ne' era nchiuso.
Le venne ntuorno, e ncoppa a lo cappiello
E isso stea tremmanno , e paurafo ,
Pò le lenaie da cuollo lo mantiello,
E isso cchiù tremmaua, e stea confuso ,
Pò lo portaie pè l'airo volanno,
E isso appriello lo ije secutanno ,
Tanto, che doue Cecca lo portaie,
E appriello a isso ieua Carmosina ;
E commo fù arriuato, lo lasciaie
Cadere ncoppa de Cecca meschina,
Rienzo da llà lo ferraiuolo auzaie.
E co' lo lustro pò de la matina ,
Vedde Cecca l'peduta , e cò la spata
Pè fi a la groce a lo shianco nfilata.
Conzidera tù mò, che grà strillare ,
Che sciabacco, che triuole, e che chianto,
Che greciello, che riepeto, e sciccare, (to
Che streuerio, che allucco, e che grā schià-
Llà nce mmattette ; non se pò contare :
E perrò nò lo conto, nè lo canto ,
Mà sulo Rienzo pè soperchia doglia ,
Cò no cortiello se tagliaie la coglia.

54 CANTO QUINTO.

E cossì morze, e ghiette all' auto munito ;
 Carmosina chiagnenno se fermaie ;
 L'auciello dinto a no portiello tunno
 Se mese, e preta marmola tornaie ;
 Cecca lo stesso, e stea cchiù sotto nfunno
 Coreata nterra morta se restaie, (to
 Ch'hoie è lo iurno, che lo cuorpo mtor
 A la fontana stà de mmiezo Puorto,
 E cossì cò la vita lo dolore
 Scompettero, e li guaie de chisto munno.
 Perzò quanno te pienze cò st'ammore
 Essere ucielo staie a lo spreffunno.
 Lloco la naue chiena de ss'ardore
 Ietta l'ancora soia a chisto funno.
 Perzò mparate vuie da mò nnenante.
 Cà mò vene Schirofso co li ncante.

Scompitura de lo terzo Canto.



55
A R G O M E N T O.

Schiroffo fà lo ncanto. E desfedato
Da Cicco Sarchia. Liso Cicco abbatte,
M bufaro Cicco; e ncasa è trasformato
Liso: Cò Sarchia Cesaro combatte:
Sarchia le brache n'auciello ha mutato,
Cerriglio de dolore arraggia, e sbatte.
Iacono cò na mascara de morte.
Fà restà li nemmice mieze muorte.

CANTO VI.

LA Sore de lo Dio, che l'hore sparte,
Hauea lecentiata ogne zitella:
Sulo ncè steua l'ammica de Marte;
Pè se fare a bedè, ch'era cchiù bella:
Perche da l'hora, che mmescaie le carte,
E ncè fù còuta a chella rezzetella,
Stà sempe cò Diana accompagnata,
Pè fà vede a lo Munno, ch'è norata,
E Schiroffo venea co no sportone
De scartapelle varro pe'ncantare;
E neuollo s'hauea puosto no robbonè,
Ch'abbesognaua de se l'accorciare.
Arriuaie nnante a lo gran Sarchiapone,
E disse, Sù volimmo accommenzare?
Isto disse, Vorria, che fusse iuto;
Auze che fosse iso ncanto scomputo.

Isso priesto cacciaie mmiezo a la via
Na tauola cò mille scartapelle ,
Che pareva iusto na spetiarìa
Cò tanta mbrogliè, e cò tanta aruarelle :
Pò, pè bolè chiammà chillo che sceria ,
Da sotto se cacciaie doie bacchettelle,
E sengaie nterra no gran chirchio tunno,
E mmiezo ncè pegnie lo Mappamunno.
E pò veruesciaua zitto zitto,
Commo dicessè qualeche gran cosa ;
Sarchia le disse, E bè, che cosa haie ditto,
Ch'ogne parola la dice annascosa ?
E isso a Sarchia tenne mente fitto,
Pò disse, de grammateca pelosa
Certe parole sò , ch'anno vertute
De fa veni dociento tarramute.
Pò chammaie da lo Regno de Prutone
De Spirete na frotta arrasso sia,
Ch'appero à fa sorreire à Sarchiapone ,
Quanno le bedde mmiezo a chella via :
Se chiauaie dinto de lo paueglione,
E pè na senga pò facea la spia ,
E l'aute tutte se fuino cacate ,
Che l'vno all'auto s'appeno ammorbate.
Mà da coppa a la torre de Cerriglio
Vno teneua l'acchiaro à cannuolo,
Che cchiù, ò mào scoprea miezo miglio,
Comm' a dire da Puerto affi a lo muolo,
Vedde Schiroffo , e chillo grau vesbiglio
Mouere, e ghire Zorfariello a buolo :
Isso priesto auisaie tanno pè tanno
Lo Rrè ch' hauea scopierto chisto ngāno,
Lo

Lo Rrè remmase tutto sbagottuto ,
E lo conziglio fece llà chiammare ;
Azzò le conzigliasse quacche aiuto ,
Cà si è ped'isso non sapea che fare ;
Ogn'vno all'ancorrenno fù benuto ,
E accommenzaino subbeto a parlare ,
Pò fuino de parè, che Cesarone
Iesse a cortellià cò Sarchiapone.

Cesarone volanno s'appe miso
No pietto a botta de na cannonata ;
E pè paura de n'essere acciso
Na spata de seie parme appe abbuscata :
Pò no guarzone , che hauea nomme Liso
Chiammaie , che le portasse la celata,
Et a cauallo priesto fù sagliuto,
E senza ntrattenere fù partuto ,
Ne nattemo fù ghiuto, ed' arriuato,
Nmiaie lo Paggio a Sarchia, e le mannaie
A dì, che fosse sciuto tutto armato ;
Ca voleano scì tanno da sti guaie,
Chillo figliulo, commo fù arreuato,
Primmo de Sarchiapone , Cicco' ashiaie ,
E disse , site vuie Sarchiapone ?
Cà lo desfida lo gran Cesarone.

Cicco le disse, Io fongo , e balle a dire ,
Cà mò mò vengo a fà quant'isso vole ,
Ma che se tenga mmano de morire ,
E de maie echiù vedere scì lo sole :
Perchè la voglio mò propio scompire ,
E dare fatte a chi me dà parole ;
Liso le disse, auto non pozzo fare,
Che la mmasciata irele a portare.

E cossì se ne iette a lo patrone
A dicerelle quanto le dicette ;
E llorò se fermaino a no pontone ,
P'aspettà ste barruffe, e ste mennette,
Cicco se v' a piglià da Sarchiapone
L'arme, e pò priesto neuollo se le mette ,
Pò se mette a cauallo, e bà affrontare
Chillo, che l'hà mannato a desfedare.

A chillo luoco subbeto arriuaie ;
Pò disse miette mano a chessa spata,
Ma Cesarone subbeto cacciaie
La spata, pè le dà na cortellata ,
Ma Schirosso de chesto s'addonaie,
E chella mbroglià l'appe scommogliata ;
Zoè mannaio a dire a Cesarone
Cà chillo è Cicco, e non è Sarchiapone.

Cesaro mò non voze sferriare,
Cà steua mpicco de no gran guerriere,
Ma disse, si volea cortelliare
Primmo cò Liso, ch'era lo scotiere :
Da lo primmo isso non volea azzettare,
Ma pò le patze buono lo penziere ,
E disse, Priesto sù mettimmo mane,
Cà mò te caccio da cuorpo lo pane.

Liso cacciaie la spata, e cò lo scuto,
Se mese mposta bello a no pontone,
Nò hauea paura d'essere feruto ,
Perche sempe pigliaua lettione ,
E primmo no gran tiempo isso fù ghiuto
A la scola de masto Palatone ,
E llà mparaie domilia sbaratte ,
Che manco hauea paura de le gatte.

E Cicco

E Cicco mposta co na spata puosto
Se fù, che pateva spito bolognese ,
E stea arrapato, e cchiù, che breccia tuosto
Ch' hauarria dato mmaisto a no paiese ,
Tanno dicette Liso, chisto vuosto
Chilleto stimmo iusto no torneise ,
Perche mò la recauo, e boglio ntrare,
E faretella da mano saurare.

Cicco, che sente chesto dà na fenta,
Pè fare, che lo scuto isso allargasse ;
Ma Liso manco sale se spauenta ;
E segne, commo non se n'addonasse :
Ed' isso torna cò na grossa spenta ,
Che parze furia, o puro Sautanasse ,
E couze a lo guancetto de lo scuto,
Che s'appe tutto lo spito spontuto.

Ma quanno Liso le vedde sautare
Tre deta de la punta de la spata,
Se mese mposta de volere ntrare ,
E metterelle franca na stoccata :
Ma pò s'attenne, e disse , che buoie fare ?
Vuoie , che te lasa acciso a chesta strata,
O veramente te vuoie fà legare,
E mpresonia farete portare ?

Isso se stette zitto, e non voleua
Dirè nè sì, nè nò, cà stea scornato,
Ma cò na facce affritta se chiudeua
Le spalle, e nterra lo fronte mpizzato :
Cesarone de chesto se rideua,
E disse , e bè non staie cchiù arrapato ?
Ca te n'iere venuto cò na rafa
De Sarchia, a sbregognare le la casa.

Và figlio mio vattenne a lo castiello
A bisetare li compagne tuoie :
E tù lo porta nuante a Coceniello ,
E pò lo miette cò l'ammice suoie.
Liso lo lega cò no funeciello ,
E lo portaie , comme se fà a li vuoie ;
Ma Cicco volea bello guatto guatto
Coglieresella, e nò le venne fatto.

Isso se resolie de volere

Fuì pe forza, e de Liso lassare :
Ma Liso, che se steua a lo bedere,
Steua aspettanno che boletta fare ;
Faceua nfenta de lasco tenere ,
E isso fà na forza, pè sbignare :
Ma Liso tenne strinto , e mpontaie nterra
Li piede, e buono a la fune s'afferra.

Cicco tutta la forza soa metteua ,
E Liso appriesso se lo strascinaua,
Che si a sciorte quarcuno lo vedeva,
Parea, che Cicco a Liso ncarcerava ;
Lassa cornuto (Cicco le diceua)
Liso li Deie n'ainto chiammaua :
Quanno vediste le gamme mpontare
De Liso, e ndoie colonne trasformare.

De lo cuorpo se fece no palazzo ,
E restaie mmiezo la chiazza chiantato ,
Le mano aniello, e catena lo lazzo,
Con che Cicco stea buono annodecato ,
Cicco non appe libertà da pazzo ;
Ga mbufaro da chille fù mutato ,
E cossi soccedette chisto caso ,
E restaie bello bello pè lo naso.

La spata che tenea Liso a lo shianco,
Fù fatta a Spagna da no masto buono ;
Pò nFranza stette , e de sanà lo granco
Acquistaie sà vertute cò lo suono ,
Ma chillo, che sta'ncoppa de lo banco
De la festa celesta, & hà no truono ,
Voze la spata vertolosa, e bella
Mutarela d'alluogo na cartella.

E cossi se restaino a chillo luoco
Mbufaro Cicco , e Liso alloggiamento,
Cossi bà chi na cosa piglia a ghiuoco ,
Che in porta, e ncè dà poco sentemiento,
Cossi è chi mmano vò piglià lo fuoco,
E lo vole astutare cò lo viento ;
Che, pè se temperare l'abbruscioire ,
L'allumma cchiune, e sente cchiù l'ardore

Tornammo a Cesarone, ch'era iuto
N tratanto a desfedare a Sarchiapone ,
E Sarchia d'arme ianche era vestuto,
E sciuto ncompagnia de Iacouone
La lanza mmano, e nnante no grã scuto
Se mese, e ncoppa a no gran cauallone;
E tenea ncoppa de na pauesera
De mille penne na gran pennacchiera.

Iacouo no moriello hauea abbuscato,
Ch'era comm' a la morte sicco sicco ,
Et era'mpasso mpasso arragamato
D' arragamo de chiale muto ricco;
N' vocchio hauea guercio, e l'auto hauea
Che cacciato le fù cò no palicco; (cecato,
Hauea tutte le coscie scioffellate,
Che contà le porie le costate,

Se vedeno, s'affrontano, e s'accostano,
 Rideno, se salutano, e se chiammano;
 Se toccano le pratteche, e se mostano
 Ntreppe; pò s'arraggiano, e se nshiāma-
 Se votano, s'allargano, e se scostano, (no,
 Se stregneno, se mmešteno, e s'arrañano,
 Se zollano, e le coppole s'ammaccano,
 Se menano, se parano, e se shiaccano.
 S'abbasciano, pò s'auzano, e se tirano,
 Se stizzano, se fermano, e se scornano,
 Mò shiatano, e se posano, e ritirano,
 P'accidere, e pè bencere pò tornano,
 S'acceonciano, pò passano, e se mmirano;
 S'appontano, s'ānettano, e pò s'ornano:
 Pò icctano li fodare, e sferreiano,
 Se pesano, se pogneno, e stroppeiano.
 Pò scenne ogn'vno da cauallo nterra,
 Pè fa l'vno dell'auto gran scamazzo,
 E Sarchia auzauno la pesante sfera,
 De li vracune se rompiè lo lazzo,
 E fece zita bona a chella terra,
 Gh'ogn'vno se pigliaie no gran sollazzo,
 Vedenno Sarchia comm' a no scolaro,
 Quanno le cauze a brache se calaro.
 Ilso, pè non restare perdetore,
 Perche chelle le deano gran trauaglio,
 Le boze priesto sbalanza da fore,
 Comm' a palla truccata da lo maglio,
 Le mannaie tanto nauto, che quatt'hore
 Saglieteno, e pareano quant' a n'aglio,
 Tanto che pò se n'erano scordate,
 Quanno s'appero n'airo scommegliate.
 Tutte

Tutte chille sordate, e chelle gente,
 Vedenno chelle brache abbecinare ;
 Ogn'vno a chella via teneua mente ;
 Tutte tremmano steano ad' alluccare ;
 Tanto cchiù, che lo sole asfaie lucente
 Le faceua parere a lo calare ;
 E tanno se metteano ncelleuriello,
 Ch'era de Giove lo famuso Auciello.

Perche pareua capo la vrachetta,
 E li cosciale pareuano ascelle,
 Ogn'vno coriuso chillo aspetta ;
 Ma pauruso de noue scentelle :
 Chi la picca pigliaie, chi la scoppetta ;
 E steano tutte comm' a sentenelle.
 Giove, che bedde st'ardire sciaurato,
 Dé collera se fece asfaie ntosciato.

E disse all' aute Deie, Facimmo caso,
 Che chello che se penzano bè fosse :
 S'hanno da fà lo sinape a lo naso
 Venire pè me dà cottura, e tosse ?
 Non fanno li Giagante, che remmaso
 Ogn'vno fù dinto a le seure fosse ?
 E subbeto ordenaie, che Febo desse
 Spireto a chelle, e auciello le facesse.

Tanno Cerriglio fù chiaruto buono,
 Vedenno chill' Auciello stremmenato,
 Le parze d'hauè neapo no gran truono,
 E steua tutto quanto desperato ;
 Chiagnea a selluzzo cò dogliuso suono,
 E pò lo mmeiglio meglio appe adunato.
 Pè ghiresenne cò la meglio gente ;
 Pè non fare la chiaia cchiù fetente.

Ma

64 CANTO SESTO.

Mà torno a Ghiacouone , ch'era arcüo ,
 Che se mettie na mascara de morte ,
 E pè fare a Cerriglio cchiù corriuo ,
 Iette a cauallo f'nnante a le porte ,
 Ogn'vno miezo muorto , e miezo viuo
 Restaie , & a fà se mese forte ,
 E così cò sà burla Iacouone
 Fà vincere cchiù priesto a Sarchiapone.

Mà Schiroffo vedeano la Fortuna
 Che ghica nfaore a lo gran Sarchiapone ,
 Tutte le mbroglie soie priesto s'aduna ,
 E n'enchie varro varro lo sportone ,
 E ò l'appe legato cò na funa ,
 E lo trasie dinto a lo paueglione ,
 E disse a Sarchia , cà isso era stato ,
 Ch'appe tutto l'aferzeto ncantato.

Sarchia se lo credena, bestiale,
 Che isso hauea ncantato chelle gente,
 Vozzacchio, sciauratone , arce anemale,
 Chessa papocchia se fà ir' a mente,
 sciaddeo, maccarone senza sale ,
 Facce de no cerulo de semmente
 Sarchia , e Schiroffo , e chi credere vole
 De sso Schiroffo le fauze parole.

Pauruse, tremmante, e sbalisciate
 Restaieno chelle gente de Cerriglio,
 Cesarone, e cert'ate carcerate
 Restaieno , e isso comm' a no coniglio ;
 Ordenaie pò , che fossero portate
 Lontano da la terra miezo miglio ,
 E isso s'allestea, pè se n'entrare,
 E mmiezo a lo Cerriglio trionfare.

Scomparsa de lo sesto Canto. Ar-

ARGOMENTO.

Cerriglio se ne fuie pè la gran guerra :
 Pò troua Carmosina, e se ne vanno.
 Sarchia entra triōfante a chella Terra.
 E scareera le gente, che ncè stanno.
 A maro cade Carmosina, e nterra
 No Darfino la porta , sbarca tanno
 Cerriglio à Frorio. Sarchia fa tornare
 Ogn'vno a la soa forma , e stà a sguaz-
 (zare.

CANTO VII.

MVsa mò vienetenne cò no cato
 Zippo dell'acqua fresca d'Alecona ,
 Cà longo tutto ncuorpo dessecato ;
 E tiessème a la mpresa na corona ;
 Mò m'abbesogna d'essere aiutato,
 Mò si ca me vuoie fa na cera bona ;
 Azzò pozza scompire de cantare ,
 Cà la coda è cchiù forte à scortecare.

Cerriglio sfortonato fece aprire
 La porta fauza de la strettoletta :
 Azzò non fosse visto a lo fuire
 Da quarche spia , o quarche sentenella ;
 Cò issò Coceniello voze jre,
 Nzembra cò l'aute de ciappa, e de sella ,
 E le steua aspettanno Patron Luca
 A lo Mantracchio cò na gran felluca.

Icua-

Icuanò tutte quante adaso adaso,
Che manco se sentea scarponiare,
Accappucciato ogn'vno affi a lo naso,
Comm'a chille, che soleno arrobbare;
Cò lloro se portaino pane, e caso,
E bino azzò potesseno campare
Pè lo viaggio, affi che chella rota
De la fortuna l'auza nauta vota.
E mentre icano tutte zitto, e mutto,
No furzo d'acqua venere volcua
Cèrriglio, e s'accostaie a chillo butto;
Addonè d'acqua na gran furia sceua;
Quanno sentie da dinto a lo connutto
Na voce lagremosa, che diceua;
Io Cecca sò, e te cerco perdonanza,
Cà t'aggio fatta sta mala crianza.
Quanno Cèrriglio sta voce sentette,
Restaie comm'a chiafeo tutto ncantato,
E lo gran chianto tenè non potette,
E bolanno appe ogn'vno perdonato;
Ogne compagno miezo da se scette,
Ch'appe ogn'vno a restare speretato;
Quanno apparè vediste Carmosina
Cò na stanfella, e ncapo na mappina.
Tanno lo Rrè a essa addommannaie
De lo negotio, e comm'era passato.
Dall'aco affi a lo filo essa contaie,
E Rienzo cchiù d'ogn'auto appe scusato:
E isso a perdonarele tornaie,
Mà non pè chesto non stenu accorato,
Anze cò chesta noua ch'appe hauuta,
Fù cōmo ncoppa a cuotto acqua volluta,
Pè

Pò se ne iero, e a lo maro arriuate,
 Ogn'uno se mmarcaie lagremanno:
 Appero priesto l'ancore tirato,
 E a la fortuna mpotere se danno;
 L'argiento muollo cò li rimme sgrate
 Rompeno, ma non fanno addoue vauino,
 Vanno addoue la sciorta, e lo destino,
 O lontano le portano, o vecino.

E mente vò Cerriglio, e li compagne
 Cò chella varca de male contiente,
 Aranno de lo maro le campagne,
 Mpotere a la fortuna, & a li viene:
 Io torno a Sarchia, che da li carcagne
 Chino de contentezza affi a li diene
 Era cò Cola, e Ghiacouo pè ntrare
 A lo campo de vino, e trionfare.

L'auciello ch'era vrache pè cauallo
 Sarchia se serue, e se ncè mette ncoppa,
 Neuollo se mese no vestito giallo,
 E se portaua lo gran Cola ngroppa;
 Mmano tenea de vruoccole no tallo
 Pè scettro, e nante lacouo na coppa,
 Cà l'hauea dato affitio de coppiero,
 E ghica a cauallò ncoppa a no sommiéro.

Ncapo s'haueua posta na corona
 De vruoccole spicate a la smargiassa;
 E nnanze ad isso icua ogne perzona
 Facenno largo, azzò che Sarchia passa;
 Ogn'vno le facette cera bona,
 Sulo na certa mmardetta vaiassa,
 Ch'a lo trasì la porta de lo muro
 Ncapo le denacaiè no pisciaturo.

Isto

Illo se pigliaie collera, e nzorfato
Se mostraie buono, e se mese a gridare,
Ma Cola l'appe subbeto pracato,
Cà finò, se voleua desperare,
E disse sempe vene temperato
Cò lo desgusto, lo gusto, e l'amare
Cose vanno a ti cùà sempe le doce,
Cchiù che non corre lecora a la noce.
Ma pò cò tutte chelle gente armate
Se ne trasette comm' a Mperatore
Fuino le porte llà spaparanzate,
Pè fà trasi ssò granne vencetore,
Commo tutte le gente fuino ntrate
Gridaieno, Viua Sarchia gran signore,
E llà corzeno tanta a mille, a mille
A fà allegrezza cò fische, e cò strille.
Pò iette a raperire lo castiello,
E fece scì da dinto a la gaiola
Li due presune Mase, e Menechiello,
Ch'haueuano de scì gran cannauola,
Pò scerauaccaie da lo canallo auciello,
Et ordenaie, che cò Schiroffo Cola
Iesse a piglià no buono arcuolo chino
De chello gran licore tanto fino.
Pò commannaie, che priesto se mettesse
Na tapola pè fare gran bazzara,
Et ogn'vno la panza s' allestesse
Pè smorfire, e la canna se prepara,
Che ghiettano li giacche co l'allestesse,
E pigliano lo spito, e la cocchiara,
E a l'ancorrenno ogn'vno affaccennato
Che scocchiareia, e scumma lo pignato.
E men-

E mentre chiste ccà vanno allestanno ,
 Chillo banchetto pè scrofoniare ;
 Torno a Cerriglio , che ghieua correnno
 Pè chillo guorfo, e s'appe ad' annegare,
 E Carmosina, che ghieua vedenno
 Dinto a chell'acqua si potea ncappare
 No pesce, mentre la mano stennette,
 La varca s'abboccaie , e ncè cadette.

Subbeto lesto venne no Darfino ,
 E se la utorzaie ncoppa a lo scartiello ;
 E bolanno pigliaie lo cammino
 Pè coppa all'acqua commo fosse auciello ;
 Comm' a lo shiatamone fù becino
 All' onna le raprette no portiello,
 Iso lla'ntraie ; e fece da la schena
 Carmosina cadè ncoppa a l'arena.

Elsa restaie sorreseta , e storduta ,
 Pò iea pè coppa a chella arena sperta
 Tutta tremmanno, e meza nzallanuta,
 Quanno scoprie na porta, che stea aperta
 Elsa anemo se dette, e llà trasuta
 Fù, pè non ghire sempe maie deserta ,
 Pò fu da lo patrone de la casa
 Accouta, e llà pè sempe fù rommasa.

Chisto patrone era hommo vertoluso
 Che capo allietto fù da li pasture ,
 Hommo fedele, cortese , e ammoruso
 De quanta appeno maie couernature,
 Chisto cchiù d'vno fa-restà confuso ,
 Cò le parole addorose de schiure ,
 E quanno canta, pare n'auto Orfeo ,
 E fa quarcuno remmanè chiafeo.

Ma

Ma tornanno a lo Rrè male contente,
Che pè paura de non s'annegare,
Se conzigliaie cò tutte chelle gente
De volè nterra la varca accostare,
Scoprie lo Regno de lo suo parente,
E a chillo puorto voze i a sbarcare,
Che Frorio nome haueua, da chell'oma
Che fatto fù da la Regina Frora.
Frorio mò lo venne ad' affrontare,
E le fece carizze, e nore asfaie,
E cò isso lo fece llà restare,
E pò lo connortaie de chille guaie,
Et io perzì abbesogna ccà lassare
Sta gente cò li lloro catalaie,
E cò quatto parole priesto priesto
De Sarchiapone dire l'auto riesto.
Schirosso era venuto cò lo vino
Nnante all'Aroie famuso vinctore,
Chillo lo fece mettere vicino
A lo musso de Peppo, e' a lo Dottore:
Mà Tonno mò, ch'era no gran chiappine
Sentette da lontano lo grà addore,
E corze, e cchiù d'ogn'auto isso forchiaie
Et a la primma forma retornaie.
L'autè perzì zoè lo Gatto, e l'Vrzo,
Pè la vertute de la maruasia,
(Che mparte lloro n'appero no surzo)
Tornaino huomène mmiezo a chella via
Mmarquegliato ogn'hommo llà fù curzo
E bedde chella gran fattocchiarìa
Sanare, e tanno tutto quanto ammisso
Sarchia rommase, che pareva de isso.

Pò pregaie Marte, ch'a Giove parlasse,
E facesse tornà Cicco comm'era;
Poccha isso è lo Dio de li smargiasse,
E Sarchia d'isso porta la bannera:
Mà Giove mò pè non fà cchiù fra casé;
La gratia fece cò na bona cera:
Ma, ch'ogne ghiuorno fece fà strōmiēto:
Che ghiesse Cicco a chillo alloggiamiēto.

Perzò se vedea sempe spelsiare
Pè dinto, e fore, e pè bascio, e pè fuso,
Cà voleua lo vuto sodesfare,
Cà si nò bello sarria stato fuso.
Nfine se vedde llà hommo tornare
Comm'era primmo: ma stea alsaie cōfuso
Sarchia le disse: che d'haie a lo musso?
E tanno Cicco se facette russo.

Pò le respòse, e disse, sto nsignale
Me l'ha fatto l'aniello de lo naso:
Isso le disse, và via bestiale,
Che fuste (ò braua cosa) ccà remmaso;
E t'haie fatto tirà brutto anemale
Comm'a no forecillo da lo caso,
Hora và priesto, e fatte dece vagne;
Cà fiere, cà si nò cò nuie non magne.

Isso corre a lauarese la facce,
E pè ghire a la mpresa appe a cadere;
Perche sentea l'addore de migliacce
E boleca priesto irele a bedere,
Vedde venire cierte sanguinaece;
E isso priesto se corze a sedere,
Sarchia lo vede; e fa ch'ogn'hōmo dica;
A magnà non se và senza fatica.

Curte

Curre l'è ditto, curre a faticare,
 E non hauè a la impressa che sta allanca;
 Aintance a lo immanco a cocinare,
 E non passare pè la maglia franca;
 Miettete tu perzi a scocchiariare,
 E non hauè paura, che te manca,
 Che tanto hauisse voglia de smorfire
 Quanta nè vonno ccà robbe venire.

Mo accommenza tutto affaccennato
 A botà spite, & a shioshià lo fuoco,
 Cò na cocchiara scumma ogne pignato
 E fa lo scarco sopra ogn'auto cuoco:
 Chello, che le pareua cocinato
 Se lo magnaua annascuso a lo bruoco,
 E pè fà priesto tutto s'appe cuotto,
 E s'abbottaie comm' a no ranauotto.

Pò lo gran Sarchiapone fà sonare
 Na caudara a recouta cò no cuorno;
 Azzò se iesse ogn'vno ad'aslettare,
 Ntauola pè filera ntorno ntorno,
 Ogn'vno corze, è posese a gridare,
 (E dicea) ccà se pozza fare iuorno:
 Pò li mappole priesto s'accorciarò,
 E de le brache le strenghe spantarò.

Ccà vediue na frotta spettorate,
 E forchiauano vruodo a buone cchiù:
 Da llà cierte aute vediue allancate,
 Ch' hauariano gliottuto lo Perù:
 Da nauta banna cierte mbriacate,
 E scostomatamente fanno bù,
 E ncrosione ogn'vno magna, e berna,
 Che de no Regno è fatta na tauerna.

S C O M P E T V R A.





